





# SUMMA PRIVILEGII REGII

I. Huiusmodi Privilegium, Regis R. Ca-  
 theolici, diplomate suo laudat, nequis, Iussu  
 Historiarum in alia Universitate Litterarum Pro-  
 tectionem Historiographi sui liberos quocunque, ac  
 solibus legitimis approbatos, prout ipsius, hinc inde  
 eius, volentem, inter triginta annos a prima sig-  
 num librorum editione computandos imprimat, aut  
 de totum in ipse, in hac insigne Germania di-  
 nes imporet, vendit, habeat. Quod fecit, prout  
 librorum constitutionem triginta annorum aut  
 illatione inlabatur. Vti laudis patet in litteris, datus  
 Transilvaniae, Febr. m. d. xlviii.

Uersus, Iussu,

I. Huiusmodi Privilegium, Regis R. Ca-  
 theolici, diplomate suo laudat, nequis, Iussu  
 Historiarum in alia Universitate Litterarum Pro-  
 tectionem Historiographi sui liberos quocunque, ac  
 solibus legitimis approbatos, prout ipsius, hinc inde  
 eius, volentem, inter triginta annos a prima sig-  
 num librorum editione computandos imprimat, aut  
 de totum in ipse, in hac insigne Germania di-  
 nes imporet, vendit, habeat. Quod fecit, prout  
 librorum constitutionem triginta annorum aut  
 illatione inlabatur. Vti laudis patet in litteris, datus  
 Transilvaniae, Febr. m. d. xlviii.

Iussu Iulius.




I V S T I L I P S I  
D I S S E R T A T I V N C V L A  
A P V D P R I N C I P E S :

item

C. P L I N I P A N E G Y R I C V S  
L I B E R T R A I A N O D I C T V S ,

Cum eiusdem L I P S I perpetuo C O M M E N T A R I O .

*Editio secunda, aucta & emendata.*



A N T V E R P I Æ,  
E X O F F I C I N A P L A N T I N I A N A ,  
A p u d I o a n n e m M o r e t u m .


c l o . I o c . I V .

*Cum Privilegiis Casareo & Regio.*



IVSTI LIRSI  
DISECTATIVINCVLA  
APVD PRINCIPES  
ITEM  
C. PLINII PANEGYRICVS  
LIBER TRAIANO DICTVS

Cum cunctis Lirsi-perpetuo Commentariis.  
Editio secunda, aucta & emendata.



AN TV ER PIA  
EX OFFICINA PLANTINIANA  
Apud Ioannem Moretum.  
cl. l. c. iv.  
Cum Privilegio Caesaris Regis.



SER<sup>MIS</sup> POTENTISSIMISQVE  
PRINCIPIBUS

ALBERTO MAXIMILIANI II.  
IMP. FILIO, FERDINANDI NEPOTI,  
RVDOLFI II. FRATRI:

ET

ISABELLAE CLARAE EVGENIAE,  
PHILIPPI II. CATHOLICI REGIS FILIAE,  
CAROLI V. IMP. ET REGIS NEPTI,  
PHILIPPI III. REGIS SORORI, INFANTI  
HISPANIARVM:

ARCHIDVCIBVS AVSTRIÆ,  
DVCIBVS BVRGVNDIÆ, PRINCIPIBUS  
DYNASTISQVE BELGARVM:

IUSTVS LIPSIVS  
SESE ATQVE ISTA  
CVM ÆTERNA FIDE, CVLTV, OBSEQVIO,  
DEDICAT CONSECRATQVE.






AM venit ad vos, PRIN-  
CIPES, *Dissertatiuncula* mea,  
an & vestram dicam?  
Vos iussistis, vos iuui-  
stis: nec nisi Genio illo  
Principum adspirante,  
vel tria verba hiscere potuissem, in tam  
clarâ luce subito deprehensus. Et à me  
quidem, res parua est: splendorem ta-  
men à vobis habet:& (fas sit dicere) vos  
ab eâ aliquem. vt dimanet ad exteros aut  
posterios singularis hic vester in optimas  
artes vel amor, vel honor: dimanet in-  
quam, in laudem vestram, in aliorum  
exemplum. Quo solo fine & causâ fa-  
teor me edidisse. Nam me & famam  
meam si spectem, quid accedit? imò de-  
cedat fortasse. sed vt miles, qui in acie  
pro Principe suo honesta vulnera acce-  
pit, adeò non celat ea, vt etiam reuelet



ac iactet: sic mihi visum, gloriosam hanc  
ignominiam subire, quæ seruiat nomini  
vestro. Atquin aliud etiam visum adde-  
re, quod non excuso: *Plinij*, inquam, *Pa-  
negyricum*, quem Traiano optimo Principi  
optimum laudatissimúmque scripsit.  
Nec id quidem magnum opus. tamen  
vt in exiguam sæpe tabulam orbis & re-  
gionum magnitudo aut varietas inclu-  
ditur: sic in hunc libellum, quidquid ad  
munus aut decus veri Principatus. Lau-  
dat suum Traianum, non monet, fateor:  
sed hoc quoque decorum apud Princi-  
pes, vt sub blando eo titulo, & boni quæ  
faciunt, recognoscant; & alij, quæ facere  
deberent, cognoscant. Quid, quòd Tra-  
iano dictus dicatúsque est, Hispano Prin-  
cipi, & qui primus florentis imperij sce-  
ptrum transtulit ad externam & suam  
gentem? Et eius gentis tu maternâ ori-



gine, ALBERTE, & longâ etiam inhabita-  
tione es: tu ISABELLA, ortu & stirpe.  
Accipite ergo, PRINCIPES, & munuscu-  
lum hoc, & munus: quorum illud feli-  
cium Auspicioꝝ vestrorum memo-  
riæ aliquid faciat; istud, Principatus op-  
timi ( talem ab optimis speramus ) ex-  
emplo. Louanij, prid. Idus Aprilis, an-  
no Christiano ∞. 100.





# AD LECTOREM.



**H**ABES duplex hîc scriptum, Lector:  
etsi, ut rem dicam, neutrum propriè  
tibi scriptum. Nam illud prius subita  
benignitas Principum elicit: cum  
Athenaum nostrum inopinatò vi-  
sentes, me quoque dicere aliquid subi-  
tarium voluissent, sine iussissent. Factum, dixi, edo, leuia  
& breuia: id est, illa ipsa qua dixi. Nam augere & poli-  
re, exemplo Veterum, atque adcò Tullij & Plinij, pote-  
ram: sed in re quæ ad Principes, Veritatem amari, &  
quidquid hoc fuit, damus sine colore aut fuso. Nectibi  
tamen, ut aiebam, propriè damus. sed ut qui sagittam  
mittit, scopum intuetur, non circumstantes: sic mihi nunc  
Principes in oculis, non si quis alius fortè leges. Lege ta-  
men me optante, & hoc saltem disce, magna quedam  
exempla cadere etiam in hoc ævum. An aliud illustrius,  
quàm feminam (ALBERTVM enim nunc omitto) fami-  
nam inquam, inter Principes principem, venisse utrò  
ad has litterarias recitationes, sedisse, audisse? Fecit. quid  
nisi heroinam illam JSABELLAM, at auiam suam, imi-  
tata? quæ adcò omnium rerum honestarum, tum etiam  
artium amore flagrauit, ut iam nupta & grandior  
Latinas litteras didicerit, cū intellegendi illo fine & fru-  
ctu. O eat in secula illud & hoc exemplum, & unà cum  
bonâ famâ, Principes ament Fama & Aeternitatis istas  
artes! Sed alterum etiam scriptum non ex destinatione  
tibi



tibi damus. Priori illi in hac occasione subiunximus, & aptum putauimus Principibus in viâ regiâ & rectâ dirigendis. Vetus est, non nego. sed non ut aromata vim suam auo exspirant; sic monita ista salubria & doctrina. imò contrà, auctoritatem & fidem ab etate sumunt. Ac meo voto, prisca illa, & usu felicia ac gloriosa, reuocentur: præ nouitijs quibusdam, obliquis, callidis, & quæ speciem magis prudentiæ, quàm ipsam habent. Melius profectò aquabiliusq; regantur res humana. Sed non huc eo. tibi si non laudatam, excusatam operam meam, Lector, volui: quam nulla ambitio, sed sola pietas in Principes expressit. Louanij, prid. Idus Apriles anni ∞. 10. C.





IUSTI LIPSI

DISSERTATIONCVLA

apud

SERENISSIMOS

ALBERTVM

ET

ISABELLAM

BELGARVM PRINCIPES

extemporanea:

*Postridie diei Auspicalis, qui fuit septimus  
Kal. Decembrium, anni MD. XCIX.*



LIBRARY

UNIVERSITY OF CHICAGO

1891

ALBERT V. M.

ET

ISABELLA M.

BELGIAN PRINCIPLES

CHICAGO

Published by the University of Chicago Press  
Karl Decker, 1891, O. 1011.



S E R E N I S S I M I  
E T  
P O T E N T I S S I M I  
P R I N C I P E S,



T S I fateor haud planè rudem & tironem me esse in dicēdo; tamen hic splendor vester, qui oculis meis inopinatus apparuit, & hic insolens confessus, turbat me aliquid (non nego) sed & delectat. Sicut

qui è tenebris & longo situ ad solem subito educuntur, caligat ijs acies, & oculi præstringuntur: sic mihi euenit, & duo simul maxima sidera cùm video, hunc S O L E M, vt ita dicam, & hanc L V N A M, hebescit nonnihil ingenij acies, & linguæ hæc promptitudo retardatur. Quid tamen est? sicut idem ille sol excitat mox & recreat, & innatâ suâ vi dat vigorem: sic mihi sentio ab aspectu vestro alacritatem infundi, & ijsdem, quibus terrebar, excitari. Itaque parebo libēs meritò vobis. me voluistis subito & ex tempore pauca dicere: pauca certè erunt, & ideò excusata, quia subita & ex tempore. Non recedam autem longè (nam & sic iussistis) à more lectionis solitæ: *Annaum Senecam* (æternum Hispaniæ decus) in manus sumam, & pauca eius verba à confessu & tempore hoc non aliena,



cum bonâ veniâ vestrâ PRINCIPES, cum bonâ  
gratiâ vestrâ reliqui AUDITORES, explicabo.  
Ait 1. De Clementiâ. cap. III.

„ Illius demum Principis magnitudo stabilis fundatâ-  
„ que est, quem omnes tam supra se esse, quàm pro se sciunt:  
„ cuius curam excubare pro salute singulorum atque uni-  
„ versorum cottidie experiuntur. Quo procedente, non  
„ tanquam malum aliquod aut noxium animal è cubili  
„ profilierit, diffugiunt: sed tanquam ad clarum & be-  
„ neficum sidus certatim aduolant, obicere se pro illo mu-  
„ cronibus insidiantium paratissimi, & substernere cor-  
„ pora sua, si per stragem illi humanam iter ad salutem  
„ sternendum sit.

Pauca verba, ut solet ille scriptor: sed magnæ rei  
inclusæ, & à me breuiter educendæ. Ait, *Illius de-  
mum Principis magnitudinem stabilem esse.* ] Cuius?  
qui hæc faciet, quæ suggerit. Si quis ergo negligit?  
negat, & parum firmæ altitudini insistere eum pu-  
tat. Sicut domus, cui fundamentum non subster-  
nitur, caduca est: sic Princeps, cui non ista. quæ iam  
addit: *Quem omnes tam supra se esse.* ] Dignitas Prin-  
cipis tangitur & eminētia. quis autem eam nescit?  
Ille est imago & exemplar Dei in terris, rerum mo-  
derator & arbiter, in cuius manu positæ opes, di-  
gnitas, vita omnium nostrûm. Sicut anima corpo-  
ri præest, & animæ ratio: sic Princeps hâc populum  
regit, & eadem illa ratio ipsum. Tolle, cadauer ac  
funus est hæc omnis multitudo: & ut Cyclops apud  
Homerum, amisso vnico oculo, huc illuc impingi-  
tur,



tur, & denique ruit: sic ista moles populi, sine lumine illo Principatus. Ergo *supra omnes* eum meritò esse sciunt, & fatentur. quid amplius? *Pro se esse.*] O monitum eximium! ô in duobus verbis inclusum finem, munusq; Principatum! Non præesse solùm Princeps, sed prodesse debet: nec sibi tantùm ciues dados, sed se etiam ciuibus arbitrari. Sicut sol ille ( ne abeam ab hâc imagine) nō lucet modò, sed fouet, vegetat, animat: sic verus ille populorum rector, in splendore suo commodat & iuuat. *Moderatori Reip.* (ait Cicero) *beata ciuium vita proposita est, ut ea sit opibus ampla, copijs locuples, virtute instructa.* Et Hadriani Principis laudata illa vox est: *Ita se remp. gesturum, ut sciret rem populi, non suam esse.* Sed quomodò hoc faciet, & eò veniet? addit noster: *Curam eius excubare pro salute etiam singulorū.*] Itâne excubare? & nec noctes vacuæ exceptæque sint? nec noctes. *Magna fortuna, magna seruitus est,* ait quispiã: & maximo cuique imperio maximam curam, atque adeò assiduam inesse, vos & animos vestros, PRINCIPES, testor. Vt Palinurus ille in mari, non de die solùm gubernabat, sed ipsâ nocte

— *clauumque affixus & hærens*

*Nusquam amittebat, oculosque sub astra tenebat:* tale in Principe, cuius *curam excubare* Seneca vult pro salute etiam *singulorum.*] Quid tu ais? nec satis *uniuersorum?* Aio, inquit. & vt pater aliquis in magnâ familiâ, ad singulos animum atque oculos adjicit; ita verus Princeps. Philippus Macedo, inter



laudatos olim reges, ad monitus huius muneris sui  
à fæminâ etiam fuit. quæ ipsum adiens, defide-  
rium aliquod expositura, cùm reijceretur & *nega-*  
*ret sibi vacare:* animosè subiecit, *Noli ergo impera-*  
*re.* Animosè, inquam, sed verè: & rex agnouit, sed  
monitus à fæminâ: ab ipso autem se Imp. RYDOL-  
FVS. ille dico, primus auctor & fons magnitudi-  
nis vestræ, à quo inclita gens AVSTRIACA per  
annos iam plus trecentos in hoc æuum floret, & in  
omne (ita voueo) florebit. Is cùm tenuiores ali-  
quot homines aditum ad eum captarent, & satel-  
lites aspernati hoc genus, reijcerent: animaduertit,  
& *Per Deum,* inquit (ipsa Annalium verba ponam)  
*finite homines ad me venire. Non enim ideo Imperator*  
*sum, ut in arculâ includar.* Vocem inclitam, vocem  
auream, vocem verè AVSTRIAM! & in quâ hoc  
de curâ (quid enim melius addam?) concludam.  
Pergit noster: *Quo procedente.* ] Fructus est, qui Prin-  
cipes manet, ex hoc munere suo & curâ. Quis ille?  
duplex, Beneuolentiæ & Fidei, quam vtramque  
subditi præstant. De illâ, *Quo procedente,* inquit, *non*  
*tanquam malum aut noxium animal* (tigris, lupo,  
serpens) *è cubili prosilierit, diffugiunt:* quod in Caligu-  
lâ, Nerone, Domitiano aliquo obseruare licuit, qui  
nunquam è cubiculo, & ex illâ solitudine suâ in  
publicum prodibant, nisi vt sollicitudinem, imò &  
solitudinem, facerent: sed *tanquam ad clarum &*  
*beneficium sidus certatim aduolant.* ] Ita sanè, aduolant,  
non accurrunt; certatim, non lentè aut timidè;  
viæ,



viæ, domus, opida sunt angusta. Videtisne ô nostri PRINCIPES? tanquam ad clara & benefica duo sidera concurrimus: tanquam ad gemellos illos Castores respicimus, in diuturnâ hâc Belgicâ tempestate. Illi conspecti, nautas recreant; illi, cùm nauibus infederunt,

— *tumida æquora placant,*

*Collectasq; fugant nubes, Soli mque reducunt:*

ita vos, qui infedistis, & corpore pressistis iam Belgicæ hanc nauim, è bellorum fluctibus, ex insidiarum procellis, subducetis eam in portum. Atque hæc igitur Beneuolentia est. de Fide sequitur: *obicere se pro illo mucronibus parati.*] Quidni faciant? in vobis, vt dixi, viuimus: animam & spiritum hunc in animâ Principum ducimus: & meritò ergo pto ijs obiecturi ea, imò proiccturi. Ego SER<sup>mi</sup> PRINCIPES, publicâ Belgarum voce & sensu, vtraque hæc offero: Beneuolentiam, inquam, & Fidem. & simul sine iactantiâ addo, duas in nobis notas siue insignia ab antiquo esse: Fortitudinem, ac Fidem. *Fortissimos Gallorum Belgas*, Iulius Cæsar iam olim dixit: de Fide, idē ille & Plutarchus, DEVOVERE Gallos (qui mos & Hispanis) corpora vitamque suam Principibus solere: id est, ita consecrare, vt cum viuis viuerent, pro ijs periclitarentur, morerentur, atque ad eò cum ijs. Nam superesse nefas erat. Magna fides, & nescio an alibi gentium lecta vel audita. Sed iam desino, memor apud quos dicam: & quàm breues sermones non solùm apud Deum



Deum sæpe, sed apud Principes semper, grati decorique sint. Gratias tantum ago, Athenæi huius & meo nomine, quos tam clarâ istâ luce perpetuum illustrastis. In eo quoque imitati magnos illos Principes: vt Cn. Pompeium, qui è bello Mithridatico victor, Rhodum veniens singillatim omnium Professorum ædes circumiuit, iniuit, & fasces illos laureatos priuatorum ianuis submisit. Quid Tiberius Imp<sup>or</sup> in eâdem vrbe? *circa scholas & auditoria Professorum* ( Suetonij verba sunt ) *assiduus fuit.* Quid Claudius Imp<sup>or</sup>? ille verò inopinatus sæpe recitantibus interueniebat: quod vos SER<sup>mi</sup> nunc fecistis. Gratias igitur agimus, & voto eas claudimus: vt felicibus auspicijs cœptum hoc imperium diuturnum ac stabile vobis, & stirpi vestræ (ô Deus eam donet!) sit, cum Dei ipsius, cum vestrâ gloriâ, & publicâ Belgarum salute. D I X I.



C. PLINI SECUNDI  
PANEGYRICVS  
LIBER,

Quem  
IMP. NERVAE TRAIANO  
OPTIMO PRINCIPI  
scripsit siue dixit:

Etadeum IVSTILIPSI  
COMMENTARIVS P. P.



THE UNIVERSITY OF

CHICAGO

LIBRARY

OF

THE UNIVERSITY OF CHICAGO

CHICAGO, ILL.

1911

# AD LECTOREM MEVM,

## CVI SALVS.



ABES hîc perpetuum, sed breuem  
 meum Commentarium, in Plinij  
 scitam, & super Græcas Latinâsque  
 laudatam, Laudationem. Perpe-  
 tuum ita, ut nec minora sæpe pigeat  
 attingere, & discingere: quia memi-  
 ni quibus, & cui generi, præcipuè hac scripserim. nempe  
 Palatinis nostris: quos votum meum sit, præclara hac  
 legere, intelligere, atque utinam, bis utinam, obsequi &  
 audire. Itaque nec tenuia interdum transeo: quia ple-  
 rosque illos transisse per hac studia scio, vel festinantes,  
 vel occupatos. ideoq; iuuandos à nobis, præsertim in ar-  
 gutijs, aut ritibus: & utrorūque copia est in hoc scripto.  
 Sed breuiter tamen hac omnia. quod pro illorum gustu  
 arbitror, fortasse & usu: nec nimis nunc probo, qui in  
 singulis insistant, & uni alicui ritui explicando paginas  
 donant. Modicè satis est, & quod in rem præsentem suf-  
 ficiat: plura, pompam magis habeant, quàm fructum.  
 Quid, quod nec Schemata, & ornatus illos florida ora-  
 tionis tango? nam visum mihi pertenuia hac & Scho-  
 lastica esse, quæ didicisse oporteat magis quàm discere: aut  
 alio certè doctore discere, neque Aquila, ut in prouerbio  
 est, captat muscas. Ergo Politica & grauiora illa do-  
 gmata explicares, dicet alius: & conueniebat Aula, cui



scribis. *Haud negauerim istud, illud non suscipio. quia et-  
 si talium monitorum Uberrima & pulcherrima hîc se-  
 ges; tamen falcem meam nunc non sentiet, & satis at-  
 que abunde messuisse arbitror in POLITICORVM li-  
 bris, qui exstant. Singula in loco & tempore agere, mihi  
 sententia & votum est: atque igitur hîc studui tan-  
 tum, Plinianum textum diducere & reuelare, & ver-  
 bis sensibusque eius lucem dare, nec ultra. Siquis plura  
 atque alia volet, ibit ad alios: qui composite & industriè  
 struere moles operum solent. Casula hac mea est, subita-  
 riâ & leui manu ad usum, non decus aut speciem, stru-  
 cta. cui Aristophanæum illud inscribo:*

Ὅσις ἐν τοῖς τοῖσι γελά, τοῖς ἐμοῖς μὴ χαίρω.

Quisquis capitur illis talibus, his meis ne gaudeat.

Vale Lector, & Senecam nostrum (si Deus pauxillum  
 etiam vitæ dat) expecta. Louanij, XVI. Kal. Mar-  
 tias ∞. 1556.

ARGV.

3

A R G V M E N T V M,  
C A V S S A, T E M P V S  
H V I V S S C R I P T I.



RGVMENTVM & materies est, *Laudatio* Traiani. quam duplicem exsequitur, Publicæ vitæ & Priuatæ. Illam ordine quodam temporum peragit, orsus ab Adoptione ad tertium eius Consulatum: in quo hæc dixit, & ibi sistit. Quidquid igitur moderatè intereà, liberaliter, benignè, vtiliter in publicum fecisset, recenset, diducit, ornat; sæpe floridè, & pænè poëtarum in morem: quem stilum hoc Ornationum genus vsquequaque non spernit. Pleraque autem laudatio intra togam & pacem consistit: quia bella nondum attigerat, & magni ducis signa magis, quàm res adhuc erat. In Priuatâ deinde vitâ, compositam domum eius, vxorem, & sororem laudat: quòd amicos colat, liberos non colat, & quosque habeat suo loco. Hæc breuiter & summatim *Laudatio* continet: quâ CAVSSA aut occasione sic instituta? Quia Plinius Consul iam erat, & ex more veteri, imò ex Sc<sup>to</sup> (vt ipse loquitur) *Gratia agenda* optimo Principi erant. An autem hoc est gratias agere, sic laudare? Ita. nam duplex erat illa *Gratiarum actio*, quod ipse sub finem Panegyrici dicit: & Publica, & Priuata. Illa, reip. nomine suscepta: & aptissimè in laudatione inibat, beneficia recensendo, quæ contulisset. Imò quæ absque eâ commemoratione gratiæ dici poterant? Altera, quam Consules suo nomine dicebant, quæ prima



origo & caussa harum Orationum apud Romanos est, fateor: sed in leui tamen posteà habita, & hîc quoque à Plinio paucis lineis perstricta. En caussam igitur scripti: addo nunc TEMPVS. Aio Plinium Consulem, primo die cùm iam inisset (id est, Kalendis Septembribus) hæc dixisse: non autem antè, neque designatum, vt vir doctus censet. Induxit eum epistola xxvii. libri vi. in quâ cùm interrogasset quidam *designatus Consul, quid in honorem Principis censeret?* inter alia, respondet: *Designatus ego Consul, omni hac et si non adulatione, specie tamen adulationis abstinui.* Refert adhuc Panegyricum, & errat: nec aliud ibi Plinius, quàm de sententiæ dictione, quam primi designati Consules rogabantur. Mos autem inualuerat, vt loco sententiæ, aliquid in honorem Principis censerent: quæ adulatio, etiam in hoc scripto, Plinio memoratur. Itaque nihil ea epistola ad rem præsentem: & ipse ostendit non semel, à *se Consule* hæc dici. Neque alius sanè mos erat. quem tangit lib. ii. epist. i. de Verginio Rufo: *Acturus in Consulatu Principi gratias.* Nota, in Consulatu. Et Spartianus in *Ælio Vero*: *Cùm orationem pulcherrimam parasset, quâ Kal. Januariis Hadrianopatri gratias ageret.* Ait *Kalendis*; ergo ipso primo die Consulatus. Sed iterum hîc dubitatio, quando igitur Plinius Consul? In quarto Consulatu Traiani, scripsit nouiter vir inter æui nostri summos: & ita censet, quia Proconsulatus Plinij incidit in annum, post illum Traiani dictum. At ego bonâ veniâ eius dissentio, & in *tertio* Principis, hunc Consulem fuisse, cum Onufrio adfirmo: in tertio, id est anno illo, quo tertiùm fuit. Quo argumento? imò argumentis, satis certis. Primùm, ipse in hac Oratione,

tione, ubi acta Principis laudat: *Et nondum*, inquit, *de biennio loquor*. Quomodo hoc verè, si in quarto eius Consulatu dicit? certè triennium imperij iam erat. At in *tertio*, verissimè: quia agebatur post mortem Neruæ extremus alter annus. Item: *Quò iustius Senatus ut susci- peres quartum Consulatum, & rogauit, & iussit*. In futu- rum hæc dicuntur, neque adhuc gerebat. Iterùm aper- tiùs: *Atque ego video, proximo anno Consulatus recusand- i hanc præcipuè fuisse rationem, quòd eum absens gerere non poterat*. Nota de anno proximo, & instanti: non ergo isto. Quid amplius? *absens*, inquit. Ita sanè, absens. nam ad bellum Dacicum iam se parabat: quod cum Deceba- lo fortiter & feliciter, ipso illo quarto Consulatu, gessit. Itaque ne adfuit quidem, cum hæc à Plinio dicta volunt. Quid etiam, si adfuisset? credétne aliquis omissam pul- cherrimam illam laudum materiem, victos hostes, sup- plicem regem, & meritissimum triumphum? Quomo- dò ipsa Plinij oratio exsultasset in eo, ac pænè triumphas- set? ut doleam Principis causâ, non sub id tempus hanc recitationem interuenisse. At de tempore victi Decebali, ambigi non potest, vel ex lapide qui exstat: IMP. CÆSAR. DIVI. NERVÆ. F. NERVA. TRAIANVS. AVGVSTVS. GERMANICVS. DACICVS. PONT. MAX. TRIB. POT. IIII. COS. IV. VICTO. DECEBALO. Et num- mi idem dicunt. Adde & hæc Plinij, si libet: *Nondum biennium compleamus in officio laboriosissimo, cum tu no- bis Consulatum obtulisti*. Quæ de Præfecturâ ærarij ca- pienda, quam ab ipso Neruâ accepisse se fatetur. At si *non- dum biennium* ab eâ, cum Consul est factus: quid clarius, quàm Traiano *tertium* Consule hæc fuisse? Quod ad Pro- consula-



consulatum Plinij (quo argumento vir ille nititur:) is vero tardior, & post victoriam demum Dacicam. Exstat epistola XIII. Plinij, lib. x. ad Traianum, quâ gratulatur ei *maximam, pulcherrimam, antiquissimam victoriam*: neque aliam, quàm istam. Deinde autem, epistolâ XVII. in Bithyniam prouinciam suam, venisse se nunciat: certè post victoriam. Ergo in quinto eius, aut circa, Consulatu. Neque sanè moris; illo Principum æuo, statim & quasi ex lege, finito Consulatu in prouinciâ ire. Imò contraria lex erat, iam inde à Iulio, non ire, nec imperia aut honores continuare: etsi tamen tota res in arbitrio Principum, & illi aut sorte, aut imperio, quando & quò visum esset, mittebant. Quæ in Dione varijs locis, sed hoc postremum libro LIII. in actis anni DCCXXVI. habes.



# ELOGIA super hoc libro.



**M** PSE Plinius, libro III. epist. XIII. *Librum, quo nuper Optimo Principi gratias egi, mihi exigenti tibi: missurus, etiamsi non exegisses. In hoc consideres velim ut PVLCHRITVDINEM materia, ita DIFFICVLTATEM. In ceteris enim nouitas ipsa Lectorem intentum habet: in hoc, nota, vulgata, dicta sunt omnia. Quò sit, ut quasi otiosus securusque Lector, tantum elocutioni vacet. in quâ satisfacere difficilius est, cum sola aestimatur. Atque utinam, ORDO saltem, & TRANSITVS, & FIGVRÆ simul spectarentur! Nam inuenire praeclarè, enunciare magnificè, interdum etiam barbari solent: DISPONERE aptè, FIGVRARE variè, nisi eruditis negatum est.*

Iterum epist. XVIII. eiusdem libri. *Officium Consulatus iniunxit mihi, ut Reip. nomine Principi gratias agerem. quod ego in Senatu, cum ad rationem & loci, & temporis, ex more fecissem; bono ciui conuenientissimum credidi, eadem illa \* SPATIOSIUS & VBERIUS volumine complecti. Primum, ut Imperatori nostro virtutes suae veris laudibus commendarentur: deinde, ut FUTURI PRINCIPES, non quasi à magistro, sed tamen SVB EXEMPLO PRÆMONERENTVR, quâ potissimum viâ possent ad eandem gloriam niti. Addit deinde, per triduum se recitasse amicis hunc librum, & valdè probasse. Vide pluscula.*

\*Nota, non  
sic amplius  
dixisse.

Sidonius Apollinaris, lib. VIII. epist. x. Caius Plinius

B

pro.




*pro Actiâ Variolâ plus gloriæ de Centumviralis suggestu domum rettulit, quàm cum M. Ulpio, incomparabili Principi, comparabilem Panegyricum dixit. Quo tamen in loco semper mihi visum ( neque nunc muto ) incomparabilem legendum : nec tam aut malignè, aut imperitè, super eximio hoc scripto Sidonium censuisse. At enim præfert illam pro Variolâ. sicut & Ciceronis pro Cluentio, omnibus aliis : non eloquij flore, aut acrimoniâ; sed inuentionum difficultate, & quia in rebus arctis caussisquæ arduis, magis sagax ingenium elucet. Ipsum lege.*



C. PLINI SECUNDI

## PANEGRICVS

TRAIANO AVG. DICTVS.



BENE ac sapienter, Patres Conscripti, maiores instituerunt, <sup>1</sup> vt rerum agendarum, ita <sup>2</sup> dicendi initium, à precationibus capere: quòd nihil ritè, nihilque prouidenter homines, sine deorum imortalium ope, consilio, honore, auspicarentur. Qui mos cui potius, quàm Consuli? aut quando magis vsurpādus colendusque est, quàm cùm imperio Senatus, <sup>3</sup> auctoritate Reip. ad agendas optimo Principi gratias excitamur? Quod enim præstabilius est, aut pulchrius munus deorum, quàm castus & sanctus, & dijs simillimus Princeps? Ac si adhuc dubium fuisset, forte casuque rectores terris, an <sup>4</sup> aliquò numine darentur: Principem tamen nostrum liqueret diuinitus constitutum. Non enim occultâ potestate fatorum, sed ab Ioue ipso coràm ac palàm repertus, electus est. quippe inter <sup>5</sup> aras & altaria, eodemque loci, quem Deus ille <sup>6</sup> tam manifestus ac præsens, quàm cœlum ac sidera insedit.

## COMMENTARIVS.



TRERVM.] *Xenophontis præceptum. περὶ ἀθλῶν σὺν θεοῖς ἀρχεσθαι πάντος ἔργου. ὡς τῶν θεῶν κυρίων ὄντων ἐδὲν ἥττον τῶν ἐπιχειρῶν, ἢ τῶν πολεμικῶν ἔργων:* Conari omne opus cum dijs aggredi. quia dii non sequius rebus ciuilibus, quàm & bellicis præsumunt ac dominantur. <sup>2</sup> DICENDI INITIVM.] *Vetus mos Romanus, à precatione orationes ordiri. Cicero, Lilius, auctor ad Herennium, ostendunt.* <sup>3</sup> AVCTORITATE REIPUBLICÆ.] *Plinius III. epist. XVIII. Vt reip. nomine Principi gratias agerem.* <sup>4</sup> ALIQUO NUMINE.] *Homerus: Ex δὲ δίδος βασιλῆες: Ex Ioue sunt reges. Plutarchus in Numâ μέγιστον καὶ θεῖον δῶρον:* Maximum & diuinum donum, de regno. <sup>5</sup> ARAS



ET ALTARIA.] *Distincta, & Altare augustius aliquid, & in quo victima adolentur: Ara etiam, in qua supplicatur, aut libatur tantum. Illud item superiorum Deorum, hac etiam manium & inferorum. Glossæ: Altare, ἄλτάρη; Ara, βωμὸς. Vide Festum in Altare, & Adolesco, Seruium in illud:*

— en quattuor aras,

Ecce duas tibi Daphni, duoque altaria Phœbo.

6 TAM MANIFESTVS.] *Ob loci templique religionem, cum maiestate. Cicero: In Capitolio, hoc est in terrestri domicilio Iouis.*

7 QVO magis aptum piumque; est te Iuppiter optime maxime, antea conditorem, nunc<sup>8</sup> conseruatorem imperij nostri precari, vt mihi digna Consule, digna Senatu, digna Principe contingat oratio: vtque omnibus quæ dicentur à me, libertas, fides, veritas constet: tantumque à specie adulationis absit gratiarum actio mea, quantum abest à necessitate. Equidem non Consuli modò, sed omnibus ciuibus enitendum reor, ne quid de Principe nostro ita dicant, vt idem illud<sup>9</sup> de alio dici potuisse videatur. Quare abeant ac recedant voces illæ, quas metus exprimebat. nihil, quale antè dicamus, nihil enim quale antea patimur. nec eadē de Principe palam, quæ prius, prædicemus: neque enim eadem<sup>10</sup> secreto loquimur, quæ prius. Discernatur orationibus nostris diuersitas temporum, & ex ipso genere gratiarum agendarum intelligatur, cui<sup>11</sup> quando sint. hactenus vt deo, nunc nusquam vt numini blandiamur. Non enim de tyranno, sed de ciue, non de domino, sed de parente loquimur. Vnum ille se ex nobis, & hoc magis excellit atque eminet, quòd vnum ex nobis putat; nec minùs hominem se, quàm hominibus præesse meminit. Intelligamus ergo bona nostra, dignosque nos<sup>12</sup> illius vsu probemus: atque idemtidem cogitemus,<sup>13</sup> si maius principibus præstemus obsequium, qui seruitute ciuium, quàm qui libertate lætamur.

7 APTVM, PIVMQVE.] *Aptum, quia à te, & in tuo templo, ille Princeps: pium, quia agnoscere beneficium, neque ingrati esse debemus. 8 CONSERVATOREM.] In Traiano. Plinius ad eum, in epistolâ: Diem domine, quo seruasti imperium, dum suscipis, celebrauimus. 9 DE ALIO DICÍ.] E prioribus Principibus, apud quos blanda & humilis semper oratio. Martialis, lib. x.*

Hoc sub Principe, si sapis, caueto.

Verbis Roma prioribus loquaris.

10 SECRETO LOQVIMVR.] *Seneca, de bono Principe: Eadem de illo homines secreto loquuntur, quæ palam. 11 QUANDO SINT HACTENVS.]*

*Olim*

*olim emendauimus : cui, quando, sint actæ. Nusquam vt Deo nunc, nusquam vt. Iterum Martialis concurret:*

Frustrâ blanditiæ venitis ad me,

Attritis miserabiles labellis.

Dicturus Dominum Deumque non sum,

Iam non est locus hac in vrbe vobis.

<sup>12</sup> ILLIVS VSV.] *Traiani. Sed melius, aut fallor, quod olim ego: illis vsu. Bonis illis dignos probemus, vtendo. Libertas & veritas redierunt? vsurpamus.* <sup>13</sup> SI MAIVS.] *Vult intellegi, quod minus.*

ET populus quidem Romanus <sup>14</sup> dilectum Principem seruat, quantoque paullò antè <sup>15</sup> concentu <sup>16</sup> formosum aliū, hunc fortissimum personat: quibusque aliquando clamoribus <sup>17</sup> gestum alterius & vocem; huius pietatem, abstinentiam, mansuetudinem laudat. Quid nosipsi? diuinitatem Principis nostri, an humanitatem, temperantiam, facilitatem, vt amor & gaudium tulit, celebrare vniuersi solemus? Iam quid tam ciuile, tam senatorium, quàm illud additum à nobis <sup>18</sup> OPTIMI cognomen? quod <sup>19</sup> peculiare huius & proprium, <sup>20</sup> arrogātia priorum principum fecit. Enimuerò quàm commune, quàm ex æquo, quod <sup>21</sup> FELICES NOS, FELICEM ILLVM prædicamus, alternisque votis, HAEC FACIAT, HAEC AVDIAT, quasi non dicturi, nisi fecerit, comprecamur? Ad quas ille voces <sup>22</sup> lacrymis etiam, ac multo pudore suffunditur. agnoscit enim sentitque <sup>23</sup> sibi, non Principi dici. Igitur quod temperamentum omnes in illo subito pietatis calore seruauimus, hoc singuli quoque meditati que teneamus: sciamusque, nullum esse neque sincerius, neque acceptius genus gratiarum, quàm quod <sup>24</sup> illas acclamationes æmuletur, quæ fingendi non habent tempus. Quantum ad me pertinet laborabo, vt orationem meam ad modestiam Principis moderationemque submittam, nec minus considerabo quid aures eius pati possint, quàm quid virtutibus debeat.

<sup>14</sup> DILECTVM PRINCIPEM.] *Lego, Principum. Ipse populus, cui minor sapientia, discrimen & dilectum habet in Principum laude: qui non magis nos?* <sup>15</sup> CONCENTV.] *Proprio ad rem verbo. Nam acclamationes illæ theatricæ, cum modulis & quodam velut cantu erant. Tacitus XVI. Anna. lium: Plebs personabat certis modis, plausuq; composito. Ibi ego.* <sup>16</sup> FORMOSVM.] *Domitianum, qui pulcher ac decens (ait Suetonius) maximè in iuuentâ. Martialis:*



Purpureum fundens Cæsar ab ore iubar.

*Et ipse de se illud Homericum usurpat:*

Οὐχ ὁραῖς, ὅς ἐσσι καὶ γὰρ καλὸς τε μέγας τε:

Nónne vides tu, qualis ego magnusque decensque?

<sup>17</sup> G E S T V M. ] *Neronis, qui histrioniam exercebat. Ad eundem spectat, de voce: quam cælestem & diuinam dici viderique volebat.*

<sup>18</sup> O P T I M I C O G N O M E N. ] *Quando additum? Dionis compendium ait, Armeniâ subactâ: & sanè lapides aut nummi (notabit mecum, qui volet) rarò præferunt hoc, velut cognomen, ante VI. eius consulatum. Exinde asidue. ut, IMP. CAES. NERVAE. TRAIANO. OPTIMO. Græcè etiam: ΝΕΡ. ΤΡΑΙΑΝΟC. ΑΡΙCΤΟC. Antè non memini sic obseruare, sic inquam positum, nomini ipsi subiectum; dumtaxat, SENATVS. POPVLVSQVE. ROM. OPTIMO. PRINCIPI: quasi in laudationis loco. Tamen iam nunc ei datum (præter Dionis mentem) ambigi ex Plinij his verbis nihil potest: etsi in titulis fortasse non sic usurpauit.*

<sup>19</sup> P E C V L I A R E. ] *Adeò, ut Eutropius scribat, ad suam vsque ætatem (Valentiniani Imp.) nõ aliter in Senatu Principibus acclamari, nisi, Felicior Augusto, MELIOR Traiano. <sup>20</sup> A R R O G A N T I A P R I O R V M. ] Qui id spreuerunt. <sup>21</sup> F E L I C E S N O S. ] Infra: Estne verum, quod inter ista clamauius, O nos felices! <sup>22</sup> L A C R Y M I S E T I A M. ] Gaudio expressis. Infra: Vidimus humescentes oculos tuos, demissumque gaudio vultum. <sup>23</sup> S I B I, N O N P R I N C I P I. ] Galba, apud Tacitum: Ceteri libentiùs cum fortunâ nostrâ, quàm nobiscum loquentur. <sup>24</sup> I L L A S A C C L A M A T I O N E S. ] Quæ in liberâ rep. non sic fuere, sed sub Augusto cæperunt: nisi fallor, à theatris in Curiam inuectæ, imitando. Earum exempla in Cæsareis scriptoribus, & breuia & pleraque acuta.*

M A G N A & inusitata Principis gloria, cui gratias acturus, non tam vereor, ne me in laudibus suis parcû, quàm ne nimium puter. hæc me cura, hæc difficultas sola circumstat. Nam merenti gratias agere, facile est, Patres Conscripti. non enim periculum est, ne cùm loquar de humanitate, exprobrari sibi superbiâ credat; cùm de frugalitate, luxuriâ; cùm de clementiâ, crudelitatem; cùm de liberalitate, auaritiâ; cùm de benignitate, liuorem; cùm de continentia, libidinem; cùm de labore, inertiam; cùm de fortitudine, timorem. Ac ne illud quidẽ vereor, ne gratus ingratusve videar, prout satis, aut parum dixerò. Animaduerto enim <sup>25</sup> etiam Deos ipsos, non tam accuratis adorantium precibus, quàm innocentia & sanctitate lætari: gratioremque existimari, qui delubris eorum puram <sup>26</sup> castamque mentem, quàm qui <sup>27</sup> meditatum carmen intulerit. Sed <sup>28</sup> parendum est Senatuf-consulto,

consulto, quo ex utilitate publicâ placuit, ut Consulis voce, sub titulo gratiarum agendarum, <sup>29</sup> boni Principes quæ facerent recognoscerent; mali, quæ facere deberent. Id nunc eò magis solenne ac necessarium est, quòd parens noster priuatas gratiarum actiones cohibet & comprimit: intercessurus etiam publicis, si permitteret sibi vetare, quòd Senatus iuberet. Vtrumque Cæsar Auguste moderatè, & quòd alibi tibi gratias agi non finis: & quòd hîc finis. non enim à teipso tibi honor iste, sed ab agentibus habetur. cedis affectibus nostris, nec nobis munera tua prædicare, sed audire tibi necesse est.

<sup>25</sup> ETIAM DEOS IPSOS.] *Seneca, De Beneficijs*: Sicut nec in victimis quidem, licet opimæ sint, autoque præfulgeant, Deorum est honos, sed piâ ac rectâ voluntate venerantium. *Plinius alter, Præfatione magni operis*: Verùm & dijs lacte rustici, multæque gentes supplicant: & molâ tantum falsâ litant, qui thura non habent: nec ulli fuit vitio, Deos colere, quoquomodo posset. *Vetus versus respondet*:

Καθ' ὅσων δ' ἐπ' ἐν ἱερῷ ἀνὰ τοῖσι θεοῖσι:  
Sacrificare dijs, ut opes viresque tulerunt.

<sup>26</sup> CASTAMQUE MENTEM.] *Seneca*: Optimus animus, pulcherrimus Dei cultus est. <sup>27</sup> MEDITATVM CARMEN.] *Orationem compositam, & sollennem dictionem: etiamsi metrum numerique non sint. Tale enim priscis Carmen: ut infra, carmen comitiorum.* <sup>28</sup> PARENDVM EST SENATVSCONSULTO.] *Quando factò? non repperi. puto ab Augusto esse, cum mutata rep. hoc quoque mutauit. Nam ista Gratiarum actio, in concione, populo Rom. Quiritibus solet fieri, pro honore dato: at nunc cum Princeps iura populi in se traxit, atque ipse magistratus fecit; Gratia illi in Curia, non in concione, dicta. Hic fons Panegyricorum. qui etiam ad Præsides prouinciarum manarunt, atque ij electi, gratias agebant. quod Claudius vetuit, in Dione: κατέδειξε τὰς αἰρετὰς (ἀρχοντας) μὴ δὲ μίαν οἱ χάριν ἐν τῷ συνεπὶ τῷ γινώσκειν, ὅπερ κατὰ τὴν ἔθος ἐπὶ τῶν: Instituit ne electi (Præsides) aliquas ei gratias in Senatu dicerent, quod ex more quodam faciebant. Hoc inquam, ad solos prouinciales Præsides & imperia spectat (priora vide:) & errant, qui ad nostra hæc trahunt.* <sup>29</sup> BONI PRINCIPES.] *Causa duplex huius instituti. ut & boni laude istâ firmarentur in bonè agendo; & mali, eò blandè traherentur. O si nostri aui mos ferret, quid utilius?*

SAEPÊ ego mecum. P. C. tacitus agitaui, qualem quantumque esse oporteret, cuius ditione nutuque maria, terræ, pax, bella regerentur: cum interea fingenti formantique mihi Principem, quem <sup>30</sup> æquata dijs immortalibus potestas deceret, nunquam voto saltem concipere succurrit similem huic, quem videmus.

Epituit



Enituit <sup>31</sup> aliquis in bello, sed obsoleuit in pace: aliud toga, sed non & arma honestarunt: reuerentiam illè terrore, alius amorem humanitate captauit: ille quæsitam domi gloriam in publico, hic in publico partem <sup>32</sup> domi perdidit: postremò adhuc nemo extitit, cuius virtutes nullo vitiorum confinio læderentur. At Principi nostro <sup>33</sup> quanta cōcordia, quantusque concentus, omnium laudum, omnisque gloriæ contigit? ut <sup>34</sup> nihil seueritati eius hilaritate, nihil grauitati simplicitate, nihil maiestati humanitate detrahitur? Iam firmitas, iam proceritas corporis, iam honor capitis, & dignitas oris, ad hoc ætatis <sup>35</sup> inflexa maturitas, nec sine quodam munere deum festinatis <sup>36</sup> senectutis insignibus, ad augendam maiestatem, ornata cæsaries: nōne longè lateque <sup>37</sup> Principem ostentant?

<sup>30</sup> *ÆQUATA DIIS.] Poëta. — cūm laudatur dijs æqua potestas.*

<sup>31</sup> *ALIQVIS IN BELLO.] Ab Homero, iam olim:*

*Ἀλλ' ὃ μὲν γὰρ ἔδωκε θεὸς πολέμια ἔργα,*

*Ἀλλ' ὃ δ' ὀρχήσῃ, ἑτέρῳ κίθαριν καὶ αἰοιδῶ:*

*Namque alij bellare Deus concessit, at illi*

*Saltare, atque alij citharâ cantuque valere.*

*Claudianus, in Stiliconis laudibus, hausisse (ut alia) videtur à nostro:*

— Nunquam sincera bonorum

Sors vlli concessa viro. quem vultus honestat,

Dedecorant mores. animus quem pulchrior ornat,

Corpus destituit. bellis insignior ille,

Sed pacem fœdat vitij. hic publica felix,

Sed priuata minùs. partitim singula quemque

Nobilitant.

<sup>32</sup> *DOMI PERDIDIT.] Ut Augustus, in filiâ, nepte, nepotibus, & totâ familiâ infelix. <sup>33</sup> QUANTA CONCORDIA.] Idem Claudianus:*

— sparguntur in omnes,

In te mixta fluunt: & quæ diuisa beatos

Perficiunt, collecta tenes.

*Victor de ipso Traiano:* Tantus erat in eo maximarum rerum modus, ut quasi temperamento quodam virtutes miscuisse videretur.

<sup>34</sup> *NIHIL SEVERITATI.] Cicero, ad Brutum: Quid tam distans, quàm à seueritate comitas? quis tamen vnquam te aut sanctior est habitus, aut dulcior? <sup>35</sup> INFLEXA MATURITAS.] Nondum vergens, & adhuc in statu. Sumptum à Circo, ubi medio spatio flexus circum metam, & tum deflexus. Quæ igitur ætas nunc Traiani? ex Dione, quadragesimusquartus annus. Nam illo auctore, imperium quadragesimosecundo cepit: atque hac biennio post circiter dicta. Errat aut dissentit Victor (& cum eo alij)*  
qui

qui LXIII. annos. vixisse prodit: quod non potest, Dionis isto calculo; quia omnium consensu, non nisi nouemdecim annos, VI. menses, dies XV. imperauit. Itaque Eutropius mihi verior, qui vitæ adsignat annos LXII: etsi vel sic menses aliquot desint. <sup>36</sup> SENECTVTIS INSIGNIBVS. ] Non enim ipsa, ut iam dixi. Acclamationes igitur illa Senatoria, in Tacito Vopisci, Et Traianus senex ad imperium venit; pro re magis, quàm pro vero. Noster aperte infra Iuuentani ei tribuit. <sup>37</sup> PRINCEPEM OSTENTANT. ] Atque ipsis etiam hostibus. qui (in Dione) τῆς πολιᾶς αὐτῆς τὸ γαῦρον, καὶ τὸ σεμνοπρεπὲς τὸ δεξιῶν ἰδόντες, ὑπετόπισαν ἔξ' ὧν δὲ λέγεται: caniciei eius læticiam conspicati, & vultus maiestatem, suspicati sunt esse, qui erat.

T A L E M esse oportuit, quem non bella ciuilia, nec armis oppressa R. P. sed pax & adoptio, & tandem <sup>38</sup> exorata terris numina, dedissent. An fas erat nihil differre inter imperatorem, quem homines, & quem dii fecissent? Quorum quidem in te, Cæsar Auguste, iudicium & fauor, tunc statim cùm <sup>39</sup> ad exercitum profiscisceris, & quidem inusitato indicio, enituit. Nam ceteros Principes, aut <sup>40</sup> largus cruor hostiarum, aut sinister volatus auium consulentibus nunciauit: tibi ascendenti <sup>41</sup> de more Capitolium, quanquam non id agentium ciuium clamor, ut iam Principi, occurrit. Siquidem omnis turba quæ limen infederat, ad ingressum tuum foribus reclusis, illa quidem ut tunc arbitrabatur Deum, ceterum ut docuit euentus, <sup>42</sup> te consalutauit Imperatorem. nec aliter à cunctis omen acceptum est: nam ipse intelligere nolebas. recusabas enim imperare, recusabas quod <sup>43</sup> benè erat imperaturo. Igitur cogendus fuisti. cogi porro non poteras, nisi periculo patriæ, & mutatione Reip. Obstinatum enim tibi non suscipere imperium, nisi seruandum fuisset. Quare ego illum ipsum <sup>44</sup> furorem motumque castrensem reor extitisse, quia magnâ vi magnoque terrore modestia tua vincenda erat. Ac sicut <sup>45</sup> maris cælique temperiem turbines tempestatesque commendant, ita ad augendam pacis tuæ gratiam, illum tumultum præcessisse crediderim. <sup>46</sup> Habet has vices conditio mortalium, ut aduersa ex secundis, ex aduersis secunda <sup>47</sup> nascantur. <sup>48</sup> Occultat utrorumque semina Deus, & plerunque bonorum malorumque causæ sub diuersâ specie latent.

<sup>38</sup> EXORATA TERRIS NUMINA. ] Orosius: Nerua Traianum adoptauit, per quem reuera afflictæ reip. diuina prouisio consuluit. <sup>39</sup> AD EXERCITVM. ] A Domitiano, in Germaniam inferiorem missus, Legatus consularis.



sularis. <sup>40</sup> LARGVS CRVOR HOSTIARVM.] Nam hostias cadebant, qui per haruspicinam consulebant de futuris. Aues inspiciebant, qui per augurium. Puto autem his verbis Plinium adspexisse ad omnia Augusto facta, futuri Principatus. quæ sic in Suetonio: Primo Consulatu ei augurium capienti, duodecim se vultures, vt Romulo, ostenderunt: & immolanti, omnium victimarum iocinera replicata intrinsecus ab imâ fibrâ paruerunt. <sup>41</sup> DE MORE.] Ad vota nuncupanda, quæ solent ituri in provincias, aut bella. <sup>42</sup> TE CONSALVTAVIT IMPERATOREM.] Explicari hæc video: Populus salutauit Iouem optimum, maximum; tu autem postea dictus Optimus: ita in illo cognomine te salutarunt. Frigide, & nihil ad Plinium. Res ita est. Turba Iouem salutauit, Imperatorem. nam ita & infra iterat: Qui te primi, eodem loco, salutauerat Imperatorem. Ergo in eâ voce allusio tota & omen. Quomodo? sciendum, præter Iouem illum Capitolinum, alium in eodem templo religiosè cultum, cognomine Imperatoris. Dicat hoc Liuius, libro VI. Triumphans (T. Quinctius) signum, Præneste deuectum, Iouis Imperatoris, in Capitolium tulit. Dedicatum est inter cellam Iouis ac Mineræ. En, locum etiam signatè habes, ubi fuit. De eodem Cicero, in Verrem: Tria ferebantur in orbe terrarum signa Iouis Imperatoris. vnum illud Macedonicum, quod in Capitolio videmus; alterum in Ponti ore & angustijs; tertium quod Syracusis ante Verrem Prætorem fuit. Illud ita Flaminius ex æde suâ sustulit, vt in Capitolio, hoc est terrestri domicilio Iouis poneret. Vbi tamen dissensum, in auctore, à Liuiio notes. nam Cicero T. Quinctium Flamininum è Macedonia tulisse vult: Liuius T. Quinctium Cincinnatum, Præneste. Vter verior? nescio. dubitationem fuisse ex eo arbitror, quod T. Quinctij nomine inscriptum signum fuerit & dedicatum, haud alio cognomine: atque ita alius aliò traxit. Sed pro Liuiio P. etiam Victor est, in descriptione urbis, qui regione VIII. Capitolij ponit: Signum Iouis Imperatoris Præneste deuectum. Atque illinc disce, post tot incendia, etiam infra Plinij æuum longè mansisse. Hæc historia sic posita, rem aperit. Ingressa turba, Salue Imperator clamauit: sed ad Iouem. Quia tamen ipso puncto ingressus Traianus, omen ad illum haud vanè tractum. <sup>43</sup> BENE ERAT IMPERATVRO.] Nam si agnouisses, à tyranno Principe discrimen aut mors tibi imminabat. Benè igitur erat futuro Imperatori. Sed libri alij, imperaturi: quod sequentia magis approbant. & est sensus, Recusare imperium, signum erat quod benè imperaturus esses. Nam qui ambitione affectant honores, raro virtute gerunt: qui recusant & abnuunt, ij magis. Inde Imperatoris illa vox, Inuitos ad remp. admouendos. <sup>44</sup> FVROREM MOTVMQVE CASTRENSEM.] Qui talis. Casu Domitiano, miles grauissimè tulit (Suetonij verba) paratus statim vlcisci, nisi duces defuissent. Quieuit igitur, sed Neruâ iam electo, sene, molli, & parum ad suum nomen, animos irasq. sumpserunt, incendente Casperio Aeliano, Prætorij Præfecto: qui idem munus & sub Domitiano habuerat. Inde in eum occultus fauor, & miseratio: & impulsu milites deposcere ad cadem cadis auctores. Factum turbide & acriter: Nerua resistit pariter, vsquecè vt iugulum nudum potius iis offerret feriendum. Non demonit  
tamen,

tamen, & cùm perseuerarent furere, traditi caesiq; sunt ij, quos depoposcerunt. Hac ex Dione: & adde Victorem diffusius, Suetonium breuiter tangentem, cap. XXI II. Domitiani. <sup>45</sup> AC SICVT MARIS.] *Cassiodorus VIII. Variar.* Bonum insolitum plus amatur, & sequenti gaudio confert dulcedinem præmissa tristitia. <sup>46</sup> HABET HAS VICES.] *Certè habet. & Pindarus aptè cecinit: Ποῦ δ' ἄλλοτε ἄλλαι, Εὐθυμῖαν τε μετὰ καὶ πόνων, Ες ἀνδραΐεσσι:* Fluctus alij aliàs, Gaudiorum atque laborum, In homines veniunt. *Caput sapientia, id est Homerus:*

—— ἀτὰρ θεὸς ἄλλοτ' ἐπ' ἄλλω

Ζεὺς ἄγαθὸν τε κακὸν τε δίδωσι:

—— aliàs Deus, illi alijque,

Nunc bona, nunc mala dat.

<sup>47</sup> NASCANTVR.] *Manilius:*

—— Tanta est rerum discordia in æuo,

Et subtexta bonis mala sunt, lacrimæque sequuntur

Vota, nec in cunctis seruat Fortuna tenorem.

*Nasci igitur alia ex alijs videntur, quia sic subtexta, ut ait, & inter se iuncta. Alij tamen libri, noscantur: nec malè. Id esset, dijudicentur melius & sentiantur, ex contrariorum sensu. <sup>48</sup> OCCVLTA VTRORVMQVE SEMINA.] Dicit: Deus causas rerum secundarum vel aduersarum, sub diuersâ facie promit: & sæpe latos effectus tristia initio, & contrà tristes lata gignunt.*

MAGNUM quidem illud sæculo dedecus, magnum Reipub. vulnus inapressum est. Imperator, & <sup>49</sup> parens generis humani, obsessus, captus, inclusus: ablata <sup>50</sup> mitissimo seni seruandorum hominum potestas; ereptumque Principi illud in principatu beatissimum, quod nihil cogitur. Si tamen hæc sola erat ratio, quæ te publicæ salutis gubernaculis adiuuaret: propè est vt exclamem, <sup>51</sup> tanti fuisse. Corrupta est disciplina castrorum, vt tu <sup>52</sup> corrector emendatorque contingeres: inductum pessimum exemplum, vt optimum opponeretur: postremò coactus Princeps quos nolebat occidere, vt daret Principem qui cogi non posset. Olim tu quidem adoptari merebare: sed nescissenius, quâ tum tibi deberet imperium, si antè adoptatus esses. <sup>53</sup> Expectatum est tempus, in quo liqueret, non tam accepisse te beneficium, quàm dedisse. Confûgit in sinum tuum concussa Respub. ruensque imperium super Imperatorem, Imperatoris tibi voce delatum est. <sup>54</sup> Imploratus adoptione, & accitus es: vt olim duces magni, à peregrinis externisque bellis, ad opem patriæ ferendam reuocari solebant. Ita filius ac parens, vno eodemque momêto, rem maximam inuicem præstitistis: ille tibi imperium dedit, tu illi red-



didisti. Solus ergo ad hoc æui, pro munere tanto <sup>55</sup> paria accipi-  
piendo fecisti, imò <sup>56</sup> vltra dantem obligasti: communicato enim  
imperio, sollicitior tu, ille securior factus est. O nouum atque in-  
auditum ad Principatum iter! non te propria cupiditas, <sup>57</sup> pro-  
prius metus, sed aliena vtilitas, alienus timor, Principem fecit. Vi-  
dearis licet, quod est amplissimum, consecutus, inter homines; fe-  
licius tamen erat illud, quod reliquisti. sub bono Principe, <sup>58</sup> pri-  
uatus esse desisti. Assumptus es in laborum curarumque confor-  
tium, nec te læta & prospera <sup>59</sup> stationis istius, sed aspera & du-  
ra, ad capefendam eam compulerunt. Suscepisti imperium,  
postquam alium suscepti poenitebat.

<sup>49</sup> PARENS GENERIS.] *Ausonius de ipso:*

Nerua senex, Princeps nomine, mente parens.

<sup>50</sup> MITISSIMO.] *Ideò cognomento Tranquillus dictus. Panegyricus  
Theodosio: Quando me Nerua Tranquillus, amor generis humani Ti-  
tus pietate memorabilis Antoninus teneret. Sidonius:*

Post quem Tranquillus vix me mihi reddere Nerua  
Cœpit.

*Claudianus: Tranquilli que, Pij, bellatores que Seueri.*

<sup>51</sup> TANTI FUISSE.] *Vel cladium illarum pretio emendum, ut tu Princeps  
esses. Lucanus simili colore, pulcherrimè:*

Quod si non aliam venturo fata Neroni  
Inuenère viam, magnoque æterna parantur  
Regna deis, cælumque suo seruire Tonanti  
Non nisi fauorum potuit post bella gigantum:  
Iam nihil ô superi querimur, scelus omne nefasque  
Hac mercede placent.

*Vititur & Augustus apud Dionem, Oratione in Senatu, libro LIII. cum be-  
neficia sua commemorasset, & bona presentis status: ὥστε, addit, εἰπὲρ ποτε καὶ  
αὐδὶς πεπεφνημένον ἔη τὸ πόλιν ἡμῶν νοοῦσθαι, τῶν αὐτῶν τὸν τρόπον δόξαδαί τι-  
να σασιᾶσαι: adeò vt, si iterum in fatis sit Remp. nostram affligi & agro-  
tare; optauerit aliquis hoc eam modo turbari ac collidi. Sed & princeps  
iure suo oratorum, Demosthenes, pro Rhodiorum libertate, cum mala recen-  
sisset, quæ ei tulerant: ὁλίγη δὲ δέω λέγειν, ἀν' ὑμεῖς ἀνέστις ἐδεληόντε βο-  
νῶσθαι, ὥς καὶ σωζώμεθα ταῦτ' ἀντίς: Propè tamen abest quin dicam, si  
vos ijs auxiliari decernitis, ex usu eorum fuisse hæc pati. In diuersum sen-  
sum, ipsâ figurâ & phrasi, Martialis:*

Flauia gens, quantum tibi tertius abstulit heres,

Pæne fuit tanti, non habuisse duos.

<sup>52</sup> CORRECTOR EMENDATORQUE.] *Fecit, in istâ etiam re. Nam  
Ælium, & Prætorianorum præcipuos turbatores, ad se euocatos, qua-  
si ope-*

si operâ eorum vsurus, alium alibi sustulit. *Dio.* <sup>53</sup> EXSPECTATVM EST TEMPVS.] Palàm igitur, non initio statim imperij à Neruâ, sed eo inclinante, adoptatus est. At Onufrius (verus pater Principalis historiæ & Faſtorum) aſſuerat, Diem adoptionis, & Tribunitiæ potestatis aſſumptæ, proculdubio fuiſſe XI III. Kal. Octobris. Quid? illum primum imperij? non poteſt. anno igitur poſt? hoc propius ad verum, ſed quo tamen auctore, tam definite eundem ſtatuât, requiro. Ego hoc ſaltem inuenio (in Aur. Victore) tribus menſibus cum adoptato Neruam vixiſſe. Atquin imperauit Nerua annum vnum, menſes quattuor, dies nouem: capit imperare certò XI III. Kal. Octobris, cum Domitianus cæſus: ergo, hoc calculo, adoptio Traiani incidat in VI. Kal. Nouembris, aut circâ. <sup>54</sup> IMPLORATVS ADOPTIONE.] Cum ad abſentem Homericò verſu Nerua ſcripſiſſet:

Τίτρω δαυροῖ ἐν αὐτῷ δάκρυα ποτὶν βέλεσσι:

Has lacrymas, Traiane, tuis vlciſcere telis.

<sup>55</sup> PARIA ACCIPIENDO.] Atqui reddendo paria ſunt, & nomen expungitur. Pulchrum acumen, vt centena in hoc ſcripto. <sup>56</sup> VLTRA.] Velcbam, & nunc velim, vltiò. <sup>57</sup> PROPRIVS METVS.] Vt Tacitus, de Othone: Fin-gebat & metum, quò magis concupiſceret. <sup>58</sup> PRIVATVS ESSE.] Atqui Senator erat, & Conſularis, & prouinciæ præſes. Nihil ad rem. more huius & ſuperioris æui, omnes Priuati, qui non Principes: & ſolus ille ab hoc nomine exceptus. Tacitus de Galbâ: Maior priuato viſus, dum priuatus fuit: & millies alibi. <sup>59</sup> STATIONIS. ISTIVS.] Suetonius, Claudio: Quòd alter peruenturus ad ſuſceptam ſtationem non fuerit. Spartianus: Qui Principum locum in hac ſtatione retentarunt. Lampridius: Etiam in his artifex, quæ ſtationis Imperatoriæ non erant. & ſæpiùs alibi, pro ſummo hoc loco & Principali. Quare? ab militariſus ſtationibus ductum puto. quia ſicut ille in excubiis contra hoſtem; ita Imperator quaſi in perpetuâ vigiliâ & Reip. curâ. An non Veſpaſianus eo alluſerit, cum extremum illud protulit? Imperatorem ſtantem mori oportere. Stabant enim in his Stationibus: et ſi ad aciem potuit etiam eſſe reſpectus.

N V L L A adoptati cum eo qui adoptabat cognatio, nulla neceſſitudo: niſi quòd vterque optimus erat, dignusque alter eligi, alter eligere. Itaque adoptatus es, non vt priùs <sup>60</sup> alius atque alius, in gratiam vxoris: adſciuit enim te filium non vitricus, ſed Princeps, eodemque animo diuus Nerua pater tuus factus eſt, quo erat omnium. Nec decet aliter filiũ adſumi, ſi adſumatur à Principe. An Senatum P. Q. R. exercitus, prouincias, ſocios tranſmiſſurus vni: ſucceſſorem è ſinu vxoris accipias? ſummæque potestatis heredem, <sup>61</sup> tantum intra domum tuam quæras? non per totam ciuitatem <sup>62</sup> circumferas oculos? & hunc tibi proximum, hunc coniunctiſſimum exiſtines, quem <sup>63</sup> optimum, quem dijs



simillimum inueneris? Imperaturus omnibus, eligi debet ex omnibus. non enim <sup>64</sup> seruulis tuis dominum, vt possis esse contentus quasi <sup>65</sup> necessario herede, sed Principem ciuibus daturus Imperator. Superbum istud & regium, nisi adoptes eum, quem <sup>66</sup> constet imperaturum fuisse, etiam si non adoptasses.

<sup>60</sup> ALIUS, ATQVE ALIUS.] *Tiberius & Nero intelliguntur: ille ab Augusto, matris Liuiæ ambitu; hic à Claudio, Agrippina, ad imperium adsciti.*

<sup>61</sup> TANVM INTRA DOMVM.] *Galba apud Tacitum: Sed Augustus in domo successorem quæsiuit, ego in republicâ.* <sup>62</sup> CIRCVMFERAS OCULOS.] *Hæc omnia pro Electione, & Politicis notanda sunt. Senator quispiam, apud Vopiscum, senem iam Tacitum Imp. eò hortatur: Quare circumspice, imitare Neruas, Traianos, Hadrianos. Ingens est gloria morientis Principis, remp. magis amare, quàm filios.* <sup>63</sup> QVEM OPTIMVM.] *A virute, non à sanguine. Roma, apud Claudianum:*

Hic illi mansere viri, quos mutua virtus

Legit, & in nomen Romanis rebus adoptans,

Iudicio pulchram seriem, non sanguine, duxit.

<sup>64</sup> SERVVLIS TVIS.] *Idem ille Senator, in Vopisco: Ne sic remp. patresque conscriptos, & populum Romanum, vt villulam tuam, vt colonos tuos, vt seruos tuos, relinquant.* <sup>65</sup> NECESSARIO HEREDE.] *Statius:*

— natos genuisse necesse est, At legisse iuvat. *Tacitus in oratione Galba: Sub Tiberio, & Caio, & Claudio, vnus familiæ quasi hereditas fuimus.*

<sup>66</sup> CONSTET IMPERATVRVM.] *Gloriosè hoc erga Traianum. quasi ille, virtutis merito, ad imperium venturus, etiam non electus.*

FECIT hoc Nerua. nihil interesse arbitratus, genueris an elegeris; si perinde <sup>67</sup> sine iudicio adoptentur liberi, ac nascuntur. nisi tamen, quod æquiore animo ferūt homines, quem Princeps parum feliciter genuit, quàm quem malè elegit. Sedulò ergo vitauit hunc casum, nec iudicium hominum, sed deorum etiam in consilium assumpsit. Itaque non tua in cubiculo, sed <sup>68</sup> in templo; nec ante genialem torum, sed ante puluinar Iouis optimi maximi adoptio peracta est: quâ tandem non seruitus nostra, sed libertas, & salus, & securitas fundabatur. Sibi enim dii gloriam illam vindicauerunt: horum opus, horum illud imperium: Nerua tantum minister fuit. Vterque, qui adoptaret tam paruit, quàm tu, qui adoptabaris. Allata erat ex <sup>69</sup> Pannoniâ laurea, id agentibus dijs, vt inuicti Imperatoris exortum victoriæ insigne decoraret. hanc Imperator Nerua <sup>70</sup> in gremio Iouis collocarat: cùm repentè solito maior & augustior, aduocatâ <sup>71</sup> hominum concio-

concione deorumque, te filium sibi, hoc est vnicum auxilium fessis rebus assumpsit. Inde quasi deposito imperio, quâ securitate, quâ gloriâ lætus (nam quantulum refert deponas, an partiaris imperiū: nisi quod <sup>72</sup> difficilius hoc est?) non secus ac præsentī tibi innixus: tuis humeris se patriamque sustentans, <sup>73</sup> tuâ iuuentâ, tuo robore inualuit: statim confedit omnis tumultus. Non adoptionis opus istud fuit, sed adoptati: atque adeò temerè fecerat Nerua, si adoptasset alium. Obliti ne sumus, ut <sup>74</sup> nuper post adoptionem non desierit seditio, sed cœperit? Irritamentum istud irarum, & fax tumultus fuisset, nisi incidisset in te. An dubium est, ut <sup>75</sup> dare non posset imperiū Imperator, qui reuerentiam amiserat? auctoritate eius effectum est, cui dabatur. Simul filius, simul Cæsar, mox Imperator, & consors Tribunitiæ potestatis, & omnia pariter & statim factus es: quæ proximè <sup>76</sup> parens verus tantum in alterum filium contulit.

<sup>67</sup> SINE IUDICIO.] *Nam hoc est, quod discrimen facit inter Adoptionem & Genituram: & quo titulo huic vult præferri. Hadrianus moriturus, apud Dionem: Mihi, ô amici, liberos gignere natura non dedit, sed lege & adoptione vos mihi dedistis. Differt autem hoc ab illo, quod nati quidem liberi, quales deo cumque visum est, gignuntur & crescunt; at adoptione, quales quisque vult, pro arbitrio adsciscit. Ita à naturâ sæpe corpore aut mente imminutum habes; ab adoptione & iudicio, utroque perfectum, si voles.* <sup>68</sup> SED IN TEMPLO.] *In Capitolio. Dio Cassius: Νερούας δὲ τὸ γῆρας καταφρονέμενος, ἀνέβη τε εἰς τὸ καπιτώλιον, καὶ ἔφη γεγωνήσας, Ἀγαθὴ τύχη τῆς τε βασιλῆς, καὶ τῆ δῆμῳ τῆς Ῥωμαίων, καὶ ἐμῷ αὐτῷ, Μάρκον Οὐλπιὸν Τραϊανὸν εἰσποιεῖμαι. καὶ μετὰ ταῦτα ἐν τῷ συνεδρίῳ καίσαρος τε αὐτὸν ἀπὲς εἶξε: Nerua ob senium iam contemptui, in Capitolium ascendit, & magnâ voce inclamans dixit, Quod felix faustumque Senatui, Populoque Romano, mihi que sit, M. Vlpium Traianum adopto. Et post hoc eundem Cæsarem in Senatu designauit.* <sup>69</sup> EX PANNONIA LAVRVVS.] *Georgius Cedrenus: Ἐκ Παιονίας δὲ ἀγγελία ὀπτιμίων ἐλθούσα ὡς δὲ Τραϊανῶς: E Pannoniâ victoriæ nuncius à Traiano veniens: etsi fallitur de Traiano. nam ille nunc alibi, & in coloniâ Agrippinâ.* <sup>70</sup> IN GREMIO IOVIS.] *Quod in triumphis factum, atque etiam ubi victoria non digna triumpho. Suetonius, Domitiano: De Cattis triumphauit, de Sarmatis Lauream modò Ioui Capitolino rettulit. Plura nos ad II. Annalem Taciti.* <sup>71</sup> HOMINVM CONCIONE.] *Itaque & tribunal ascendit, quod sic Cedrenus: Λιτανωτὸν ὀπιδύσας, ὡς ὁ βήματος, μετὰ λαβωάνῃ, Ἀγαθὴ τύχη, Νερούας Τραϊανὸν ὑποποιεῖμαι: Thure cum supplicasset: stans in suggestu clamauit, Quod faustum felixque sit, Nerua Traianum adopto.* <sup>72</sup> DIFFICILIVS



HOC EST.] *Nam ut ille ait, Nec regna socium ferre, nec tædæ sciunt.*

<sup>73</sup> TUA IUVENTA.] *Suprà de etate dixi. At Romanis Iuniores, ex Seruij scito, ad annum XLV. ultra Seniores. Martialis etiam Iuuenem dixit, his versibus:*

*Et fortem, iuuenemque, Martiumque*

*In tanto duce militem videret.*

<sup>74</sup> NUPER POST ADOPTIONEM.] *Pisonis à Galbâ factam: neque aliter acceperis. Qui volunt à Neruâ ipso alium aliquem adoptatum; ut verbo dicam, blatiunt nugas.* <sup>75</sup> DARE NON POSSET.] *Haud improba sententia. Possétne dare imperium alteri, qui ipse iam pænè amiserat? non posset. At libris tamen alijs abest negatio: ac tunc legendum continuatione, An dubium est, ut dare posset imperium Imperator, qui reuerétiam amiserat, auctoritate eius effectum esse, cui dabatur? magisque hoc placet. Sed magis etiam: An dubium est? ut dare posset imperium I. q. r. a. auctoritate eius effectum est, cui dabatur.* <sup>76</sup> PARENS VERVS.] *Vespasianus, qui Titum consortem imperij accepit, seposito Domitiano, cuius superbia & propera ambitio timebatur. Suetonium vide.*

MAGNUM hoc tuæ moderationis indicium, quòd <sup>77</sup> non solum successor imperij, sed particeps etiam sociusque placuisti. nam successor, <sup>78</sup> etiam si nolis, habendus est; non est habendus socius, nisi velis. Credéntne posterì, <sup>79</sup> Patricio & <sup>80</sup> Consulari & <sup>81</sup> Triumphali patre genitū, cūm <sup>82</sup> fortissimum, amplissimum, amantissimum sui exercitum regeret, Imperatorem non ab exercitu factum? eidem cūm <sup>83</sup> Germaniæ præsideret, <sup>84</sup> Germanici nomen <sup>85</sup> hinc missum? nihil ipsum ut Imperator fieret agitalle, nihil fecisse? nisi quod meruit, & paruit. Paruisti enim Cæsar, & ad Principatum obsequio peruenisti: nihilque magis à te <sup>86</sup> subiecti animo factum est, quàm quod imperare cœpisti. Iam Cæsar, iam Imperator, iam Germanicus, absens & ignarus, & post tanta nomina, quantum ad te pertinet, priuatus. Magnum videretur si dicerem, nescisti te Imperatorem futurum: eras Imperator, & esse te nesciebas. Ut verò ad te fortunæ tuæ nuncius venit, malebas quidem hoc esse quod fueras, sed non erat liberum. An non obsequeris Principi ciuis, Legatus Imperatori, filius patri? Vbi deinde disciplina, vbi mos à maioribus traditus, quodcunque Imperator munus iniungeret, æquo animo paratoque subcundi? Quid enim si prouincias ex prouincijs, ex bellis bella mandaret? <sup>87</sup> eodem illo uti iure posse pures, cūm ad Imperium reuocet, quo sit vsus cūm ad exercitum miserit: nihilque interesse,

ire

ire Legatum, an redire Principem iubeat. nisi quòd maior sit obsequij gloria in eo, quod quis minùs velit. Augebat auctoritatem iubentis, in summum discrimen auctoritas eius adducta: utque magis parendum imperanti putares, efficiebatur eo, quòd ab alijs minùs parebatur. Ad hoc audiebas, Senatus<sup>88</sup> populique consensum. non vnus Neruæ iudicium illud, illa electio fuit: nam qui vbique sunt homines, hoc idem votis expetebant; ille tantum iure Principis occupauit, primusque fecit, quod omnes facturi erant. Nec hercule tantopere cunctis factum placeret, nisi placuisset antè quàm fieret.

<sup>77</sup> NON SOLVM SVCCESOR. ] *Id est, non Casarem te tantum designauit, & filium fecit, sed Imperatorem appellauit, & Tribunicia potestatis collegam. Adeo de modestiâ tuâ confusus est, nec timuit ne his elatus, aliquid super ipsum, aut contra ipsum, velles.* <sup>78</sup> ETIAM SI NOLIS. ] *Nemo enim (aiebat ille) successorem suum tollit.* <sup>79</sup> PATRICIO. ] *Eutropius ait, Traianum ex familiâ antiquâ magis, quàm clarâ natum. Et sanè Patriciatus iste, in homine Hispano, non potuit nisi nouus esse: puto à Vespasiano, qui Patricias gentes allegit.* <sup>80</sup> CONSULARI. ] *Ita infrà, Consularis viri triumphalisque filius. Sed quando fuerit, haud liquet: & confusares in consulibus tanto numero suffectis.* <sup>81</sup> TRIUMPHALI. ] *Vbi meritus? Infrà lege: Cùm puer admodum Parthicâ lauro gloriam patris augens. Itaque dicat in Parthis rem gessisse, comite filio puero, & illinc triumphalia rettulisse. Enimuerò bella cum Parthis sub Nerone, duce Corbulone: ac pueritia Traiani incidit in illud tempus. Potest & in Iudæâ etiam meruisse, cum Tito; cui Legatus Prætorius fuit, legionis pugnaciissimæ Decimæ præfectus. Iosephus lib. III. Iaphan ab eo captam narrat, & disertè Τεγαῖων τὸ δυνάστη ταγματὸς ἡγεμόνα appellat: Decimæ legionis Præpositum, siue Legatum.* <sup>82</sup> FORTISSIMUM, AMPLISSIMUM. ] *Nam, ut addit, Germaniæ inferiori præsidebat: in quâ legiones quattuor, cum auxilijs suis, alijsque.* <sup>83</sup> GERM. NIÆ. ] *Nostræ huic, inferiori. Eutropius: Imperator in Gallijs, apud Agrippinam ciuitatem factus. Orosius: Apud Agrippinam, Galliæ urbem, insignia sumpsit imperij. Sidonius:*

Vlpus inde venit, quo formidata Sicambris

Agrippina fuit.

*Dio Cassius: ἡρχε δὲ τῆς γερμανίας: Præfuit Germaniæ. Ac diat. hic præfuisse, Claudianus indicat:*

Cedant Druse tui, cedant Traiane labores.

Vestra manus dubio quidquid certamine gessit,

Transcurrens egit Stilico: totidemque diebus

Edomuit Rhenum, quot vos potuistis in annis.

*Monumenta eius sunt, Vlpia castra haud longè à Veteribus; & ad Al-*



num fluuium, Munimentum Traiani, quod commemorat Ammianus initio libri XVII. <sup>84</sup> GERMANICI NOMEN. ] Quod inter titulos imperij erat. eoq<sup>ue</sup> vsi omnes, qui Germanicum Cæsarem sanguine vel adoptione contingerent: vt Caius, Claudius, Nero. postea & Vitellius, etsi aliâ causâ: item Domitianus, & nunc Traianus. Notauit aliquid ad locum Taciti I. Annalium: In suum cognomentum adscisci Imperatores. <sup>85</sup> HINC MISSVM. ] Nam ambitiosi Præsides, copijs subnixi, ipsi se Principes creabant. Ita Galba, Vitellius, cum successu: absque eo, Scribonius, & L. Antonius, conati. <sup>86</sup> SVBIECTI ANIMO. ] Quia in ipso animo tuo imperare spernebas: fecisti tamen, sed quia iussus. <sup>87</sup> EODEM ILLO. ] Malim, illum. <sup>88</sup> POPVLIQUE CONSENSVM. ] Ita Galba magnificè, in Tacito: Me deorum hominumq<sup>ue</sup> consensu ad imperium vocatum.

AT quo, dij boni, temperamento potestatem tuam fortunamq<sup>ue</sup> moderatus es? Imperator tu <sup>89</sup> titulis, & imaginibus, & signis: ceterum <sup>90</sup> modestiâ, labore, vigilantia, Dux, & Legatus, & miles, cum iam tua vexilla, tuas aquilas magno <sup>91</sup> gradu anteires: neque aliud tibi ex illâ adoptione, quàm filij pietatem, filij obsequium adfereres, longamq<sup>ue</sup> huic nomini ætatem, longam gloriam precarere. Iam te prouidentia deorum primum in locum prouexerat, tu adhuc in secundo resistere atque etiam senescere optabas: priuatus tibi videbaris, quamdiu Imperator & alius esset. Audita sunt vota tua, sed in quantum optimo illi & sanctissimo feni vtile fuit; quem dij <sup>92</sup> cælo vindicauerunt, ne quid post illud diuinum & immortale factum mortale faceret. Deberi quippe maximo operi hanc venerationem, vt nouissimum esset; auctoremq<sup>ue</sup> eius statim consecrandum, vt quandoque inter posteros quæreretur, an illud iam deus fecisset. Ita ille nullo magis nomine publicus parens, quàm quia tuus, ingens gloriâ, ingensq<sup>ue</sup> famâ, cum <sup>93</sup> abundè expertus esset, quàm benè humeris tuis <sup>94</sup> federet imperium, tibi terras, te terris reliquit; eo ipso carus omnibus ac desiderandus, quod prospexerat ne desideraretur. Quem tu lacrymis primum, ita vt filium decuit, mox templis honestasti, non imitatus illos qui hoc idem, sed aliâ mente fecerunt. Dicauit cælo Tiberius Augustum, sed vt <sup>95</sup> maiestatis numen induceret: Claudium Nero, sed <sup>96</sup> vt irrideret: Vespasianum Titus, Domitianus Titum, sed ille vt dei filius, hic vt frater videretur. Tu sideribus patrem intulisti, <sup>97</sup> non ad metum ciuium, non in contumeliam numinum, non in honorem tuum; sed <sup>98</sup> quia deum

deum credis. Minus est hoc, cum sit ab his, qui & sese deos putant. Sed licet illum aris, puluinaribus <sup>89</sup> flamine colas, non alio magis tamen deum & facis & probas, quam quod ipse talis es. In Principe enim qui electo successore fato concessit, vna itemque certissima diuinitatis fides est, bonus successor.

<sup>89</sup> TITVLIS, IMAGINIBVS, SIGNIS. ] *Inscriptionibus, tabulis aut clypeis, statu. Etsi verius fortasse, Signa referri ad militaria illa, quibus nomina inscripta Imperatorum, & imagines ex auro argentoque innexæ. Docui in Militiâ Romanâ.* <sup>90</sup> MODESTIA. ] *Hysterologiâ, singula singulis sequentibus nectuntur. Modestiâ miles, labore Legatus, vigilantia Dux.*

<sup>91</sup> GRADV ANTEIRES. ] *Pedibus, more Romano. Lucanus, de Catone: — præcedit anhelis Militis ora pedes. Tacitus de Othone: Nec illi fegne, aut corruptum luxu iter, sed lorica ferreâ vsus, & ante signa pedestes. Spartianus, de Hadriano: Vicena millia pedibus armatum ambulasse.*

<sup>92</sup> CÆLO VINDICAVERVNT. ] *Splendidè loquitur, quia Nerua consecratus. Conatus Hadrianus hunc nuncium perferre, de quo ita Spartianus: Traiano à Neruâ adoptato, ad gratulationem exercitus missus, in Germaniam superiorem translatus est. ex quâ festinauit ad Traianum, ut primus excessum Neruæ nunciaret. Quod libentiùs noto, ut sciatur interuallum aliquod inter adoptionem & mortem fuisse (suprà à me notatum:) neu quem fallant hæc Pliniana, auctoremque eius statim consecrandum: & plura, coloratè & oratoriè dicta.* <sup>93</sup> ABVNDÉ EXPERTVS. ] *Quomodo autem, nisi interuallum fuisset, ut dicimus?* <sup>94</sup> SEDERET IMPERIVM. ] *Firmiter innixum. Sessio perpetuitatem notat.* <sup>95</sup> MAIESTATIS NVMEN. ] *An nomen, an magis crimen? nam & hoc vltimum in quibusdam libris. Constat sub Tiberio publicam pænè rabiem (loquor cum prisco scriptore) fuisse accusandi: & pleraque crimina omnia, inscripta titulo Maiestatis. Quidquid dictum, factumve, Augustum aut eius stirpem vel leuiter tangeret, crimen àσείβειας erat, Impietatis, ut Græci, siue Maiestatis, ut Latini.* <sup>96</sup> VT IR-RIDERET. ] *Palàm quidem. cum & Boletos, deorum cibum diceret; & plura huic rei in Suetonij Nerone. cap. xxxiii.* <sup>97</sup> NON AD METVM. ] *Vt Tiberius. sicut de Contumeliâ, quod sequitur, ad Neronem spectat: de Honore, ad Titum & Domitianum.* <sup>98</sup> QVIA DEVM CREDIS. ] *Et virtutibus cælum meruisse. Seneca, de Clem. Deum esse, non tanquam iussi credimus, bonum Principem Augustum.* <sup>99</sup> FLAMINE COLAS. ] *Proprio sacerdote. Vide notata nobis ad I. Annalem Taciti.*

N y m ergo tibi ex immortalitate patris aliquid arrogantia accessit? num hos proximos, diuinitate parentum desides ac superbos, potius, quam illos veteres & antiquos æmularis? qui hoc ipsum imperium peperere, quod modò <sup>100</sup> hostes inuaserat con-



tempferantque.<sup>101\*</sup> cuius pulsi fugatique, non aliud magis habebatur indicium, quàm <sup>102</sup> si triumpharetur. Ergo sustulerant animos & iugum excusserant, nec iam nobiscum de suâ libertate, sed de nostrâ seruitute certabât: ac ne inducias quidem, <sup>103</sup> nisi æquis conditionibus, inibant, legesque vt acciperent, dabant. At nunc redijt omnibus <sup>104</sup> terror & metus, & votum imperata faciendi. <sup>105</sup> Vident enim Romanum ducem, vnum ex illis veteribus & priscis; quibus Imperatorium nomen addebant contekti cædibus campi, & infecta victorijs maria. Accipimus obsides ergo, <sup>106</sup> nō eminus, nec <sup>107</sup> ingentibus damnis imminensque muneribus paciscimur, vt vicerimus. <sup>108</sup> rogant, supplicant; largimur, negamus, vtrumque ex imperij maiestate. agunt gratias qui impetrauerunt, non audent queri quibus negatum est. An audeant? qui sciant <sup>109</sup> te adfedissem ferocissimis populis, eo ipso tempore, <sup>110</sup> quod amicissimum illis, difficillimum nobis: cū Danubius <sup>111</sup> ripas gelu iungit, duratusque glacie ingentia tergo bella transportat: cū feræ gentes, non telis magis, quàm <sup>112</sup> suo cælo, suo fidere armantur. Sed vbi in proximo tu, non secus ac si mutata temporum vices essent, illi quidem <sup>113</sup> latibulis suis clausi tenebantur; nostra agmina percurrere ripas, & alienâ occasione, si permitteres, vti, vltroque <sup>114</sup> hiemem suam barbaris inferre gaudebant.

<sup>100</sup> HOSTES INVASERANT.] *Daci, Sarmatæ, Sueui, Catti, sub Domitiano.*

<sup>101\*</sup> CUIUS PULSI.] *Ego verò hiatum esse video, & firmat etiam vetus codex (Io. Liuiueia visus) qui lacunam præfert. Ille tamen mederi se putat, rescribendo: quod modò hostis inuaserat contempseratque. cuius pulsi: nempe, inquit, hostis. Parcite manes, alia mens longè Secundi. Tangit palam Domitianum, cuius hac demens vanitas, vt cū malè pugnasset ipse aut Legati, tunc denique Romæ triumphum instrueret, quasi victor. De Cattis, Tacitus: Proximisque temporibus (Domitiani) triumphati magis, quàm victi sunt Idem, in Agricolâ: Derisui fuisse falsum eius (Domitiani) è Germaniâ triumphum. At de Dacis, Orosius: Præuissimâ iactantiâ elatus, sub nomine superatorum hostium, de extinctis legionibus triumphauit. Dio similia habet, & nos aliquid infra. Hac igitur sententia, & pro eâ reformari possit: cuius non pulsi. Sed non placet, atque aliquid omnino delinquit. <sup>102</sup> SI TRIUMPHARETUR.] *Nempe Romæ, à Domitiano. At alij libri, si ab illis triumpharetur: falsò, magisque tunc, de illis. <sup>103</sup> NISI ÆQUIS CONDITIONIBVS.]* Hòcne ergo adeò iniquum, si æquis? Ita, quia dignatio Romana & potentia maior, quàm vt barbari æquarentur. Neque malè tamen alterutrâ  
vocalâ.*

*voculâ reiectâ legeris*: ac ne inducias quidem æquis conditionibus; *vel*, inducias quidem, nisi conditionibus. *Dispice. & fateberis fortius sic efferrî, magisque indignanter. Atque adeò sequentia dicunt, nec æquas conditiones fuisse, sed quas ijs lubitum imponere.* <sup>104</sup> *TERROR ET METVS.*] *Quid? utne hostes nos terreant? minimè. sed terror à nobis ad ipsos venit, habentque, & vnâ metum. Sic infrâ iungit*: Neque enim adhuc ignauia cessauimus: terror & metus monebant à rep. animos auerteremus. *Alioquin labebar legere, omnibus terris & metus &: sed puto, labebar.* <sup>105</sup> *VIDENT ROMANVM DVCEM.*] *Ista & Martialis versibus amplexus, in Traiani popularis sui laudem:*

Terrarum dea gentiumque Roma,  
Dixit Præside gloriosa tali:  
Parthorum procures, ducesque Serum,  
Thraces, Sauromatæ, Getæ, Britanni,  
Possum ostendere Cæsarem, venite.

<sup>106</sup> *NON EMIMVS.*] *Factum Domitiano, qui & falsos captiuos emit, ad instrumentum triumphi. Tacitus Agricolâ: Emptis per commercia, quorum habitus & crines in captiuorum speciem formarentur.* <sup>107</sup> *INGENTIBVS DAMNIS.*] *Pecuniarijs. Sed hæc, priora, & subiuncta lucem accipiant à Dionis loco, qui in Fuluians Fragmentis publicatus. Ait, me vertente: Domitianus victus à Marcomannis & fugatus, misit illicò ad Decebalum Dacorum regem, eumque ad pacem inuitauit. Quam ille suscepit, nec sic tamen ut ipse ad Domitianum veniret: sed Diegem quendam misit, qui arma pauca & viros, quasi captiuos, traderet. Eoque facto, Domitianus, ut verè victor, diadema Diegi imposuit (nempe illi, sed in vicem nominisque absentis Decebali) tanquam & ipse regem Dacis dare posset: & militibus coronas, & dona pecuniaria, diuisit. Romam etiam quasi victor, cum alia misit, tum & Legatos, ut à Decebalo, & epistolam ab eodem (quam ipse tamen ferebatur confinxisse: ) & pompam triumphalem splendide adornauit. non ex ijs sanè, quæ ipse ab hostibus cepisset (nam omnia aliter erant. atque adeò multam pecuniam ad pacem hæc emendam & statim effudit, & in posterum etiam daturum se promisit; præterea artifices & operarios omne genus, vel paci vel bello utiles Decebalo donauit: ) non, inquam, ex hostium spolijs, sed ex Principalibus tributis instruxit. En pacem à Domitiano emptam, en mimicos triumphos! Atque ab his principijs (ô Romani, quò iniistis?) passim postea Barbari auro redempti & adstricti. Attila rex facere id obiecit & sugillauit, narratiuaculâ veteris scriptoris, apud Suidam: Cum Mediolanum, inquit, cepisset, vidissetque ibi in picturâ, Romanos Princeps folio aureo insidentes, Scythas autem ijs ad pedes iacentes, ipse contrâ, sese iussit pingi, folio sublimem, Romanos autem Imperatores sacculos humeris baiulare, & aurum effundere ad eius pedes. Hæc Suidas, in κόρυκος.* <sup>108</sup> *ROGANT, SUPPLICANT.*] *Dio in Fragmentis: ὅτι πλείους ὅσων ἀποβείναι πρὸς Τεργιανὸν ὡς βαρβάρων ἄλλων τε καὶ Ἰνδῶν ἀφίκοντο.* Quod varij multiq̃ue Legati, cum ab alijs Barbaris,



tum & ab Indis ad Traianum venerint. *Et si hæc magis postea gesta: sicut & illud, quod in Dionis compendio est, Traianum grauatum dare pecuniam, quam Daci annuâ capiebant, ad bellum se parasse, timente Decebalo: qui rem sibi fore, non cum Domitiano, sed cum populo Romano, & Principe iustitiâ, robore, & militiâ claro videbat. Nam id bellum, anno post hæc Pliniana, capit. Porro similia istis, sed in viro dissimili, Stilicone suo, iactat Claudianus:*

Illi terribiles, quibus otia vendere semper  
Mos erat, & fœdâ requiem mercede pacisci,  
Natis obsidibus pacem, tam supplice vultu  
Captiuo quæ rogant, quàm si post terga reuincti  
Tarpeias pressis subeant ceruicibus arces.

<sup>109</sup> TE ADSEDISSE.] *Castra & pratenturas habuisse, in fluminum ripâ. Quia enim ibi firmiter & adsidue, ipsa castra etiam Sedes posteriore isto æuo dicta.* <sup>110</sup> QVOD AMICISSIMUM ILLIS.] *Claudianus, diligens Plinij lector, & imitator:*

— quod gentibus illis

Frigore consuetis fauet inclementia cæli.

<sup>111</sup> RIPAS GELV IVNGIT.] *Sic & pontibus iungi dicuntur, cum scilicet commeari licet & adire, ut iunctas. De re ipsâ, & immuni hoc frigore, copiosè Herodianus libro VI. quem vide. Ait, inter alia, vtrumque fluvium, & Rhenum & Danubium, per hiemem sic gelascere, ut camporum in morem perequenterentur. Esse autem adeo solidam firmamque glaciem, ut non pedibus modò ungulisque hominum & equorum subsistat, sed qui hausturi aquam sunt, non tam urnas aut vasa secum afferant, quàm secures & dolabras, ut excisam aquam, quasi lapidem, sine ullo vase, asportet. Quæ postrema tangere Catonem in fragmento Originum, quod apud Nonium est, scio: Qui aquatum, ut lignatum, videntur ire. securim atque lorum ferunt, gelum crassum excidunt, eum loro colligatum auferunt. De Rheno, opinor, dixit.* <sup>112</sup> SVO CÆLO.] *In Taciti Germaniâ: Mattiaci, ipso adhuc terræ suæ solo & cælo acrius animantur. Sidus autem, Arctoum certum est capi.* <sup>113</sup> LATIBVLIS.] *Subterraneis suis specubus, quos contra hiemem aperiunt: Tacitus.* <sup>114</sup> HIEMEM SVAM INFERRE.] *Poëticòtera sunt hæc omnia, & floridè tumentia. Dicit, milites paratos uti occasione hiemis & glaciei, ac transire fluvium: quod antea illi in nos solent.*

HÆC tibi apud hostes veneratio, quid apud milites? quam admirationem, quemadmodum comparasti? cum <sup>115</sup> tecum in ediam, tecum ferrent sitim; cum in illâ <sup>116</sup> meditatione campestri militaribus turmis imperatorium puluerem sudoremque misceres, nihil à ceteris nisi robore ac præstantiâ differens; cum <sup>117</sup> libero Marte nunc cominus tela liberes, nunc <sup>118</sup> vibrata susciperes. alacer virtute militum & lætus, quoties aut cassidi tuæ aut clypeo

peo grauior ictus incideret: ( laudabas quippe ferientes, hortabarisque vt auderent, & audebant iam; ) cùm spectator moderatorque ineuntium certamina virorum, arma componeres, tela tentares, ac si quod durius accipienti videretur, ipse vibrares. Quid cùm solatium fessis, <sup>119</sup> ægris opem ferres? Non tibi moris tua <sup>120</sup> inire tentoria, nisi commilitonum antè lustrasses, nec requiem corpori, nisi post omnes, dare. Hac mihi admiratione dignus Imperator non videretur, si inter Fabricios, & Scipiones, & Camillos talis esset. tunc enim illum imitationis ardor, semperque melior aliquis, accenderet. Postquam verò studium armorum <sup>121</sup> à manibus ad oculos, <sup>122</sup> ad voluptatem à labore translatum est; postquam exercitationibus nostris non veteranorum aliquis, cui decus, muralis aut ciuica, sed <sup>123</sup> Græculus magister assistit; quàm magnum est vnum ex omnibus <sup>124</sup> patrio more, patriâ virtute lætari, & sine æmulo ac sine exemplo secum certare, secum contendere; ac sicut imperat solus, solum ita esse qui debeat imperare?

<sup>115</sup> TECVM INEDIAM. ] *Præcipit Honorio ita pater Theodosius, apud Claudianum:*

Inuentis vtare cibis. solabere partes

Æquali sudore tuas.

<sup>116</sup> MEDITATIONE CAMPESTRI. ] *Exercitio in campo, μελέτη. De istâ eiúsque modis, scripsi affatim lib. v. De militiâ. <sup>117</sup> LIBERO MARTE. ] Sine tui reuerentiâ. cùm quasi miles in militem esses compositus. <sup>118</sup> NVNC VIBRATA. ] Imò librata. <sup>119</sup> AEGRIS OPEM. ] *Ars Imperatoria, valde ad beniuolentiam parandam. Velleius, de Tiberio: Per omne belli Pannonici tempus, nemo è militibus, cuiuscumque gradus, imbecillus fuit; cuius salus & valetudo non ita sustentaretur Cæsaris curâ, tanquam distractissimus ille tantorum operum mole, huic vni negotio vacaret animus. Erat desiderantibus paratum iunctum vehiculum, lectica eius publicata: cuius vsum cùm alij, tùm ego sensi. Iam medici, iam apparatus cibi, iam in hoc solum importatum instrumentum balnei, nullius non succurrit valetudini. At de nostro Traiano, Dio in compendio: cuius tamen verba plura & meliora leguntur in Suidâ, istæ: Τεγαυρός ὁ βασιλεὺς τῆς ἐν πολέμῳ περὶ πόλεως ἐδρεάπευεν. ὁπλιεῶντων δὲ σφᾶς τῶν ὀπιθέσμων, ἐδὲ τ᾽ αὐτὸς ἐσθῆτος ἐφείσαστο, ἀλλ' εἰς τὰ λαμπρά τε αὐτῷ κατέτεμε πάντας.* Traianus Princeps milites in prælio vulneratos curabat. cùm autem fasciæ & volumina deficerent, nec suæ quidem vesti pepercit, sed eam totam in ligamenta & fomenta discidit. O factum (quid enim altius possim?) verè Traiani: quod tamen & famina simile, ante eum, vsurparat Agrippina, Germanici*



*nici vxor. in Tacito:* Sed fœmina ingens animi, munia ducis per eos dies induit, militibusque, vt quis inops aut saucius, vestem & fomenta dilargita est. *Maſte & tu, alio patre & patruo, quàm Tiberio digna.* <sup>120</sup> INIRE TENTORIA. ] *Aufonius, de Gratiano:* Vidi te circumire tentoria; Satin' saluæ: quærere, tractare vulnera sauciorum, & vt salutiferæ apponerentur medelæ instare. <sup>121</sup> A MANIBVS AD OCYLOS. ] *Quas manus non in pugna, sed in theatris Circisque mouemus. Ibi gladiatores, ibi bestiarios depugnantes oculis vsurpamus: & in Stadiis, athletas.* <sup>122</sup> AD VOLVPTATEM. ] *Sive ob caussam iam dictam: siue quia tangit gymnasia, Græcorum ritu vsurpata.* <sup>123</sup> GRÆCVLVVS MAGISTER. ] *Progymnastes, vel aliptes, Græcis item vocibus. Nam prohi facinus (ait Seneca in istâ re) ne Romanis quidem vitijs laboramus: nempe in ceromate dediti & haphæ. Enimuerò Plutarchus, etsi Græcus, fatetur Palæstram effæminasse corpora, & ad mollietiem deduxisse specie exercendi.* <sup>124</sup> PATRIO MORE. ] *Quid ergo? quid à te disco Plini? Traianum è Romanis aut Italis esse? Victoris epitoma hoc etiam dicat, in quâ scribitur, Vlpivs Traianus, ex vrbe Tudertinâ. Atqui Tuder in Italia Vmbriâ est. Si tamẽ hoc, quid fiet Dioni, qui disertè scribit, ὅτι Ἰσπανὸς Τραιανὸς, ὅτε Ἰταλὸς, ὅτε Ἰταλιώτης ἦν: quòd Hispanus esset Traianus, & nec Italus, nec quidem Italicus. Potestne clariùs Hispanum asserere, & nec Italum, nec Italo patre natum? Et addit: μηδεὶς πρὸς τὸν ἄλλον θινὴς τὸ τῷ Ῥωμαίων κείνους ἐχίρει: Nemo antea alienigena & exterus Romanum imperium est adeptus. Et pondus lapidis accedit, quod non amoliare, sic insculpti:*

IMP. CAES. NERVAE. TRAIANO. AVG. GERMANIC.

DACIC. PARTHIC. PONT. MAX. TR. POT. XV. COS. VI. P. P.

DE. ROMANO. IMPERIO. DE. PATERNA. ET. AVITA

HISP. PATRIA. ET. DE. OMNI. HOMINVM. GENERE. MERITISS.

POPVLARES. PROVINC. AREVATVM. OPTIMO. PRINCIPI.

*Et verò origine Hispanâ fuisse, patrémque talem, nihil ambigo: de ipso, suspendit me ipse lapis, dum scrutor. Nam nominat Hispaniam, paternam & auitam eius patriam: cur non eius simpliciter, si ibi natus? Considera, & momentum hoc est ad inclinandum: sicut & Victor alter ortum dicit Italicâ, non etiam natum. Sed nec Panegyricus satis apertè, qui Theodosio dictus: Hæc (Hispania) Traianum illum, hæc Hadrianum dedit imperio. Imò si ita intellegit datum, vt Hadrianum: profectò origine tantum Hispanus sit, non etiam natiuitate. Nam ille (in Spartiano) parentes quidem ab Italicâ Hispanie habuit, natus tamen Romæ. Hoc iterum si verum: quid Dionis superior assertio, nonne concutitur ab ipso Dione, qui in Hadriano scribit, πολὶ τῷ Τραιανῷ, id est, ciuem & ex eadem vrbe fuisse? Ergo vterque Romanus. Contrà tamen, liquido Eutropius, & ex eo Eusebius vt solet, natum Italicæ in Hispaniâ, adfirmant. Distrabi me fateor. & quod ad Victorem, parata correctiuncula erat, ex vrbe Turdetanâ: cisi lapis tum etiam turbat, qui Areuates (Ptolomæo Areuacas) populares Traiani facit, aut certè videtur: illi autem in diuerso Hispanie tractu, & prope Clumam, in eius meditullio, ponuntur. O in viro tam illustri pudendas tenebras! Vbi estis Græci Latini iu-*

qui

*qui vitam & res huius Principis scripsistis? supra decem fuisse scio, sed (ô dolor) fuisse. Pergamus in Plinio: qui aut verè Romanum eum habet, aut callidè ubique dissimulat Hispanum fuisse.*

NONNE incunabula hæc tibi, Cæsar, & rudimenta, cum puer admodum <sup>125</sup> Parthicâ lauro gloriam patris augens, nomenque Germanici iam tum mererere? cum ferociam superbiamque Parthorum ex proximo auditus magno terrore cohiberes, Rhenumque & Euphratem admirationis tuæ famâ coniungeres? cum orbem terrarum non pedibus magis, quàm laudibus peragrasses, apud eos semper maior & clarior, quibus postea cōtigisses? & necdum Imperator, necdum dei filius eras. <sup>126</sup> \* Germaniamque cum plurimæ gentes, ac propè infinita vastitas interiacentis soli, <sup>127</sup> tum Pyrenæus, Alpes, immensique alij montes nisi his compararentur, muniunt dirimuntque. Per hoc omne spatium cum legiones duceres, seu potiùs ( tanta velocitas erat) raperes: <sup>128</sup> non vehiculum vnquam, non equum respexisti. levis hic, non subsidium itineris, sed decus, & cum ceteris subsequebatur: ut cuius nullus tibi vsus, nisi cum die statiuorum proximum campum alacritate, discursu, puluere attolleres. Initium laboris mirer, an finem? multum est quod perseverasti, plus tamen quod non timuisti, ne perseverare non posses. Nec dubito quin <sup>129</sup> ille qui te inter illa Germaniæ bella ab Hispaniâ vsque, ut validissimum præsidium, exciuerat, iners ipse alienisque virtutibus tunc quoque inuidus Imperator cum ope earum indigeret, tantam admirationem tui non sine quodâ timore conceperit: quantum ille genitus Ioue, post labores duraque imperia, <sup>130</sup> regi suo indomitus semper indefessusque referebat, cum alijs super alias expeditionibus <sup>131</sup> itinere illo dignus inuenireris.

<sup>125</sup> PARTHICA LAURO. ] *Nihil hac de re lêgi: comitem patri fuisse, id apparet. Mox velim scribi: augeres.* <sup>126</sup> \* GERMANIAMQUE. ] *Defectum aliquem video, sed leuem.* <sup>127</sup> TUM PYRENÆVS. ] *Itane Pyrenæus inter Germaniæ terminos? ita, sed latè illius sumpta, ut Gallias etiam comprehendat. Nec id nouum est: & sicut Celtas eos prisçi Græci communiter vocarunt, sic Latini modo Germanos, modo Gallos alternant. Plura exempla sunt: sed hoc Seneca huc aptissimum, Consolat. ad Heluiam: Pyrenæus Germanorum transitus non inhibuit: ubi de gentium migratione agit. Ergo Germani in Hispaniam? non, quod sciam: sed Galli, id est Celta, à quibus & Celtiberia nomen habet.* <sup>128</sup> NON VEHICVLVM. ]



*Nota duritiem & perpeſſionem laboris in Principe. de quâ etiam Dio: Εὐκάδι-  
 ζον δὲ καὶ πάντος τὸς ἐγὼς πεζῶν, τὰς τε ποταμούς, ὅσους γὰρ ἐνέειναι, πεζῶν δὲ  
 ἔαυτε: Pedibus ibat, iuxta ac totus exercitus: & quoscumque fluuios illi,  
 etiam ipse pedester transibat. At Velleius in Tiberij laudibus ponit, quod  
 solus semper equo vectus sit, in bello Germanico: quo colore aut causâ?  
 Quod molliores Principes vehiculo semper aut lecticâ, & durior est equus.  
 Suetonius de Domitiano: In expeditione & agmine, equo rariùs, lecticâ  
 assiduè vectus est. Neque omnes sanè Traiani fuerunt. cuius factum ore  
 qui subsannat, animo miretur. <sup>129</sup> ILLE QVI TE.] Domitianus, dum bella  
 parum prospera cum varijs Germania gentibus habet. Sed accitum ait, ab Hi-  
 spaniâ. Vnde nunc ergo, aut quare, illic? Existimo post Consulatum (quem  
 gessit sub Domitiano, anno DCCCXLI I I.) missum in Hispaniâ aliquam par-  
 tem, ut praesideret. Illinc nunc cum legionibus exitum. <sup>130</sup> REGI SVO.]  
 Eurysthæo, qui talia imperabat. <sup>131</sup> ITINERE ILLO.] Tam longo, difficili.  
 Sed magis arridet, quod libri alij, munere alio habent. Per munera &  
 Præfecturas, quas sustinebas, gerendo probabas te alijs maioribusque  
 sufficere.*

TRIBVNVS verò, disiunctissimas terras, <sup>132</sup> teneris adhuc  
 annis, viri firmitate iustrasti: iam tunc <sup>133</sup> præmonente fortunâ,  
 vt diu penitus perdisceres, quæ mox præcipere deberes. Neque  
 enim prospexisse castra, breuemque militiam quasi transisse con-  
 tentus: ita egisti tribunum, vt esse statim dux posses, nihilque di-  
 scendum haberes tempore docendi. Cognouisti <sup>134</sup> per stipendia  
 decem <sup>135</sup> mores gentium, <sup>136</sup> regionum situs, opportunitates lo-  
 corum, & diuersam <sup>137</sup> aquarum cælique temperiem, vt patrios  
 fontes patriumque sidus, ferre consueuisti. Quoties equos, quo-  
 ties emerita arma mutasti? Veniet ergo tempus quo posteri vise-  
 re, visendum tradere minoribus suis gestient, quis sudores tuos  
 hauserit <sup>138</sup> campus, quæ <sup>139</sup> refectiones tuas arbores, quæ <sup>140</sup> som-  
 num saxa prætexerint, quod denique rectum <sup>141</sup> magnus hospes  
<sup>142</sup> impleueris: vt tunc ipsi tibi ingentium ducum sacra vestigia,  
 ijsdem in locis, monstrabantur. Verùm hæc olim. in præsentia  
 quidem, quisquis paulò vetustior miles, hic te commilitone cen-  
 setur. quotus enim quisque, cuius tu non antè commilito, quàm  
 Imperator? Inde est, quod <sup>143</sup> propè omnes nomine appellas;  
 quod singulorum fortia facta commemoras: nec habent <sup>144</sup> ad-  
 numeranda tibi pro rep. vulnera, quibus statim laudator & testis  
 contigisti.

<sup>132</sup> TENERIS ADHVC ANNIS. ] *Nam Tribuni, illo ævo, adolescentes fie-*  
*bant. Hadrianus demùm instituit, neminem Tribunum, nisi plenâ bar-*  
*bâ, fieri. Spartianus.* <sup>133</sup> PRÆMONENTE FORTVNA. ] *Lego, præmunien-*  
*te, vel præmoliente. Nam Deus, inquit, iam tunc disposuit & præstruxit,*  
*ut adolescens disceres, quæ exercenda aut iubenda Princeps haberes.* <sup>134</sup> PER  
 STIPENDIA DECEM. ] *Totius militia? non puto, sed Tribunatus. Nam si*  
*puer admodum (ita Plinius) militia Parthica interfuit, si à teneris annis*  
*Tribunus militum; si denique anno XLII. ad imperium venit: quomodo pro-*  
*babile, decem tantùm annos militasse? At Polybius ita de Equitibus. Scimus;*  
*sed hoc quoque, licuisse & receptum fuisse, ut ultrà; & denique hoc ævo, illa*  
*Polybiana in obliuionem & situm abisset.* <sup>135</sup> MORES GENTIVM. ] *Cum illo*  
*Vlyssæ, — ὁς μάλα πολλά ἠλάργυρε: & Πολλὰν δ' αὖθρ' ὠπὼν ἰδὲν*  
*ἄσπεα, καὶ νόον ἔγρω: — qui per sola multa Iactatus —*

Multorumque hominum mores atque opida nouit. *Cassiodorus:*  
 Interdum expedit patriam negligere, ut sapientiam quis possit acquire-  
 re. Vlysses Ithacus nisi hoc fecisset, in laboribus (scribe, laribus) proprijs  
 forsitan latuisset. <sup>136</sup> REGIONVM SITVS. ] *Quod utilissimum futuro*  
*Duci. Plutarchum in Philopæmene vide.* <sup>137</sup> AQVARVM CÆLIQVE. ] *Cur*  
*de aquis? quia Romani milites aquam aceto mixto, vulgò bibebant.*

<sup>138</sup> CAMPVS. ] *In quo te exercuisti.* <sup>139</sup> REFECTIONES TVAS ARBO-  
 RES. ] *Pro Rustico & militari item ritu, qui cibos capiebant,*

Propter aquæ riuos, sub ramis arboris altæ.

<sup>140</sup> SOMNVN SAXA. ] *Credemúsne? credamus, & res est: duces militésque*  
*olim, non in culcitis, sed in terrâ aut gramine, & (ut magnum) in antro aut*  
*specu, saxo impendente ac tegente, dormisse. Marius in Sallustio: At illa*  
*multo optima edoctus sum, hiemem & æstaté iuxtà pati, humi requies-*  
*cere.* <sup>141</sup> MAGNVS HOSPES. ] *Claudianus:*

— stat pallidus hospite magno Pastor. <sup>142</sup> IMPLEVE-  
 RIS. ] *Aut magnitudine (nam & corpore talis) aut certè maiestate.*

<sup>143</sup> PROPE OMNES NOMINE APPELLAS. ] *Mirum, tam hercules quàm*  
*in Cyro, qui milites in numerofo exercitu omnes nomine compellasse dicitur.*  
*Sed hoc studium in togâ & militiâ Romanis, hac comitate erga inferiores uti,*  
*& sic deuincire. Mox infrà.* <sup>144</sup> ADVNMERANDA TIBI. ] *Non opus re-*  
*censeant, aut suggerant: cum tu plerisque factis præclaris interfueris. His re-*  
*bus effectum, ut milites vnité amarent Traianum, neque vnquam (Dioni*  
*scriptum) contemptus aut seditio eum militaris exceperit:*

SE D tanto magis prædicanda <sup>145</sup> moderatio tua, quòd innu-  
 tritus bellicis laudibus pacem amas: nec quia vel pater tibi  
 triumphalis, vel adoptionis tuæ die dicata Capitolino Ioui  
 laurus, idcirco ex occasione omni quæris triumphos. Non times  
 bella, nec prouocas. Magnum est, Imperator Auguste, magnum  
 est, stare in Danubij ripâ, si transeas, certum triumphi, nec decer-



tare cupere cum recusantibus : quorum alterum fortitudine , alterum moderatione efficitur. Nam vt ipse nolis pugnare, moderatio; fortitudo tua præstat, vt neque hostes tui velint. Accipiet ergo aliquando Capitolium, <sup>146</sup> non inaneis currus, nec falsæ <sup>147</sup> simulacra victoriæ, <sup>148</sup> sed Imperatore veram ac solidam gloriam reportante, pacem, tranquillitatem, & tam confessa hostium obsequia, vt vincendus nemo fuerit. Pulchrius hoc omnibus triumphis. neque enim vnquam, nisi ex contemptu imperij nostri factum est, vt vinceremus. Quod si quis <sup>149</sup> barbarus rex eò insolentiæ furorisque processerit, vt iram tuam indignationemque mereatur; ne ille, siue interfuso mari, seu fluminibus immensis, seu <sup>150</sup> præcipiti monte defenditur, omnia hæc tam prona tamque cedentia virtutibus tuis sentiet, vt subfedis montes, flumina exaruisse, <sup>151</sup> interceptum mare, illatasque sibi non classes nostras, sed <sup>152</sup> terras ipsas arbitretur. Videor iam cernere non spolijs prouinciarum, & <sup>153</sup> extorto socijs auro, sed hostilibus armis, captorumque <sup>154</sup> regum catenis, triumphum grauem. Videor ingentia ducum nomina, <sup>155</sup> nec indecora nominibus corpora noscitare. Videor intueri immanibus ausis barbarorum <sup>156</sup> onusta fercula, & sua quemque facta <sup>157</sup> vinctis manibus sequentem; mox ipsum te sublimem, instantemque curru domitarum gentium tergo; ante currum autem clypeos, quos ipse perfo-deris. Nec tibi opima defuerint, si quis regum venire in manus audeat; nec modò telorum tuorum, sed etiam oculorum, minarumque coniectum toto campo, totoque exercitu opposito, perhorrescat. Meruisti <sup>158</sup> proximâ moderatione, vt quandocunque te vel inferre, vel propulsare bellum coegerit imperij dignitas, non ideo vicisse videaris, vt triumphares, sed triumphare, quia viceris.

<sup>146</sup> MODERATIO TVA.] *Item Dioni laudata.* Εἰ δὲ καὶ φιλοπόλεμος ὤν, ἀλλὰ τῇ τε καὶ ῥωαίᾳ, καὶ τῇ ἐχθρῶν καὶ καταπίσει, τὸ οἰκεῖν δὲ ἀνέχοιτο. *Etsi autem militaris gloriæ cupidus erat, tamen victoriâ contentus, & hostes depressisse, socios subleuasse, satis habebat.* <sup>146</sup> NON INANES CVRRVS.] *Iterum hæc in Domitianum.* Inanes autem, spolijs vacuos. *Propertius:*

Quâ videam spolijs onerato Cæsaris axe,

Ad vulgi plausus sæpe resistere equos.

*Possis & vniuersè referre ad currus, qui cum spolijs solent præire, grandi numero.*

mero. Vide Plutarchum in Aemilio. <sup>147</sup> SIMVLACRA VICTORIÆ.] Imagines & iconismi pugnarum, quæ in ferculis. <sup>148</sup> SED IMPERATORE.] Matrim, Imperatorem, & mox, reportantem, distinctiunculis mutatis leniter.

<sup>149</sup> BARBARVS REX.] Decebalus, cum quo bellum iam in opinione, & anno sequenti incohatum. <sup>150</sup> PRÆCIPITI MONTE.] Hoc quoque ad ipsum. Nam Dacia montana, & ibi in prærupto arces: Dio Cassius: ὁ δὲ Τεγαίρος ὄρη τε ἀντετραχιδὸν ἐλάει: Traianus montes (Dacorum) emunitos cepit. Et Statius:

Quæque suum Dacis donat clementia montem.

<sup>151</sup> INTERCEPTVM.] E medio sublatum. <sup>152</sup> TERRAS IPSAS.] Quasi Italia iam (exempli causâ) contigua Africa aut Illyrico esset. <sup>153</sup> EXTORTO SOCIIS AVRO.] Omnia in Domitianum. Aurum porro Coronarium in'ellegit, quod prætextu victoriæ acerbè exigebant, nec ut collationem (ita olim) sed ut tributum. Vide me in Admirandis, lib. II. <sup>154</sup> REGVM CATENIS.] Sollemne, ad pompam & speciem. Ovidius:

Vinclaque captiuâ reges ceruice gerentes,

Ante coronatos ire videbis equos.

Albinouanus Pædo:

Aspiciam regum liuentia colla catenis,

Duraque per sæuas vincula nexa manus.

Vopiscus Aureliano: Incedebat etiam Zenobia gemmis ornata, catenis aureis, quas alij sustentabant. Adeo graues scilicet catena ista, ut sustentanda essent. Vetus planè mos, & Dionysius in triumpho T. Quinctij Cincinnati: τὸν τε ἡγεμόνα τῆς πόλεως, καὶ τῆς ἄλλοις ἐπιφανεῖς ἀνδρας, ἀλύσει δεδευρόους ἦγε: Ducem hostium, aliosque illustrium, catenis vinctos ante se egit. <sup>155</sup> NEC INDECORA CORPORA.] Nomina magna, & in famâ omnium, & corpora item magna respondebant. An nomina magna, longa & polysyllaba? ut Decebalus, & talia Barbarorum. <sup>156</sup> ONVSTA FERCVLA.] Id est, in ipsis ferculis expressâ facinora audacia Barbarorum. Nam ibi flumina, vrbes, pugna, quidquid singulare, populo ostendebatur. Tacitus II. Annal. de Germanici triumpho: Vecta spolia, captiui, simulacra montium, fluminum, præliorum. Propertius:

— & titulis opida capta legam. Claudianus:

Hi famulos traherent reges, hi facta metallis

Opida, vel montes, captiuaque flumina ferrent.

Metallis ait facta, id est auro vel argento, sed & ebore, citro, aut siquid aliud carum vel rarum. Vide Suetonium Iulij cap. XXXVII. Dionem XLIII. qui hac Fercula πεπληκία vertit, ἡσὶς imponit ἐργῶν εἰκόνας, factorum imagines: sed ante omnes Iosephum, in Iudæico triumpho, qui Pegmata ea dicit. <sup>157</sup> VINCTIS MANIBVS SEQUENTEM.] Nota morem triumphalem. Facta ipsa in ferculis, auctores præcipui eorum iuxta ea sequebantur. Aut etiam in ipso ferculo impositi, sublimes ita monstrabantur. Iosephus clarè: τέτακτο δὲ ἐφ' ἐκαστῶ τῶν πηγμάτων ὁ τ' ἀριστὸς καὶ ἡγεὶς τῶν ἡρώων: Impositus erat in vnoquoque pegmatum dux vrbs capta. Seneca, De vitâ beatâ:



*beatâ: In alienum imponar ferculum, exornaturus victoris feri pompam: Propertius: Et subter captos arma federe duces. Nam habitu ita maesto & supplice representabantur.* <sup>158</sup> PROXIMA MODERATIONE.] *Cum ad Danubium sederes, certus victoriæ, si transisses.*

ALIVD ex alio mihi occurrit. quàm speciosum est enim, quòd disciplinam castrorum lapsam extinctamque refouisti, depulso prioris sæculi malo, inertia & contumacia, & <sup>159</sup> dedignatione parendi? Tutum est reuerentiam, tutum caritatem mereri: nec ducum quisquam, <sup>160</sup> aut non amari à militibus, aut amari timet. & inde offensæ gratiæque pariter securi, <sup>161</sup> instant operibus, <sup>162</sup> ad sunt exercitationibus, arma, <sup>163</sup> mœnia, viros aptant. Quippe non is Princeps, qui sibi imminere, sibi intēdi putet, quod in hostes paretur: quæ persuasio fuit illorum, qui hostilia cum facerent, timebāt. Eodem ergo tempore militaria studia, nec animos modò, sed & corpora ipsa languescere, gladios etiam incuriā hebetari retundi que gaudebant. Duces porrò nostri, non tam regum exterorum, quàm suorum <sup>164</sup> Principum insidias, nec tam hostium, quàm commilitonum manus ferrumque metuebant. Est hæc natura sideribus, vt parua & exilia validiorum exortus obscurer: similiter Imperatoris aduentu <sup>165</sup> Legatorum dignitas inumbratur. Tu tamen maior omnibus quidem eras, sed sine vllius diminutione maior. eandem auctoritatem presente te quisque, quàm absente retinebat: quin etiam plerisque ex eo reuerentia accesserat, quòd tu quoque illos reuerere. Itaque perinde summis atque infimis carus, sic Imperatorem commilitonemque <sup>166</sup> miscueras, vt studium omnium laboremque, & tanquam exactor intenderes, & tanquam particeps sociusque releuares. Felices illos, quorum fides & industria, non per internuncios & interpretes, sed ab ipso te, nec auribus tuis, sed oculis probabantur! Consecuti sunt, vt absens quoque de absentibus, nemini magis, quàm tibi crederes.

<sup>159</sup> DEDIGNATIONE PARENDI.] *Quod malum ipsi Principes augebant, quibus nec gratum, nimis audientes Ducibus milites esse. Imò nec tutum erat, vt addit, reuerentiam mereri.* <sup>160</sup> AUT NON AMARI.] *Acute. Securi duces nunc, inquit, vel in odio militum, vel in amore. Cur in odio? quia delationibus non apud te locus. In amore? quia nec tua virtuti ab aliena times.*

<sup>161</sup> INSTANT OPERIBVS.] *Quæ res odia gignere solet, si duces rigidi operum & munium exactores; præsertim ævo & militia iam molliore. At sub Traiano faciebant, disciplinam & morem veterem instaurantes.* <sup>162</sup> AD-

**SUNT EXERCITATIONIBVS.]** Nam & ea sub Tyrannis omisse, aut remissa, cum segnitia pro sapientiâ esset. <sup>163</sup> **MOENIA.]** Castrorum, aut urbium in limitibus. An munia placet legi? Inde Munifices milites, qui facere ea cogebantur; Immunes, qui exempti. Nam quod vir doctus armamenta iunctim hic legit, cui docto probabit? <sup>164</sup> **PRINCIPVM INSIDIAS.]** Qui vel per calumnias in Senatu, vel per submissos percussores in castris tollebant. Ideo subiungit, commilitonum manus timuisse: & est in Tacito, de sublato Ciuiâ, struente Domitiano, exemplum. Quid, quod ipse Agricola veneno sublatus à suspicioso atque inuido Principe putabatur? At Traianus noster liber purusque horum scelerum: qui, ut Dio ait, ἔτε ἐφ' ὅνους, ἔτε καὶ ἄνθρωποι, ἀλλὰ καὶ πᾶν πᾶντας τοὺς ἀγαθοὺς ἐτίμα καὶ ἐμεγ' ἄλλως: neque inuidit cuiquam, neque occidit, sed planè omnes bonos & honestabat, & dignitate augebat. <sup>165</sup> **LEGATORVM.]** Hic Consulares intellegit, & prouincijs copijsq; præfectos. Nam Legati isto ano duplices: Consulares, iam dicti, loco Præsidum; & Prætorij, minores, qui sub illis, singulis legionibus Præfecti. Sunt ista ab ordinatione Augusti, quæ Dioni optimè expressa in Oratione Mæcenatis, lib. LII. <sup>166</sup> **MISCVERAS.]** Auctoritate, & comitate. tum etiam, quod exigebas opera siue exercitia, & idem obibas.

I AM te ciuium desideria reuocabant, amorem quæ castrorum superabat caritas patriæ. Iter inde placidum ac modestum, ut planè à pace redeuntis. Nec verò ego in laudibus tuis ponam, quod aduentum tuum. <sup>167</sup> non pater quisquam, non maritus expauit. affectata alijs castitas, <sup>168</sup> tibi ingenita & innata, inter quæ ea <sup>169</sup> quæ imputare non possis. Nullus in <sup>170</sup> exigendis vehiculis tumultus, nullum circa hospitia fastidium; <sup>171</sup> annonâ, quæ ceteris. Ad hoc comitatus <sup>172</sup> accinctus, & parens. diceres magnum aliquem ducem, ac te potissimum, ad exercitus ire: adeò nihil aut certè parum intererat, inter Imperatorem factum, & futurum. Quam dissimilis nuper alterius Principis transitus? si tamen transitus ille, non populatio fuit, cum <sup>173</sup> abactus hospitum exerceret, omniaque dextrâ læuaque perusta & attrita, ut si <sup>174</sup> vis aliqua, vel ipsi illi Barbari, <sup>175</sup> quos fugiebat, inciderent. persuadendum prouincijs erat illud iter Domitiani fuisse, non Principis. Itaque nō tam pro tuâ gloriâ, quàm pro utilitate communi, <sup>176</sup> edicto subiecisti, quid in vtrumque vestrum esset impensum. Adsuescat Imperator cum imperio calculum ponere, sic exeat, sic redeat, tanquam rationem redditurus; edicat quid absumpserit. ita fiet, ut non absumat, quod pudeat edicere. Præterea futuri Principes velint nolint, sciant <sup>177</sup> tanti tuum constat: propo-



propositisq; duobus exemplis, meminerint perinde coniecturam de moribus suis homines esse facturos, prout hoc vel illud elegerint. Nónne his tot tantisque meritis, nouos aliquos honores, nouos titulos, merebare? At tu etiam nomen Patris patriæ recusabas. Quàm longa nobis cum modestiâ tuâ pugna? quàm tardè vicimus? Nomen illud quod <sup>178</sup> alij primo statim principatus die vt Imperatoris & Cæsaris receperunt, tu vsque eò distulisti, donec tu quoque beneficiorum tuorum parcissimus æstimator, iam te mereri fatereris. Itaque soli omnium contigit tibi, vt Pater patriæ esses, antè quàm fieres. eras enim in animis, in iudicijs nostris, nec publicæ pietatis intererat quid vocare, nisi quòd ingrata sibi videbatur, si te Imperatorem potius vocaret & Cæsarem, cum patrem experiretur. Quod quidem nomen quâ benignitate, quâ indulgentiâ exerces? vt cum ciuib; tuis, quasi cum liberis parens, viuis? Vt reuersus Imperator, qui priuatus exieras, <sup>179</sup> agnoscis, agnosceris? eosdem nos, eundem te putas, par omnibus, & hoc tantum ceteris maior, quò melior.

<sup>167</sup> NON PATER.] *Qui filia suæ timeret: NON MARITVS, qui uxori.*

<sup>168</sup> CASTITAS TIBI INGENITA.] *Excipe, quòd se pergenia iussu dnet, vt ait ille: circa puerorum amores hæsit.* <sup>169</sup> QUÆ IMPVTARE NON POSSIS.] *Vt benefacta, aut virtutes. Vix enim iudicio vsurpas, sed nature instinctu.*

<sup>170</sup> EXIGENDIS VEHICVLIS.] *Quæ etsi publica per vias disposita: non tamen comitatui Principis sufficiebant. Erat itaque Palatinum munus in hanc rem, vt in lapide: M. VLPIVS. AVG. L. CRESCENS. AB. VEHICVLIS: fueritq; profecto huius Vlpij Traiani. Est & in Nerae nummis inscriptio: VEHICVLATIONE. ITALIÆ. REMISSA: sed ea ad publicum cursum spectat, cuius onus in se transtulit (quod ad Italiam attinet) Princeps.*

<sup>171</sup> ANNONA; QUÆ CETERIS.] *Spartianus in Hadriano: Libenter cibus castrensibus in propatulo utebatur, hoc est, larido, caseo, poscâ, exemplo Scipionis Æmiliani, & Metelli, & auctoris sui Traiani. Auctorem vocat, quia Hadrianum Principem fecit, & quasi condidit: ipse eius (vt hodie loquimur) creatura.* <sup>172</sup> ACCINCTVS.] *Metaphora. non fluens aut solutus, verè adstrictus, & vt milites tuos decebat.*

<sup>173</sup> AB ACTVS HOSPITVM.] *Quomodo? hospites abegit, an res atque animantes eorum? fortasse & seruos, aut liberos, hostilem in morem.* <sup>174</sup> VIS ALIQUA.] *Hostilis, an & caelestis?*

<sup>175</sup> QVOS FUGIEBAT.] *Adde quæ suprâ, de falsis eius victorijs. Acerbè enim & hac in Domitianâ, totâ hac oratione materiem ictibus Plinianis, & sagittis scopum.* <sup>176</sup> EDICTO SVBIECISTI.] *Quod edictum reuersus proposuit in publico, de hostibus pacatis, limite defenso: &*

*denique*

denique in imo ( hoc est, subiecisti ) de impendijs via. <sup>177</sup> TANTI TVVM. ] Rectum est, nec patienter audio qui conantur, tanti itum. Quis finis Critice pruriginis? Rectum & clarum est, ut dixi. sciant, inquit, posteri, tanti tuum iter constituisse, tanti, alterius. <sup>178</sup> ALII PRIMO STATIM. ] Non omnes, ne hoc persuasurum te puta, Plini. Nam nec Augustus quidem, nisi serò recepit, & Tiberius oblatam, per modestiam distulit; Nero, per atatem. quæ singula in Suetonio ita leges. Quin tamen plerique alij statim, non imus negatum, aut Plinio hoc ereptum. An non tamen Capitolinus, qui sic in Pertinace? Primus sanè omnium, eâ die quâ Augustus est appellatus, etiam Patris patriæ nomen recepit. Apertè, ut videtur, & nostri \* quæpæciõ hic obherent. Ex- <sup>\* Amatores antiquitatum.</sup> pediam, fauete. Aio totum locum & concipiendum aliter, & ordinandum, hoc modo: Eâdem die quâ Augustus est appellatus, & Flauia Titiana eius vxor Augusta est appellata, eis horis quibus ille in Capitolio vota soluebat: prima sanè omnium eâ die, quâ Augustus est appellatus. Etiam Patris patriæ nomen recepit. Quàm leui aut nullâ mutatiunculâ, sententiâ totam mutamus? & verè, quamuis audacter dico. Non de Augusto, sed Augustâ hoc adfirmat, primam eodem die hoc nomen sumpsisse, quo & maritus. Examina priorem historiam, ita reperiēs. Liuia illa, post mortem denique mariti, testamento in nomen Augustæ adsumpta: quod Tacitus & Dio adfirmant. Agrippina Claudij, longulè post nuptias augetur cognomento Augustæ: Tacitus. & Domitianus ille superbus, tamen suam altero denique anno consalutauit Augustam: Suetonius. Antoninus Pius, aliquamdiu post imperium, Faustina Augustam appellari à Senatu permisit. Notes igitur hoc postea, & ferè à Senatu factum. neque aliud Capitolinus voluit, quàm hunc gratificandi studio properum, dum Pertinax in Capitolio est, eum titulum accensuisse uxori. <sup>179</sup> AGNOSCIS, AGNOS CERIS. ] Nihil in fastum mutatus, comiter appellas, salutas ciues; & ab ijs vicissim idem ille agnosceris, quod ad mores. Imperium accessit, modestia non abscessit.

Ac primùm, <sup>180</sup> qui dies ille, quo expectatus desideratusque urbem tuam ingressus es? Iam hoc ipsum, quod ingressus es, quàm mirum lætumque? nam priores inuehi, & importari solebant, non dico quadrijugo curru, & albentibus equis, sed <sup>181</sup> humeris hominum, quod arrogantius erat. Tu solâ corporis proceritate elatior alijs & excelsior, non de patientiâ nostrâ quendam triumphum, sed de superbiâ Principum egisti. Ergo non ætas quenquam, non valetudo, non sexus retardauit, quò minus oculos insolito spectaculo impleret. Te paruuli noscere, ostentare iuuenes, mirari senes. ægri quoque neglecto medentium imperio, ad cōspectum tui, quasi ad salutem sanitatemque prorepere. Inde alij se satis vixisse te viso, te recepto; alij, nunc magis esse viuendum, prædicabant. Feminas etiam tunc <sup>182</sup> fe-



cunditatis suæ maxima voluptas subjicit, cum cernerent cui Principi ciues, cui Imperatori milites peperissent. Videres<sup>183</sup> referta tecta, ac laborantia, ac ne eum quidem vacantem locum, qui non nisi<sup>184</sup> suspensum & instabile vestigium caperet; oppletas vndique vias, angustumque tramitem relictum tibi; alacrem hinc atque inde populum, vbique par gaudium paremque clamorem. Tam æqualis ab omnibus ex aduentu tuo lætitia percepta est, quàm<sup>185</sup> omnibus venisti: quæ tamen ipsa cum ingressu tuo creuit, ac prope<sup>186</sup> in singulos gradus adaucta est. Gratum erat cunctis, quòd<sup>187</sup> Senatû osculo exciperes, vt<sup>188</sup> dimissus osculo fueras. gratum, quòd<sup>189</sup> equestris ordinis decora honore nominum,<sup>190</sup> sine monitore, signares. gratum, quòd tantum non vltro clientibus salutatis, quasdam familiaritatis notas adderes.<sup>191</sup> gratius tamen, quòd sensim & placidè, & quantum<sup>192</sup> respectantium turba pateretur, incederes: quòd occurfantium populus te quoque, te imò<sup>193</sup> maximè astaret; quòd primo statim die latus tuum crederes omnibus. Neque enim stipatus satellitum manu, sed circumfusus vndique nunc Senatus, nunc equestris ordinis flore, prout alterutrum frequentia genus inualuisset,<sup>194</sup> silentes quietosque lictores tuos subsequere. nam<sup>195</sup> milites<sup>196</sup> nihil à plebe habitu, tranquillitate, modestiâ differebant.

<sup>180</sup> QVI DIES.] *Quem votis aduocat Martialis lib. x. epigr. VI. & VII.*

<sup>181</sup> HVMERIS HOMINVM.] *Succollati in lecticis. Imitatur Pacatus, in Theodosianâ laude, vt plerosque eminentiores (semel monitum esto) locas: Quin si quando in lucem venire, & diem ferre potuissent, lecticis thensisque subuecti, & densissimâ suprâ circumque coöperiti virorum armorumque testudine, sensim atque ad numerum mouebantur: & plura, sodes, adde vel cum Plinianis argutijs & Venere certantia. Porro à nostro Domitianum præcipuè tangi, certum est.* <sup>182</sup> FECVNDITATIS SVÆ.] *Seneca, de felicitate sub bono Principe: Tollere filios cupiunt, & publicis malis indicta sterilitas recluditur.* <sup>183</sup> REFERTA TECTA.] *Suprema adium partes, vicine tectis. An & ipsa tecta propriè capis, quæ plana & constrata sepe olim, ideòque apta insisti? Claudianus, Stiliconis ingressu:*

Nónne vides, & plebe vias, & tecta latere  
Matribus?

*Iterum, in Honorij:*

— quantum licuit consurgere tectis

Vna replet turbæ facies, vndare videres

Ima viris, altas effulgere matribus ædes.

*Itaque*

*Itaque altiora adium feminis, in his spectaculis, dicata: ut & in theatris.*

<sup>184</sup> SVSPENSVM ET INSTABILE. ] *Vt in suggrundijs aut proiecturis parietum.* <sup>185</sup> OMNIBVS VENISTI. ] *Nempe, aequaliter venisti. cuique ordini bonus, & benignus.* <sup>186</sup> IN SINGVLOS GRADVS. ] *Tuos, nec aliter acceperis. Te procedente, magis magisque ipse placuisti, & spectantium letitia auxit. Nam semper aliqui radij virtutis aut comitatus sparsi.* <sup>187</sup> SENATVM OSCVLO. ] *Pacatus, de Theodosio: Ille cohonestatus affatu, ille mensa beatus, ille osculo consecratus est. Et digniores igitur osculo solent excipere: etsi prauis aut superbi Principes fastidierunt. De Caligula Dio: Paucissimos osculatus est, plerisque autem, etiam Senatorum, vel manum vel pedem praebebat osculandum. De Nerone, Tranquillus: Neque adueniens, neque proficiscens, quemquam osculo impertiuit. Quid Domitianus? ille, necdum Princeps, Cænidii patris concubinæ, osculum, ut solet, offerenti, manum praebebat. Cogita, quid in Principatu. Nempe his talibus illud, apud Arrianum (lib. IIII. rerum Alexandri) insederat: Τὰς μὲν ἀνθρώποις φιλεῖν οὐδεὶς ἴσται· τὸ θεῖον δὲ ἄνω παρὰ πρὸς ἑαυτὸν, καὶ εἰς τὰ αὐτῶν ὅμιλος, ἐν τῷ δὲ ἄνω τῇ θεοτικῇ τρεφόμενος. ]* Hominibus osculū à salutantibus dari; at numina in alto posita, quia contingere non licet, adoratione coli. Et isti profecto inter numina se censebant. De toto ritu pluscula ego. II. Electorum, suo capite. <sup>188</sup> DIMISSVS OSCVLO ] *Adhuc illis par, & pro communi more.*

<sup>189</sup> EQVESTRIS ORDINIS DECORA. ] *Nota. non verò totū ordinē (multa in eo millia) sed decora & apices. Et satis mirum de Nerone scribi, à Tranquillo: Omnes ordines subinde, ac memoriter salutauit. Trésne omnes ordines? populum, equitem, Senatum? infinitum sit, & nulla memoria fecerit. Sine cauillo igitur aut calumniā acceperis, Omnes, quasi esset, singulos ordines, cum res ferret, salutauit: aut ut expressius dicā, omnes quidem ordines, sed non qui in ordinibus. Mens est, nec plebem quidem in salutationibus omissam. Sed vel sic magna & rara memoria. quæ in Augusto etiam laudabilis, quod patres in curiā salutauerit, sedentes, & quidem nominatim singulos, nullo submouente. Ita Suetonius de illo: sed Patres tantum, qui ad sexcentos tunc, aut circā. Lusi igitur aliquando in priore loco, & tentauit: Omnes S. ordine subinde. quod esset, omnes Senatores, & ordine uti sedebant, Augusti exemplo. Sed, ut dixi, lusi, ipsius Traiani nōne insigne exemplum, qui omnes prope milites nomine appellabat? ita suprā noster.* <sup>190</sup> SINE MONITORE. ] *Nomenclatore. qui inter necessaria officia claris olim viris apparebat.* <sup>191</sup> GRATIVS QVOD SENSIM. ] *Similes affectus aperit Panegyristes Constantini: Felices, qui te propius aspicerent, longius positi nominabant; quos præterieras, loci quem occupauerant, pœnitebat. Et statim: Ausi etiam quidam ut resisteres poscere, & pueri tam citò accessisse palatium: & plura.* <sup>192</sup> RESPECTANTIVM TVRBA. ] *Qui te antecedeabant, per officij speciem. sed & ij cupidi videndi, identidem respectabant, & ut solet, gradum suum tuumque vnā, tardabant.* <sup>193</sup> MAXIME ADSTARET. ] *Adstaret in propinquo. Nam describit cupidē & improbē occurrentes; qui propinqui gradum tunc firmabāt, & virumque Principi imminebant.* <sup>194</sup> SILENTES



QUIETOSQUE.] Duo lictorum officia: Clamore & Virgâ monebant, aut submonebant. De illo, infra etiam: Sollennis ille lictorum & prænunciator clamor. Quid prænunciant? Consulem aut magistratum venire, sollenni verbo, Animaduertite. De virgâ, quâ pellebant aut pulsabant, Panegyricus Theodosio: Tum longè populus abigebatur, nec otiosa viatoris manus plebem verberare abigebat. Plura in 1. Electorum, Capite De Lictoribus. <sup>195</sup> NAM MILITES.] Ij quoque stipabant Principem, & ferociter solent submonere. Non fecit Traianus: nec Pertinax quidem, de quo Herodianus: Επέλασε τοῖς στρατιώταις παύσαι καὶ ἀπὸ τοῖς δήμοις ἔχειν, καὶ μὴτε πῦρ τινὰ ἢ πᾶν πλεόντων: Milites iussit abstinere ab omni contumeliâ in populum, & nec pulsare aliquem adeuntium. <sup>196</sup> NIHIL A PLEBE HABITV.] Quâne togati erant? Capitolinus, in M. Antonino: In Italiam veniens togam & ipse sumpsit, & togatos iussit esse milites: nec vnquam sagati fuerunt sub eo. Quod honori Italiae & urbis datum. in quâ ipsa custodia Principis togata. Tacitus: Nec vna cohors togata defendit nunc Galbam, sed detinet.

VBI verò cœpisti <sup>197</sup> Capitolium ascendere, quàm læta omnibus adoptionis tuæ recordatio? quàm peculiare gaudium eorum, qui te primi eodem loco salutauerant Imperatorem? quin etiam deum ipsum tunc præcipuam voluptatem operis sui percepisse crediderim. Vt quidem <sup>198</sup> iisdem vestigijs institisti, quibus parens tuus ingens illud deorum prolaturus arcanum, quæ circumstantium gaudia? <sup>199</sup> quàm recens clamor? quàm similis illi dies, qui hunc genuit diem? vt plena altaribus, <sup>200</sup> augusta victimis cuncta? vt <sup>201</sup> in vnus salutem collata omnium vota? cùm sibi se ac liberis suis intelligerent precari, quæ pro te precarentur. Inde tu in Palatium quidem, sed eo vultu, sed eâ moderatione, vt si priuatam domum peteres: ceteri ad penates suos quisque, iraturus gaudij fidem, vbi nulla necessitas gaudendi est. Onerasset alium huiusmodi introitus, tu quotidie admirabilior & melior: talis denique, quales alij Principes futuros se tantùm pollicentur. Solum ergo te commendat augetque temporis spatium. iunxisti enim ac miscuisti <sup>202</sup> res diuersissimas, <sup>203</sup> securitatem olim imperantis, & incipientis pudorem. Non tu ciuium amplexus <sup>204</sup> ad pedes tuos deprimis, nec osculum <sup>205</sup> manu reddis. manet Imperatori <sup>206</sup> quæ prior humanitas, dexterae verecundia. Incedebas pedibus? incedis. lætabaris labore? lætaris. <sup>207</sup> eademque omnia illa circa te, nihil ipso te fortuna mutauit. Liberum est ingrediente per publicum Principe subsistere, occurrere, comitari, præterire. Ambulas inter nos, <sup>208</sup> non quasi contingas: & copiam

copiam tui,<sup>209</sup> non vt imputes, facis.<sup>210</sup> Hæret lateri tuo quisquis accessit, sincinque sermoni<sup>211</sup> suus cuique pudor, non tua superbia facit. Regimur quidem à te, & subiecti tibi, sed quemadmodum legibus sumus. nam & illæ cupiditates nostras, libidinesque moderantur; nobiscum tamen, & inter nos, versantur. Emines, excellis, vt honor, vt potestas, quæ super homines quidem, hominum sunt tamen. Ante te Principes, fastidio nostri & quodam æqualitatis metu, vsum pedum amiserant. illos ergo<sup>212</sup> humeri, ceruicesque seruorum<sup>213</sup> super ora nostra; te fama, te gloria, te ciuium pietas, te libertas super ipsos Principes vehunt: te ad sidera tollit humus,<sup>214</sup> ita communia & confusa Principis vestigia.

<sup>197</sup> CAPITOLIVM ASCENDERE.] *Priscâ pietate & ritu; Dijs in abitu vota nuncupare, in reditu soluere.* <sup>198</sup> IISDEM VESTIGIIS.] *In suggestu aut editiore loco, vt ex Cedreno dixi in adoptione à Neruâ factum. Sed cur ille, hoc clarum: cur nunc Traianus? neque enim ibi concio. Puto alterutrum, siue vt Iouem eminentior, & conspicuus omnibus, salutaret; siue vt populum ipsum. Nam & hunc venerari in publico Principes solent.* <sup>199</sup> QVAM RECENS CLAMOR.] *An repens & subitus? Sed nil muto. totâ nempe viâ clamauerant fauerantque; tamen nunc alacriter & fortiter iterum, quasi receptes.* <sup>200</sup> AVGVSTA VICTIMIS.] *Vt moris in aduentu & auspicijs noui Principis, quem Dijs commendabant. Tacitus 11. Histor. Exstructis altaribus, cæsisque victimis, regium in morem: Vitellio scilicet aduentante. Quid, quod in Caligula, optatissimi (heu vana spes!) Principis initijs, supra centum sexaginta millia victimarum cæsa? Suetonius tradit: & ego plura, ad Taciti dictum locum.* <sup>201</sup> IN VNIVS SALVTEM.] *Infrâ: Non distringimus te (Iupiter) votis. simplex, cunctaque ista complexum, vnum omnium votum est, Salus Principis.* <sup>202</sup> RES OLIM DIVERSISSIMAS.] *Phrasi pari & acumine, Tacitus de Neruâ: Res olim dissociabiles miscuit, Principatum & Libertatem. Pacatus de sese: Res diuersissimas iunxi, metum & temeritatem.* <sup>203</sup> SECVRITATEM.] *Qui diu imperarunt, fidunt iam sibi, ac potentia suâ sunt securi: qui incipiunt, metum aliquem & pudorem, vt in re nouâ & arduâ, habent. At tu, inquit, vtrumque iungis & temperas: securus, vt vetus regnandi; verecundus modestusque, vt tiro.* <sup>204</sup> AD PEDES.] *Vt Caligula, & eiusmodi monstra.* <sup>205</sup> MANV REDDIS.] *Infrâ: Cùm velut affixi curulibus suis, manum tantum, & hanc cunctanter, & impudentibus similes, promerent.* <sup>206</sup> QVÆ PRIOR.] *Aliquid hic altioris vulneris aut defectus, sed ex Cuspiniani libro supplendi. In illo est: quæ prioris humanitas dexteræ verecundia. Planè legendum: quæ prior oris humanitas, dexteræ verecundia. Ad antecedentia hoc refer. Ore osculum reddis; humanitas est. dexteram osculandam non offers; verecundia est.* <sup>207</sup> EADEMQUE OMNIA ILLA.] *Vide ne argutius veriùsque: eademque omnia.*

\*Sine etiâ prius.



Ita circa te, nihil in ipso te fortuna mutauit. <sup>208</sup> NON QUASI CONTINGAS.] *Iterum melius: inter nos, nos quasi contingas: quasi unus sis & nobis.* <sup>209</sup> NON UT IMPUTES.] *Vt quasi beneficium inscribas, in rationibus nostris ponas. Id est, ita hoc facis, tamquam faciendum sit: non quasi nouum aliquid aut magnum.* <sup>210</sup> HÆRET LATERI TVO.] *Quo nomine laudatur & Marcus Imp. ab Herodiano: Παρεῖχε δὲ καὶ τοῖς ἀρχαῖοις αὐτὸν ὑπερκαλῶν μέγιστον βασιλεῖα, τοῖς τε θεοσίωνται διζήμενος, καὶ πωλῶν τοῖς θεοῖς αὐτὸν δορυφόρος, ἀποσσεῖν τοῖς ἐντυγχάνουσας: Exhibuit se subditis commem & commodum Principem, cūm quosuis accedentes exciperet, & vetaret stipatores quemquam aduenientem à se repellere.* <sup>211</sup> SVVS CVIQVE PVDOR.] *Qui sermonem magnum breuēmque faciat, vt ipse talis.*

<sup>212</sup> HVMERI CERVICESQVE.] *Nempe in lecticis. Sed quid? nōne vulgò ea in usu? nōne, non dicam Senatores, sed equites, & omnes paulò honestiores hīs vecti? Factum, & docui. Electorum. Qua igitur hic superbia culpata? Quod ubi Princeps, & maior illa persona; itēmque in publicis conuentibus, aut pompis; alij abstinerent à lecticis, & pedibus graderentur. At illi, vt eminent, assumebant, & quod hic addit, super ora & capita aliorum ferebantur.* <sup>213</sup> SVPER ORA NOSTRA.] *Iuuenalis:*

— turba cedente vehetur

Diues, & ingenti curret super ora Liburno. *Seneca: Quos supra capita hominum lectica suspendit.* <sup>214</sup> ITA COMMVNIA.] *Iam olim emendauimus: ita communis: de humo scilicet, quam tu Traiane nobiscum calcas, & vestigia cum nostris misces.*

NEC vereor P.C. ne longior videar, cūm sit maximè optandum, vt ea pro quibus aguntur Principi gratiæ, multa sint: quæ quidem reuerentius fuerit integra illibataque cogitationibus vestris referuari, quàm carptim, breuiterque perstringi. quia ferè sequitur vt illa quidem, de quibus taceas, tanta quanta sunt, esse videantur. Nisi verò leuiter attingi placet, locupletatas tribus, datumque <sup>215</sup> congiarium populo, & datum totum, <sup>216</sup> cūm donatiui partem milites accepissent. An mediocris animi est his potius <sup>217</sup> repræsentare, quibus <sup>218</sup> magis negari potest? Quanquam in hac quoque diuersitate, æqualitatis ratio seruata est. æquati sunt enim populo milites, eò quòd partem, sed priores: populus militibus, quòd posterior, sed totum statim accepit. Enimuerò quā benignitate diuisum est? quantæ curæ tibi fuit, ne quis expers liberalitatis tuæ fieret? Datum est his qui post <sup>219</sup> edictū tuum, <sup>220</sup> in locum erasorum, subditi fuerant: æquatiq; sunt ceteris illi etiam, quibus nō erat promissum. Negotijs aliquis, valetudine alius, hic mari, ille fluminibus distinebatur; expectatū est prouisumque,

ne

ne quis æger, ne quis occupatus, ne quis denique longè fuisset. veniret quisque cùm vellet, veniret quisq; cùm posset. Magnificum Cæsar, & tuū, disiunctissimas terras munificentiae ingenio <sup>221</sup> velut adinouere, immensaque spatia liberalitate contrahere, intercedere casibus, occurrere fortunæ: atque omni ope adniti, ne quis è plebe Romanâ dante congiarium te, hominem magis sentiret fuisse, quàm ciuem. Aduentante congiarij die, obseruare Principis egressum in publicum, insidere vias examina infantium, futurisque populus solebat: labor parentibus erat ostentare paruulos, impositosque ceruicibus adulantia verba blandaque voces edocere: reddebant illi quæ monebantur. ac plerique irritis precibus surdas Principis aures adstrepebant; ignarique quid rogassent, quid non impetrassent, donec <sup>222</sup> planè scirent, differebantur. Tu ne rogari quidem sustinuisti. & quanquam lætissimum oculis tuis esset, conspectu Romanæ sobolis impleri, omnes tamen antequàm te viderent, adirèntve, recipi, <sup>223</sup> incidi iussisti: vt iam inde ab infantia parètem publicum munere educationis experirentur. cresceret de tuo, qui crescerent tibi; alimentisque tuis ad stipendia tua peruenirent; tantumque omnes vni tibi, quantum parentibus suis quisque, deberent.

<sup>215</sup> CONGIARIVM POPVLO.] *Id est plebi, nec nisi illi parti ferè (ita obserues) qua frumentum è publico capiebat. Martialis:*

Dat populus, dat gratus eques, dat thura Senatus.

*Ita Popularia in theatris, plebis loca: & Populares, homines è plebe. Suetonius voce Populi crebrò sic vititur, vel assiduè.* <sup>216</sup> CVM DONATIVI PARTEM.] *Hæc res ita fuit. Promiserat congiarium plebi, donatiuum militi, eodem tempore (nam sic ferè solet) Traianus. At cùm ararium utrique largitioni simul non sufficeret, dimidium promissi militibus statim dedit: populo, totum, sed paullo seriùs. Ita illi in tempore prelati, hi in summâ.* <sup>217</sup> RE-

PRÆSENTARE.] *Totum in præsentem soluere.* <sup>218</sup> M. GIS NEGARI POTEST.] *Quidni? aut quid à populo, præter voculas & querelas, timeas? Sed miles & facta addere potest: tamen illi totum datum, huic negatum aut dilatum: quod magnitudinem animi iure interpretatur.* <sup>219</sup> EDICTVM TVVM.]

*Quo proscripsisti, & pronunciaſti publicè, te daturum.* <sup>220</sup> IN LOCVM ERASORVM.] *In tabulis ciuium nomina, qui frumentum capiebant. Siqui morerentur, vel migrarent, erasis nominibus alij substituebantur, vel per Annonæ Præfectum, vel per eius diuidendæ Curatores. Nunc igitur dicit, Siqui substituti postea & subscripti, iuxta non ijs debebatur. neque enim promissum erat, nisi qui tunc essent. at Traianus tamen benignè, etiam hos admisit. Aliter atque Augustus, qui, cùm congiario propoſi-*



proposito multos manumissos insertosque ciuium numero comperisset; negauit accepturos, quibus promissum non esset. <sup>221</sup> VELVT ADMOVERE. ] *Quia absentes habiti pro presentibus. & mox intercedere easibus, ad egros spectat vel occupatos.* <sup>222</sup> DONEC PLANE SCIRENT. ] *Quousque igitur? ad vndecimum annum, ex his Suetonij, in Augusto: Congiaria populo frequenter dedit, ac ne minores quidem pueros præterijt, quamuis antè non nisi ab vndecimo ætatis anno accipere consueissent. Maiores igitur pueri, sed tamen adhuc pueri capiebant.* <sup>223</sup> INCIDI. ] *In tabulas. Seneca IIII. De Benefic. Frumentum publicum tam fur quàm periurus accipiunt, & sine discrimine morum, quisquis ciuis est. Aliquot ibi scripti libri, quisquis incisus est.*

RECTE Cæsar, quòd spem Romani nominis sumptibus tuis suscipis. nullum est enim magno Principe, immortalitatemque merituro, impendij genus dignius, quàm quod erogatur in posteros. Locupletes ad tollendos liberos <sup>224</sup> ingentia præmia, & pares poenæ, cohortantur; pauperibus educandis vna ratio est, bonus Princeps. Hic fiducia sui procreatos, nisi largâ manu fouet, auget, amplectitur; occasum imperij, occasum Reipublicæ accelerat. frustra que proceres Princeps, plebe neglectâ, vt defectum corpore caput, nutaturumque instabili pondere, tuetur. Facile est coniectare, quod perceperis gaudium, cum te parentum, liberorum, senum, infantium, puerorum clamor exciperet. Hæc prima paruulorum ciuium vox aures tuas imbuir, quibus tu <sup>225</sup> daturus alimenta, hoc maximum præstitisti, ne rogarent. Super omnia est tamen, quòd talis es, vt sub te liberos tollere libeat, expediat. Nemo iam parens filio, nisi fragilitatis humanæ vices horret, nec inter insanabiles morbos Principis ira numeratur. Magnum quidem est educandi incitamentum, tollere liberos in spem alimentorum, in spem congiariorum, maius tamen in spem libertatis, in spem securitatis. Atque adeò nihil largiatur Princeps, dum nihil auferat; non alat, dum non occidat: nec deerunt, qui filios concupiscant. Contrâ, largiatur & auferat, alat & occidat; nã ille in tam breui tempore effecerit, vt omnes non posterorum modò, sed sui parentumque poeniteat. Quocircà nihil magis in tuâ totâ liberalitate laudauerim, quàm quòd congiarium das de tuo, alimenta de tuo: neque à te liberi ciuium, vt ferarum catuli, sanguine & cædibus nutriuntur. quodque gratissimum est accipientibus, sciunt dari sibi, quod nemini  
est

est creptum; locupletatisque tam multis, pauperiorem esse factum Principem tantum. quanquam nec hunc quidem: nam cuius est quidquid est omnium, tantum ipse, quantum omnes habet.

<sup>224</sup> INGENTIA PRÆMIA. ] *Ex lege Iuliæ & Papiæ: de quibus affatim*  
*III. Annalium Taciti.* <sup>225</sup> DATVRVS ALIMENTA. ] *Atqui de Congia-*  
*rio dixit tantum, quod sanè diuersum ab istis: & infrà bis terq; disiungit: In*  
*spem congiariorum, in spem alimentorum. Iterum: Congiarium das de*  
*tuo, alimenta de tuo. Diuersa hac igitur. sed opinari licet, quòd qui ad con-*  
*giaria admissi, ydem ad frumenta. Nam sic Alimenta interpretari Capitoli-*  
*nus videtur in Antonino: Pueros & puellas nouorum hominum frumen-*  
*tariæ perceptioni adscripsit: vt puto, exemplo isto Traiani, sed & Hadria-*  
*ni, de quo Spartianus: Pueris ac puellis, quibus etiam Traianus alimenta*  
*detulerat, incrementum liberalitatis adiecit. Etsi haud negem, potuisse*  
*& in pecunia modo hac alimenta finire. Sed hæc nunc à Traiano Romæ:*  
*postea per Italiam hanc liberalitatem sparsit. Quæ in eo tam benigna ( verba*  
*Dionis) ὥς ἡ τὰς πόλεις τὰς ἐν Ἰταλίᾳ πρὸς τὴν παίδων ἰσοφίᾳ πολλὰ χαρί-*  
*σαται: vt etiam opidis Italiæ multa, ad puerorum alimenta, contulerit.*  
*Hoc nummi ita edunt: IMP. TRAIANO. AVG. GER. DAC. P. M. TR. P.*  
*COS. V. PP. S. P. Q. R. OPTIMO. PRINCIPI: parte versâ, ALIM.*  
*ITAL. cum figurâ viri alimenta in pueros distribuentis. Mansit institutum;*  
*& Cura alimentorum in Italiâ, inter honestissîma munera fuit, atque adeò*  
*post regimen Prouinciarum suscepta. Vide in vitâ Pertinacis, & Iuliani.*

A L I ò me vocat numerosa gloria tua. aliò autem? quasi verò iam satis veneratus miratusque sim, quòd tantam pecuniam profudisti, non vt flagitij tibi conscius ab insectatione eius <sup>226</sup> auerteres famam; nec vt tristes hominum mœstosque sermones lætiore materiâ detineres. Nullam congiario culpam, nullam alimentis crudelitatem redemisti; nec tibi benefaciendi fuit causa, vt quæ malè feceras, impunè fecisses: amor impendio isto, non venia quæsitæ est, populusque Rom. obligatus à tribunali tuo, non exoratus recessit. Obtulisti enim congiarium gaudentibus gaudens, securusque securis: quodque antea Principes ad odium fui leniendum tumentibus plebis animis obiectabant, id tu tam innocens populo dedisti, <sup>227</sup> quàm populus accepit. Paullò minus P.C. <sup>228</sup> quinque millia ingenuorum fuerunt, quæ liberalitas Principis nostri conquisiuit, inuenit, adsciuit. hi subsidium bellorum, ornamentum pacis, publicis sumptibus aluntur, patriamque non vt patriam tantum, verum vt altricem amare cōdiscunt.



Ex his castra, ex his tribus replebuntur, ex his quandoque nascentur, quibus alimentis opus non sit. Dent tibi Cæsar ætatem dii, quam mereris, seruentque animum quem dederunt, & quanto maiorem infantium turbam iterum atque iterum iubebis incidi? Augetur enim quotidie & crescit, non quia cariores parentibus liberi, sed quia Principi ciues. dabis congiaria si voles, præstabis alimenta, si voles: illi tamen <sup>229</sup> propter te nascuntur.

<sup>226</sup> AVERTERES FAMAM.] *Vt Nero, qui sublato Britannico, potissimos amicorum largitione auxit, ait Tacitus; & post cadem matris, donatina, congiaria, ludos dedit, frigerando rumori.* <sup>227</sup> QVAM POPVLVS ACCEPIT.] *Nam ut Claudianus cecinit:*

Non tibi vanales captant æraria plausus  
Corruptura fidem. meritis offertur inemptus,  
Purâ mente, fauor.

*At in noxâ populus videtur, cum noxioso, lucelli causâ, blanditur & fauet.*

<sup>228</sup> QVINQVE MILLIA INGENVORVM.] *Numerus haud grandis (pro opibus Romanis, aut copiâ aliâ frumentantium:) sed notandum, quod ingenuorum dicit. Non passim conquisiuit liberos aut libertos, sed ingenuos dumtaxat, & sanguinis purioris. ex quibus miles, & alibi utiles ciues, legerentur.*

<sup>229</sup> PROPTER TE NASCVNTVR.] *Inuitante fecunditatem virtute & liberalitate tuâ. sic supra: Fiduciâ tui procreatos: itemq; fiduciâ boni status.*

<sup>230</sup> \* INSTAR ego perpetui congiarij reor affluentiam annonæ. <sup>231</sup> Huius aliquando cura Pompeio non minus addidit gloriæ, quàm <sup>232</sup> pulsus ambitus campo, exactus hostis mari, Oriens triumphis, Occidensque lustratus. Nec verò <sup>233</sup> ille civilis, quàm parens noster, auctoritate, consilio, fide, reclusit vias, portus patefecit, itinera terris, <sup>234</sup> litoribus mare, litora mari reddidit, diuersasque gentes ita commercio miscuit, ut quod genitum esset usquam, id apud omnes natum esse videretur. Nonne cernere datur, ut sine ullius iniuriâ omnis vsibus nostris annus exuberet? quippe non ut ex hostico raptæ, peritureque <sup>235</sup> in horreis messes, nequidquam quiritantibus socijs auferuntur. Devehunt ipsi quod terra genuit, quod fidus aluit, quod annus tulit; nec <sup>236</sup> nouis indictionibus pressi, ad vetera tributa deficiunt. Emit fiscus, quidquid <sup>237</sup> videtur emere. inde copiarum, inde annonæ, de quâ inter licentem, vendentemque conueniat: inde hinc satietas, nec fames usquam.

<sup>230</sup> \* INSTAR EGO.] *Suspicio de hiatu aliquo, nec satis hærent. nisi fateor*

*fateor tamen appositè Congiaris Annonam subtexi, ut qua pariter liberalitatem tangit: sed verba aliqua absunt, quibus decorè eò transcrit.*

<sup>231</sup> HUIVS CVRA POMPEIO.] Cn. Pompeius, anno urbis DCXCVI. Praefecturam annonae in quinquennium accepit, cum xv. Legatis attributis, & imperio in maria, portus, insulas, ut bello Piratico habuerat. Id Sc. factum in sententiam Ciceronis, recenter ab exilio reducti, cum plebem timerent, annonae prae-textu, motus turbasque daturam. <sup>232</sup> PVLVSVS AMBITVS.]

In tertio eius Consulatu, cum legem de Ambitu pertulit, & iudicia ea seueriter exercuit. <sup>233</sup> ILLE CIVILIS.] Diligentiam enim & auctoritate, non armis, copia annonae parta. Factum eius, quod laudem plausumque meruit, scriptores ita narrant. Missis Legatorum alijs aliò, ipse in Siciliam, Sardiniam, Africam iuit. ac magnam iam vim frumenti, naues conscendit, solisque iussit. Timentibus & cunctantibus gubernatoribus, ob vim venti (turbido ita atque infesto mari:) ipse primus oram soluit, & animosè exclamauit, Nauigare necesse est, viuere necesse non est. Nauigauit, appulit, horrea frumento, omnes gaudio impleuit. <sup>234</sup> LITORIBVS MARE.] Quia terrae videbantur sine mari iam esse, cuius usum fructumque non habebant. Nihil enim inferebatur. <sup>235</sup> IN HORREIS.] Quae Romani in prouincijs passim habebant, ubi frumenta conderent, & militares annonas. Sed & Romae horrea, per omnes regiones urbis sparsa (ut in Victore videas) ad publicum hoc frumentum. <sup>236</sup> NOVIS INDICATIONIBVS.] Proprie. Asconius: Omne genus pensitationum in hoc capite positum est, Canonis, Oblationis, Indictionis. Et Canon, est ordinarium tributum; Oblatio, voluntarium; Indictio, nouum & superadditum. <sup>237</sup> VIDETVR EMERE.] Vera, & non imaginaria emptio est fisci. Quomodo imaginaria? Apronius ille Tullianus docuerit, Frumentariam in Verrem. Cogebat socios alteras Decumas addere, sed emendas ex Sc.<sup>to</sup> Ipsis pecunia cedebat, socijs ludibrium, & titulo emendi rapiebant. Vide, sodes, Oratorem dictum. Nihil hic tale, ait noster: fides ubique & veritas. Aberrant mente (Plinij, dico) qui iubetur hic emendant.

ÆGYPTVS, <sup>238</sup> alendis augendisq; seminibus, ita gloriata est, ut <sup>239</sup> nihil imbribus <sup>240</sup> caeloq; deberet. siquidè proprio semper amne perfusa, nec alio genere aquarum solita pinguescere, quam quas ipsa deuexerat, tantis segetibus <sup>241</sup> induebatur, ut cum feracissimis terris quasi nunquam cessura certaret. hæc inopinata siccitate usque in iniuriam sterilitatis exaruit: quia <sup>242</sup> piger Nilus cunctanter alueo sese ac languidè extulerat, ingentibus quoq; tunc quidem ille fluminibus, fluminibus tamen, conferendus. Hinc pars magna terrarum, mergi palanti amne consueta, alto puluere incanduit. Frustratùm Ægyptus nubila optauit, <sup>243</sup> celumq; respexit, cum ipse fecunditatis parēs contractior & exilior, ipsidem ubertatē eius anni angustijs, quibus abundantiam suam cohibuisset. Neq; enim solū vagus



ille, <sup>244</sup> expanditor amnis, intra usurpata semper collium substit-  
 terat atque hæserat, sed <sup>245</sup> supino etiam ac detinenti solo non  
 placido se mollique lapsu refugum abstulerat, & necdum satis  
 humentes terras addiderat arentibus. Igitur inundatione, id est,  
 vbertate, regio fraudata, sic opem Cæsaris inuocauit, ut solet am-  
 nem suum: nec longius illi aduersorum fuit spatium, quam dum  
 nunciat. Tam velox Cæsar potentia tua est, tamque in omnia  
 pariter intenta bonitas & accincta: ut tristius aliquid sæculo tuo  
 passis, ad remedium salutemque sufficiat, ut scias. Omnibus e-  
 quidem gentibus fertiles annos, gratasque terras precor: credide-  
 rim tamen, per hunc Ægypti statum, tuas fortunam vires expe-  
 riri, tuamque vigilantiam <sup>246</sup> expectare voluisse. Nam cum om-  
 nia ubique secunda merearis, nonne manifestum est, si quid  
 aduersi cadat, tuis laudibus, tuisque virtutibus, materiem cam-  
 pumque præsterni? cum secunda felices, <sup>247</sup> aduersa magnos  
 probent.

<sup>238</sup> ALENDIS AVGENDISQUE.] *Duo in Ægypto laudat, quod benè alat  
 & producat semina; alterum, quod augeat, & cum centesimo sæpe (ita alter  
 Plinius) fructu reddat.* <sup>239</sup> NIHIL IMBRIBUS.] *Notum, hodieque certum,  
 in eâ regione non pluere, stillare interdum roris instar, cetera fluuio irriganti  
 deberi. Claudianus in Epigrammatis:*

Ægyptus sine nube ferax, imbresque serenos.

Sola tenet, secura poli, non indiga venti,

Gaudet aquis quas ipsa vehit, Niloque redundat.

*Vbi imbres serenos dicit ipsam irrigationem fluuialem, qua sereno, & in  
 æstate.* <sup>240</sup> CAELOQUE.] *Neque enim hic, ut ille canit, pluuio supplicat  
 herba Ioui. & ut alter:*

Terra suis contenta bonis, nihil indiga mereis

Aut Iouis. in solo tanta est fiducia Nilo.

<sup>241</sup> INDVEBATVR.] *Audacter satis & poeticè, terra segetibus tegi, &  
 quasi vestiri videtur.* <sup>242</sup> PIGER NILVS.] *Non assurgens & exspatiens, ut  
 solet. cuius iustum incrementum Plinius esse scribit, cubitorum xvi. Mi-  
 nores aquas, non omnia rigare; ampliores, detineri tardius recedendo.  
 Diodorus, atque alij videndi.* <sup>243</sup> CAELVMQUE RESPEXIT.] *In Ægypto  
 (ait Seneca) nemo aratorum aspicit cælum.* <sup>244</sup> EXPANDITOR AMNIS.] *Vim verbi capio, ipsum vix admitto. Nouum durumque est: & an non magis  
 exspatiator? aut si quis Vulcanus magis affabrè aliquid effingit.* <sup>245</sup> SVPI-  
 NO ETIAM AC DETINENTI.] *Supinum solum dicit, molliter altum pendu-  
 lumque. & fortasse aptius cum eâ voce, detumenti hic iungas. Etsi detinen-  
 ti capere licet, solum iaceus aut planum, quod solet aquas diutius tenere.*

<sup>246</sup> **EXSPECTARE VOLVISSE.]** *Vide an, spectari.* <sup>247</sup> **ADVERSA MAGNOS.]** *Seneca De Providentiâ: Magnus es vir. sed vnde scio, si tibi fortuna non dat facultatem exhibendæ virtutis? & toto eo libello (certè autoreo) argumentum hoc pertractat.*

<sup>248</sup> **PERCREBVERAT** antiquitus, vrbein nostram, nisi opibus Ægypti ali sustentarique non posse. Superbiebat <sup>249</sup> ventosa & insolens natio, quòd victorem quidem populum, pasceret tamen; quodque in suo flumine, in suis manibus, vel abundantia nostra, vel fames esset. Refudimus Nilo suas copias, recepit frumenta quæ miserat, deportatasque messes reuexit. Discat igitur Ægyptus, credatque experimento, non alimenta se nobis, sed tributa præstare: sciat se non esse populo R. necessariam, <sup>250</sup> & tamen seruiat. Post hæc, si volet, Nilus amet alueum suum, & fluminis modum seruet: nihil hoc ad vrbein, ac ne ad Ægyptum quidem. nisi vt inde nauigia inania & vacua, & similia redeuntibus, hinc plena & onusta, & qualia solent venire, mittantur: <sup>251</sup> conuersoque munere maris, hinc potius <sup>252</sup> venti ferentes, & brevis cursus optentur. Mirum Cæsar, videretur, si desidem Ægyptum, cessantemque Nilum, <sup>253</sup> non sensisset vrbis annoia. quæ tuis opibus, tuâ curâ vsque illuc redundauit, vt simul probaretur, & nos Ægypto posse, & nobis Ægyptum carere non posse. Actum erat de fecundissimâ gente, si libera fuisset. pudebat sterilitatis insolitæ, nec minùs erubescere fame, quàm torquebatur; cùm pariter à te necessitatibus eius pudoriquè subuentum est. Stupebant agricolæ plena horrea, quæ non ipsi referfissent; quibusque de campis illa subuecta messis, quæ in Ægypti parte <sup>254</sup> alius annis, Ita beneficio tuo <sup>255</sup> nec maligna tellus, & obsequens Nilus, Ægypto quidem sæpe, sed <sup>256</sup> gloriæ nostræ nunquam largior fluxit. Quàm nunc iuuat prouincias omnes in fidem nostram ditionemque venisse, postquam contigit Princeps terrarum, qui fecunditatem nunc huc, nunc illuc, vt tempus & necessitas posceret, transferret referretque! qui diremptam mari gentem, vt partem aliquam populi plebisque Romanæ, aleret ac tueretur! Et cælo quidem nunquam benignitas tanta, vt omnes simul terras vberet, foueatque: hic omnibus pariter, si non sterilitatem; at mala sterilitatis exturbat. hic si non fecunditatem, at bona fecunditatis importat. hic <sup>257</sup> æternis comitatibus Orientem Occi-



dentemque connectit: ut quæ ubique feruntur, quæque expectantur, omnes gentes inuicem capiant; & discant, quanto <sup>258</sup> libertate discordi seruientibus sit utilius, vnum esse, cui seruiant. Quippe discretis quidem bonis omnium, sua cuiusque ad singulos mala: sociatis autem atque permixtis, singulorum <sup>259</sup> mala ad neminem, ad omnes omnia bona pertinent. Sed siue <sup>260</sup> terris diuinitas quædam, siue aliquis <sup>261</sup> annibus Genius; & solum illud & flumen ipsum precor, ut hac Principis benignitate contentum, molli gremio semina recondat, multiplicata restituat. Non equidem reposcimus fœnus, putet tamen esse soluendum: fallacemque vnius anni fidem, omnibus annis, omnibusque postea sæculis, tanto magis, quia non exigimus, excuset.

<sup>248</sup> PERCREBVERAT ANTIQVITVS.] *Et sanè benè antiquitus, opem illinc à Romanis reperio petitam. In Polybianis fragmentis: Οἱ Ῥωμαῖοι προσεδότᾱς Ἐκασέσειλιν δεῖος Πτολεμαῖον, βαλόμενοι σίτω χορηγηθῆναι. δὲ τὸ μετὰ τὸ ἐξ παρ' αὐτοῖς πρῶτον: Romani legatos ad Ptolomæum miserunt, perentes frumenti sibi copiam fieri, cuius inopiâ premebâtur. Hoc factum bello Punico secundo, cùm Italia tota vasta ab Annibale fuit. Factum & aliàs: sed Plinij tamen hic dictio, spectat Augusti tempora maximè, & deinceps, cùm publica instituta frumentatio fundum & fundamentum haberet in Africâ & Aegypto.* <sup>249</sup> VENTOSA NATIO.] *Ipsò illo verbo Vopiscus, in Saturnino: Ægyptij, viri ventosi, furibundi, iactantes, iniuriosi, vani. Atque alij passim, haud splendidè super ipsâ gente loquuntur, etsi de terrâ.* <sup>250</sup> ET TAMEN SERVIAT.] *Ingeniosè Liuius, tantum seruiat.* <sup>251</sup> CONVERSO QVE MVNERE.] *Quia mare iam non adfert plenas illinc naues, sed nos illuc mittimus.* <sup>252</sup> VENTI FERENTES.] *Apuppe, & qui impellunt prouehuntque. Seneca: Sicillum afficiunt diuitiæ, ut nauigantem secundus ac ferens ventus. Virgilius:*

Exspectet facilemque fugam, ventosque ferentes.

<sup>253</sup> NON SENSISSET VRBIS ANNONA.] *Quia, ut Iosephus lib. 11. Excidij notat, Ægyptus quattuor mensium annonam vrbi suppeditabat, Africa autem octo.* <sup>254</sup> ALIVS AMNIS.] *Nilus, fecunditatis auctor. Sed verior lectio, annus: alius alibi prouentus, & messis.* <sup>255</sup> NEC MALIGNA TELLVS.] *Tu fecisti videri terram fertilem, & Nilum euagantem. nam habuerunt quæ illa & ille dare solent, sed beneficio tuo.* <sup>256</sup> GLORIÆ NOSTRÆ.] *Traianus sanè hoc in suâ posuit, & nummos cudit, qui exstant: IMP. CAES. NERVA. TRAIANVS. AVG. parte in alterâ: S. P. Q. R. OPTIMO. PRINCIPI. NILVS. Picta effigies Nili recubantis, cum crocodilo suo & hippopotamo.* <sup>257</sup> ÆTERNIS COMMEATIBVS.] *An, alternis etiam. & deinde, seruntur malim.* <sup>258</sup> LIBERTATE DISCORDI SERUIENTIBVS.] *Pugna in verbis videtur. si enim in libertate, quomodo seruiunt? Sed nempe vel sic*

*sic regimen aliquod & imperium paucorum, vel plurium: & semper subiectio ac parientia. Libertas dumtaxat respectu magis arctæ seruitutis dicitur. Non tamen displicuit aliquando, sæuientibus legi: quod ferè assiduum in libertate, ut pars partem premat, & pellant inter se aut sæuiant.* <sup>259</sup> MALA AD NEMINEM. ] *Intellege, neminem alium: manent apud eum, quem primò premunt & tangunt. Totius periodi acumen hoc est: in magno & communi imperio, bona sunt communia, & quidquid usquam est, ubique est, translatione & commercio, non ita in malis, quæ manent apud possessorem.* <sup>260</sup> TERRIS DIVINITAS. ] *A quâ opinione Terra mater, sine Ops, & Rhea, inter deas: sed & singulas regiones, ut Galliam, Aegyptum, Italiam, pingebant habebantque deas.* <sup>261</sup> AMNIBVS GENIVS. ] *Item opinio prisca, fluuios & fontes minores Deos, id est Genios, censentium.*

SATIS factum, quâ ciuium, quâ sociorum vtilitatibus. visum est spectaculum inde non enerue, nec fluxum, nec quod animos virorum molliret & frangeret, sed quod ad <sup>262</sup> pulchra vulnera contemptumque mortis accenderet: cùm in <sup>263</sup> seruorum etiam noxiorumque corporibus amor laudis, & cupido victoriæ cerne-  
retur. Quam deinde <sup>264</sup> in edendo liberalitatem, quam <sup>265</sup> iustitiam exhibuit? <sup>266</sup> omni affectione, aut intactus, aut maior. Impetratum est <sup>267</sup> quod postulabatur, oblatum quod non postulabatur: <sup>268</sup> institit vtrò, & ut concupisceremus, admonuit. Ac sic quoque plura inopinata, plura subita. Iam quàm libera <sup>269</sup> spectantium studia, quàm securus fauor? <sup>270</sup> Nemini impietas, ut solebat, obiecta, quod <sup>271</sup> odisset gladiatorē. nemo spectator <sup>272</sup> spectaculum factus, miseras voluptates <sup>273</sup> vnco & ignibus expiauit. Demens ille, veri que honoris ignarus, qui crimina maiestatis in arenâ colligebat, ac se despici & contemni, nisi etiam gladiatores eius veneraremur; sibi maledici in illis, suam diuinitatem, suum numen violari interpretabatur: cùm se <sup>274</sup> idem quod deos, idem gladiatores quod se putabat.

<sup>262</sup> PVLCHRA VVLNERA. ] *Gladiatores intellegit, quibus delectatum Traianum fuisse, Dio scribit. Hic autem color, quo iuebantur Gladiatores: quasi ea spectatio ad militiam ac robur faceret, & vulnera assidue visa ac mortes, contemptum inducerent vtriusque. Cicero ita dixit, fortissimam hanc esse contra dolorem & mortem disciplinam.* <sup>263</sup> SERVORVM ETIAM NOXIORVMQUE. ] *Duo enim genera hominum ad hos ludos, Serui aut Noxij. Illi, vel bello capti, vel pretio à lanistis empti: isti, qui ob facinus aut scelus damnati in hos ludos. Ego fusiùs de vtrisque, II. Saturn. cap. III.*

<sup>264</sup> IN EDENDO LIBERALITATEM. ] *Refersne ad copiâ & numerū largiter prabitum?*



præbitum? an ad misilia & dona interiecta? Vtrumque potest. Traianus quidem ita largus in istis, ut aliquando ad decem millia (Dionis assertio est) gladiatorum dederit, in vnis ludis, etsi hoc post victorias de Barbaris par-  
tas, & ex ijs plerosque fuisse opinamur. De misilibus autem, nimis etiam res nota: quæ in cuneos spectatorum spargebant, ingenti pecuniarum iacturâ.

<sup>265</sup> IUSTITIAM.] Ut leges Arene seruaret: itemq; præmia promissa fideliter præstaret: sed nec in hos aut illos (ita subdit) affectum inclinaret.

<sup>266</sup> OMNI AFFECTIONE.] Vide. rarum est, ubi certamen & commissio, ut editor aut spectator non det se in partes. Hac est inclinatio humani ingenij, pugnare, aut pugnantibus fauere. Itaque non dicam vulgus, sed Principes ipsi huic aut illi generi (puta Threcibus, aut Myrmillonibus) fauebant, & vincere illos iure vel iniuriâ volebant: atque fraude ad eò, vel imperio, rem eò trahabant. Suetonius in Tito, cap. VIII. ostendit, & in Domitiano, ut dicam.

<sup>267</sup> QVOD POSTVLABATVR.] Liberalitas laudata est, & iustitia: addit comitatem. Quidquid turba petebat, fiebat, & eorum voluntati sese aptabat. Volebant hos & illos notos, vel Aulicos, gladiatores? veniebant. Illos dimitti, hunc iugulari? impetrabant. Adi me, de Postulatijs gladiatoribus, lib. II. cap. XVI. & de Populi petitionibus, cap. XXII. <sup>268</sup> INSTITIT VLTRO.] Planè, ut olim Titus, de quo Tranquillus: Populum tantâ comitate tractauit, ut proposito gladiatorio munere, non ad suum, sed ad spectantium arbitrium, se editurum professus sit. Et planè ita fecit. nam neque negauit quidquam petentibus; & ut quæ vellent peterent, vltro adhortatus est. Sunt non gemina, sed eadem, his nostris. <sup>269</sup> SPECTANTIVM STVDIA.] Quæ metu, clamore, sponsione indicabant. Vide me, II. Satur. cap. XXIII. <sup>270</sup> NEMINI IMPIETAS.] Quod sub Caio, & Domitiano, factum ibidem notauim. Quare autem impietas? quia contra studium Principis fauebant: atque ita lesa maiestas. quod Impietatem appellant (& Græci πασιμ ἀτέλεια) quia publicus ille parens violatus; vel quia & diuinitas, quam sibi duo iam dicti vindicabant. <sup>271</sup> ODISSET GLADIATOREM.] Tale genus, Principi carum.

<sup>272</sup> SPECTACVLVM FACTVS.] Qui spectabat, spectandus datus, & in Arenam productus. Id quoque duo dicti: ego, loco dicto.

<sup>273</sup> VNCO ET IGNIBVS.] Nam occisi aut lesi grauius gladiatores, vnco impacto in Spoliarium trahébantur. In acclamationibus Senatorijs, post Commodi mortem: Gladiatoris cadauer vnco trahatur. Gladiatoris cadauer in spoliario ponatur: ubi vulgus & pueri illudebant. De Ignibus autem ita habuit. adhibebant eos, vel in principio pugna, cum timidius in ferrum irent, & à tergo flagellis aut facibus exstimulabant: vel in fine, cum mortui iam, aut iacentes in mortuum, ignibus & ferro explorabantur. Simulabant enim quidam mortem, ut sic efferrentur, & subducerentur morti. Tertullianus: Risimus inter meridianorum crudelitates, Mercurium mortuos cauterio examinantem. Quod scilicet aptatum ad poeticam etiam fabulam fuit. Subit & de Ignibus posse accipi, ut ipsi ad stipitem affixi arserint in arenâ: quod item scimus factum. <sup>274</sup> IDEM QVOD DEOS.] Palam de Domitiano, qui Deus censeretur & audire voluit.

AT tu Cæsar, quàm pulchrum spectaculum pro illo nobis execrabili reddidisti? vidimus delatorum <sup>275</sup> agmen inductum, quasi grassatorum, quasi latronum. non solitudinem illi, non iter, <sup>276</sup> sed templum, sed forum infederant. <sup>277</sup> nulla iam testamenta secuta, <sup>278</sup> nullius status certus, non orbitas, <sup>279</sup> non liberi proderant. Auxerat hoc malum Principum auaricia. Aduertisti oculos, atque vt <sup>280</sup> antè castris, ita postea pacem foro reddidisti: excidisti intestinum malum, & prouidâ seueritate cauisti, ne fundata legibus ciuitas, <sup>281</sup> euerfa legibus videretur. Licet ergo cùm fortuna, tum liberalitas tua visenda nobis præbuerit, vt præbuit, nunc ingentia roborum virorum, & pares animos; nunc immanitatem <sup>282</sup> ferarum, <sup>283</sup> nunc mansuetudinem incognitam; nunc secretas illas & arcanas, ac sub te primùm <sup>284</sup> communes opes: nihil tamen gratius, nihil sæculo dignius, quàm quod contigit <sup>285</sup> desuper intueri delatorum <sup>286</sup> supina ora, retortasque ceruices. Agnoscebamus & fruebamur, cùm velut <sup>287</sup> piaculares publicæ sollicitudinis victimæ, supra sanguinem <sup>288</sup> noxiorum, ad lenta supplicia <sup>289</sup> grauioribusque pœnas ducerentur. Congesti sunt in nauigia <sup>290</sup> raptim conquisita, ac tempestatibus dediti. abirent, fugerentq; vastatas delationibus terras: ac si quem fluctus ac procellæ scopulis reseruassent, hic nuda saxa & inhospitale litus incoheret: ageret duram & anxiam vitam, relictaque post tergum totius generis humani <sup>291</sup> securitate, inœreret.

<sup>275</sup> AGMEN INDUCTVM. ] *In Amphitheatrum, & per arenam mediam traductum: exemplo Titi, de quo Suetonius: Delatores mandatoresque in foro fustibus & flagellis cæsos, nouissimè traductos per Arenam, partim subijci ac vñire imperauit, partim in asperrimas insularum auchi.*

<sup>276</sup> SED TEMPLVM. ] *Quod illud? Curiam? an ærarium? De isto magis placeat, quod in æde Saturni; & circa pecuniam, grandis vel præcipua materia calumniarum.*

<sup>277</sup> NVLLA IAM TESTAMENTA. ] *Dixine de pecunijs? en exempla. Delationes aut calumnie circa testamenta primùm: & audi Suetonium, in Domitiano. Confiscabantur alienissimæ hereditates, vel existente vno qui diceret, audisse ex defuncto cùm viueret, heredem sibi Cæsarem esse.*

<sup>278</sup> NVLLIVS STATUS CERTVS. ] *Et hic calumnie, cum lucro. nam liberi in seruitutem, ingenui in libertinitatem trahebantur, bono fisci.*

<sup>279</sup> NON LIBERI. ] *Ex legibus Papijs, orbitas damnosa: at liberi prodessere debebant, præsertim terni. Omnia autem nunc sub vnâ, quod dicitur, Myconum: & crimen, vbi opes.*

<sup>280</sup> ANTE CASTRIS. ] *Disciplinâ correctâ*

<sup>281</sup> EVERSA LEGIBVS. ] *Tacitus, de Papiâ hac ipsâ, semper calumnia-*



*rum segete: Omnes domus delatorum interpretationibus subuertebantur; utq; antehac flagitijs, ita tunc legibus laborabatur.* <sup>282</sup> FERARVM.] *Venationes. quas ipsas ita largiter præbuit, ut aliquando (in Dione) mille feræ cæfæ, interdum ad decem millia fuerint. Ego, cum talia ista, & sapius sub vno Principe, assidue sub varijs lego: admiratione cunctor & hareo, unde hac copia ferarum parari potuerit? nec videtur vna aut triplex Africa, cum Asiâ & Europâ, suffecisse.* <sup>283</sup> NVNC MANSVETVDINEM.] *Nam & ea spectaculo. atque assuefaciebant feras, præter ingenium, vel parcere parata prædæ, vel iugum ferre, ac talia, quæ per naturam vetabantur. Ita in Martiali pluscula epigrammata de Leone in Arenâ, qui lepusculos ferebat, non dicam prætercurrentes, sed insultantes, sed in apertum es, ut in caueam, se condentes. Sic & vno epigrammate feras aliquot domitas, ac verè subiuges, comprehendit, lib. I.*

Picto quodd iuga delicata collo

Pardus sustinet, improbæque tigres

Indulgent patientiam flagello:

*& adiungit Ceruos, Leones, Apros, Bisontes: quid nisi, ut ipse dicit, spectacula deorum? Ac plura eiusmodi nouitia assidue in Arenam producta.*

<sup>284</sup> COMMVNES OPES.] *Opes Palatinas. quas theatri vulgavit, & templis dedicauit Traianus. Idem Martialis lib. XII.*

Quidquid Parrhasiâ nitebat aulâ,

Donatum est oculis, deisque nostris.

Miratur Schyticas virentis auri

Flammas Iupiter, & stupet superbas

Regis delicias, grauesque luxus.

Omnes cum Ioue nunc sumus beati:

At nuper, pudet ac piget fateri,

Omnes cum Ioue pauperes eramus.

*Est ipsum hoc, quod tangit Plinius. sed primò scilicet in ludis hæc ostensa, tum denique consecrata.* <sup>285</sup> DESPER INTVERI.] *Espectaculorum gradibus, cum ij per arenam ducerentur.* <sup>286</sup> SVPIA ORA.] *Ut conspici ab omnibus, & agnosci possent. Sic milites Vitellium erigere os, & præbere conrumelijs coegerunt, ut breuiter Tacitus: ut Suetonius quasi interpretans, reducto comâ capite, ceu noxij solent, atque etiam mento mucrone gladij subrecto, ut visendam præberet faciem. Nam in ignominia & supplicio, naturâ os oculosque submittimus: erigebant igitur, reducto comâ capite (ut Suetonius) id est, capillo manu arrepto, & retrorsum cum capite tracto.*

<sup>287</sup> PIACVLARES.] *Victima sic dicuntur, quæ ob culpam, & ad piandum purgandumq; dantur. Noster lib. III. epist. IX. Ne potentissimi, vilissimo quoque quali piaculari dato, elaberentur. Plautus: Men' piacularem oportet fieri ob stultitiam tuam? Victima igitur tales aliena mala excipiebant, & in pænam succedebant. Ita isti, ad expianda scelera præterita, & detergendam solitudinem omnium, in mare mittebantur.* <sup>288</sup> NOXIORVM.] *Super cadauera aut vestigia gladiariorum.* <sup>289</sup> GRAVIORESQVE POENAS.]

Nam

*Nam gladiatores breui morte defuncti, ipsi intabescere pœnis suis destinati.*

<sup>290</sup> RAPTUM CONQUISITA.] *Ergo parua aut praua.* <sup>291</sup> SECVRITATE.]

*Quæ sub bonis Principibus, & idèdum ni plures inscripti, SECVRITAS. PVBLICA. Abeant igitur, & ceteris securus quos inquietabant, soli mereant.*

MEMORANDA faciès, delatorum classis permixta omnibus ventis, coactaque vela tempestatibus pandere, iratosque fluctus sequi, quoscumque in scopulos detulissent. Iuuabat prospectare statim à portu sparsa nauigia, & apud illud ipsum mare agere Principi gratias, qui clementiâ suâ saluâ, vltionem hominum terrarumque dijs maris commendasset. Quantum diuersitas temporum posset, tum maximè cognitum est: cum iisdem quibus antea <sup>292</sup> cautibus innocentissimus quisque, tunc nocentissimus adficeretur, cumque insulas omnes, quas modò Senatorum, iam delatorum turba compleret. quos quidem non in præsens tantum, sed in æternum repressisti mille pœnarum <sup>293</sup> indagine inclusos. Ereptum alienas pœnias eunt? perdant quas habent. expellere penatibus gestiunt? suis <sup>294</sup> exturbentur. neque, vt antea, <sup>295</sup> ex sanguinem illam & ferream frontem, ne quidquam conuulnerandam præbeant <sup>296</sup> punctis, & <sup>297</sup> notas suas rideant: sed spectent paria præmio damna, nec maiores spes quàm metus habeant, timeantque quantum timebantur. Ingenti quidem animo diuus <sup>298</sup> Titus securitati nostræ vltioni que prospexerat, ideoque numinibus æquatus est: sed quanto tu quandoque dignior cælo, qui tot res <sup>299</sup> illi adiecisti, propter quas illum <sup>300</sup> deum fecimus? Id hoc magis arduum fuit, quòd Imperator Nerua te filio, te successore dignissimus, per quàm magna quædam <sup>301</sup> edicto Titi adstruxerat, nihilque reliquissè tibi videbatur: qui tam multa excogitasti, vt si ante te nihil esset inuentum. Quæ singula quantum tibi gratiæ dispensata adiecissent? at tu simul omnia profudisti: <sup>302</sup> vt sol & dies non parte aliquâ, sed statim totus, nec vni aut alteri, sed omnibus in cõmune profertur.

<sup>292</sup> CAUTIBVS.] *Scopulis, siue insulis saxosis. vt Gyarus, Seriphus, similes: quibus exsules solent includere.* <sup>293</sup> INDAGINE INCLUSOS.] *Variarum legum laqueis retibusque cinctos, vt feras, ne possint percurrere.* <sup>294</sup> EXTURBENTVR.] *In exilium pellantur. Martialis: Et delator habet, quod dabat, exilium. Apparet ex istis, parem pœnam delatoribus positam, quam ibant irrogatum. Quod Theodosius & Honorius statuerunt, vel restituerunt, lege latâ: Quisquis crimen intendit, non impunitâ fore nouerit licetiam*



mentiendi, cùm calumniantes ad vindictam poscat similitudo supplicij. *Origo autem ab Augusto videtur. qui diuturnorum reorum nomina aboleuit, conditione propositâ, ut si quis quem repetere vellet, par periculum pœnæ subiret: Suetonius, cap. XXXII. <sup>295</sup> EXSANGVEM.] Sine rubore, cuius causâ sanguis. <sup>296</sup> PUNCTIS.] Litteris, stigmate iniustis. Nam vetus pœna calumniatorum à lege Rhemmiâ fuit, frontem inuri K. litterâ, quæ Kalumniam (ita olim scribebant) notat. Cicero pro Roscio Amerino aperte: & Papiniano, homo integræ frontis, opponitur calumniæ damnato.*

<sup>297</sup> NOTAS SVAS.] Stigmata, ut dixi. An eadem nota intellecta Capitolino, cùm scribit in M. Antonino: Calumnijs quadruplatorum intercessit, appositâ falsis delatoribus notâ? an infamiae notam magis est accipi? Nam & ea delatores sequebatur, ut Valens ac Valentinianus Impp. rescribunt.

<sup>298</sup> TITVS.] Tangit Suetonius in Tito, cap. VIII. <sup>299</sup> ILLI ADIECISTI.] Commodius, illis. <sup>300</sup> DEVM FECIMVS.] Atqui antè dixit à Domitiano Deum factum, ut ipse Dei frater videretur: hîc à Senatu. Pro insigni pugnâ hæc habet vir doctus: quam ego nullam video, aut stili huius breui motu componam. Domitianus Deum dici voluit & curauit, sed ob suum finem: Senatus censuit & libens paruit, quia meritis erat, & maximè ob securitatem hanc Senatui bonisq; partam. <sup>301</sup> EDICTO.] De calumniatoribus. Apud Dionem aliquid in Neruâ: Seruos eum & libertos punisse, qui dominis aut patronis periculum fecissent; néve in posterum liceret. Item nequis impietatis aut ritus Iudaici (Christianismi etiam, opinor) accusaretur. <sup>302</sup> VT SOL.] Aptâ imago, & similis in Symmachi epist. I. libri IX. Sicut omnibus in hac vitâ positis ac locatis communis est cæli spiritus, lux diei: ita clementiam maximi Principis sentiant vota & facta cunctorum.

QVAM iuuat cernere ærarium <sup>303</sup> filens & quietum, & quale ante delatores erat? nunc <sup>304</sup> templum illud, nunc verè <sup>305</sup> deus, non <sup>306</sup> spoliarium ciuium, cruentarumque <sup>307</sup> prædarum sæuum receptaculum: ac toto in orbe terrarum adhuc <sup>308</sup> locus vnus, in quo, optimo Principe, boni malis impares essent. Manet tamen honor legum, nihilque ex publicâ vtilitate conuulsum: nec pœna cuiquam remissa, sed <sup>309</sup> addita est ultio, solumque mutatum quòd iam non delatores, sed leges timentur. At fortasse non eâdem seueritate fiscum, quâ ærarium cohibes. imò tanto maiore, quanto plus tibi licere de tuo, quàm de publico credis. Dicitur <sup>310</sup> actori atque etiam <sup>311</sup> Procuratori tuo, in ius veni, sequere ad tribunal. nam tribunal quoque <sup>312</sup> excogitatum <sup>313</sup> cruciatus est <sup>314</sup> par ceteris, nisi illud <sup>315</sup> litigatoris amplitudine metiaris. <sup>316</sup> Sors & vrna fisco iudicem assignat. Licet <sup>317</sup> reijcere, licet exclamare, hunc nolo, timidus est, & <sup>318</sup> bona sæculi parum

parum intelligit: illum volo, quia Cæsarem <sup>319</sup> fortiter amat. Eodem foro vtuntur, Principatus & libertas. <sup>320</sup> Quæ præcipua tua gloria est, sæpius vincitur fiscus: cuius <sup>321</sup> mala causa nunquam est, nisi sub bono Principe. Ingens hoc meritum, maius illud, quod eos Procuratores habes, vt plerumque ciues tui non alios iudices malint. liberum est autem disceptanti dicere, nolo eum eligere: neque enim vllam necessitatem <sup>322</sup> muneribus tuis addis, vt qui scias hanc esse beneficiorum Principalium summam gratiam, si illis & <sup>323</sup> non vti licet.

<sup>303</sup> SILENS. ] *Sine strepitu, sine litibus. Nam & apud Præfectos ararij querela, & causa.* <sup>304</sup> TEMPLVM. ] *Ergo supra bene interpretatus sum, Templum insedis delatores: nempe hoc ipsum.* <sup>305</sup> DEVS. ] *Saturnus, in cuius tutelâ ararium.* <sup>306</sup> SPOLIARIVM. ] *Locus in Amphitheatri parte, ubi vestes occisorum & arma deponebantur, atque alia ornamenta. Vide Saturnalia nostra, lib. I. cap. XVIII.* <sup>307</sup> PRÆDARVM. ] *Quæ ciuibus occisis partæ. Claudianus similia in Honorij laudibus:*

Nullæ nobilium cædes, non crimina vulgò  
Texuntur, patriâ mæstus non truditur exul.  
Non infelices tabulæ, non hasta refixas  
Vendit opes, auidusque emptor non voce citatur,  
Nec tua priuatis crescunt æraria damnis.

<sup>308</sup> LOCVS VNVS. ] *Mirifica laudatio, & arguta. In toto orbe vnum hoc ararium est, sub bono Principe, in quo boni à malis vincuntur. Quid hoc est? istud. qui boni & iusti sunt, voluntque patrocinari arario, impares sunt malis & fraudatoribus, aut etiam triconibus: quia, vt mox addit: sæpius vincitur fiscus. Sanè salubris imperij signum, lienem hunc in corpore non crescere. Nisi hæc sententia loci, alius me aliosque doceat.* <sup>309</sup> ADDITA EST. ] *Pæna manet, si quis in leges fiscales peccat; sed additum hoc (ne temerè exigatur) vt vlciſci liceat delatores. Quomodo? ratione, vt opinor. Ereptum meas pecunias eunt? perdent, quas habent: supra. Itaque vltio addita in calumniantes, pæna tamen manente in fontes.* <sup>310</sup> ACTORI. ] *Actor in familijs, qui res rationesque heri administrat: idem in republicâ, qui & Actor publicus Tacito dicitur II. Annalium, atque ibi explicauit. Actor Cæsaris, de quo hic, differt ab illo, & in lapidibus etiam nominatur: qui res & patrimonium Cæsaris curat.* <sup>311</sup> PROCVRATORI. ] *Nondum autem Aduocatus fisci, quem primus instituit Hadrianus.* <sup>312</sup> EXCOGITATVM. ] *Ab ipso te. nouitatem ostendit.* <sup>313</sup> CRUCIATV. ] *Obiter olim dixeram, curâ tuâ: sed neque tunc perplacuit, & nunc sperno. In melioribus libris, cruciatui: puto verum, Principatui. Ita statim: Eodem foro vtuntur Principatus & libertas.* <sup>314</sup> PAR CETERIS. ] *In quo eadem omnia alijs iudicijs. Ammianus lib. xxv. Iulianum sic laudat, quod sub eo æquata fisci iurgia cum priuatis.* <sup>315</sup> LITIGATORIS. ] *Cæsaris, nam eius ibi res, sed & nomen, versatur.*



<sup>316</sup> SORS ET VRNA.] *Quod iam olim in omnibus ferè iudicijs. Itaque nemo subornatus, & fautor Caesaris. Quid si talis? licet inquit* <sup>317</sup> REIICERE.] *Nam & id moris prisce, vt sortitione facta, & cum iudices iam sedissent; accusator & reus, quisque sibi suspectos, possent reijcere, & iubere surgere. In eorum locum alios subsortiebantur. Lex Pompeia huic rei modum & numerum dedit.* <sup>318</sup> BONA SÆCVLI.] *Quanta libertas sit sub optimo Principe.* <sup>319</sup> FORTITER.] *Non tenerè aut timide, vt adulantes, aut metuentes offendere. Seneca De Providentiâ: Patrium habet Deus erga bonos viros animum, & illos fortiter amat.* <sup>320</sup> QUÆ PRÆCIPVA.] *Malim, quæque præcipua.* <sup>321</sup> MALA NVNQVAM.] *Transscripsit Cassiodorus, lib. I. epist. XXII. ad Fiscum advocatum: Tunc fama nostra proficit, quando se commoditas iniusta subducit. Quapropter fit interdum causa mala fisci, vt bonus Princeps esse videatur.* <sup>322</sup> MVNERIBVS.] *Inter quæ, & boni Administrum.* <sup>323</sup> NON VTI.] *Quod haud ita sub Tyranno: qui munus suum fastidire te (ait Seneca) iniuriam iudicaturus est.*

ONERA imperij pleraque vectigalia institui, vt pro vtilitate communi, ita <sup>324</sup> singulorum iniurijs coegerunt. <sup>325</sup> His <sup>326</sup> Vigesima reperta est, tributum <sup>327</sup> tolerabile & facile heredibus dumtaxat <sup>328</sup> extraneis, domesticis graue. Itaque illis irrogatum est, his remissum. videlicet quòd manifestum erat, quanto cum dolore laturi seu potius non laturi homines essent, destringi aliquid & abradi bonis, quæ sanguine, gentilitate, <sup>329</sup> sacrorum denique societate meruissent; quæque nunquam vt aliena & speranda, sed vt sua semperque possessa, ac deinceps proximo cuique transmittenda cepissent. Hæc mansuetudo legis <sup>330</sup> veteribus ciuibus seruabatur: <sup>331</sup> noui, seu <sup>332</sup> per Latium in ciuitatem, seu <sup>333</sup> beneficio Principis venissent, nisi simul <sup>334</sup> cognationis iura impetrassent, alienissimi habebantur quibus coniunctissimi fuerant. Ita maximum beneficium vertebatur in grauissimam iniuriam, ciuitasque Romana instar erat odij, & discordiæ, & <sup>335</sup> orbitatis, cum carissima pignora, saluâ ipsorum pietate, distraheret. Inueniebantur tamen, quibus tantus amor nominis nostri inesset, vt Romanam ciuitatem non Vigesiinæ modò, verum etiam affinitatum damno bene compensari putarent: sed his maximè debebat gratuita contingere, à quibus tam magno æstimabatur. Igitur pater tuus sanxit, vt quod ex matris ad liberos, ex liberorum bonis peruenisset ad matrem, etiam si cognationû iura non recepissent, cum ciuitatem adipiscerentur, eius Vigesiinam ne darent. Eamdem immunitatem in paternis bonis filio tribuit, si  
modò

modò<sup>336</sup> reductus esset in patris potestatem: ratus improbè & insolenter, ac pœnè impiè, his nominibus inseri<sup>337</sup> publicanum, nec sine piaculo quodam sanctissimas necessitudines velut intercedente Vigestimâ scindi. nullum esse tanti vectigal, quod liberos ac parentes faceret extraneos.

<sup>334</sup> SINGVLORVM INIVRIIS.] *Id est, in commune bonum, sed cum noxâ & detrimento priuatorum. Aufertur enim ijs aliquid & abraditur: quæ iniuria aut eius species, vtilitate publicâ rependitur.* Dissolutio enim imperij sequitur (verba Taciti) si fructus quibus respublica sustinetur, diminuantur: quid, si tollantur? <sup>335</sup> HIS.] *Oneribus.* <sup>336</sup> VIGESIMA.] *Vulgò & plenè dicta, Vigesima hereditarium: cui Augustus inuentor ad Aerarium militare. De quâ ego in Admirandis nuper, lib. II. cap. III. & olim ad XIII. Annalem Taciti.* <sup>337</sup> TOLERABILE.] *Quidni? cum gaudio enim semper fructuque iunctum. Et ubi largiter, sæpe inopinatò, acquirerebas; quid acerbi aliquid detrabi? Mihi sæpe mirum hodie, cum tam multa quaruntur, odiosa magis, fructuosa minùs; hoc tam promptum & obuium vsqueadhuc neglectum.* <sup>338</sup> EXTRANEIS.] *Nam Augustus ipse etiam exceperat τὸς παύου συγγενεῖς, ἢ καὶ πένητας, planè coniunctos sanguine, aut pauperes.* <sup>339</sup> SACRORVM SOCIETATE.] *Nam & sacra priuata sua familijs erant, atque ea pro notâ, & vinculo. Inde Transire in gentem & sacra: itemq;, Hereditas cum sacris, aut sine sacris in Planto. Sine inquam, cùm in gentem adoptione non transitur.* <sup>340</sup> VETERIBVS.] *Qui, tempore eius tributi inuecti, fuissent.* <sup>341</sup> NOVI.] *Deinceps facti.* <sup>342</sup> PER LATIVM.] *Quibus Latinitas data, ut plerisque colonijs, ij plenè ciues fieri poterant tribus ferè modis. vel si magistratum domi gefissent; siue stirpe domi relictâ, Romam migrassent; siue denique naue, pistrino, edificio. Nam de lege Serniliâ, ut euentu iâ raro, omitto. Qui igitur, inquit Plinius, ex Latio ciues facti erant, ij non fruebantur hoc indulto.* <sup>343</sup> BENEFICIO PRINCIPIS.] *Nam iam olim liberâ rep. Imperatores ciuitatem dabant, sed ut populus firmaret: qui nò magis nunc Princeps? Crebrũ erat, & Plinij aliquot epistola sunt lib. X. quib; ciuitatem amicis aut clientibus suis petiti à Traiano, impetratq;.* <sup>344</sup> COGNATIONIS IVRA.] *Quia illâ transiitione in ciuitatem diuulsi à suis videbantur, qui nondum ciues: atque ita alieni extranei q; habebatur, nisi Princeps seorsim tribuisset.* <sup>345</sup> ORBITATIS.] *Quia pater à filijs, filij à patre abiungebantur, nec cognati censebantur.* <sup>346</sup> REDVCTVS ESSET.] *Exierat enim, si ipse donatus ciuitate, siue etiam, si pater. Nam deminutione hac capitis, id est status, ciuilis illa potestas soluebatur. Festus: Deminutus capite appellatur, qui ciuitate mutatus est.* <sup>347</sup> PVBLICANVM.] *Nota per eos igitur exactum collectumq;, hoc vectigal.*

HACTENVS ille, parciùs fortasse quàm decuit optimum Principem, sed non parciùs quàm optimum patrem. qui optimum adoptaturus, hoc quoque parentis indulgentissimi fecit, quòd



quòd delibasse quædam seu potius demonstrasse contentus, largam ac propè intactam benefaciendi materiam filio reseruauit. Statim ergo muneri eius liberalitas tua astruxit, vt quemadmodum in patris filius, sic in hereditate <sup>338</sup> filij pater esset immunis, nec eodem momento quo pater esse desisset, hoc quoque amitteret <sup>339</sup> quod fuisset. Egregiè Cæsar, quòd lacrymas parentum <sup>340</sup> vectigales esse non pateris. Bona filij pater sine diminutione possideat, nec socium hereditatis accipiat, <sup>341</sup> qui non habet luctus: nemo recentem & attonitam orbitatem ad computationem vocet, cogatque patrem quid reliquerit filius scire. Augeo P. C. Principis munus, cùm ostendo liberalitati eius inesse rationem: ambitio enim, & iactantia, & effusio, & quiduis potius quàm liberalitas existimanda est, cui ratio non constat. Dignum ergo Imperator mansuetudine tuâ, minuere orbitatis iniurias, nec pati quemquam filio amisso insuper affici alio dolore. Sic quoque abundè misera res est, pater filio solus heres: quid si coheredem non <sup>342</sup> à filio accipiat? Adde, quòd cùm diuus Nerua sanxisset, vt in paternis bonis liberi necessitate Vigessimæ soluerentur, congruens erat eandem immunitatē parentes in liberorum bonis obtinere. Cur enim posteris amplior honor, quàm maioribus haberetur? cūrve non retrò quoque recurreret æquitas eadem? Tu quidem Cæsar illam exceptionem remouisti, si modò filius in potestate patris fuisset, intuitus opinor vim legemque naturæ, quæ <sup>343</sup> semper in ditione parentum esse liberos iussit, nec vti inter pecudes, sic inter homines potestatem & imperium valentioribus dedit. Nec verò contentus primum cognationis gradum abstulisse Vigessimæ, secundum quoque exemit, cauitque vt in sororis bonis frater, & contra in fratris soror, vtque auus, auia in neptis nepotisque, & inuicem illi, seruarentur immunes. His quoque, quibus <sup>344</sup> per Latium ciuitas Romana patuisset, idem indulgit: omnibusque inter se cognationum iura commisit, simul & pariter, & more naturæ; quæ <sup>345</sup> priores Principes à singulis rogari gestiebant, non tam præstandi animo, quàm negandi. Ex quo intelligi potest quantæ benignitatis, quanti spiritus fuerit <sup>346</sup> sparsas, atque, vt ita dicam, laceras gentilitates colligere atque connectere, & quasi renasci iubere: deferre quod negabatur, atque id præstare cunctis, quod sæpe singuli

guli non impetrassent: postremò ipsum sibi eripere tot beneficiorum occasiones, tam numerosam obligandi <sup>347</sup>imputandique materiam. Indignum credo ei visum, ab homine peti, quod dii dedissent. Sorores estis & frater, auus & nepotes: quid est ergo, <sup>348</sup>curegeis? vt sitis, vobis estis. <sup>349</sup>Qui pro cetera sua moderatione, non minùs inuidiosum putat <sup>350</sup>dare hereditatem, quàm auferre. Læti ergo <sup>351</sup>adite honores, capeffite <sup>352</sup>ciuitatem, neminem hoc necessitudinis <sup>353</sup>abruptum, <sup>354</sup>velut truncum amputatumque destituet: iisdem omnes quibus antè pignoribus, sed <sup>355</sup>honestiores perfruentur. Ac ne remotus quidem iamque deficientis affinitatis gradus, <sup>356</sup>à qualibet quantitate Vigessimam inferre cogetur. statuit enim communis omnium parens summam, quæ publicanum pati possit. Carebit onere Vigessimæ parua & exilis hereditas: & si ita gratus heres volet, tota sepulchro, tota funeri seruetur. nemo obseruator, nemo castigator adsistet. <sup>357</sup>Cuiuscumque modi ea pecunia ex hereditate alicuius obuenerit, securus habeat quietusque possideat. Ea lex Vigessimæ dicta est, vt ad periculum eius perueniri, nisi opibus non possit. conuersa est iniquitas in gratulationem; iniuria in votum: <sup>358</sup>optat heres vt Vigessimam debeat. Additum est, vt qui eiusmodi ex causis in diem edicti Vigessimam deberent, nondum tamen intulissent, non inferrent. At in præteritum subuenire, <sup>359</sup>ne dii quidem possunt. tu tamen subuenisti cauitique, vt desineret quisque debere, quod non esset <sup>360</sup>postea debiturus. <sup>361</sup>Idem fecisti ne malos Principes habuissemus: quo ingenio, si natura pateretur, quàm libenter tot spoliatis, tot trucidatis sanguinem & bona refudisses? Veruisti exigere, quod deberi <sup>362</sup>non tuo sæculo cœperat. Alius, vt contumacibus, irasceretur, tarditatemque <sup>363</sup>soluendi dupli, vel & quadrupli irrogatione mulctaret: tu nihil referre iniquitatis existimas, exigas quod deberi <sup>364</sup>non oportuerit, an constituas, vt debeatur.

<sup>338</sup>FILII PATER.] *Cur non autem hoc etiam Nerva? ille natura ordinem vidit secutusq; est, ex quâ magis iustum, certè votiuum, filium patri succedere quàm contrâ. Itaque quia hoc & rarius, nec ita ex nature ordine, id neglexit.* <sup>339</sup>QVOD FVISSET.] *Traianus natura vinculum inuitus, quod putauit civili constitutione non solui. Itaque etsi civiliter desinebat pater esse, atamen quia antè civiliter fuerat, & nunc quoque naturaliter erat, ha-*



buit immunem. <sup>340</sup> VECTIGALES.] *Subiectas vectigali, obnoxias Viceſima.*

<sup>341</sup> QVI NON HABET.] *An, quem non habet? Nam poteſt ſanè in filij morte conſortes habere luctus, etſi non Fiſcum.* <sup>342</sup> A FILIO.] *Nec teſtamento eius datum, nec ei iunctum. qualis eſt Fiſcus, quem lex ingerit.*

<sup>343</sup> SEMPER.] *Etiã grandes & adultos. etiã patre digniores, potentiores. Huc enim ſequens comparatio ſpectat.* <sup>344</sup> PER LATIVM.] *Non ſolum, qui beneficio Principis. An hoc dicit, qui tantum Latini ciues?* <sup>345</sup> PRIORES PRINCIPES.]

*Suetonius in Tito: Cùm ex inſtituto Tiberij, omnes dehinc Principes beneficia à ſuperioribus conceſſa Principibus, non aliter rata haberent, quàm ſi eadem iſdem & ipſi dediſſent; primus præterita omnia vno cõfirmavit edicto, nec à ſe peti paſſus eſt.* <sup>346</sup> SPARSAS.] *Transitione hac in ciuitatem.* <sup>347</sup> IMPVTANDI.] *Vt ſuprà, inſcribendi beneficij. demerendi.* <sup>348</sup> CVR EGETIS.] *Omnino verum, cur rogetis, Liuiueio quoque viſum. Distingue autem, cur rogetis, vt ſitis? vobis eſtis. Quasi dicat,*

*& eſtis fratres, & vobis eſtis tantum; non fiſco, qui nil iam decerpit.* <sup>349</sup> QVI PRO.] *Lego, Quin.* <sup>350</sup> DARE.] *Novã petitione, quam ſuſtulit, & ſemel uniuerſè dedit.* <sup>351</sup> ADITE HONORES.] *In colonijs veſtris. Hoc enim ad Latinos pertinet, qui (vt dixi) ciuitatem Romanam adipiſcebantur, domi honoribus geſtis.* <sup>352</sup> CIVITATEM.] *Noſtram.* <sup>353</sup> ABRVPTVM.] *Abruptio & diſiunctio. Diſſociabantur enim, qui ciuitatem mutabant.* <sup>354</sup> VELVT TRVN-CVM.] *Tanquam à patre iam abſciſum, aut contrà à filio patrem. Hærent & manent tales, interpretatione Traiani.* <sup>355</sup> HONESTIORES.] *Ciuitate aucti.*

<sup>356</sup> A QUALIBET.] *Altera moderatio Traiani, qui non in gradibus ſolum diſpenſauit, ſed in modo Hereditatis. Si ea modica, & intra talem ſummam (non eſt expreſſa uſpian:) nihil deliberatur.* <sup>357</sup> CVIVSCVMQVE MODI.] *Quidam libri, Cuiuſcumque modica pecunia. quod amplector, ſtatim tamen legendo alicui, pro alicuius. Sententia eſt: Cuiuſcumque ea parua pecunia fuerit, agnati vel extranei, non refert: nihil pendit.*

<sup>358</sup> OPTAT.] *Nec enim dabit, niſi diues.* <sup>359</sup> NE DII QVIDEM.] *Plinius auunculus: Ne Deum quidem poſſe omnia. namque nec reuocare defunctos, nec facere vt qui vixit, non vixerit; qui honores geſſit, non geſſerit: nullumque habere in præterita ius, præterquam obliuionis. Agathon Comicus, apud Ariſtotelem:*

Μόνε γδ αὐτὸ καὶ θεὸς σελοῦνται,

Ἀγένητα ποιεῖν ὅα' αὖ ἢ περὶ αἰῶνα:

Vnum hoc nec ipſe præpotens habet Deus,

Quæ facta ſunt, infecta poſſe reddere.

<sup>360</sup> POSTEA.] *Post diem tui edicti.* <sup>361</sup> IDEM.] *Liuiueius, id eſt: rectè, etſi ſequentia non bene ordinat.* <sup>362</sup> NON TVO SÆCVLO.] *Vno verbo, remiſit reliqua eius vectigalis, in cauſis dictis. Hoc eſt, quod Auſonius in Laudatione Gratiani tangit: Vel illud vnum cuiuſmodi eſt, de condonatis reſiduis tributorum? Quis vnquam Imperatorum hoc prouincijs ſuis vberiore te indulgentiã dedit? Fecerat & Traianus olim: ſed partibus retentis. Non habebat tantam oblectationem conceſſi debiti portio, quanta*

ſuberat

suberat amaritudo seruati. *Omnino huc faciunt, nec de aliâ Traiani remissione legas. Qui enim è nummis adferunt: RELIQUA. VETERA. HS. NOVIES. MILL. ABOLITA: falli credo, nec Traiani, sed Traiani Hadriani (ita coniunctim dicitur) nummos istos ego vidi. Ita enim exstant hodièque in Consulatu eius III. Et inscriptio Roma: IMP. CAESARI. DIVI. TRAIAN. PARTHICI. F. TRAIANO. HADRIANO. AVG. PONT. MAX. TR. POT. II. COS. II. QVOD. OMNIVM. PRINCIPVM. ET. SOLVS. REMITTENDO. HS. NOVIES. MILLIES. CENTENA. MILLIA. N. DEBITVM. FISCI. NON. PRAESENTES. MODO. SED. ET. POSTEROS. SVOS. PRÆSTITIT. HAC. LIBERALITATE. SECVROS. Ea remissio grandis, & nostra aestimatione & locutione valeat, viginti duos milliones Philippicorum & semis. At Traiani liberalitas minor, & in partibus tantum, ut dixit Aufonius. <sup>363</sup> SOLVENDI DVPLI.] Ita. nam pœna etiam mora solet adijci. quo sensu Victor, de Nerva: Quidquid antea pœnæ nomine tributis accesserat, indulgit. Itaque exemplum aliquod à paternâ indulgentiâ habuit, etsi superavit. <sup>364</sup> NON OPORTVERIT.] Illud vetus, in causis quas abrogasti edicto. Aequè iniquum censes, exigere talia iam debita, & constituere ut debeantur.*

FERES Cæsar curam & sollicitudinem <sup>365</sup> Consularem. nam mihi cogitanti eundem te <sup>366</sup> collationes remisisse, donatium reddidisse, congiarium obtulisse, delatores abegisse, vectigalia <sup>367</sup> temperasse, interrogandus videris, satisne computaueris imperij redditus? an tantas vires habeat frugalitas Principis, ut <sup>368</sup> tot impendijs, tot erogationibus sola sufficiat? Nam quid est causæ, cur alijs quidem cum omnia <sup>369</sup> raperent, & rapta retinerent, ut si nihil rapuissent, nihil detinuissent, defuerint omnia? tibi cum tam multa largiaris, & nihil auferas, omnia supersint? Nunquam Principibus defuerunt, qui fronte graui & tristi supercilio, utilitatibus fisci contumaciter adessent: & erant Principes ipsi suâ sponte auidi & rapaces, & qui magistris non egerent: plura tamen semper à nobis contra nos didicerunt. sed ad tuas aures, cum ceteris omnibus, tum vel maximè auaris adulationibus obstructus est aditus. Silent ergo & quiescunt, & postquam non est cui suadeatur, qui suadeant non sunt. quò evenit, ut tibi cum plurimum pro tuis, plus tamen pro <sup>370</sup> nostris moribus debeamus. Locupletabant & fiscum & ararium non tam <sup>371</sup> Voconia & <sup>372</sup> Iuliae leges, quàm Maiestatis singulare & <sup>373</sup> vnicui crimen eorum, qui crimine vacarent. huius tu metum penitus sustulisti, contentus magnitudine: quâ nulli magis caruerunt, quàm qui sibi maiestatem vindicabant.



Reddita est <sup>374</sup> amicis fides, <sup>375</sup> liberis pietas, obsequium <sup>376</sup> seruis: verentur, & parent, & dominos habent. non enim iam serui Principis nostri amici, sed nos sumus; nec pater patriæ alienis se mancipijs cariorem, quàm ciuibus suis credit. omneis accusatore domestico liberaſti, vnoque <sup>377</sup> salutis publicæ <sup>378</sup> signo illud, vt sic dixerim, <sup>379</sup> seruile bellum sustulisti. In quo non minus seruis, quàm dominis præstitisti: hos enim securos, illos bonos fecisti. Non vis interea laudari, <sup>380</sup> nec fortasse laudanda sint; grata sunt tamen recordantibus <sup>381</sup> Principem illum in capita dominorum seruos subornantem, monstrantemque crimina, quæ tanquam delata puniret. magnum & inuitabile, ac toties cuique experiendum malum, quoties quisque similes Principi seruos haberet.

\* Vide II.  
Admir.  
cap. IX.

<sup>365</sup> CONSVLAREM.] *Quia ego iam Consul, curare reip. debeo.* <sup>366</sup> COLLATIONES REMISISSE.] *Speſtat cùm alia prouincialium in auspicijs Imperij dona, tum* \* Coronarium aurum maximè, quâ specie Collationis exhauriebantur. Itaque boni Principes remittebant. vt hic Traianus: vt Iulianus, inter cuius liberalitatis testimonia Ammianus recenset, Coronarium indultum, & remissa debita multâ diuturnitate congesta. <sup>367</sup> TEMPERASSE.] *Iſtud Vigefimæ, ad modum iam dictum.* <sup>368</sup> TOT IMPENDIIS.] *In milites, magistratus, ludos, opera: atque alia, quorum specimen in noſtris Admirandis, libro II.* <sup>369</sup> RAPERENT.] *Ad Domitianum pertinent. Adi Suetonium, cap. XII.* <sup>370</sup> NOSTRIS MORIBVS.] *Qui bonos nos facis, qui ab adulationibus sic arces.* <sup>371</sup> VOCONIÆ.] *Lex Voconia vetus, nequis heredem feminam, vel unicam etiam filiam faceret, ultra quadrantem hereditatis.*

<sup>372</sup> IVLIÆ LEGES.] *Multa sunt ab Auguſto, hoc nomine: sed nunc Iuliam de maritandis ordinibus, quæ Papiæ iungi aut cum eâ misceri solet, ipsasq; Papias intellegi clarum est. Nam has Auguſtus, vt Tacitus loquitur, ærario augendo sanxerat, ob multiplices ibi multas.* <sup>373</sup> VNICVM CRIMEN.] *In Tacito paſſim docetur. vbi quibus nihil obijci poteſt, Maiestatis crimen impingitur. Nero etiam ſtatuit, vt lege maiestatis, omnia dicta factaque, quibus modò delator non deeſſet, tenerentur.* <sup>374</sup> AMICIS.] *Qui nunc amicum non deferunt.* <sup>375</sup> LIBERIS.] *Qui & ipsi armabantur in parentes.* <sup>376</sup> SERVIS.] *Paſſim in dominos inſurgebant, & territabant accusaturi Maiestatis.* <sup>377</sup> SALVTIS PVBL.] *Velut formula erat, in laudem honorum Principum: & in nummis paſſim inſculpitur, SALVS. PVBLICA.*

<sup>378</sup> SIGNO.] *Quaſi hac teſſerâ datâ & editâ.* <sup>379</sup> SERVILE BELLVM.] *Alluſum ad vetera Seruilia bella, cùm manus in Dominos armarunt: at hic linguas. Traianus autem hæc iſta ſuſtulit, aut ſublata à Neruâ patre comprobauit. Nam de eo Dionis compendium: οἷς τε δέλοις καὶ τοῖς ἱεροδιδέοις τοῖς τοῖς δαυόταις σφῶν ὀπιελάσαντας, πάντας ἀπέκτεινε, καὶ τοῖς μὲν τοῖς αἰτίαις ἔδ' ἄλλα*

ἀλλ' οὐκ ἔγκλημα ἐπιφέρειν ἐπὶ τοῖς διαπόταξις οἶκε: Seruos & libertos, quicumque insidiati dominis fuissent, omnes interfecit; atque ijs nec aliud quoduis crimen inferre, aut accusare dominos permisit. <sup>380</sup> NEC FORTASSE.] *Extra culpam enim dumtaxat sunt; at laudis finem non attingunt.*  
<sup>381</sup> PRINCEPEM.] *Domitianum.*

IN eodem genere ponendum est, quòd testamenta nostra secura sunt: nec vnus omnium <sup>382</sup> nunc, quia scriptus heres. Non tu <sup>383</sup> falsis, non tu <sup>384</sup> iniquis tabulis aduocaris: nullius ad te <sup>385</sup> iracundia, nullius <sup>386</sup> impietas, nullius <sup>387</sup> furor confugit: nec quia offendit alius nuncuparis, sed quia ipse meruisti. Scribe- ris <sup>388</sup> ab amicis, ab ignotis præteritis: nihilque inter priuatum & Principem interest, nisi quòd nunc <sup>389</sup> à pluribus amaris: nam & plures amas. Tene Cæsar hunc cursum, & probabitur experimento, sitne feracius & vberius non ad laudem modò, sed ad pecuniam Principi: si herede illo mori homines velint, quàm si cogantur. Donauit <sup>390</sup> pater tuus multa, & ipse donasti: <sup>391</sup> cesserit <sup>392</sup> parum gratus; manent tamen ij, qui <sup>393</sup> bonis eius fruuntur, nihilque ex illis ad te nisi gloria redit. nam liberalitatem iucundiores debitor gratus, clariorem ingratus facit. Sed quis ante te laudem istam pecuniæ prætulit? quotusquisque Principum ne id quidem in patrimonijs nostris suum duxit, quod esset de suo? nōne vt regum, ita Cæsarum munera, illitos cibus hamos, opertos prædâ laqueos, æmulabantur? cùm priuatis facultatibus velut <sup>394</sup> hausta & multiplicata, retrò secum quidquid attigerant referrent.

<sup>382</sup> NUNC QVIA SCRIPTVS.] *Obscura, nec mihi recta. Inflecto: nec vnus omnium, nunquam scriptus heres. Acute & verè, aut fallor. Non tu, inquit, omnium heres nunc es, vt ille Domitianus; qui falsò talem se gerebat nec cogitatum, nec scriptum.* <sup>383</sup> FALSIS.] *Mendacibus & confictis.*

<sup>384</sup> INIQUIS.] *Vbi propior aut suus heres est.* <sup>385</sup> IRACUNDIA.] *Putæ liberti, qui patrono offensus. & vt illum iure successionis priuaret, Principem scribebat.* <sup>386</sup> IMPIETAS.] *Patris, aut filij. Nam, vt Tacitus in Agricola, à bono patre non scribitur heres, nisi malus Princeps.* <sup>387</sup> FUROR.] *Aliquis parum sana mentis, qui spretis suis ad Principem vertit.* <sup>388</sup> AB AMICIS.] *Pro more, & iure. Atque ita Augustus professus, viginti proximis annis, quaterdecies millies hs. ex testamentis amicorum percepisse: Suetonius.* <sup>389</sup> A PLVRIBVS.] *Ergo & à pluribus scriberis.* <sup>390</sup> PATER TVVS.] *Nerua. Qui & bona omnia, quæ exstabant, & Domitianus iniquè abstulerat, dominis reddidit: & plebi Romanæ agros emit, ac di-*

\* Sunt tri-  
gintaquin-  
que millio-  
nes, nobis.



uitit: *Dio. Factum eiusdem liberale & memorabile, in Zonarâ & Philo-  
strato scriptum. Reppererat Herodes Atticus, Sophistæ pater, domi suæ  
ingentem thesaurum. Calumnias veritus, ad Principem scripsit, & indica-  
uit. Ille rescripsit, Vtere. Sed Atticus nec sic securus, iterum scripsit:  
At enim thesaurus priuati hominis conditionem superat. Nerva iterum  
animosè, Ergo abutere.* <sup>391</sup> CESSERIT. ] *Lego, ceperit, & sententia li-  
quet. Nisi vis tamen pro Decesserit accipere: id esset, Age, mortuus  
ex illis aliquis parùm gratus.* <sup>392</sup> PARVUM GRATVS. ] *Qui te heredem non  
fecerit. Nam quos promouissent aut ditassent, ab ys suo iure gratitudi-  
nem exigebant. Ita Caligula (in Suetonio) Primipilarium testamenta,  
qui neque Tiberium, neque se, heredem fecissent, vt ingrata, rescidit:  
quia nempe Principum beneficio ad gradum opésque venissent.*

<sup>393</sup> BONIS EIVS. ] *Nervæ. quia tamen & de ipso Traiano præiuit, me-  
lius fortasse, bonis eis.* <sup>394</sup> HAVSTA. ] *Legendum aucta, si tamen sequens  
vox multiplicata sedeat. Pro quâ alij libri, implicita: & mihi non displi-  
ceat, aptiusque ita ad Hamos Laqueosque referas. Bona illa Caesaris ve-  
lut hausta & absorpta (vt piscibus hami) priuatis facultatibus, ysdémque  
implicita & innexa (vt feris laquei:) trahuntur vnâ cum istis ad Principem;  
specie illâ gatitudinis in testamentis.*

Q V A M utile est, ad vsum secundorum <sup>395</sup> per aduersa ve-  
nisse? Vixisti nobiscum, periclitatus es, timuisti: <sup>396</sup> quæ tunc erat  
innocentium vita. scis & expertus es, quantopere detestentur ma-  
los Principes, etiam qui <sup>397</sup> malos faciunt. meministi quæ optare  
nobiscum, quæ sis queri solitus. Nam <sup>398</sup> priuato iudicio Princi-  
pem geris, meliorem imò te præstas, quàm tibi <sup>399</sup> alium preca-  
bare. Itaque sic imbuti sumus, vt quibus erat summa votorum,  
melior pessimo Princeps: iam non possumus, nisi optimum, fer-  
re. Nemo est ergo <sup>400</sup> tam tui, <sup>401</sup> tam ignarus sui, vt locum istum  
post te concupiscat. facilius est, vt esse aliquis successor tuus pos-  
sit, quàm <sup>402</sup> vt velit. Quis enim curæ tuæ molem sponte sub-  
eat? quis comparari tibi non reformidet? Expertus & ipse es,  
quàm sit onerosum succedere bono Principi: & afferebas excu-  
sationem, <sup>403</sup> adoptari. An prona paruaque sunt ad æmulan-  
dum, quòd nemo incolumitatem <sup>404</sup> turpitudine rependit? Sal-  
ua est omnibus vita, & <sup>405</sup> dignitas vitæ: nec iam <sup>406</sup> considera-  
tus ac sapiens, qui ætatem <sup>407</sup> in tenebris agit. Eadem quippe  
sub Principe virtutibus præmia, quæ in libertate: nec benefactis  
tantùm <sup>408</sup> ex conscientia merces. Amas constantiam ciuium,  
rectosque ac <sup>409</sup> viuidos animos non, vt alij, contundis ac de-  
primis;

primis; sed foues & attollis. Prodest bonos esse, cum sit satis abundeque, si non nocet. His honores, his sacerdotia, his prouincias offers: hi amicitia tuâ, hi iudicio florent: <sup>410</sup> acuiuntur isti integritatis & industriæ pretio: similes, dissimiles alligantur. nam <sup>411</sup> præmia bonorum malorumque, bonos ac malos faciunt. Pauci adeo <sup>412</sup> ingenio valent, ut non turpe honestumque, prout bene ac secus cessit, expetant fugiantve: ceteri, ubi laboris inertiae, vigilantiae somno, frugalitatis luxuriae merces datur; eadem ista, quibus alios artibus affecutos vident, consecretantur: qualesque sunt illi, tales esse & videri volunt; & dum volunt, fiunt.

<sup>395</sup> PER ADVERSA.] *Pindarus enim verè: ὁ πονήσας τε νόον, καὶ θεοῦ δεινὸν ἔργον:* qui animo exercitus fuit & laborauit, prudentiam fructum tulit. <sup>396</sup> QVÆ TVNC.] *Sub Domitiano.* <sup>397</sup> MALOS FACIUNT.] *Adulantes, & subseruientes.* <sup>398</sup> PRIVATO.] *Clarius, si, priuati, legas. Sed sensus ille; Tu ita geris Principem, uti priuatus indicabas esse gerendum. Quod plerumque aliter. & qui extra fortunam, bene de eâ iudicamus; cum in ipsâ, abripimur & ferenti vento nos damus.* <sup>399</sup> ALIVM PRECABARE.] *Tacitus in oratione Galba: Vtilissimus idem ac breuissimus bonarum malarumque rerum dilectus, cogitare quid aut nolueris sub alio Principe, aut volueris.* <sup>400</sup> TAM TVI.] *Virtutis summa tua, & Prudentia.* <sup>401</sup> TAM SVI.] *Qui ad te non potest accedere.* <sup>402</sup> VT VELIT.] *Sapiens quidem. nam succedere aliquis potest, & debet: par esse aut similis etiam, non potest.* <sup>403</sup> ADOPTARI.] *Id est, excusatio tibi successio, quia non sponte neque ultra venisti, sed adoptione adscitus, & quasi coactus. At qui se ingerit, minus excusatur, nisi parem se praebeat.* <sup>404</sup> TURPITVDINE REPENDIT.] *Id est, nemo hoc ipso saluus, quod virtutem non habeat saluam. Sub malis, ea in odio; & qui grati aptique Aulae esse volunt, eiurant probitatem. Exemplum etiam, ubi obscenitas & professa turpitudine saluti fuerint: in Suetonio Nerone, cap. XXIX. & Domitiani X.* <sup>405</sup> DIGNITAS VITÆ.] *Licet etiam in dignitate & luce vivere.* <sup>406</sup> CONSIDERATVS.] *Quod sub improbis Principibus; & sapientia tum, latere. Seneca, de Vitiâ: In hac villâ ille Prætorius diues, nullâ re alia quàm otio notus, consenuit: & ob hoc vnum felix habebatur. Nam quoties aliquos Asinij Galli amicitia, aut Seiani odium, deinde amor, merferant; exclamabant homines, O Vitiâ, solus scis vivere.* <sup>407</sup> IN TENEBRIS.] *Ouidij monito:*

Vive tibi, quantumque potes prælustrata vita,

Sæuum prælustræ fulmen ab arce venit.

<sup>408</sup> EX CONSCIENTIA.] *Et virtutem habeas, (ne fama aut honoris premio. Et sanè eò Philosophi, atque etiam poëta iste vocat, Τέογνις:*



Εὖ ἔρδων, ὅ ῥά τι. τί δ' ἀγγελον ἄλλον ἰάλλεις;

Τῆς δὲ ἐργασίης ῥηιδίην ἀγγελῖν.

Si benè agis, benè sit tibi. quid præconia quæris?

Virtuti facilis promptaque fama venit.

<sup>409</sup> VIVIDOS.] *Alti is spirantes. quod genus non dicam minutis, sed modicis Principibus parum grati sunt: qui pares rebus quærunt, non qui ultra sint.* <sup>410</sup> ACVVNTVR ISTI.] *Imò isto, meo iudicio. & sententia est, qui vident sic attolli à te virtutem, magis acuuntur & stimulantur, boni quidem eam persequi; & qui non boni, flectere se & sequi.* <sup>411</sup> PRÆMIA.] *Sallustius: Gloriâ industria alitur. vbi eam dempseris, ipsa per se virtus amara atque aspera est. Idem: Vbi malos præmia sequuntur, haud facilè quisquam gratuitò bonus est. Liviùs: Nihil non aggressuri sunt homines, si magna conatis magna præmia proponantur.* <sup>412</sup> INGENIO VALENT.] *Tam validâ solidâque mente sunt; ut virtutem aut vitium à sese, non à successu aut mercede pendant.*

ET priores quidem Principes, excepto patre tuo, præterea, <sup>413</sup> vno aut altero (& <sup>414</sup> nimis dixi) virijs potiùs ciuium, quàm virtutibus lætabantur. primùm, quòd in alio sua quemque natura <sup>415</sup> delectat; deinde, quòd <sup>416</sup> patientiores seruitutis arbitrabantur, quos non deceret esse nisi <sup>417</sup> seruos. <sup>418</sup> Horum in finem omnia cōgerebant: bonos autem otio aut situ abstrusos, & quasi sepultos, non nisi delationibus & <sup>419</sup> periculis in lucem ac diem proferebant. Tu amicos ex optimis legis: & hercule æquum est esse eos carissimos bono Principi, qui inuisi malo fuerint. scis, ut sicut <sup>420</sup> diuersa natura dominatio & Principatus; ita non alijs esse Principem gratiorem, quàm qui maximè dominum grauentur. Hos ergo prouehis & ostentas, quasi specimen & exemplar, quæ tibi secta vitæ, quod hominum genus placeat: & ideo non <sup>421</sup> Censuram adhuc, non <sup>422</sup> Præfecturam morum recepisti: quia tibi <sup>423</sup> beneficijs potiùs, quàm remedijs, ingenia nostra experiri placet. & alioquin, nescio an plus moribus conferat Princeps, qui bonos <sup>424</sup> esse patitur, quàm <sup>425</sup> qui cogit. Flexibiles quamcumque in partem ducimur à Principe: atque, ut ita dicam, sequaces sumus. huic enim cari, huic probari esse cupimus: quod frustra sperauerint dissimiles. eoque obsequij continuatione peruenimus, ut propè omnes homines <sup>426</sup> vnius moribus viuamus. porrò non tam sinistrè constitutum est, ut qui malum Principem possumus, bonum non possimus imitari. Perge modò Cæsar, & vim effectumque Censuræ,

suræ, tuum propositum, tui actus obtinebunt. Nam vita Principis, Censura est: eaquæ perpetua. ad hanc dirigimur, ad hanc conuertimur: <sup>427</sup> nec tam imperio nobis opus est, quàm exemplo. quippe <sup>428</sup> infidelis recti magister est metus. meliùs homines <sup>429</sup> exemplis docentur, quæ in primis hoc in se boni habent, quòd <sup>430</sup> approbant, quæ præcipiunt fieri posse.

<sup>413</sup> VNO AUT ALTERO.] *Augusto & Tito.* <sup>414</sup> NIMIS DIXI.] *Corrigit se, nec frustra fortasse in Augusto: qui recta aut certè erecta non nimis amabat. Suos etiam ludis & voluptatibus molliri atque inflecti, in bono tutoque habebat.* <sup>415</sup> DELECTAT.] *Ex notissimo verbo, Simile amicum simili.* <sup>416</sup> PATIENTIORES.] *Malos & molles, quibus honesti aequi, nec amor, nec cura est.* <sup>417</sup> SERVOS.] *Nam mali dignissimi seruitute, & qui meliorum imperijs coërceantur, aut emendentur.* <sup>418</sup> HORVM IN SINVM.] *Iuuenalis:*

Criminibus debent hortos, prætoria, menfas.

<sup>419</sup> PERICVLIS.] *Noti, non nisi per mala sua, fiebant.* <sup>420</sup> DIVERSA NATVRA.] *Tiberij dictum eâ mente: Dominum se seruorum, Imperatorem militum esse, Principem ceterorum. Princeps igitur, liberorum.*

<sup>421</sup> CENSVRAM.] *Vt Claudius, ut Vespasianus, Domitianus.* <sup>422</sup> PRÆFECTVRAM.] *Quo titulo C. Cæsar, si memini, usus. & Augustus (in Suetonio) recepit morum & legum regimen perpetuum, sine honore Censuræ.* <sup>423</sup> BENEFICIIS.] *Leniter ad bona ducere, & benè faciendo; potiùs quàm censendo, mulctando, puniendo.* <sup>424</sup> ESSE PATITVR.] *Inopinata & mira sententia: sed, ut hic multa, ex abditis prudentiæ & naturæ. Seneca huic assertor & interpres, De Clementiâ l. cap. XXI. Constituit bonos mores ciuitati Princeps, & vitia eius faciliùs compescit, si patiens eorum est, non tanquam probet, sed tanquam inuitus, & cum magno tormento ad castigandum veniat.* <sup>425</sup> QVI COGIT.] *Panegyricus Pacati, ad Theodosium: Vitijs corrigendis curam adiecisti, idque moderatè, ut suadere potiùs honesta, quàm cogere videreris.* <sup>426</sup> VNIVS MORIBVS.] *Principis, quem omnes, ut Solem, spectant, & ab eo colorantur.* <sup>427</sup> NEC TAM IMPERIO.] *Idem Pacatus: Sic est enim, sic est. exasperat homines imperata correctio, blandissimè iubetur exemplo. Plura huic rei ego, in Politicis, lib. II.* <sup>428</sup> INFIDELIS.] *Simili gnome Tullius: Malus diuturnitatis custos, est metus.* <sup>429</sup> EXEMPLIS DOCENTVR.] *Fabius: Quantum Græci præceptis valent, tantum Romani (quod est maius) exemplis.* <sup>430</sup> APPROBANT.] *Re ostendunt.*

ET quis terror valuisset efficere, quod reuerentia tui effecit?  
<sup>431</sup> Obtinuit aliquis, ut spectaculū <sup>432</sup> pantomimorum populus Ro. tolli pateretur? sed non obtinuit <sup>433</sup> ut vellet. Rogatus es tu, quod cogebat alius: cœpitque esse beneficium, quod necessitas  
 K fuerat.



fuerat. neque enim à te minore <sup>434</sup> concentu, vt tollereres pantomimos; quàm à patre tuo, vt restitueret, exactum est. Vtrumque rectè. nam & restitui oportebat, quos sustulerat <sup>435</sup> malus Princeps; & <sup>436</sup> tolli restitutos. In his enim quæ à malis benè fiunt, hic tenendus est modus, vt appareat <sup>437</sup> auctorem, non displicuisse factum. Idem ergo populus ille, aliquando <sup>438</sup> scænici Imperatoris spectator & applausor, nunc in pantomimis quoque auersatur & damnat effæminatas artes, & indecora <sup>439</sup> sæculo studia. Ex quo manifestum est, Principum disciplinam capere etiam vulgus: cum rem, si <sup>440</sup> ab vno fiat, seuerissimam, fecerint omnes. Maeste hac grauitatis gloriâ Cæsar, quâ consecutus es, vt quòd antea vis & imperium, <sup>441</sup> nunc mores vocarentur. Castigauerunt vitia sua <sup>442</sup> ipsi, qui castigari merebantur: iidemque emendatores, qui emendandi fuerunt. Itaque nemo de seueritate tuâ queritur, & liberum est queri. Sed cum ita comparatum sit, vt de nullo minùs Principe querantur homines, quàm de quo maximè licet: <sup>443</sup> tamen in sæculo nihil est, quo non omne hominum genus lætetur & gaudeat. Boni prouehuntur, mali (qui est tranquillissimus status ciuitatis) <sup>444</sup> nec timent, <sup>445</sup> nec timentur. Mederis erroribus, sed <sup>446</sup> implorantibus: omnibusque, quos bonos facis, hanc altruis laudem, <sup>447</sup> ne coëgisse videaris.

<sup>431</sup> **OBTINUIT ALIQUIS.] Et Tiberius olim, qui histriones Italiâ expulit: & Nero, qui factiones Pantomimorum vnà cum ipsis relegauit: & Domitianus denique, qui interdixit histrionibus scænam, intra domum quidem exercendi artem iure concesso. De isto eum sentire, sequentia docent.** <sup>432</sup> **PANTOMIMORVM.] Qui gestu, & saltatione motuque corporis, omnia exprimunt & imitantur: unde Græcum nomen. Latini Histriones, & Saltatores, & Gesticulatores reddunt.** <sup>433</sup> **VT VELLET.] Animo non assensit, etsi factis Principi non dissensit.** <sup>434</sup> **CONCENTV] Harmonico clamore, vt suprâ notauimus: an hic magis verum Consensu?** <sup>435</sup> **MALVS.] Domitianus.** <sup>436</sup> **TOLLI.] A te iterum.**

<sup>437</sup> **AUCTOREM.] Vt Lacedæmonij, qui bonam sententiam ab improbo homine in Senatu dictam, iusserunt à bono iterum dici, eiq; inscribi: Agellius, & Plutarchus.** <sup>438</sup> **SCÆNICI.] Neronis.** <sup>439</sup> **SAECVLO.] Huic tuo virili, & honesta.** <sup>440</sup> **AB VNO.] Principe.** <sup>441</sup> **NUNC MORES.] Seneca: Definit esse remedio locus, vbi quæ fuerant vitia, mores sunt. Mores autem, id est, peruulgata iudicia aut facta, & vno verbo, Sæculum.**

<sup>442</sup> **IPSI, QVI.] Nempe, ipse populus. Non enim Caius, aut Nero, vt quidam explicat.** <sup>443</sup> **TAMEN.] Luineius tum, ex veteri libro: fortasse, tuorum.**

<sup>444</sup> NEC TIMENT.] *Hocne probas Plini? malos solutos metu esse? Ita, sed nempe magno metu, qui ad res novas facile impellit. Tutiùs meliusq̃, ubi iam multi mali, paulatim pati emendare & ad frugem se recipere, quàm acerbis pœnis concitare. Vt in humano corpore vitiosi humores non impetu purgantur, nisi cum periculo: ita in republicâ. Significat igitur, bonis amicis & bonum Traianum fuisse; nec malis quidem nimis asperum, & meliores exemplo & morâ fecisse.* <sup>445</sup> NEC TIMENTVR.] *A bonis, quia vires non habent.* <sup>446</sup> IMPLORANTIBVS.] *Cùm ipsi qui emendandi, volunt emendari. Qui festinat, & qui aliter; quid nisi intempestiuus remedijs delicta accendit?* <sup>447</sup> NE COEGISSE.] *Ita Agricola, apud Tacitum, cùm Britannia præficeret, rarissimâ moderatione maluit videri inuenisse bonos, quàm fecisse. Denique quid in totâ hac re sit, pulchrè Apuleius: Neminem Proconsulem prouincia Africa magis reuerita est, minùs verita: nullo, nisi tuo, anno ad coercenda peccata plus pudor valuit, quàm timor. Nemo te alius, pari potestate, sæpiùs profuit, rariùs terruit.*

QV I D vitam? quid mores iuuentutis? quàm <sup>448</sup> principaliter formas? quem honorem <sup>449</sup> dicendi magistris? quam dignationem sapientiæ doctoribus habes? vt <sup>450</sup> sub te spiritum, & sanguinem, <sup>451</sup> & patriam receperunt studia: quæ priorum temporum immanitas exsilijs puniebat? cùm sibi vitiiorum omnium conscius Princeps, inimicas vitijs artes, non odio magis, <sup>452</sup> quàm reuerentiâ, relegaret. At tu easdem artes in complexu, oculis, auribus habes. præstas enim quæcumque præcipiunt, tantumque eas diligis, quantum ab illis <sup>453</sup> probaris. An quisquam studia humanitatis professus, non cùm omnia tua, tum vel in primis laudibus ferat <sup>454</sup> admissiõnum tuarum facilitatem? Magno quidem animo parens tuus, hanc <sup>455</sup> ante vos Principes arcem, <sup>456</sup> publicarum ædium nomine inscripserat: frustra tamen, nisi adoptasset, qui habitare vt in publicis posset. Quàm bene cum titulo isto moribus tuis conuenit? quamque omnia sic facis, tanquam <sup>457</sup> non alius inscripserit? Quod enim forum, quæ templa, tam referata? non Capitolium, ipsaque illa adoptionis tuæ sedes, magis publica, magis omnium. Nullæ obices, nulli <sup>458</sup> contumeliarum gradus: superatisque iam <sup>459</sup> mille liminibus, vltra semper aliqua dura & obstantia. Magna ante te, magna post te, iuxta tamen maxima quies. <sup>460</sup> tantum vbique silentium, tam altus pudor, vt ad paruos penates & larem angustum, ex domo Principis, modestiæ & tranquillitatis exempla referantur.



<sup>448</sup> PRINCIPALITER. ] *Sive, ut decet Principem; siue eximie, & ὡς ἔδει.*  
*Habes hanc curam inter principes.* <sup>449</sup> DICENDI MAGISTRIS. ] *Rhetoribus. Victor de Traiano: Eruditissimos, quamuis ipse parca esset scientiæ, moderateque eloquens, diligebat. Et Dio: παιδείας μὲν γὰρ ἀνελέες, δὲ ἐν λόγοις, & μετέχει, τὸ γὰρ μὲν ἔργον αὐτῆς καὶ ὁρίσασθαι καὶ ἐπαιεῖν.* Doctrinæ accuratæ, quæ in verbis consistit, particeps non fuit: at quæ præcipiuntur, ea & nouit & fecit. *Summa est, summè doctum in litterarijs artibus non fuisse, at in Philosophicis & moralibus, maximè. Quis enim hoc negauerit, qui vel Plutarchum cogitauerit, eius doctorem? Exstat epistola viri, quam misit ad Traianum iam recenter Principem, digna quæ apud ipsum legatur.* <sup>450</sup> SUB TE SPIRITVM. ] *Hanc laudem & alij tribuunt Traiano. Iuuenalis:*

Et spes & ratio studiorum in Cæsare tantum.

*In epistolis, noster: Studijs, quæ propè extincta refouentur. Argumentum & à viris doctis, quibus auum illud claruit: & à Bibliothecâ Vlpia, quam ijs liberaliter struxit, atque instruxit.* <sup>451</sup> ET PATRIAM. ] *Nam exsulare- rant, ut addit. & Suetonius de Domitiano: Philosophos omnes vrbe Italiaque submouit.* <sup>452</sup> QVAM REVERENTIA. ] *Ut Tacitus, in eodem Domitiani factò, nequid vsquam honesti oculis occurreret. Et qui illud non amant, aut non habent: quomodo has ament, fama aut infamiae publicas turbas?* <sup>453</sup> PROBARIS. ] *Nam sermonibus aut scriptis honestant & laudant te totum hoc genus.* <sup>454</sup> ADMISSIONVM. ] *Officium erat Palatinum, Ab*

*admissionibus, & Admissionales: per quos aditus ad Principem erat. Is saepe duri, molles mitesq; sub miti hoc Traiano.* <sup>455</sup> ANTE VOS. ] *Te & Neruam. Sententia est, Palatium hoc antea arx quadam & velut regia, sub vobis facta est communis quadam domus, atque adeo à Neruâ sic inscripta.*

<sup>456</sup> PVBLICARVM AEDIVM. ] *Factum Neruæ causam etiam aliam habuit (imò primitus aliam) ab hac quam Orator tangit. Nam Principes Romani, quatenus Pontifices Maximi, in publico habitare debebant. Dio in Augusto notat, lib. LV. cum domum ædificasset, totam eam publicasse, quod Pontifex max. esset. Ipsum hoc dicit, libro LIIII. post Lepidi mortem: vide. Facit huc quod in Dionis M. Antonino est: ἡμεῖς γὰρ, ἐφ' ὧς & βελτὸν λέγων, ἔπος ἐδ' ἐν ἰδίῳ ἔχομεν, ὥς καὶ ἐν τῇ νυνετέρᾳ οἰκίᾳ οἰκῶμεν: Nos, inquit Antoninus ad Senatum, adeo nihil proprii habemus, ut etiam in vestris ædibus habitemus. Ergo palatium iam ab Augusto publicum: & iterum fecit scripsitq; Neruæ.* <sup>457</sup> NON ALIVS. ] *Ipse tu, non Neruæ. adeo elogium hoc verum præstas.* <sup>458</sup> CONTVMELIARVM GRADVS. ] *Ut alij primo ostio admitterentur, interioribus excluderentur: alij, nec primo. Sive, quod agrè & superbè excepti à ianitoribus, iterum iterumque (ut plura erant limina) hæc contumeliæ subeunde.* <sup>459</sup> MILLE LIMINIVS. ] *Satis hoc laxum, de mille liminibus: sed oratoriâ nempe, an poëticiâ superlatione. Tamen multa hæc ostia, ex more, diuitibus. Seneca, De Benef. VI. cap. XXXIII. Ut gradum intra domum ponas, in quâ deinceps multa sunt ostia, quæ receptos quoque excludunt: de ipsis istis salutationibus.* <sup>460</sup> TANTVM VBIQVE

SILENTIVM.] *O pulchrè ! & hoc nomine barbara illa Turcarum natio laudanda, quibus in suâ Portâ, inter mille Ianitzaros aliûmque confluxum, silentium est. panè solitudinis.*

IPSE autem vt excipis omnes, <sup>461</sup> vt exspectas ? vt magnam partem dierum, inter tot imperij curas, <sup>462</sup> quasi per otium transigis ? Itaque non <sup>463</sup> vt aliàs attoniti, nec vt periculum capitis adiutori <sup>464</sup> tarditate, sed securi & hilares, cum commodum est, convenimus : & admittente Principe, interdum est aliquid, quod nos domi quasi magis necessarium teneat. excusati semper tibi, nec vnquam excusandi sumus. Scis enim <sup>465</sup> sibi quemque præstare, quod te videat, quod te frequenter : ac tanto liberalius ac diutius voluptatis huius copiam præbes. Nec <sup>466</sup> salutationes tuas <sup>467</sup> fuga & vastitas sequitur. remoramur, resistimus, vt in communi domo : quam nuper illa immanissima <sup>468</sup> bellua plurimo terrore munierat. cum velut quodam specu inclusa, nunc <sup>469</sup> propinquorum sanguinem lamberet, nunc se ad clarissimorum ciuium stages cædesque proferret. Obuersabantur foribus horror & minæ, & par metus <sup>470</sup> admissis & <sup>471</sup> exclusis. Ad hæc, ipse occursum quoque <sup>472</sup> visuque terribilis. superbia in fronte, <sup>473</sup> ira in oculis, fæmineus pallor in corpore, in <sup>474</sup> ore impudentia multo rubore suffusa. Non adire quisquam, non adloqui audebat, tenebras semper <sup>475</sup> secretumque captantem : nec vnquam ex solitudine suâ prodeuntem, nisi vt <sup>476</sup> solitudinem faceret. Ille tamen, quibus sibi <sup>477</sup> parietibus & muris salutem suam tueri videbatur, <sup>478</sup> dolum secum & insidias, & ultorem scelerum Deum inclusit. dimouit perfregitque custodias pœna, <sup>479</sup> angustosque per aditus & obstructos, non secus ac per apertas fores & inuitantia limina, irrupit : <sup>480</sup> longeque tunc illi diuinitas sua, longè arcana illa cubilia <sup>481</sup> sæuique secessus, in quos timore, & superbiâ, & odio hominum, agebatur. Quanto nunc tutior, quanto securior eadem domus, <sup>482</sup> postquam eius non crudelitatis, sed amoris excubijs, non solitudine & claustris, sed ciuium celebritate defenditur ? Ecquid ergo discimus experimento, fidissimam esse custodiam, Principis ipsius innocentiam ? hæc arx inaccessa, hoc <sup>483</sup> inexpugnabile munimentum, munimento non egere. Frustra se terrore succinxerit, qui <sup>484</sup> septus caritate non fuerit. <sup>485</sup> armis enim arma irritantur.



<sup>461</sup> VT EXSPECTA ?] *Non excipis solum comiter, sed in limine velut obuium te das: aut certe inuitas, & vacuum te ostentas.* <sup>462</sup> QVASI PER OTIVM.] *Vulgando te, audiendo, alloquendo, ut solent feriari.* <sup>463</sup> VT ALIAS.] *Ante, sub malis Principibus. Sed quidam libri, non alij & attoniti: quod magis probo. Id est, non colore vultus, alio, & à prioribus demutantes: ut est facies metus.* <sup>464</sup> TARDITATE.] *Quasi periclitaturi, si tardè veniremus. Ideò Satyricus: — raptà properabat abollà Pegasus. Sic explicant: at mihi rescribi placeat, tardè ad te. Non, inquit, trepidè & cunctanter te adimus: sed hilares & securi, quia libet, & cum libet.* <sup>465</sup> SIBI QVEMQVE.] *Non tuâ causâ, nec ut velut officium præstemus: sed in nostram voluptatem, & ut te fruamur.* <sup>466</sup> SALVATIONES TVAS.] *Illas solennes & matutinas, quas & Principi ferebant. Tacitus: Cn. Nouius, in cœtu salutantium Principem.* <sup>467</sup> FUGA ET VASTITAS.] *Quia iussu statim recedere, nec subsistere ibi fas, aut morari.* <sup>468</sup> BELLVA.] *Seneca: Non, tãquam malum aliquod aut noxium animal è cubili profuerit, diffugiunt.*

<sup>469</sup> PROPINQVORVM.] *Nam Flauios Clementem, & Arretinum, patrueles suos occidit.* <sup>470</sup> ADMISSIS.] *Ne verbo aut gestu offenderent.* <sup>471</sup> EXCLUSIS.] *Ne iam offendissent.* <sup>472</sup> VISQVE TERRIBILIS.] *Tacitus: Cum tot hominum palloribus denotandis sufficeret sæuus ille vultus.* <sup>473</sup> IRA IN OCVLIS.] *Nihil Suetonius. tantum, grandibus oculis fuisse.* <sup>474</sup> ORE IMPVDENTIA.] *Tacitus: Rubor, quo se contra pudorem municbat. Apparebat igitur verecundus, non erat.* <sup>475</sup> SECRETVMQVE.] *Cotidie horarium, ut Suetonius cap. IIII. scribit. etsi malè ibi distinctum, quasi inter initia Principatus tantum. Ille verò assidue hoc fecit: & ea verba ad superius Caput ac periodum pertinent, de Tito. Qui legis, attende.* <sup>476</sup> SOLITVDINEM.] *Occidendo, pellendo. nam ad sæuitiam exercendam prodibat. Non displiceat tamen solitudinem legi, aptà allusione, & sententiâ veriore.* <sup>477</sup> PARIETIBVS.] *Quos etiam Phengite lapide distinxit, ut quidquid à tergo fieret, peruideret, insidiarum metu: Suetonius.* <sup>478</sup> DOLVM SECVM.] *Insidiatores ipsos domesticos, & è cubiculo.* <sup>479</sup> ANGVSTOSQVE.] *Aedificij ratione tales, an custodum frequentia?* <sup>480</sup> LONGEQVE TVNC ILLI.] *Latij quidam idionismus, quo significatur, hoc aut illud nil inuare aut prodesse. Nam quæ præsentia, auxilio esse solent: longinqua, frustra implores. Itaque & Adesse dixerunt, pro inuare & patrocinari. Illa phrasis, in Virgilio: Longè illi dea mater erit. In Casare: Longè ijs fraternum nomen populi Rom. futurum. In Floro: Longè illi triplex murus, totidemque arces.* <sup>481</sup> SÆVIQVE SECESSVS.] *Vbi sæua & tristia machinabatur. Tacitus: Quodque sæuæ cogitationis indicium erat, secreto suo satiat.* <sup>482</sup> POSTQVAM EIVS.] *Legendum, postquam ea: aut vocula deest, dominuseius, talisve: an placet, herus legi?* <sup>483</sup> INEXPUGNABILE.] *Seneca: Vnum est inexpugnabile munimentum, amor ciuium.* <sup>484</sup> SEPTVS CARITATE.] *Ex Cicerone, in Antonium: Caritate & beniuolentiâ ciuium septum oportet esse, non armis.* <sup>485</sup> ARMIS ENIM.] *Homerus hoc voluit: — ἔλκει δὲ πᾶν ὄρα σίδερον: — visusque virum trahit ensis.*

NUM autem <sup>486</sup> serias tantum partes dierum, in oculis nostris cœtuque, consumis? num <sup>487</sup> remissionibus tuis eadem frequentia, eademque illa socialitas, interest? Non tibi semper in medio cibus, semperque mensa communis? non ex cōiuctu nostro mutua voluptas? non <sup>488</sup> prouocas reddisque sermones? non ipsum tempus epularum tuarum, cum <sup>489</sup> frugalitas contrahat, extendit humanitas? Non enim <sup>490</sup> ante medium diem distentus <sup>491</sup> solitaria cœnâ, spectator <sup>492</sup> adnotatorque, conuiuis tuis <sup>493</sup> immines: nec ieiunis & inanibus plenus ipse <sup>494</sup> eructans, non tam apponis quàm obijcis cibos, quos dedigneris attingere, ægreque perpeffus superbam illam conuictus simulationem, rursus te ad clandestinam ganeâ, occultumque; luxum, refers. Ergo nō aurum nec <sup>495</sup> argentum, nec exquisita ingenia cœnarum, sed suauitatē tuam iucunditatemque; miramur. quibus nulla satietas adest; quando sincera omnia, & vera, & <sup>496</sup> ornata grauitate. Neque enim aut <sup>497</sup> peregrinæ superstitionis mysteria, aut <sup>498</sup> obscœna petulātia mensis Principis <sup>499</sup> oberrat: sed benigna: <sup>500</sup> inuitatio, & liberales ioci, & <sup>501</sup> studiorum honor. Inde tibi parcus & <sup>502</sup> brevis somnus, nullumque; amore nostri angustius tēpus, quàm quod sine nobis agis.

<sup>486</sup> SERIAS TANTVM.] *Matutinas, & meridianas. nam postea exercitijs & cura corporis se dabant.* <sup>487</sup> REMISSIONIBVS TVIS.] *Dio Cassius, super istis: Αγαπητός μὲν πᾶσι, φοβερὸς δὲ μηδενὶ, πλὴν πολεμίοις. καὶ γὰρ Θήρας, καὶ συμποσίων, ἔργων τε καὶ βελδμάτων, σκαμμάτων τε συμμετεῖχε σφίσι, καὶ πολλάκις καὶ τέτατος ὤχειτο: Amabilis omnibus, nulli, præterquam hostibus, formidandus. Venationibus, conuiujs, deliberationibus actionibusque amicorum intererat, atque etiam iocis & dictarijs: & sæpe vel quartus vehebatur. Eutropius planè eadem: Gloriam militarem ciuilitate & moderatione superauit: Romæ, & per prouincias, æqualem se omnibus exhibens: amicos salutandi causâ frequentans, vel ægrotantes, vel cum festos dies habuissent. Conuiuia cum iisdem indisereta vicissim habens: sæpe in vehiculis eorum sedens: nullum Senatorum lædens. Atque hic quod de Vehiculis ait, consonat & explicat illud Dionis, quartum vectum esse, id est cum pluribus: etsi Principes & magnates soli ferè solerent.*

<sup>488</sup> PROVOCAS.] *Suetonius, de Augusto: Cœnam præbebat, ut non nimio sumptu, ita summâ comitate. Nam & ad communionem sermonis tacentes, vel submissim fabulantes, prouocabat.* <sup>489</sup> FRUGALITAS.] *Hoc & in epistolis adserit lib. vi. epist. xxxi. Adhibebamur cottidie cœnæ. erat modica, si Principem cogites. interdum acroamata audiebamus, interdum iucundissimis sermonibus nox ducebatur. Nota in noctem ducta, quod hic est Extensa fuisse.* <sup>490</sup> ANTE MEDIUM.] *Vt Domitianus.*

*de quo.*



de quo Suetonius: Lauabat de die, prandebatque ad satietatem: vt non temerè super cœnam, præter Matianum malum, & modicâ (sic lego) in ampullâ potiunculam sumeret. <sup>491</sup> SOLITARIA.] *Ipsum illud plenum prandium, cœnam appellat: quia eius loco.* <sup>492</sup> ADNOTATORQUE.] *Quid dicant, edant, bibant, innuant.* <sup>493</sup> IMMINES.] *Auidè spectando. Catullus: Vir tuus, Tyrio in toro, Totus immineat tibi.* <sup>494</sup> ERUCTANS.] *Aptius videbatur, irructans: quasi in os ijs ructans.* <sup>495</sup> ARGENTVM.] *Ministeriale, scitum & multiplex.* <sup>496</sup> ORNATA.] *Nescio quid subolet vel virij, vel defectus. An fuit, ornata comi grauitate?* <sup>497</sup> PEREGRINÆ.] *Referunt ad sacerdotes, quos in monte Albano instituit. Sed cur ea peregrina superstitione? aut quid ad mensas? Malim accipere Isiacos, Bellonarios, Gallos matris deûm, qui cum cœtu aut choro domos & conuiuia solent irrumpere. Iuuenalis Sat. VI. dicet, & describet. An & de Indæis vis accipi?* <sup>498</sup> OBSCÆNA.] *Psaltiarum, cinædorum, puellarum à Gadibus: de quibus scriptores sparsim.* <sup>499</sup> OBERRAT.] *Plinius lib. IX. epist. XVII. Quereris tibi tædio fuisse quamuis lautissimam cœnam, quod scurræ, cinædi, moriones mensis inerrabant.* <sup>500</sup> INVITATIO.] *Ad loquendum, edendum, an & bibendum? ita, ex ingenio Traiani. Nam vini cupidiorum fuisse Dio notat: & Spartianus, Hadrianum vino indulgisse, Traiani moribus obsequentem. Id maximè facitabat, & quasi sollenniter, post secundam mensam. Lamprius in Alexandro: Cùm militares amicos habuisset, vt vsum Traiani, quem ille post secundam mensam potandi vsque ad pocula instituerat, referuaret, vnum tantum poculum exhibebat in honorem Alexandri Magni. Numerus poculorum deest, & video quosdam legisse, vsque ad quinque pocula. Si è libris, benè est: si à sese, malimego, vsque ad pocula III. qui numerus ex initialibus litteris vocis sequentis. Vinosus igitur aliquantulum Traianus: sed & viri alij magni, cum excusatione iustissimâ, ad diluendas curas. De quo Seneca in extremo De Tranquill. videndus. Eutropius & cautionem eius in vino suggerit: Vinolentiam, quo vitio, vt Nerua, tangebatur, prudentiâ molliuerat, curari vetans iussa post longiores epulas.* <sup>501</sup> STVDIORVM.] *De quibus sermo. Nec enim librum lectum super mensam arbitror: etsi id quoque viri magni, & in dignitate, tunc faciebant. Alij comædum aut lyristen audiebant, iucundo fructu. Plinius lib. III. de Spurinnâ: Frequenter comædis cœna distinguitur, vt voluptates quoque studijs condiantur. At Traiani sermones, Philosophici fuerunt, aut Politici: nec ambigo.* <sup>502</sup> BREVIS SOMNVS.] *Ex Homérico praecepto:*

Οὐ γὰρ παννύχον εὖ δεῖν βελιπρόειον ἀνδρα:

Dedecus est totam rectorem stertere noctem.

SED cùm rebus tuis vt participes perfruamur, quæ habemus ipsi, quàm propria, quàm nostra sunt? Non enim exturbatis prioribus dominis, <sup>503</sup> omne stagnum, omnem lacum, omnem etiam saltum, immensâ possessione circumuenis: nec vnus oculis

oculis <sup>504</sup> flumina, fontes, maria deseruiunt. Et quid Cæsar non suum videat? <sup>505</sup> tandemque imperium Principis, quam patrimonium maius est. multa enim ex patrimonio refert in imperium, quæ priores Principes occupabant, non ut ipsi fruerentur, sed ne quis alius. Ergo in vestigia sedesque nobilium imigrant <sup>506</sup> pares domini, nec iam clarissimorum virorum <sup>507</sup> receptacula habitatore <sup>508</sup> seruo teruntur, aut foedâ <sup>509</sup> vastitate procumbunt. Datur intueri pulcherrimas ædes, deterso situ, <sup>510</sup> auctas ac vigentes. Magnum hoc tuum non erga homines modò, sed erga recta ipsa meritum, sistere ruinas, solitudinem pellere, ingentia opera, <sup>511</sup> eodem quo exstructa sunt animo, ab interitu vindicare. Muta quidem illa & animâ carentia: sentire tamen & lætari videntur, quòd niteant, quòd frequententur, quòd aliquândo cœperint esse <sup>512</sup> donum scientis. Circumfertur, sub nomine Cæsaris, <sup>513</sup> tabula ingens rerum vœnaliû. <sup>514</sup> quò sit detestanda auaritia <sup>515</sup> illius, qui tam multa concupiscebat: cùm haberet superuacua tam multa. tamen exitialis erat apud Principem, huic laxior domus, illi <sup>516</sup> amœnior villa. Nunc Princeps in hæc eadem dominos <sup>517</sup> quærit, ipse inducit, ipsos illos <sup>518</sup> magni aliquando Imperatoris hortos, illud <sup>519</sup> nunquam nisi Cæsaris suburbanum, licemur, emimus, <sup>520</sup> implemus. Tâta benignitas Principis, tanta securitas temporum est, ut ille nos Principalibus rebus existimet dignos; nos non timeamus, quòd digni esse videmur. Nec verò emendi tantum ciuibus tuis copiam præbes, sed amœnissima quæque largiris & donas. <sup>521</sup> Ita inquam, donas in quæ electus, in quæ adoptatus es: transfers quod iudicio accepisti, ac nihil magis tuum credis, quam quod <sup>522</sup> per amicos habes.

<sup>503</sup> OMNE STAGNUM.] *Loquitur de villis priorum Principum, qui eâ specie immensum agrorum tractum occupabant.* <sup>504</sup> FLUMINA.] *Quid mirum? cùm tunc opes priuatæ ita magnæ, ut flumina haberent in suo orientia & cadentia. Seneca epist. LXXXIX. Illustrium fluminum per priuatum decursus, & amnes magni, magnarumque gentium termini, usque ad ostium à fonte, vestri sunt: & plura huic rei vix credenda & admiranda, quæ subiungit. Ideoque & in Admirandis dixi lib. II. cap. ult. Non audio, qui hæc ad Neronis domum referunt: planissimè contra Plinij verba & mentem.* <sup>505</sup> TANDEMQUE IMPERIUM.] *Quasi olim Principum possessiones per totum imperium sparse, & illi penè equales. Nam errant, qui in alium*



*hac sensum trahunt, quasi ideò maius imperium, quia ciues dicto audientes sunt. Nuga.* <sup>506</sup> PARES DOMINI.] *Item nobiles.* <sup>507</sup> RECEPTACULA.] *Villa & Prætoria olim illustrium.* <sup>508</sup> SERVO.] *Qui villicus ibi vel Actor sit.* <sup>509</sup> VASTITATE.] *Desolata, nec culta. Sed unde, inquires, tam multa hæc ad Principem? Ex iniquis damnationibus cadibûsque nobilium, quorum bona ad fiscum.* <sup>510</sup> AVCTAS.] *Restitutas, nisi cui arridet, lautas.*

<sup>511</sup> EODEM.] *Magno, & locorum amante.* <sup>512</sup> DONVM SCIENTIS.] *Libris alijs, domini non seruiantis: id esset quod suprâ dixit, non habitatore seruo teruntur. Ego negationem reiecerim, scribâmq, domini fruentis.*

<sup>513</sup> TABVLA.] *Villarum fundorûmq, vanalium, qui Principis fuissent. Nam Nerua iam antè vendiderat (in Dione) pecuniæ egens, vestes, vasa, suppellectilem, & quidquid non necessarium in Aulâ esset. At Traianus igitur ex ipso patrimonio Principali imminuit: quod immensum creuerat.*

<sup>514</sup> QVO SIT.] *Odoror hiatum aliquem, sed lenem.* <sup>515</sup> ILLIVS.] *Domitiani palâm. matè qui ad Neronem trahunt.* <sup>516</sup> AMOENIOR VILLA.] *Si, mile in Triumviralî proscriptione Appianus notat, & quemdam conspecto nomine suo in Tabulâ, exclamasse; Heu, villa Albana me perdidit!*

<sup>517</sup> QVÆRIT.] *Publicâ venditione.* <sup>518</sup> MAGNI.] *Veteris alienius Luculli, Pompeij, aut similis.* <sup>519</sup> NVNQVAM NISI.] *Assidue possessum Casaribus. Talia autem multa, nec opus ad unum Albanum Domitiani confugere.* <sup>520</sup> IMPLEMV.S.] *Nostris rebus, seruis, nobisipsis.* <sup>521</sup> ITA INQVAM.] *Fortasse, Ista: tua nempe propria, & in quæ, vt heres, Nerua successisti.* <sup>522</sup> PER AMICOS.] *Regis illius nota vox, Vbi thesauri? amicos ostendentis.*

I D E M tam parcus in <sup>523</sup> ædificando, quàm diligens in tuendo. Itaque non <sup>524</sup> vt antè, immanium transuectione <sup>525</sup> saxorum vrbis recta quatiuntur: stant securæ domus, nec iam templanutantia. Satis est tibi nimiumq, cùm successeris frugalissimo Principi, magis reijcere aliquid & amputare ex his, quæ Princeps tanquam necessaria reliquit. Præterea pater tuus vîsibus suis detrahebat, quæ fortuna imperij dederat, <sup>526</sup> tutius quod pater. At quàm magnificus <sup>527</sup> in publicum es? hinc <sup>528</sup> porticus, inde delubra occultâ celeritate properantur, vt non <sup>529</sup> consummata, sed tantùm <sup>530</sup> commutata videantur. Hîc <sup>531</sup> immensum latus Circi templorum pulchritudinem prouocat, digna populo victore gentium sedes, nec minùs ipsa visenda, quàm quæ ex illâ <sup>532</sup> spectabuntur. visenda autem, cùm ceterâ specie, tû quòd æquatus plebis, ac Principis locus. Siquidem per omne spatium vna facies, omnia continua & paria, nec magis proprius spectandi Cæsaris <sup>533</sup> suggestus, quàm propria quæ spectet. Licebit ergo ciuibus tuis inuicem contueri, dabitur non <sup>534</sup> cubiculum Principis,

cipis, sed ipsum Principem cernere, in publico, in populo sedentem: populo, cui locorum<sup>535</sup> quinque millia adiecisti. auxeras enim numerum eius congiarij facilitate, <sup>536</sup> maioremque in posterum suscipi liberalitatis tuæ fide iusseras.

<sup>523</sup> AEDIFICANDO.] *Prinatum scilicet, & in tuos usus. nam publicè contrà, ut subdet.* <sup>524</sup> VT ANTE.] *Sub Domitiano, aulam illam suam Parrhasiam edificante.* <sup>525</sup> SAXORVM.] *Columnarum, obeliscorum. Iuuenalis satyrâ III.*

Nam si procubuit qui saxa Ligustica portat  
Axis, & euersum fudit super agmina montem,  
Quid superest de corporibus?

*Seneca in Epistolis:* In hunc usum pinus aut abies deferebatur, longo vehiculorum ordine, vicis intrementibus? <sup>526</sup> TVTIVS QVOD.] *Olim emendauimus & scripto communicauimus cum amico: tu tuis, quod pater. Ille detraxit sibi ab imperio relictâ, tu magis propriè tua, quæ à patre: id est Neruâ.*

<sup>527</sup> IN PVBLICVM.] *Multa enim publicè edificauit, aut reparauit. Eutropius magnificè de illo:* Orbem terrarum ædificasse. *Victor:* Castra suspectioribus atque opportunis locis exstructa, ponsque Danubio impositus, ac deductæ coloniarum pleræque. Ad hoc, Romæ à Domitiano cœpta fora, atque alia multa, plusquam magnificè coluit ornauitque. *Sed & Dio Cassius,* exstruxisse plurima, & maximè necessaria in vijs, portibus, publicis ædificijs. *Exstant hodièque aliqua inprimis vestigia admirandi illius in Danubio pontis, super humana ingenia atque opes. Item alter egregius in Hispaniâ, quem Alcantaræ, vocant, Tago impositus: & plura, monumenta vere laudis. Quam dièterio tamen carpsit & libauit, qui Herbam parietariam Traianum dixit, quod nomen vbique inscriberet operibus vel nouis, vel nouatis. Quid mali? faciant alij Principes: faciant, & inscribant.* <sup>528</sup> PORTICVS.] *Quæ, nescio. nec tamen suspicioni Catanai accedo, Portus suggerenti. Nam hæc de ipsâ vrbe.* <sup>529</sup> CONSUMMATA.] *Nouâ structione.*

<sup>530</sup> COMMVTATA.] *Reparatione.* <sup>531</sup> IMMENSVM.] *Sanè immensum, & longitudine stadiorum trium, ut Plinius scribit, latitudine vnius.*

<sup>532</sup> SPECTABVNTVR.] *Circenses siue curules ludi inprimis, sed etiam Gladiatorum, Venationes, & omne genus solet interim hic dari.* <sup>533</sup> SVGGESTVS.] *Editior locus, in quo ipse spectet. Cui honori origo à Iulio Cesare. quem Suetonius notat, inter nimios honores, recepisse Suggestum in orchestrâ. Vide me De Amphitheatro, cap. XI.* <sup>534</sup> CVBICVLVM] *ubi velut clausus, tutusque, ab iniuriâ celi, sedebat. Populariter Traianus hoc spreuit, & spectauit ipse, spectatusque est.* <sup>535</sup> QVINQVE MILLIA.] *Hic numerus mihi suspectus, & minutus est. Quid magni, ubi tot millia, quinque dumtaxat adiecisse? At enim suprâ dixit: quinque millia ingenuorum conquisita. Ita, sed ad alendum (quod aliud valde est) non ad spectandum. Denique illi ingenui, spectant verò & libertini. Moueor etiam, quod in Plinio legam, Circum à Cesare Dictatore structum, ad sedem CCLX. millium. At postea, in Victore, cepisse*



scribitur loca CCCLXXXV. millia: *sive ut verius in Notitiâ imperij, & integris vocibus perscriptum, quadringenta octoginta quinque. Igitur post Cæsarem, largiter sanè ei adiectum, & panè duplum. Ac fateor alios Principes potuisse augere, sed publica testimonia inclinant eximium aliquid Traianum patrasse. Basis Romæ exstat huic inscripta: TRIBVS. XXXV. QVOD. LIBERALITATE. OPTIMI. PRINCIPIS. COMMODA. EARVM. ETIAM. LOCORVM. ADIECTIONE. AMPLIATA. SINT. Et si ea posita in Consulatu eius v. diutule post ipsum factum: dum decernitur, dum paratur statua, ut solet. In Dionis etiam compendio: εἰς τὴν ἀρχὴν καὶ μετὰ τὸν θάνατον αὐτοῦ τὰς ἐκείνου πόλιν ἐποίησεν, ἐπειδὴ δὲ καταλείποντα πῆ καὶ μείζων καὶ περικαλλέστερον ἐχειρλόσσατο: Adeò autem & magni animi & conceptus erat, ut Circo inscripserit, Quòd capacem populi Romani struxisset: quia scilicet corruptum, & maiorem, & elegantiorē fecerat. Ex his, talibusq; inclino legere: quinquaginta millium, aut ultra, si quis \* φιλοπονεῖν velit. Ad hanc autem Circi reparationem Suetonij illa spectant, Domitiani cap. v. Fecit Odeum, & Naumachiam. è cuius postea lapide maximus Circus, deustis utrimque lateribus, exstructus est. Postea, nempe à Traiano. <sup>136</sup> MAIOREM QVE.] Ergo non ad solum illud augmentum quinque millium amplitudo accommodata.*

\* Romano-  
rum animans.

HORVM vnum si præstitisset alius, illi iamdudum <sup>537</sup> radiatum caput, <sup>538</sup> & media inter deos <sup>539</sup> sedes, auro starer, aut ebo-  
re, augustioribusque aris, & <sup>540</sup> grandioribus victimis, inuocare-  
tur. Tu delubra non nisi <sup>541</sup> adoraturus intras, tibi maximus ho-  
nor <sup>542</sup> excubare pro templis, postibusque <sup>543</sup> prætexi. Sic fit ut  
<sup>544</sup> dei summum inter homines fastigium serues, cum deorum  
ipse non adeptus. Itaque tuam statuam in vestibulo Iouis optimi  
maximi vnā alterā inue, & hanc æream cernimus: at paullò an-  
tè aditus omnes, <sup>545</sup> omnes gradus, totaque area, <sup>546</sup> hinc auro,  
hinc argento relucebat, seu potius polluebatur: cum <sup>547</sup> incesti  
Principis statuis permixta deorum simulachra <sup>548</sup> sorderent. Er-  
go istæ quidem æræ & paucæ manent, manebuntque quamdiu  
templum ipsum: illæ autem aureæ & <sup>549</sup> innumerabiles, <sup>550</sup> strage  
& ruinâ, publico gaudio litauerunt. Iuuabat illidere solo su-  
perbissimos vultus, instare ferro, scuire <sup>551</sup> securibus, ut si singu-  
los ictus sanguis dolorque sequeretur. Nemo tam temperans  
gaudij <sup>552</sup> feræque lætitiæ, quin instar vltionis videretur, cernere  
laceros artus, truncata membra, postremò <sup>553</sup> truces horrendas-  
que imagines <sup>554</sup> abiectas excoctasque flammis: ut ex illo terro-

re &

re & minis, in vsum hominum ac voluptates, ignibus mutarentur. <sup>555</sup> Simili reuerentiâ Cæsar, non apud <sup>556</sup> Genium tuum bonitati tuæ gratias agi, sed <sup>557</sup> apud numen Iouis optimi maximi pateris: illi debere nos quidquid debeamus, illius quod bene facias <sup>558</sup> muneris esse, qui te dedit. Antè quidem ingentes hostiarum greges per <sup>559</sup> Capitolinum iter, magnâ sui parte velut <sup>560</sup> intercepti, <sup>561</sup> diuertere viâ cogebantur: cùm sæuissimi domini atrocissima effigies, tanto victimarum cruore coleretur, quantum ipse humani sanguinis profundebat.

<sup>537</sup> RADIATVM.] *Qui habitus Deorum, aut Diuorum. Lucanus:*

Fulminibus manes, radijs ornabit, & astris.

*Nam hæc insignia Principibus consecratis apposita, ut Nymmi etiam docent.*

<sup>538</sup> ET MEDIA.] *Honoris causâ, vel mixtus Diis; vel etiam inter duos medius. Ut Caligula inter fratres Deos (Castores) medium se adorandum adeuntibus exhibuit.* <sup>539</sup> SEDES.] *Nam Iupiter, & isti maiorum gentium, sedentes sæpe pingebantur.* <sup>540</sup> GRANDIORIBVS.] *Nam Hostiæ duplices, Maiores Minoresque: atque illa dÿs maioribus.* <sup>541</sup> ADORATVRVS.] *Non adorandus ibi in statuâ.* <sup>542</sup> EXCVBARE.] *Cùm vice custodis aut satellitis, statuæ tuæ ponuntur in vestibulis templorum: at non in ipsis.*

<sup>543</sup> PRÆTEXI.] *Apponi, vel opponi ianuarum postibus: quod decorè solet.* <sup>544</sup> DEI SVMMVM.] *Sententia est. ita efficitur, ut dÿ colantur, ut delect, ab hominibus, summumque sibi honorem vindicent: quia ipse non te ijs miscet, & sacros sanctosque profanas. Hæc, inquam, è verbis istis sententia. sed quæ ego leuiter refingam: serues, cùm Deorum ipse non adoptes. Eo ipso quod fugis Deus haberi, pro Deo te habemus, aut certè, vices eius in terris gerente. Tertullianus pro hac sententiâ, ad Scapulam: Sic enim omnibus maior est (Imperator) dum solo vero Deo minor est. Idem in Apologetico: Ideò Imperator magnus est, quia cælo minor est. Pulchrè etiam Athenienses, inter monastica, quæ aduentanti Pompeio gratabundi scripserant:*

ΕΦ' ὅσον ὧν ἀνθρώπος οἶδα, ἔτι τοῦτο εἶ θεός:

Quatenus te censes hominem, eatenus nobis es Deus.

<sup>545</sup> OMNES GRADVS.] *Hui: atqui centum gradibus adibatur.* <sup>546</sup> HINC AVRO.] *Suetonius, Domitiano: Statuas sibi in Capitolio, non nisi aureas & argenteas, poni permisit: easque ponderis certi. ut ne paruas scilicet, tam magno Deo. Eutropius idem.* <sup>547</sup> INCESTI.] *Iuliâ, Titi fratris filiâ, compressâ, & quam uxorem habebat.* <sup>548</sup> SORDERENT.] *Aliquid faciat prolectione vulgarâ suprâ, Dei summum inter homines fastigium seruent: sed leuiter & aliquid.* <sup>549</sup> INNUMERABILES.] *Nec enim in vrbe tantum, sed totus orbis, ait Dio, statuis eius post victos, ut aiebat, Dacos impletus est.*

<sup>550</sup> STRAGE ET RVINA.] *Initio à Senatu ipso factò. qui auditâ morte eius (Suetonius) adeò lætatus est, ut scalas etiam inferri, clypeosque &*



imagines eius coram detrahi, & ibidem solo adfligi iuberet. *Dio hoc amplius, in Neruâ: Μίσει δ' ἐξ Δομετιανῆς αἱ εἰκόνες αὐτῆς, πολλαὶ μὲν ἀργυρεαῖ, πολλαὶ δ' ἐκ χρυταῖ ἔσται συνεχρονόησαν, καὶ ἐξ αὐτῆς μεγάλα χρύματα συνελέγη:* Odio Domitiani, statuæ eius multæ argenteæ multæ & aureæ, conflatæ sunt, atque ingens pecunia ex ijs facta. <sup>551</sup> SECVRIBVS.] *Ita statuas frangebant. Iuuenalis:*

— rotas bigarum impacta securis

Cædit, & immeritis franguntur crura caballis.

<sup>552</sup> SERÆQVE LÆT.] *Quæ etsi serò, & diu optata, tamen venit.* <sup>553</sup> TRV-  
CES.] *An quia superbia in vultu, ira in oculis, ut prædixit? an & in habi-  
tum militarem ac minantem, ut triumphales illæ, formata?* <sup>554</sup> ABIECTAS.]  
*Sine, obiectas.* <sup>555</sup> SIMILI REVERENTIA.] *Illi, quâ stare inter deos recu-  
sas.* <sup>556</sup> GENIVM.] *Singulis hominibus Genium assignavit antiquitas: at-  
que is maius & sanctius aliquid ipso homine. Itaque vulgò, per Genium ali-  
cuius solent orare, obtestari, iurare. Sed quanto magis Principis? quibus etiam  
modestis, passim statuæ, aræ, templa, cū inscriptione GENIO. CÆSARIS: quod  
lapides nummiq; docent, & Suetonius in Aug. cap. LX. Hunc ergo colebant, si  
non ipsum Principem: & Caligula quosdam interfecit (apud Suetonium)  
quod numquam per Genium eius deierassent. Minutius Felix: Cæsarum  
numen inuocant, ad imagines supplicant, Genium, hoc est dæmonem,  
implorant: & est eis tutius per Iouis Genium peierare, quàm regis. Adde  
Tertullianum Apolog. cap. XXVIII.* <sup>557</sup> APVD NVMEN.] *In Capitolio.*

<sup>558</sup> MVNERIS. *Pie, sicut Homerus Odyss. v.*

Ζεύς δ' ἀνερλὼ ἀνδρείων ὀφέλλει τε μιν ἔθει τε,

Ὅπως κεν ἐθέλῃσιν:

Virtutem Deus in nobis auget minuitque,

Vt voluit.

<sup>559</sup> CAPITOLINVM ITER.] *Cum per forum in Capitolium irent.* <sup>560</sup> IN-  
TERCEPTI.] *Abducti, priusquam venirent quò destinati erant.* <sup>561</sup> DIVER-  
TERE.] *Deflectere. quò? siue ad Domitiani statuam, quæ in foro equestris sta-  
bat; Statio curiosè descripta: siue etiam ad alias.*

OMNIA P. C. quæ de alijs Principibus à me aut dicuntur,  
aut dicta sunt, eò pertinent, ut ostendam quàm longâ consuetu-  
dine corruptos deprauatosque mores Principatus parens noster  
reformer & corrigat. alioquin nihil non parum gratè sine <sup>562</sup> com-  
paratione laudatur. Præterea hoc primum erga optimum Impe-  
ratorem piorum ciuium officium est, insequi dissimileis. neque  
enim satis amarint bonos Principes, qui malos satis non oderint.  
Adjice, quòd Imperatoris nostri non aliud amplius ac diffusius  
meritum est, quàm quòd insectari malos Principes tutum est.  
An excidit <sup>563</sup> dolori nostro modò vindicatus <sup>564</sup> Nero? perimit-  
teret

teret credo famam, vitamque eius carpi, qui mortem vlciscebatur: nec ut in se dicta interpretaretur, quæ de simillimo dicerentur. Quare <sup>565</sup> ego te Cæsar muneribus omnibus tuis, omnibus comparo, multis antepono, quod licet nobis & in præteritum de malis Imperatoribus quotidie vindicari; & futuros sub exemplo præmonere, nullum locum, nullum esse tempus, quo funestorum Principum manes à posterorum execrationibus conquiescant. Quo constantius P. C. & dolores nostros & gaudia <sup>566</sup> perferamus, ingemiscamus illis quæ patiebamur. Simul vtrumque faciendum est, sub bono Principe. Hoc secreta nostra, hoc sermones, hoc ipse gratiarum actiones agant; meminerintque sic maximè laudari incolumem Imperatorem, si priores secus meriti, reprehendantur. Nam cum de malo Principe posterì tacent, manifestum est eadem facere præsentem.

<sup>562</sup> COMPARATIONE.] *Quæ, ut Fabius in hac ipsâ re laudationum ait, duplicat materiam, & virtutum vitiorumque non tantum naturam, sed etiam modum tractat.* <sup>563</sup> DOLORI.] *Dolentibus nobis. quid si tamen dolore scribas? esset, cum dolore nostro vindicatus.* <sup>564</sup> NERO.] *Nam Domitianus Epaphroditum occidit, adiutorem illi in adipiscendâ nece.* *Adi Suetonium cap. XIII. Domitiani.* <sup>565</sup> EGO TE.] *Illud, te, mihi superfluit: & estne è notis natum Tr? quod interpretêre, Traiane.* <sup>566</sup> PERFERAMVS.] *An, proferamus?*

ET quis iam locus miseræ adulationis manebat, cum laudes <sup>567</sup> Imperatorum ludis etiam & <sup>568</sup> comessationibus celebrarentur, <sup>569</sup> saltarenturque, atque in omne ludibrium <sup>570</sup> effæminatis vocibus, modis, gestibus, frangerentur? Sed illud indignum, quod eodem tempore in Senatu & in scænâ, ab histrione & <sup>571</sup> à Consule, laudabantur. Tu procul à tui cultu ludicras artes remouisti. Seria ergo te carmina, honorque <sup>572</sup> æternus Annalium, non hæc <sup>573</sup> brevis & <sup>574</sup> pudenda prædicatio colit: quinetiam tanto maiore consensu in venerationem tui <sup>575</sup> theatra ipsa <sup>576</sup> consurgunt, quanto magis de te scænæ filebunt. Sed quid ego istud admiror, cum eos quoque honores, qui tibi <sup>577</sup> à nobis offeruntur, aut <sup>578</sup> delibare parcissimè, aut omnino soleas recusare? Nihil antè tam vulgare, tam paruum in Senatu agebatur, ut non laudibus Principum immorarentur, quibuscumque censendi <sup>579</sup> necessitas accidisset.



accidisset. De <sup>580</sup> ampliando numero gladiatorum, aut de instituendo collegio <sup>581</sup> fabrorum consulebamur: & quasi prolatis imperij finibus, nunc ingentes <sup>582</sup> arcus, <sup>583</sup> excessurosque templorum fastigium titulos, nunc <sup>584</sup> menses etiam, nec hos singulos, nomini Cæsarum dicabamus. patiebantur illi, & quasi meruissent, lætabantur. At nunc quis nostrum, tanquam oblitus eius de quo refertur, censendi officium Principis honore consumit? <sup>585</sup> Tuæ moderationis hæc laus, <sup>586</sup> constantia nostra, & tibi obsequimur, quod in curiam non ad certamen adulationum, sed ad usum munusque <sup>587</sup> iustitiæ convenimus, hanc simplicitati tuæ, <sup>588</sup> veritati que gratiam relaturi, ut te quæ vis vellet, quæ non vis nolle credamus. Incipimus inde, desinimus ibi, à quo incipi, in quo desini, sub alio Principe <sup>589</sup> non posset. Nam plerosque ex decretis honoribus & <sup>590</sup> alij non receperunt, nemo ante <sup>591</sup> tantus fuit, ut crederetur <sup>592</sup> noluisse decerni. Quod ego titulis omnibus speciosius reor, quando non <sup>593</sup> trabibus, aut faxis nomen tuum, sed <sup>594</sup> monumentis æternæ laudis inciditur. Ibit in sæcula, fuisse Principem, cui <sup>595</sup> florenti & <sup>596</sup> incolumi, nunquam nisi modici honores, sæpius nulli decernerentur. Et sanè si velimus cum priorum temporum necessitate <sup>597</sup> certare, <sup>598</sup> vincemur: <sup>599</sup> ingeniosior est enim ad excogitandum simulatio veritate, seruitus libertate, metus amore. Simul cum <sup>600</sup> iam pridem novitas omnis adulatione consumpta sit, non alius erga te novus honor superest, quam si aliquando de te <sup>601</sup> tacere audeamus.

<sup>567</sup> IMPERATORVM.] *Neronis & Domitiani. Tamen de vno isto hic agi, verius est: atque ita singulariè, Imperatoris, scribendum.* <sup>568</sup> COMESSATIONIBVS.] *Olim monui, commissionibus legi posse. Nam eo nomine ludi, & ubicumque certamen de palmâ. Tamen posse, non debere. nam Comestationes retinere licet & tueri, quia comædi, citharædi, & id genus in mensâ etiam dabatur. Et quidni carmina ibi in laudem Principis, cui hæc placerent?*

<sup>569</sup> SALTARENTVR.] *A Pantomimis.* <sup>570</sup> EFFÆMINATIS.] *Sunt sanè, & quidquid ad histriones. quos ideò molles viros Linius alibi appellat.*

<sup>571</sup> A CONSVLE.] *Ipsâ Gratiarum sollenni actione, qualem Plinius nunc habet.* <sup>572</sup> AETERNVS.] *Ita est, scitote hoc Principes. Quos Annalium ille honor honestavit, iam ab orbe condito honesti sunt, & ad desinentem erunt.*

<sup>573</sup> BREVIS.] *Quæ cum voce & plausu perit. Et tamen talem, sunt qui hodie etiam (ô veræ famæ imperitiâ!) præ magnâ & diuturnâ petant.* <sup>574</sup> PV-DENDA.] *Ab illis propudys.* <sup>575</sup> THEATRA.] *Theatrici spectatores.*

<sup>576</sup> CONSVRGENT.] *De more. Tacitus, aut Fabius in Dialogo: Populus, auditis*

auditis in theatro Virgilij versibus, surrexit vniuersus, & fortè præsentem spectantemque Virgilium veneratus est, sic quasi Augustum. *Nota, honor inquam iste (illo ævo) ferè Principum. ideòque Augustus, Caio & Lucio, adhuc prætextatis, assurrectum ab vniuersis in theatro, & à stantibus plausum, grauissimè questus est: quia iuuenes, & quia nimius honos.* <sup>577</sup> A NOBIS.] *Senatoribus, decreto vel acclamatione.* <sup>578</sup> DELIBARE.] *Quosdam ex ijs decerpere.* <sup>579</sup> NECESSITAS.] *Quos ordo primo loco sententiam dicere iuberet. nam alij manu, aut pedibus assentiebantur.* <sup>580</sup> AMPLIANDO.] *Vt plures habere & dare liceret, quàm Senatusconsultis antè cautum. Nam Principes, cœrcendo luxui & seuitiæ, certo numero paria incluserant, & ipsas editiones. Vide me Saturnalium I. cap. XII.* <sup>581</sup> FABRORVM.] *Iam olim hac collegia & corpora artificum: sed sæpe abolita, & restituta. Tale sub Domitiano fortasse; aut nouum aliquod etiam adiectum. Nam plura erant, cognominibus distincta: vt Fabri Ferrarij, Argentarij, Automatarij, Tignarij, in lapidibus priscis reperiendi.* <sup>582</sup> ARCVS.] *Fornices triumphales. quos per omnes regiones vrbis sibi struxit. Suetonius Domit. cap. XIII.* <sup>583</sup> EXCESSVROSQUE.] *Aliitudine super ipsa templa. Nam hoc est, quod ingentes præmisti: & in Suetonio, arcus tantos ac tot struxit: tantos, ad magnitudinem. Describitur vnus talis Martiali, libro VIII. epig. LXV.* <sup>584</sup> MENSES.] *Duos, Septembrem & Octobrem, à se transnominauit Germanicum & Domitianum: Suetonius, cap. XIII. Martialis:*

Dum Ianus hiemes, Domitianus Autumnos,  
Augustus annis commodabit æstates,  
Dum grande famuli nomen asseret Rheni  
Germanicarum magna lux Kalendarum.

*Adde Macrobium I. Saturn. cap. XII.* <sup>585</sup> TVÆ MODERAT.] *Quam & in Theodosio Pacatus laudat: Non enim iam coacta laudatio, & expressæ metu voces, periculum silentij redimunt. Fuerit abieritque illa tristis facundiæ ancillantis necessitas, cum trucem dominum, auras omnes plausuum publicorû captantem, mendax assentatio titillabat.* <sup>586</sup> CONSTANTIA.] *Id est, quod nos constantes simus, tuæ præcognita modestiæ debetur. Nisi hoc esset, iremus (vt olim) in laudes. Quidam tamen libri, constantiæ nostræ. ex quo aliquis, negatione additâ, non constantiæ, fortasse legerit. Tuæ, inquit, modestiæ hac laus est, qui renuis: non nostræ constantiæ aut grauitatis, qui & antè fecimus, & faciamus nisi nolles.* <sup>587</sup> IUSTITIÆ.] *Vt iusta illic decreta, & vsui publico, faciamus.* <sup>588</sup> VERITATIQUE.] *Toti huic rei Epigramma Martialis, lib. X.*

Frustrâ blanditiæ venitis ad me,  
Attritis miserabiles labellis.  
Dicturus Dominum Deumque non sum,  
Iam non est locus hac in vrbe vobis.  
Non est hic Dominus, sed Imperator,  
Sed iustissimus omnium Senator,  
Per quem de Stygiâ domo reducta est



Siccis rustica veritas capillis.

<sup>589</sup> NON POSSET. ] *Quia semper aliquid, extra ordinem, ad honores eorum in sententiâ addendum: vel in fine, inquam, vel in capite.* <sup>590</sup> ALII. ] *Tiberius, Claudius, Vespasianus: in Tranquillo.* <sup>591</sup> TANTVS. ] *Tam magni animi firmig.* <sup>592</sup> NOLVISSE. ] *Vt non putarent saltem delectari eum & tiullari oblatione.* <sup>593</sup> TABIBVS AVT. ] *Aedificijs, quæ trabibus saxisq. constant. Possit & diuissim capi, de Tabulis & Lapidibus, in quibus etiam tituli incisi: etsi tabula ista magis æreæ.* <sup>594</sup> MONVMENTIS. ] *Annalibus, & libris.*

<sup>595</sup> FLORENTI. ] *Gratiâ & fortunâ.* <sup>596</sup> INCOLVMI. ] *Viuo. nam mortuos neglegere, facile & tutum est.* <sup>597</sup> CERTARE. ] *Titulis & laudibus.* <sup>598</sup> VINCEMVR. ] *Nam vt Seneca epist. XLV. adulatio amicitiam non imitatur tantum, sed vincit & præterit.* <sup>599</sup> INGENIOSIOR. ] *Vera causa. qui simulant, magis connituntur & ingenium intendunt. Ideo delectant nos simulata ira, tristitia, & similia: quæ tamen in re spectata, angunt. Vide Plutarchû Quæst. Coniugal. v. cap. 1.* <sup>600</sup> IAMPRIDEM. ] *Tot nouis Principibus, nouisq. honoribus.* <sup>601</sup> TACERE. ] *Pacatus, de Theodosio: Quàm promptum laudare Principem, tam tutum siluisse de Principe.*

AGE, siquando pietas nostra silentium rupit, & <sup>602</sup> verecundiam tuam vicit, quæ qualiaque decernimus nos, tu non recusas? vt appareat, non superbiâ & fastidio te amplissimos honores repudiare, qui minores non dedigneris. Pulchrius hoc Cæsar, quàm si recusares omnes. nam recusare omnes, <sup>603</sup> ambitionis; moderationis est, eligere parcissimos. Quo temperamento & <sup>604</sup> nobis & <sup>605</sup> ærario prodes: quòd sumptibus eius adhibes modum, vt qui exhaustum non sis innocentium bonis repleturus. Stant igitur effigies tuæ, quales olim ob egregia in Remp. merita priuatis dicabantur: visuntur eadem è <sup>606</sup> materiâ Cæsaris statuae, quâ <sup>607</sup> Brutorum, quâ <sup>608</sup> Camillorum. Nec discrepat causa. illi enim reges hostemque victorem mœnibus depulerunt: hic <sup>609</sup> regnum ipsum, quæq. alia <sup>610</sup> captiuitas gignit, arcet ac submouet: sedemque obtinet Principis, ne sit domino locus. Ac mihi intuenti sapientiam tuam minus mirum videtur, quòd mortales istos caducosque titulos, aut <sup>611</sup> deprecæris, aut <sup>612</sup> temperes. Scis enim <sup>613</sup> vbi vera Principis, vbi sempiterna sit gloria: vbi sint honores, in quos nihil flammis, nihil senectuti, nihil <sup>614</sup> successoribus liceat. Arcus enim & statuas, aras etiam templaque, <sup>615</sup> demolitur & obscurat obliuio, negligit <sup>616</sup> carpitque posteritas: contra contemptor ambitionis, & infinitæ potestatis domitor ac frænator animus, ipsâ vetustate florescit, nec ab  
vllis.

vllis magis laudatur,quàm quibus minimè <sup>617</sup>necessè est. <sup>618</sup>Non ergo perpetua Principi fama,quæ inuitum manet, sed bona concupiscenda est. ea porrò non <sup>619</sup>imaginibus & statuïs, sed virtute ac meritis prorogatur. Quinetiam leuiora hæc, formam Principis figuramque, non aurum meliùs, vel argentum, quàm fauor hominum <sup>620</sup>exprimat, teneatque: quod quidem prolixè tibi cumulateque contingit, cuius lætissima facies, & amabilis vultus in omnium ciuium ore, oculis, animo sedet.

<sup>602</sup> VERECUNDIAM. ] *Quæ dedignatur laudes, præsertim nimias. Euripides:*

Ανέμφοι γδ οἱ ἀγαθοὶ, ῥέπον τινὰ

Μισῆσι τοῖς αἰνοῦντας, ἐὰν αἰνῶσ' ἀγαν:

Laudati enim viri boni, quodammodo

Laudantem odio habent, laudet ille si nimis.

<sup>603</sup> AMBITIONIS. ] *Præpostera. & quæ fugâ famæ, famam captat.* <sup>604</sup> NOBIS. ] *Vel quia veros esse pateris liberosq; ; vel quia non peri clitamur accusari aut confiscari.* <sup>605</sup> AERARIO. ] *Quia è publico statua, arcus, & talia.*

<sup>606</sup> MATERIA. ] *Non auro aut argento, sed ære.* <sup>607</sup> BRUTORVM. ] *M. Iulius Brutus qui reges eiecit, inter illos medios positus in Capitolio fuit, dextrâ gladium tenens. Plutarchus in Bruto.* <sup>608</sup> CAMILLORVM. ] *Camilli, qui Gallos Româ expulit, statua sine tunicâ in Rostris: Plinius.* <sup>609</sup> REGNVM. ] *Vt Brutus.* <sup>610</sup> CAPTIVITAS. ] *Quam Camillus depulit.* <sup>611</sup> DEPRÆCERIS. ] *Prece amoliaris.* <sup>612</sup> TEMPERES. ] *Modicos recipiendo.* <sup>613</sup> VBI. ] *In*

*animis hominum, in monumentis & prædicatione posterorum.* <sup>614</sup> SVCCESORIBVS. ] *Nam & alij Principes aliorum honores aut tollunt, aut minuunt.*

<sup>615</sup> DEMOLITVR ET. ] *Impropriè nec rectè Obliuio dicatur demoliri. Tabescere patitur, & ignorantia sepeliri. Itaque legam, & mib' um expleam: demolitur ætas, obscurat obliuio.* <sup>616</sup> CARPITQVE. ] *Si non meriti.*

<sup>617</sup> NECESSE. ] *Alius Panegyristes imitatur: Neminem magis laudari Imperatorem decet, quàm quem minùs necesse est.* <sup>618</sup> PERPETVA. ] *Nam eunt statim in Annales, & capita hæc mundi, mundo ostenduntur.*

<sup>619</sup> IMAGINIBVS. ] *In clypeis, ex auro, argento, ære: quos solent celeberrimis locis suspendere.* <sup>620</sup> EXPRIMAT. ] *In alio Panegyrico: Hic vultus vniuersorum pectoribus infixus est, nec commendatione ceræ aut pigmentorum fucis renitet, sed desiderio efflorescit animorum.*

ADNOTASSE vos credo P. C. iamdudum me <sup>621</sup>non eligere quæ referam: propositum est enim mihi <sup>622</sup>Principem laudare, non Principis facta. nam laudabilia multa etiam mali faciunt; ipse laudari, nisi <sup>623</sup>optimus, non potest. Quare non alia maior, Imperator Auguste, gloria tua, quàm quòd agentibus tibi gratias nihil velandum est, nihil omittendum est. Quid est



enim in Principatu tuo, quod cuiusquam prædicatio vel transire, vel præteruehi debeat? quod momentum, quod imò temporis punctum, aut <sup>624</sup> beneficio sterile, aut vacuum laude? non omnia eiusmodi, ut is optimè te laudasse videatur, qui narrauerit fidelissimè? Quo fit, ut propè in immensum diffundatur oratio mea: & necdum <sup>625</sup> de biennio loquor. Quàm multa dixi de moderatione, & quanto plura adhuc restant? ut illud, quod <sup>626</sup> secundum Consulatum recepisti, quia Princeps & pater deferebat. at postquam ad te imperij summam, & cum omnium rerum, tum etiam <sup>627</sup> tui potestatem dii transtulerint; tertium Consulatum recusasti, <sup>628</sup> cum agere tam bonum Consulē posses. Magnum est differre honorem: gloriam maius. <sup>629</sup> Gestum Consulatum mirer, an non receptum? Gestus non in hoc urbis otio, & intimo sinu pacis: sed iuxta <sup>630</sup> barbaras gentes, ut <sup>631</sup> illi solebāt, quibus erat moris, <sup>632</sup> paludamento mutare prætextam, ignorāsque terras victoriā sequi. Pulchrum imperio, gloriosum tibi, cum te socij atque amici, <sup>633</sup> suā in patriā, suis in sedibus adierunt. Decora facies Consulis. multa <sup>634</sup> post sæcula <sup>635</sup> tribunal viridi <sup>636</sup> cespite exstructum, nec <sup>637</sup> fascium tantum, sed <sup>638</sup> pilorum <sup>639</sup> signorumque, <sup>640</sup> honore circumdatū. Augēbant maiestatem præsentis, diuersi postulantium <sup>641</sup> habitus, ac dissonæ <sup>642</sup> voces, raraque sine <sup>643</sup> interprete oratio. Magnificum est ciuibus iura; quid <sup>644</sup> hostibus reddere? speciosum certam fori <sup>645</sup> partem; quid immanes campos sellā Curuli, victorisque <sup>646</sup> vestigio, premere? imminere minacibus <sup>647</sup> ripis tutum quietumque; quid spernere barbaros fremitus, hostilemque terrorem, non armorum magis, quàm <sup>648</sup> togarum ostentatione, compescere? Itaque non te apud <sup>649</sup> imagines, sed ipsum præsentem audientemque consalutabant Imperatorem: <sup>650</sup> nomenque, quod alij domitis hostibus, tu <sup>651</sup> contemptis merebare.

<sup>621</sup> NON ELIGERE.] Cum omnia laudanda sint in nostro. <sup>622</sup> PRINCEPEM. | Ipsum hominem, undique bonum. <sup>623</sup> OPTIMVS.] Adspicit ad cognomen Traiani. <sup>624</sup> BENEFICIO STERILE.] Que præcipua laus, & materies virtutis, in Principe. Titi illud innotuit, recordati se nihil eo die benignè fecisse, Amici diē perdidit: Traiani que nō maior gloria, nec momentum vacuum à beneficio habentis? Ausonius hunc locum æmulatus est, de Gratiano: Neque verò vnum aliquod bonū vno die præstas, sed indulgentias sæculares,

lares, per singula horarum momenta multiplicas. <sup>625</sup> DE BIENNIO.] *Tempus vel hinc liquet Consulatus Pliniani, & dictæ orationis.* <sup>626</sup> SECVNDVM.] *Nam primum Consulatum sub Domitiano gessit, collegâ M. Acilio Glabrione, anno urbis DCCCLIII. & hunc secundum, adoptatus à Neruâ, DCCCL. Itaque benè Tacitus, De moribus Germanorum. Cimbrorum arma audita sunt, Cæcilio Metello, ac Papirio Carbone Coss. Ex quo si ad alterum Imp. Traiani Consulatum computemus, ducenti ferme & decem anni colliguntur. Nam illi Consules, anno urbis DCXL.* <sup>627</sup> T VI POSTESTATEM.] *Qui iam sub patre & Principe Neruâ non esses.* <sup>628</sup> CVM AGERE.] *Melius (me iudice) hæc cum sequenti periodo continuari: recusasti. Cum agere tam bonum Consulem posses, magnum est. Nam hoc laudat. iam experimentum tui ceperas & dederas, in duplici Consulatu: cum ergo sic pro spe, aut supra spem fuerit, quid renuis tertium, paratâ nouâ segete gloria?* <sup>629</sup> GESTVM.] *Secundum.* <sup>630</sup> BARBARAS.] *Germanas.* <sup>631</sup> IL-LI.] *Veteres Consules.* <sup>632</sup> PALVDAMENTO.] *Qui prætextam Consularem ponebant, & votis nuncupatis, paludati proficiscebantur ad bellum. Paludamentum autem, chlamys (in statuis nummisq; Imperatorum apparet) ab humeris dependens, colore cocci, id est sanguinis bellig; notâ. Ego De Militiâ, lib. II. Dial. ultimo.* <sup>633</sup> SVA IN PATRIA.] *In sinibus Germania. intelligit Vbios, Batauos, & limitaneas eas gentes, quæ sociæ potiùs, quàm subditæ erant: aut dubiæ adhuc fidei.* <sup>634</sup> POST SÆCVLA.] *Vix in Principatu visum.* <sup>635</sup> TRIBVNAL.] *In quo Consul federet, ius diceret, querelas audiret aut preces.* <sup>636</sup> CESPITE.] *Planè pro more prisco. Nec enim è lapide aut ligno suggestum hunc in castris struebant, sed militari & rudi opere, è terrâ. Notauit & firmani satis, ad Taciti Annalem I. verbis, Simul aggerunt cespites, construunt tribunal.* <sup>637</sup> FASCIVM.] *Vt in pace. cum lictores apparitoresque tantum circumstabant.* <sup>638</sup> PILORVM.] *Hastarum. Claudianus:*

Dictis antè tamen Princeps confirmat ituros,

Aggere conspicuus. stat circumfusa iuuentus,

Nixa hastis, pronasq; ferox accommodat aures.

<sup>639</sup> SIGNORVMQVE.] *Ammianus: Tribunal insistens, signisq; ambûs & aquilis. Nummi sæpe hoc exprimunt, cum verbo, ALLOCVTIO.* <sup>640</sup> HONORE.] *Vellem, horrore.* <sup>641</sup> HABITVS.] *In veste variâ.* <sup>642</sup> VOCE S.] *In linguâ variâ.* <sup>643</sup> INTERPRETE.] *Qui Latine explicaret.* <sup>644</sup> HORTI-BVS.] *Qui fuissent, & recenter tui metu compositi ad obsequium essent.*

<sup>645</sup> PARTEM.] *Alij libri, pacem. Ego cum verba video, partem veriùs pronunciabo. Nam exiguâ fori parte ius dicere, confert cum magnis vastisque illis campis, qui pro foro. Si pacem tamen vis: tum sententia, Pulchrum est in togâ Romæ, & togatis ius dicere: quid inter ipsa arma, & hostes?* <sup>646</sup> VESTIGIO.] *Pede tuo, victoris.* <sup>647</sup> RIPIS.] *Rheni, vel Danubij.* <sup>648</sup> TOGARVM.] *Quas in iurisdictione sumebant, saltem aduocari, causidici, & id genus. Florus, de Germanis, quibus Quinctilius Varus ius dicere tentabat: At illi, ut primum togas, & sæuiora armis iura viderunt.* <sup>649</sup> IMAGES.] *Nam Principum imagines in signis, & effigies etiam in castris. Atque ad eas*



*exteri ducebantur, & obsequij signum, venerabantur vel adorabant. Tacitus xv. Annal. Medio tribunal, & tribunale effigiem Neronis sustinebat. ad quam progressus Teridates, cælis de more victimis, sublatum capite diadema imagini subiecit. Itaque nota, velut presentem Imperatorem, in tribunali cultum per imaginem fuisse.* <sup>650</sup> NOMENQUE.] *Imperatorium.*  
<sup>651</sup> CONTEMPTIS.] *Vincere enim poteras, noluisti.*

H A E C laus <sup>652</sup> acti Consulatus; illa <sup>653</sup> dilati, quòd adhuc <sup>654</sup> initio Principatus, vt <sup>655</sup> iam excusatus honoribus & expletus, Consulatum recusasti: quem noui Imperatores <sup>656</sup> destinatum alijs, in se transferebant. <sup>657</sup> Fuit etiam, qui in Principatus sui fine, Consulatum quem dederat, ipse magnâ ex parte iam gestum, extorqueret & raperet. Hoc ergo honore, quem & incipientes Principes, & desinentes adeò concupiscunt, vt auferant; tu otioso ac vacante, priuatis cessisti. Inuidiosusne erat, aut tibi tertius Consulatus, aut Principi primus? nam secundum Imperator quidem, sub Imperatore tamen inisti: nihilque <sup>658</sup> imputari in eo vel honori potest, vel <sup>659</sup> exemplo, nisi obsequium. Ita verò, quæ ciuitas quinquies atque etiam sexies Consules vidit, <sup>660</sup> non illos qui exspirante iam libertate per vim ac tumultum creabantur, sed quibus sepositis & absentibus, <sup>661</sup> in rura sua Consulatus ferebantur; in hac ciuitate tertium Consulatum Princeps generis humani, vt prægrauem, recusasti? Tantòne <sup>662</sup> Papirijs etiam & Quintijs moderatior, Augustus, & Cæsar, & Pater patriæ? At illos respiciebat. quid te non eadem Resp.? non Senatus, non Consulatus ipse? qui sibi <sup>663</sup> tuis humeris attolli, & augescere videtur. Non te ad exemplar <sup>664</sup> eius voco, qui continuis Consulatibus fecerat <sup>665</sup> longum quemdam, & sine discrimine annum: <sup>666</sup> his te confere, quos certum est, quoties Consules fuerunt, <sup>667</sup> non sibi præstitisse. Erat in Senatu <sup>668</sup> ter Cōsul, cū tu tertium Consulatum recusabas. <sup>669</sup> Onerosum nescio quid verecundiæ tuæ consensus noster indixerat, vt Princeps totiens Consul esses, quotiens Senator tuus. nimiam modestiam istud, <sup>670</sup> etiam priuatus, recusasses. An Consularis viri triumphalisque filius, cū tercio Consul creatur, ascendit? non debitum hoc illi? non vel solâ generis claritate promeritum? Contigit ergo <sup>671</sup> priuatis <sup>672</sup> aperire annum, <sup>673</sup> Fastosque referare: & hoc quoque redditæ libertatis indicium fuit, quòd Consul alius quàm Cæsar esset. Sic exactis regibus cœ-

pit

pit liberannus: sic olim seruitus pulsa, priuata Fastis nomina induxit. Miseros ambitionis, qui ita Consules semper, vt semper Principes erant! quanquam non ambitio magis, quàm <sup>674</sup>liuor & malignitas videri potest, omnes annos possidere, summumq; illud <sup>675</sup>purpuræ decus, non nisi <sup>676</sup>præceptum præfloratumq; transnittere. Tuam verò magnanimitatem, an modestiam, an benignitatem prius mirer? Magnanimitas fuit, expetito semper h onore abstinere; modestia, cedere; benignitas, <sup>677</sup>per alios frui.

<sup>652</sup> ACTI.] *Secundi.* <sup>653</sup> DILATI.] *Terij.* <sup>654</sup> INITIO.] *Nam hac designatio, & recusatio facta anno superiore.* <sup>655</sup> VT IAM EXCVSATVS.] *Tanquam multos, aut diu gessisses. ideoq; vacatio tibi ab honoribus & muneribus danda.* <sup>656</sup> DESTINATVM ALIIS.] *Quod Otho Imp. fecit, quem Tacitus scribit; cum Titiano fratre Consulem in Kal. Martias se fecisse: ceteros autem Consulatus, ex destinatione Neronis aut Galbæ mansisse. Ergo in prioribus mutauit, & designatos loco mouit.* <sup>657</sup> FVIT ETIAM.] *An Nero? de quo Suetonius, cap. XLII.* Consules ante tempus priuauit honore, atque in vtriusque locum solus iniit Consulatum, quasi fatale esset, non posse Gallos debellari, nisi à Consule. <sup>658</sup> IMPVTARI.] *Asscribi, & poni in rationibus honoris gessi.* <sup>659</sup> EXEMPLO.] *Quod iterasses Consulatum: quia non sponte.* <sup>660</sup> NON ILLOS.] *Vt C. Marium, qui septies; C. Cæsarem, qui quinquies Consules.* <sup>661</sup> IN RVRA.] *C. Atilium Regulum intellegit, illius Reguli filium, qui captus occisusque à Pænis fuit. Huic cognomen Serrano alij faciunt, & Plinius (lib. XVIII. cap. III.) quod ferentem inuenerunt dati honores. Alij tamen Sarranum scribunt, quasi Tyrium vel Pænum, quia pater apud eos mortuus. Adde & L. Quinctium Cincinnatum, cui aranti Dictatura delata. Sed tamen hi non toties Consules: itaque dictum est oratoriè & ὡς πάλαι, de alijs eiusdem cui & paupertatis.* <sup>662</sup> PAPIRIIS.] *L. Papirius Cursor v. consul fuit: T. autē Quinctius Capitolinus VI.* <sup>663</sup> TVIS HVMERIS.] *Altior digniorque fieri, te gerente.* <sup>664</sup> EIVS.] *Domitiani. de quo Suetonius: Consulatus XVII. cepit, quot ante eum nemo.* <sup>665</sup> LONGVM.] *Nam anni per Consules distingui soliti: cum autem ille vnus semper, videbatur & vnus annus.* <sup>666</sup> HIS TE.] *Antiquis.* <sup>667</sup> NON SIBI.] *Sed reipublicæ. eius causâ, non honoris sui, suscepisse.* <sup>668</sup> TER CONSVL.] *Virginii Rufus fuerat, sed obiit in Consulatu, Principe Neruâ. Non ergo de illo: an fortè de C. Silio capiendum, qui toties item Consul, & tunc viuus? At enim sistit aliquid, quod in Plinij epistolâ VII. lib. III. legitur, ubi mortem huius Silij narrat, & breuiter vitam: Nouissimè, inquit, ita suadentibus annis ab vrbe secessit, seque in Campaniâ tenuit: ac ne aduentu quidem noui Principis inde commouit. Magna Cæsaris laus, sub quo hoc liberum fuit; magna illius, qui hac libertate ausus est vti. Enimuerò si ille se non commouit, nec in urbem venit: quomodo erat in Senatu, quod Plinius hic affirmat? Dici possit, aliud in Senatu, aliud in Curiâ esse. In Senatu etiam absens*



*absens censetur, in Curiâ non nisi præsens. Sed reuera pars hac Fastorum in suffectis Consulibus tenebrosa, nec acie ingenij (absque monumentis sit) facile illustranda.* <sup>669</sup> ONEROSVM.] *Ironia.* <sup>670</sup> ETIAM PRIVATVS.] *Si nempe Senatus petijset.* <sup>671</sup> PRIVATIS.] *C. Sossio, & A. Cornelio.* <sup>672</sup> APERIRE ANNUM.] *Hoc dicitur, quia nouo anno isti inibant, & nomina præscribebantur. Cassiodorus: Felix à Consule sumat annus auspiciū, portamque dierum tali nomine dicatum tempus introëat. Itaque alibi, Consules dicuntur incohare, & pandere annum: scilicet vnâ cum Iano, de quo Ouidius:*

*Ergo vbi Iane biceps longum referaueris annum.*

<sup>673</sup> FASTOSQUE RESERARE.] *Causâ eâdem. quia nouis Fastis præscribuntur. Ausonius, de Iano:*

— Roma illa, domusque Quirini,

*Hoc capite æternis signat sua nomina Fastis.*

*Hæc autem omnia ad primos & Ordinarios Consules spectant (in quo maior honos:) non ad illos suffectos, à quibus anni auspiciū non erat. Seneca, De Irâ: Dedit duodecim fasces, sed non fecit Ordinarium consulem. A me numerari voluit annum, sed deest mihi ad sacerdotium.* <sup>674</sup> LIVOR.] *Ita & Ausonius interpretatur, ad Gratianum: Scis septem & decem Consulatus Domitiani, quos ille, inuidiâ alteros prouehendi, continuando conferuit.* <sup>675</sup> PVRPVRÆ.] *Quia Consules in togâ prætextâ, id est cui limbus purpureus adtextus esset. Eadem & alijs magistratibus quidem: sed ideo addit summum decus, quia isti summi inter illos.* <sup>676</sup> PRÆCERPTVM.] *Delibatum initio anni. Nam Domitianus atque alijs, annum ferè aperiebant: & tunc sufficiebant.* <sup>677</sup> PER ALIOS.] *Quomodo? nam & ipse nihilominus in Senatum veniebat, & omnia publica munia vsurpabat, etsi non Consul. Itaque Consulatum quasi gerebat, eoq; fruebatur, in alijs. Sabibat tamen, an non pati alios, legendum esset.*

SED iam tempus est te ipsi Consulatu præstare, vt maiorem eum suscipiendo gerendoq; facias. Nam sæpius recusare, <sup>678</sup> ambiguum ac potius illam interpretationem habet, tamquam minorem putes. Tu quidem vt maximum recusasti, sed hoc persuadere nemini poteris, nisi aliquando & non recusaueris. Cum arcus, cum trophæa, cum statuas deprecaris; tribuenda est verecundiæ tuæ venia: illa enim sanè tibi dicantur: <sup>679</sup> cum verò postulamus, vt futuros Principes doceas inertix renunciare, paulisper delicias differre, paulisper & saltem ad breuissimum tempus, ex illo felicitatis somno velut excitatos, induere <sup>680</sup> prætextam, quam cum dare possent, <sup>681</sup> occuparint; ascendere <sup>682</sup> curulem quam <sup>683</sup> detineant; esse denique quod concupierunt, nec ideo tantum velle Consules fieri <sup>684</sup> vt fuerint. Gessisti alterum Consulatum,

fulatum, scio: illum exercitibus, illum prouincijs, illum etiam ceteris gentibus poteris imputare, non potes nobis. Audiuimus quidem te omne munus Consulis obijſſe, ſed audiuimus. Diceris iuſtiſſimus, humaniſſimus, patientiſſimus fuiſſe: ſed diceris. æquum eſt aliquando nos iudicio noſtro, noſtris oculis, non famæ ſemper & rumoribus credere. Quouſque abſentes de abſente gaudebimus? liceat experiri, an aliquid ſuperbiæ tibi ille ipſe ſecundus Conſulatus attulerit. Multum in commutandis moribus hominum, <sup>685</sup> medius annus valet, in Principum plus. <sup>686</sup> Didicimus quidem, cui virtus aliqua contingat, omnes ineſſe; cupimus tamen experiri, an nunc quoque vna eademque res ſit, bonus Conſul, & bonus Princeps. Nam <sup>687</sup> præter id quod eſt arduum, duas, eaſque ſummas, ſimul capere poteſtates: tum ineſt vtrique nonnulla diuerſitas, cum Principe, quàm <sup>688</sup> diſſimillimum Conſuli deceat.

<sup>678</sup> AMBIGVAM.] *Recuſes per modeſtiam, an per factum ſpernas.* <sup>679</sup> CVM VERO.] *Textus requirit, Nunc verò.* <sup>680</sup> PRÆTEXTAM.] *Conſularem.*

<sup>681</sup> OCCVPARINT.] *Non paſſi alios vti.* <sup>682</sup> CVRVLEM.] *Nam Conſules in Senatu, ſublimiori ſuggeſtu, in ſellâ curuli præſidebant. Inde Caſſiodoro, Inſulæ curules, pro Conſulatu; Iuuenali,*

— ſummas donare curules, *idem.* Et Lucanus:

Lentulus è celsâ ſublimis ſede profatur.

*Ideò in Plinio hic, aſcendere: & adde, ſi lubet, notata mihi ad 1111. Annalem Taciti, in verbis, Conſules ſede vulgari, per ſpeciem mæſtitia, ſedentes.* <sup>683</sup> DETINEANT.] *Nequîs alius aſcendat. Omnia eò ſpectant, vt oſtendat alios titulo Conſules; hunc re fuiſſe, & fore.* <sup>684</sup> VT FVERINT.] *Dicantur ſcribanturque fuiſſe.* <sup>685</sup> MEDIVS ANNVS.] *Qui iam effluxit à tuo Conſulatu. Quid ſibi velint, qui hic tricantur de quinque tantum menſibus, inter Traiani adoptionem & Neruæ mortem, neſcio. In totâ re errant. nec quidquam hic de illo tempore, ſed de Conſulatu, vt iam dixi. Certum autem, Kalendis Ianuarij iniſſe ſecundum Conſulatum, depoſuiſſe de more poſt duos menſes: atque ita paullo plus quàm annus medius, ad hoc tempus.*

<sup>686</sup> DIDICIMVS.] *Philoſophatur, imò Stoïciffat. quorum hoc dogma: Τὰς ἀρετὰς ἀντικολεῖσθαι ἀλλήλοις, καὶ τὸν μίαν ἔχοντα, πᾶσας ἔχειν: Virtutes inter ſe conſequi, & qui vnâ habeat, omnes habere.* <sup>687</sup> PRÆTER ID.] *Deleam hoc, id: legamque, Præter quod. Breuiter ita & politè, pro eo quod vulgò, Præterquam quod.* <sup>688</sup> DISSIMILLIMVM CONSVLI.] *Trunca ſunt. Cuſpiniani editio reficit: Principem quàm ſimillimum eſſe priuato, Conſulemque quàm diſſimillimum deceat. Approbo. Principis laus eſt, ſubmittere ſe, & ciuilitè gerere: at Conſulis aliter, attollere ſe & habitum animòſque ſumere pro magiſtratu.*



AT QVE ego video proximo anno Consulatus recusandi hanc præcipuam fuisse rationem, quòd cum absens gerere <sup>689</sup> non poteras. sed iam vrbi <sup>690</sup> votisque publicis redditus: quid est, in quo magis sis approbaturus, quæ quantaque fuerint quæ desiderabamus? Parum est vt in curiam venias, nisi & <sup>691</sup> conuocas: vt intersis Senatui, nisi & <sup>692</sup> præsides: vt censentes audias, nisi & <sup>693</sup> perrogas. Vis illud augustissimum Consulum aliquando tribunal, maiestati suæ reddere? ascende. Vis constare reuerentiam magistratibus, legibus auctoritatem, modestiam <sup>694</sup> petulantibus? <sup>695</sup> adi. Quod enim interesset Reipub. si priuatus esses, <sup>696</sup> Consulem te haberet tantum, an & Senatorem; hoc nunc scito interesse, Principem te habeat tantum, an & Consulem. His tot tantisque rationibus, quanquam multum reluctata verecundia Principis nostri, tandem tamen cessit. At quemadmodum cessit? non se vt <sup>697</sup> priuatis, sed vt priuatos pares sibi faceret. Recepit enim tertium Consulatum, vt daret. Nouerat moderationem hominum, nouerat pudorem, qui non sustinerent tertio Consules esse, nisi cum <sup>698</sup> ter Consule. Bellorum istud <sup>699</sup> socijs olim, periculorum confortibus, parcè tamen tribuebatur; quod tu <sup>700</sup> singularibus viris, ac de te quidem bene ac <sup>701</sup> fortiter præstitisti, sed in togâ meritis. Vtriusque curâ, vtriusque vigilantia obstrictus es Cæsar: sed in Principe rarum, ac propè insolitum est, vt se putet obligatum, aut si putet, <sup>702</sup> amet. Debes ergo Cæsar, & soluis. Sed cum ter Consules facis, non tibi magnus Princeps, sed non ingratus amicus videris. Quin etiam perquam modica quædam ciuium merita, <sup>703</sup> fortunæ tuæ viribus in maius extollis. efficis enim, vt tantum tibi quisque præstitisse videatur, quantum à te recipit. Quid isti benignitati precer? nisi vt semper obliges, obligeris, incertumque facias, vtrum magis expediat ciuibz tuis <sup>704</sup> debere tibi, an præstitisse.

<sup>689</sup> NON POTERAS.] *Poterat quidem, per exempla. & multi ita Principes, imò priuati: sed inire absentem, gerere, & finire, hoc indecorum, & præter veterum instituta.* NON poterat igitur, id est rectè & ex tuâ mente. <sup>690</sup> VOTISQVE.] *Quæ sollenniter concepta Fortunæ reduci, aut Ioui ipsi, vt solet. Desiderium autem hoc populi exprimit Martialis lib. x. epigr. vi.*

Quando erit ille dies, quo campus, & arbor, & omnis  
Lucebit Latîa culta fenestra nuru?

Quando moræ dulces, longusque à Cæsare puluis?

Totaque Flaminiâ Roma videnda viâ?

<sup>691</sup> CONVOCAS.] *Nam hoc officium Consulare, Senatum habere & vocare, cum opus. Que potestas etiam Principi tributa, inter singulares. Tabula de imperio Vespasiani: VTIQVE. EI. SENATVM. HABERE. RELATIONEM. FACERE. LICEAT. ITA. VTI. LICVIT. DIVO. AVGVSTO.* <sup>692</sup> PRAESIDES.] *In sublimi sellâ, ut dixi, Senatus rector.* <sup>693</sup> PERROGAS.] *Nam Consul sententias ordine rogabat, & perrogabat.* <sup>694</sup> PETVLANTIBVS.] *Alij libri, postulantibus. nec male. nam litigatores & caussidici (immodestum saepe genus) tribunalia Consulum adibant, ius petitori.* <sup>695</sup> ADI.] *Atqui iamantè dixit, ascende. Frigidum schema sit, & malim, audi. magis quidem, si postulantibus legamus.* <sup>696</sup> CONSVLEM TE.] *Vir doctus hæc ait nugas esse, nec quemquam Consulem posse esse, qui non Senator. Itaque se rescribere, Consulem habere te, an tantum Senatorem. Ego subsisto, imò resisto. Nam Plinij verba examinata ostendunt, comparisonem sub hypothese hanc esse. Sicut veteri rep. si esses, non Consulem te solum appeterent (etsi summa ea dignitas) sed etiam Senatorem, ut in sententijs dicendis utilior reip. esses: ita nunc, etsi tu Princeps, id est summa potestas, tamen cupiunt & Consulem, ut in Senatu munia obeas, quæ tam decorè & utiliter potes. Atquin, ait, nemo olim Consul, nisi Senator. Nihil ad rem, ut dem ita esse: quia conditionalis modo est sermo. Sed non do, & priscus temporibus, ante annales leges, etiam iuvenes, nec Senatores, ad Consulatum electi.* <sup>697</sup> PRIVATIS.] *Ita sub Principibus dicuntur, quicumque non Principes: ipsi etiam magi tratus.* <sup>698</sup> TER CONSVLE.] *Ipsa Principe. ne aliter viderentur super eum scandere.* <sup>699</sup> SOCIIS.] *Vipsanius Agrippa intelligitur, de quo totidem verbis & Seneca apud Tacitum (Annali XIII.) Quorum alter bellorum socius.* <sup>700</sup> SINGVLARIBVS.] *Alter innotuit M. Cornelius Fronto, oratoriâ laude clarus: quem collegam sibi Traianus assumpsit. Alter qui designatus in Kal. Martias fuit, ignotus nobis: nisi quod Onufrius diuinat de Sex. Pompeio Collegâ.* <sup>701</sup> FORTITER.] *Sanè vox repetenda, quæ mox subijcitur, fortiter meritis præstitisti.* <sup>702</sup> AMET.] *Princeps potens beneficiorum omnium, ipse extra sortem capiendi videtur. quid si tamen ceperit, aut cepisse putet? non amat, inquit: id est, odit eos quibus putat se debere. Nam destrui per hæc fortunam suam arbitrantur, (ait quispiam:) & talium auctores, quasi exprobrantes cernuntur.*

<sup>703</sup> FORTVNAE TVAE.] *Nam tu magna retribuendo, efficit ut magna videantur quæ tribuere.* <sup>704</sup> DEBERE TIBI.] *Acuiè. id est, utrum utilius sit nobis, cepisse à te beneficium (quod est debere:) an dedisse, quia hoc præsentem mox fructum & remunerationem trahit. Deditse autem, hic est præstitisse.*



E Q V I D E M illum <sup>705</sup> antiquum Senatum contueri vide-  
 bar, cùm ter Consule <sup>706</sup> assidente, tertio Consulem <sup>707</sup> designa-  
 tum <sup>708</sup> rogari sententiam cernerem. quanti tuncilli, quantus-  
 que tu? Accidit quidem, vt corpora quamlibet ardua & excel-  
 sa, procerioribus admota decrescant; item vt altissimæ ciuium  
 dignitates, collatione fastigij tui, quasi deprimantur, quantoque  
 propius ad magnitudinem tuam ascenderint, tantò etiam à suâ  
 descendisse videantur. Illos tamen tu, quanquam non potuisti  
 tibi æquare <sup>709</sup> cùm velles, adeò in edito collocasti, vt tantum su-  
 per ceteros, quantum infra te cernerentur. Si vnus tertium  
 Consulatum <sup>710</sup> eundem in annum, in quem tuum, contulisses:  
 ingentis animi specimen haberetur. vt enim felicitatis est,  
<sup>711</sup> quantum velis posse; sic magnitudinis, velle quantum pos-  
 sis. Laudandus quidem & ille, qui tertium Consulatum me-  
 ruit: sed magis, sub quo meruit. Magnus memorandusque,  
 qui tantum præmium <sup>712</sup> cepit: sed maior, qui capienti dedit.  
 Quid? quòd duos pariter tertio Consulatu <sup>713</sup> collegas tui fan-  
 ctitate decorasti? vt sit nemini dubium, hanc tibi præcipuam  
 causam fuisse <sup>714</sup> extendendi Consulatus tui, vt duorum Con-  
 sulatus amplecteretur, & collegam te <sup>715</sup> vni daret. Vterque nu-  
 per Consulatum alterum gesserat à patre tuo, id est, quanto mi-  
 nus quàm à te datum: vtriusque adhuc oculis paullò antè di-  
 missi fasces oberrabant: vtriusque solennis ille liكتورum &  
<sup>716</sup> prænuncijs clamor auribus infederat: cùm rursus curulis,  
 rursusque purpura. vt olim, cùm hostis in proximo, & in sum-  
 mum discrimen adducta Respub. expertum honoribus virum  
 posceret, <sup>717</sup> non Consulatus hominibus ijsdem, sed ijsdem ho-  
 mines Consulatibus reddebantur. Tanta tibi benefaciendi vis,  
 vt indulgentiam tuam <sup>718</sup> necessitas <sup>719</sup> æmuletur. Modò præ-  
 textas exuerant, resumant. modò liكتورes abire iusserant, reuo-  
 cent. modò gratulantes amici recesserant, reuertantur. <sup>720</sup> Ho-  
 minisne istud ingenium est? hominis potestas? renouare  
 gaudia, redintegrare lætitiā, nullamque requiem gratula-  
 tionis dare: neque alia repetendis Consulatibus interualla  
 permittere, nisi <sup>721</sup> dum finiuntur? Facias ista semper, nec  
 vnquam in hoc opere, aut animus tuus aut fortuna lassetur:  
 des quàm plurimis tertios Consulatus, & cùm plurimis ter-  
 tios

tios Consulatus dederis, semper tamen plures quibus debeas dare, supersint.

<sup>705</sup> ANTIQVVM.] *Ante Principes. cùm multi Consulatus sic aucti.*

<sup>706</sup> ASSIDENTE.] *Iuxta tuam sellam.* <sup>707</sup> DESIGNATVM.] *Pompeium Collegam, ut iam dixi, aut alium.* <sup>708</sup> ROGARI.] *A te ter Consule. Primi autem rogari solent Consules designati.* <sup>709</sup> CVM VELLES.] *Ter Consules tecum faciendo.* <sup>710</sup> EVMDEM IN ANNUM.] *Non etiam menses, quod fecisti.* <sup>711</sup> QVANTVM VELIS.] *Quod Principi euenit: qui Iupiter alter in terris. Seneca in personâ eius: Qualem quisque sortem statumque habeat, in meâ manu positum est. quid cuique mortalium Fortuna datum velit, meo ore pronunciat.* <sup>712</sup> CEPIT.] *Capax eius, & dignus fuit.*

<sup>713</sup> COLLEGAS.] *Melius, ceriè apertius, collegij tui.* <sup>714</sup> EXTENDENDI.] *Ecce. pro more, post duos menses debuisset cedere Consulatu Traianus: nunc non fecit, sed gessit Consulatum & produxit in Kal. Maias, atque ita collegam habuit, in Frontonis abeuntis locum, Pompeium collegam.* <sup>715</sup> VNI DARET.] *Iam nunc daret uni, in te: nempe Frontoni. alteri daturus, cùm is abisset.*

<sup>716</sup> PRÆVNCIVS CLAMOR.] *Quo significant Consules venire, darent locum. Clamor erat, Animaduerte. Suprà, silentes quietosque lictores dixit.* <sup>717</sup> NON CONSVLATVS.] *Sic in omni munere deberet, non illud hominibus, sed homines ipsi dari. id est, non ut per officium auctiores, sed ut illi prospectum cautumque, per ipsos. Simili sententiâ Seneca scripsit, Consol. ad Heluiam, cap. XI I I. Quis M. Catonis ignominiam putet fuisse, duplicem in petitione Præturæ & Consulatus repulsam? ignominia illa Præturæ & Consulatus fuit, quibus ex Catone honor habebatur.* <sup>718</sup> NECESSITAS.] *Quæ necessitas olim erat, & iubebat Consules sæpe eosdem creari, rerum expertos: at nunc ea nulla est, sola benignitas tua hoc facit & inducit.*

<sup>719</sup> AEMVLETVR.] *Imitetur. non quòd illi prisci potuerint scire quid Traianus factururus, minùs imitari: sed dictum voluit, Quod tua benignitas facit, hoc idem apud alios necessitas. non tam imitatur, quam paria usurpat.*

<sup>720</sup> HOMINISNE.] *An alicuius dei?* <sup>721</sup> DVM FINIVNTVR.] *Haud verè omnino. nam annus, & ultra, interfuit: Onusfrum vide. Sed oratorie hæc dicuntur.*

OMNIVM quidem beneficiorum, quæ merentibus tribuuntur, non ad ipsos gaudium magis quàm ad similes redundat: præcipuè tamen ex horum Consulatu, non ad partem aliquam Senatus, sed ad totum Senatum tanta lætitia peruenit, ut eundem honorem omnes sibi & dedisse, & accepisse videantur. Nempe enim hi sunt; quos Senatus, cùm <sup>722</sup> publicis sumptibus minuendis optimum quemque præficeret, elegit & quidem primos. <sup>723</sup> Hoc est igitur, hoc est quod penitus illos animo Cæsaris insinuauit. An parum sæpe experti sumus, hanc esse rerum



conditionem, ut Senatus fauor apud Principem aut prosit, aut noceat? Nónne paullò antè nihil magis exitiale erat, quàm illa Principis cogitatio? huic Senatus probat, hic Senatui carus est. Oderat quos nos amaremus, sed & nos <sup>724</sup> quos ille. Nunc inter Principem Senatumque dignissimi cuiusque caritate certatur, <sup>725</sup> demonstramus inuicem, credimus inuicem, quodque maximum amoris mutui signum est, eosdem amamus. Proinde P. C. fauete apertè, diligite constanter. Non iam dissimulandus est amor, ne noceat; non premendum odium, <sup>726</sup> ne prosit. Eadem Cæsar, quæ Senatus, probat improbatque: vos ille præsentis, vos etiam absentes in consilio habet. Tertiò Consules fecit, quos vos <sup>727</sup> elegeratis: & fecit hoc ordine, quo electi à vobis erant. Magnus <sup>728</sup> vterque vestrùm, siue eosdem maximè diligit, quos scit vobis esse carissimos; siue illis neminem præfert, quamuis aliquem magis amet. Proposita sunt senioribus præmia, iuuenibus exempla: <sup>729</sup> adeant, frequentent securas tandem ac patentes domos. quisquis probatos Senatui viros suspicit, hic maximè Principem promeretur. Sibi enim accrescere putat quod cuique adstruatur; nullamque in eo gloriam ponit, quòd sit omnibus maior, nisi <sup>730</sup> maximi fuerint quibus maior est. Persta Cæsar in istà ratione propositi, talesque nos crede, <sup>731</sup> qualis fama cuiusque est. Huic aures, huic oculos intende. ne respexeris <sup>732</sup> clandestinas existimationes, nullisque magis, quàm audientibus insidiâtes susurros. Melius omnibus, quàm singulis creditur. singuli enim decipere & decipi possunt: nemo omnes, neminem omnes fecellerunt.

<sup>722</sup> PUBLICIS SUMPTIBVS.] *Quia per Domitianum exhausto arario, par non erat ijs Respublica. Itaque factum hoc statim sub Neruâ. de quo Dio: Καὶ πολλὰς ὑπὸ θυσίας, πολλὰς δὲ ὑποδομίας, ἄλλας τε πνὰς θείας κατέλυσε, συγγέλων ὥς οἶόν τε διαπανήματα: Multa sacrificia, multos Circenses, atque alia spectacula, dissoluit & sustulit, contrahens quantum poterat impendia publica.* <sup>723</sup> HOC EST.] *Talis illa electio, & quòd probati Senatui.*

<sup>724</sup> QVOS ILLE.] *Domitianus. nam mali Principes semper Senatum oderant, ut recti bonique præceptorem, & frantum aut obicem consilijs factisque prauis: vicissim autem, & Senatus talem.* <sup>725</sup> DEMONSTRAMVS.] *Qui digni honore & prouectione sint.* <sup>726</sup> NE PROSIT.] *Sensus. non amorem erga bonos iam dissimulemus, ne apertus, illis noceat apud Principem: non odium erga malos, ne contrà prosit. Nam si aperimus hoc odium & reuelamus, eo ipso prouehemus, & iuuamus. quia Princeps malus, quos nos odimus, amat, quos amamus, odit.* <sup>727</sup> ELEGERATIS.] *Ad publicos sumptus tolerandos.*

dos. 728 VTERQUE VESTRVM. ] *Quasi ad Frontonem, & Collegam: quod non probo, nec sententia satis connexa. Quidam libri: Magnus uterque honor vester. ex quibus legam, utique honor: ad Senatum. Enimvero, inquit, magnus hic honor, quem Caesar vobis defert. siue & amat, quos vos; siue cum non amat, tamen iudicio vel affectui vestro cedit, & honorat quos ipsi amatis.* 729 ADEANT. ] *In salutationibus, in officijs cultuq; alio ostendant se tales reuereri & amare. Hoc autem inuidiosum, imò perniciosum sub malis, insignem aliquem virum frequentari aut coli. Itaque Seneca, hoc metu, apud Tacitum, instituta prioris vitæ commutat, prohibet cœtus salutantium, vitat comitantes.* 730 MAXIMI FVERINT. ] *Aureum item dogma. Tyrannus vilibus & prauis imperare cupit, securitatis causâ; Princeps bonus, optimis & honestissimis gloria.* 731 QVALIS FAMA. ] *Quæ publica quidem, raro mentitur. Idèò Alexander Seuerus Imp. vbi aliquos voluisset vel Rectores prouinciis dare, vel Præpositos facere, vel Procuratores ordinare, nomina eorum proponebat, hortâs populum, ut si quis quid haberet criminis, probaret manifestis rebus.* 732 CLANDESTINAS. ] *Delatorum, aut paucorum, quibus magno suo periculo Principes credunt.*

733 REVERTOR iam ad Consulatum tuum; etsi sunt quædam ad Consulatum quidem pertinentia, ante Consulatum tamen. in primis, quòd comitijs tuis interfuisti, candidatus non Consulatus tantum, sed 734 immortalitatis, & gloriæ, & exempli, quod sequerentur boni Principes, mali mirarentur. Vidit te populus R. in illâ 735 vetere potestatis suæ sede: perpeffus es longum illud 736 carmen comitorum, nec iam 737 irridendam moram: Consulque sic factus es, ut vnus ex nobis, 738 quos facis Consules. Quotusquisque Principum antecessentium, honorem istum aut Consulatu habuit, aut populo? Non alij marcidi somno hesternaque cœnâ redundantes, comitorum suorum nuncios operiebantur? Alij sanè peruigiles & insomnes, sed intra cubilia sua illis ipsis Consulibus, à quibus Consules renunciabantur, exilia & cædem machinabantur. O præua & inscia veræ maiestatis ambitio, concupiscere honorem quem dedigneris; dedignari quem concupieris: cumque ex proximis 739 hortis campum & comitia prospectes, sic ab illis abesse, tanquam Danubio Rhenoque dirimare! Auerferis tu honori tuo sperata suffragia, renunciarique te Consulem iussisse contentus, liberæ ciuitati 740 ne simulationem quidem serues? abstineas denique comitijs, abstrusus atque abditus, quasi illic tibi non Consulatus datur, sed abrogetur imperium? Hęc persuasio superbissimis dominis



nis erat, ut sibi viderentur Principes esse desinere; si quid facerent tanquam Senatores. Plerique tamen non tam superbiâ, quàm metu quodam submouebantur. An stuprorum sibi <sup>741</sup> incestarumque noctium confusij, <sup>742</sup> auspicia polluere, <sup>743</sup> sacratumque campum nefario auderent contaminare vestigio? non adeo deos hominesque contempserant, ut in illâ <sup>744</sup> spatiosissimâ sede hominum <sup>745</sup> deorumque, coniectos in se oculos ferre ac perpeti possent. Tibi contra, & moderatio tua suasisit, & sanctitas: ut te & religioni deorum, & iudicijs hominum exhiberes. alij Consulatam antè quàm acciperent, tu & dum accipis, meruisti.

<sup>733</sup> REVERTOR.] *Nam antè capit dicere de tertio eius Consulatu, aperitè. Non ergo audio veterem aliquem codicem, qui Prævertor.* <sup>734</sup> IMMORTALITATIS.] *Metaphora. ut in Tertulliano, de Christianis: Candidati æternitatis, & restitutionis. De iisdem, Candidati angelorum: qui honorem locumque ambiunt angelorum.* <sup>735</sup> VETERE.] *Comitium intellegit, vel ipsa in ijs Septa. Sedem autem potestatis, ideo: quia olim ibi suffragijs magistratus liberè creati, leges rogata vel abrogata, pax & bellum iussa.* <sup>736</sup> CARMEN COMIT.] *Haud dubiè precatio prauit in re magnâ & publicâ, ut in plerisque talibus olim. Et mox ipse tanget.* <sup>737</sup> IRRIDENDAM.] *Postquam tu eam passus es, & subisti.* <sup>738</sup> QVOS FACIS.] *Ergo Princeps facit Consules? facit, atque ipse destinat siue designat. Quid igitur de suffragijs Senatus, & Comitij populi, quod hic atque infra legas? Respondeo, quod ad Consules ipsos, videri rem totam hoc æuo à Principibus pependisse. qui nominabant siue destinabant, hos illòsque, in hos & illos menses. Et tamen, ut Patres viderentur ius aliquod habere, in Senatu proponebantur; atque ij suffragabantur: quæ omnia initio anni, aut circa gesta. Tum deinde, quæque paria producebantur in Comitium, & dicis causâ populus cõibat: ibique renunciabantur, iurabant, & mox suo quisque mense inibant. Hæc è Plinio ferè, de Consulibus. In Prætoribus, Tribunis, atque alijs plusculum iuris Senatus habuit: ad quem à populo comitia translata, sub Tiberio. Me vide, sodes, ad 1. Annal. Taciti.* <sup>739</sup> HORTIS.] *Quibus? Horti Agrippina, quos Caius item coluit, vicini campo Martio: & credam hos intellegi, etsi alij etiam Caesarum horti propinqui esse potuerunt.* <sup>740</sup> NE SIMVLATIONEM.] *Ut ipse venias, & dicis causâ populo te sistas.* <sup>741</sup> INCESTARVMQVE.] *De Domitiani incesto, supra.* <sup>742</sup> AVSPICIA.] *Quia comitia non nisi auspiciato habebantur; ut omnis actio cum populo.*

<sup>743</sup> SACRATVMQVE.] *Marti.* <sup>744</sup> SPATIOSISSIMA.] *Campus sanè magnus, atque adeo Septa in eo comitiorum magna. Ex Ciceronis epistolâ quadam lib. 1111. ad Atticum colligas: in quâ narrat Casarem destinasse Septa marmorea facere, eaque excelsâ porticu cingere, mille passuum*

suum spatio. *Nam è porticu ambiente, vides spatium campi includendi.*

<sup>745</sup> DEORVMQVE. ] *Quia templa ibi passim: eratque vel ornatissima pars (Strabone auctore) totius urbis.*

PERACTA erant solennia comitiorum, si Principem cogitares, iamque se omnis turba <sup>746</sup> commouerat: cum tu, mirantibus cunctis, accedis ad <sup>747</sup> Consulis sellam, adigendum te præbes <sup>748</sup> in verba Principibus ignota, nisi cum iurare cogerent <sup>749</sup> alios. Vides quàm necessarium fuit Consulatum non recusare? non putassemus istud facturum te fuisse, si recusasses. Stupro P. C. necdum satis aut oculis meis, aut auribus credo, atque identidem me, an audierim, an viderim interrogo. Imperator ergo, & Cæsar, & Augustus, Pontifex maximus, stetit ante gremium Consulis? seditque Consul, Principe ante se stante: & sedit inturbatus, interritus & tanquam ita fieri soleret? quinetiam sedens <sup>750</sup> præbuit iusiurandum, & ille iurauit. expressit explanauitque verba, quibus caput suum, domum suam, <sup>751</sup> si scienter fefellisset, deorum <sup>752</sup> iræ consecraret. Ingens, Cæsar, & par gloria tua, siue fecerint istud postea Principes, siue non fecerint. Vllane satis prædicatio digna est, idem tertio Consulem fecisse, quod primò? idem Principem, quod priuatum? idem Imperatorem, quod sub Imperatore? Nescio iam, nescio pulchriusne sit istud, quòd <sup>753</sup> præeunte nullo, an hoc, quòd alio præeunte iurasti. <sup>754</sup> In Rostris quoque, simili religione ipse te <sup>755</sup> legibus subiecisti: legibus Cæsar, quas nemo Principi scripsit. Sed tu nihil amplius vis tibi licere, quàm nobis: sic fit, vt nos tibi <sup>756</sup> plus velimus. <sup>757</sup> Quod ego nunc primùm audio, nunc primùm disco: non est Princeps supra leges, sed leges supra Principem. Idem Cæsari Consuli, quod ceteris non licet: iurat <sup>758</sup> in legem attendentibus dijs: nam cui magis quàm Cæsari attendant? iurat <sup>759</sup> obseruantibus his, quibus idem iurandum est. non ignarus alioquin, nemini religiosius quod iurauerit custodiendum, quàm cuius maximè <sup>760</sup> interest non peierari. itaque & <sup>761</sup> abiturus Consulatu iurasti, te nihil contra leges fecisse. Magnum hoc erat cum <sup>762</sup> promitteres, maius postquam præstitisti. Iam totiens procedere <sup>763</sup> in Rostra, <sup>764</sup> inascesumque illum superbiæ Principum locum terere, hîc suscipere, hîc ponere magistratus: quàm dignum te, quàmque diuersum consuetudine illorum, qui



765 pauculis diebus gestum Consulatam, imò 766 non gestum, abijciebant per 767 edictum? Hoc 768 pro concione, pro Rostis, pro iureiurando: scilicet ut primis extrema congruerent; utque hoc solo intelligerentur ipsi Consules fuisse, quod alij non fuissent.

746 COMMOVERAT.] *Abitura, te declarato.* 747 CONSULIS.] *Qui prae-  
sidebat comitijs.* 748 IN VERBA.] *Sollemnis videlicet iuramenti.* *Cassiodo-  
rus lib. VIII. epist. I. de hoc facto, ubi populo Romano Athalaricus rex  
scribit: Ecce Traiani vestri, clarum saeculis, reparamus exemplum. Iurat  
vobis, per quem iuratis; nec potest ab illo quisquam falli, quo inuocato  
non licet impunè mentiri.* 749 ALIOS.] *A se factos Consules. Nam vetus  
hoc iuramentum Consulare, & duplex erat. Vnum initio magistratus, de quo  
hic, cum iurabant se leges seruaturus: alterum cum abirent, iurabantq. seruasse.* *De illo, pauciora testimonia sunt: sed hoc Linij insigne, lib. XXXI. C. Vale-  
rius Flaccus, quia Flamen Dialis erat, iurare in leges non poterat. magi-  
stratum autem plus quinque dies, nisi qui in leges iurasset, non licebat  
gerere.* 750 PRÆBIT.] *Multo melius alij, præijt: quod sequentia dicent.* *Moris enim, ut sollemniter iurarent, alio verba præeunte.* 751 SCIENTER.] *Eortasse, si sciens. Nam hæc iuramenti clausula & sanctio ferè erat: Si  
sciens fallo, tum Iupiter dijq. omnes mihi, meaq. domui, irati sunt.*

752 IRÆ CONSECR.] *Plautus Amphitruone: Si fallo, tum te summe Iu-  
piter Queso, Amphitruoni ut semper iratus sis.* *Brissonius lib. VIII. De for-  
mulis videtur.* 753 PRÆEUNTE NVLLO.] *Hoc ad Principes trahendum, non  
ad verba iuranda. Captat igitur acumen in verbo. & mirum laudandumque,  
quod nullo Principum exemplo præeunte, iurasti: & hoc quoque, quod alio  
verba præeunte, quasi illo iubente, iurasti.* 754 IN ROSTRIS.] *Ergo & hic  
iterum iuratum: sed illud à designato Consule; hoc cum iam inisset, primo il-  
lo & auspicali die.* 755 LEGIBVS.] *Verba enim iurandi erant, seruaturum  
leges.* 756 PLUS VELIMVS.] *Ambiguè. plus licere videlicet: an, plus te  
nos amemus. Nam velle alicui ἀγαπᾶν, benè velle & favere significat Lati-  
nis.* 757 QVOD EGO.] *Vegeta magis oratio, si Quid ego legas, & in-  
terrogando acuas post, disco?* 758 IN LEGEM.] *Palàm, in leges.*

759 OBSERVANTIBVS.] *Senatoribus, & aliquando Consulibus futuris.*

760 INTEREST.] *Nam Principum status & salus iuramento nitebatur,  
quod quotannis, ipsis Kalendis Ianuarijs, Senatus præstabat. Scripsi de hoc ritu  
ad XVI. Annatum, in verba: Principio anni, vitare Thraseam sollemne  
iusiurandum. Itaque si fides soluitur, labat eorum potestas.* 761 ABITV-  
RVS.] *Huius moris multa exempla, in Cicerone, Dione, Plutarcho. Bona &  
promida institutio, religione iusiurandi incipere magistratum, & finire.*

762 PROMITTERES.] *Initio magistratus. supra.* 763 IN ROSTRA.] *Iu-  
randi causâ. nam ibi occipiebant magistratum, ibi deponebant: & cum iura-  
mento, ut dixi.* 764 INASCENSVMQVE.] *Mallem, inaccessumque.* 765 PAV-

CVLIS DIEBV.] *In Domitianum. de quo Tranquillus: Omnes Consulatus pænè titulo tenus gessit, nec quemquam vltra Kalendas Maij, plures ad Idus vsq; Ianuarias. Si ad Idus, ecce XII. aut XIII. dies.* <sup>766</sup> NON GESTVM.] *Nihil enim publicè fecerant, nulla eius munia obierant.* <sup>767</sup> EDICTVM.] *Quo publicè significabant se abire eo magistratu, alios sufficere, tales & tales.* <sup>768</sup> PRO CONCIONE.] *Quam more prisco habere solent ad Quirites.*

<sup>769</sup> NON transfiliui Patres Con. Principis nostri Consulatum: sed eundem in locum contuli, quidquid de iureiurando dicendum erat: neque enim vt in sterili, ieiunaq; materiâ<sup>770</sup> eandem speciem laudis diducere ac spargere, atque identidem tractare debemus. Illuxerat primus Consulatus tui dies, quo tu curiam ingressus, nunc singulos, nunc vniuersos adhortatus es resumere libertatem, capeßere quasi communis imperij curas, inuigilare publicis vtilitatibus, & <sup>771</sup> insurgere. <sup>772</sup> Omnes ante te eadem ista dixerunt, nemini tamẽ ante te creditum est. Erant sub oculis<sup>773</sup> naufragia multorum, quos<sup>774</sup> insidiosâ tranquillitate<sup>775</sup> prouectos, improuisus turbo perculerat. Quod enim tam infidum mare: quàm blanditiæ Principum illorum, quibus tanta leuitas, tanta fraus, vt <sup>776</sup> facilius esset iratos, quàm propitios habere? Te verò, securi & alacres, quò vocas sequimur. iubes esse liberos? erimus. iubes, quæ sentimus, promere in medium? proferemus. Neque enim adhuc ignaviâ quadam & insito torpore cessauimus: terror & metus, & misera illa ex periculis facta prudentia monebat, vt à rep. (erat autem omnino <sup>777</sup> nulla resp.) oculos, aures, animos<sup>778</sup> auerteremus. At nunc tuâ<sup>779</sup> dexterâ tuisque promissis freti & innixi, obsepta diutinâ seruitute ora referamus, frænataque tot malis linguam resoluimus. Vis enim tales esse nos, quales iubes: nihilque exhortationibus tuis fucatum, nihil subdolum, denique quod credentem fallere paret, non sine periculo fallentis. neque enim vnquam<sup>780</sup> deceptus est Princeps, nisi qui priùs ipse decepit. Equidem hunc parentis publici sensum, cum <sup>781</sup> exhortatione eius, tum pronunciatione ipsâ perspexisse videor. Quæ enim illa grauitas sententiarum, quàm in affectata veritas verborum, quæ adseueratio in voce, quæ affirmatio in vultu, quanta in oculis, habitu, gestu, toto denique corpore fides? Tenebit ergo semper, quod suaserit: scietque nos, quotiens libertatem quam dedit experiemur,



sibi parère. nec verendum est ne incautos putet, si fidelitate temporum constanter utamur, quos meminit sub malo Principe aliter vixisse.

<sup>769</sup> NON TRANSILIVI.] *Oratoriè se reuocat. quia enim de iuramento dixerat, quod abeuntes præstant: quid ergo? iam abiit? iam de fine, nihil de ipso Consulatu dicis? Dicam, inquit: sed in vnum locum contuli, quod de iuramento dicendum erat.* <sup>770</sup> EANDEM SPECIEM.] *Vt iuristurandi.* <sup>771</sup> INSVRGERE.] *Animis iterum erectis, quos seruitus depressoerat.* <sup>772</sup> OMNES.] *Nero etiam, de quo Tacitus initio XIII. Annalium.* <sup>773</sup> NAVFRAGIA.] *Opum & vitæ.* <sup>774</sup> INSIDIOSA.] *Blandis fallacibusq; Principum dictis.*

<sup>775</sup> PROVECTOS.] *Longius in remp. liberiusq; se immittentes.* <sup>776</sup> FACILIVS.] *Friget sententia: animabitur, si legas, felicius. Inopinatum dictum. nam omnes amant volentes habere Principes: at istorum ea fraus vel leuitas, ut iuuaret affligere subito amicos aut propinquos. Spectant in Domitianum, de cuius callidâ inopinataq; sæuitiâ (ita loquitur) Suetonium, sodes, cap. XI. vide, & hac cape. Vniuersè autem etiam verum est, ἀόρρω Διός τε καὶ νεφεγγῶν: Procul à Ioue & fulmine.* <sup>777</sup> NULLA RESPUBLICA.] *Sed vnius res priuata.* <sup>778</sup> AVERTEREMVS.] *In quâ nihil honestè, nihil liberè, fas esset dicere, aut facere.* <sup>779</sup> DEXTERA.] *Quam fidei tesseram dedisti.* <sup>780</sup> DECEPTVS EST.] *A nobis. neque alios repperit, nisi cùm alium ipse se gessit.*

<sup>781</sup> EXHORTATIONE.] *Putarem, ex oratione.*

N V N C V P A R E <sup>782</sup> vota & pro æternitate imperij & pro salute <sup>783</sup> ciuium, imò pro salute <sup>784</sup> Principum, ac propter illos pro æternitate imperij solebamus. Hæc pro imperio nostro, in quæ sint verba suscepta, operæpretium est adnotare. <sup>785</sup> SI BENE REMP. ET EX UTILITATE OMNIUM REXERIS. Digna vota, quæ semper suscipiantur, semperq; soluantur. Egit cum dijs, ipso te auctore Cæsar, <sup>786</sup> resp. ut te sospitem incolumemq; præstarent, si tu ceteros præstitisses: si contrà, illi quoque à custodiâ tui corporis oculos dimouerent, teq; relinquerent votis, quæ <sup>787</sup> non palàm susciperentur. Alij se <sup>788</sup> superstites reip. optabant, faciebantq;: tibi salus tua inuisa est, si non sit cum reip. salute coniuncta. nihil pro te pateris optari, nisi expediat optantibus: omnibusq; annis <sup>789</sup> in consilium de te deos mit-  
tis, exigisq; ut sententiam suam mutant, si talis esse desieris, <sup>790</sup> qualis electus es. Sed <sup>791</sup> ingenti conscientiâ Cæsar <sup>792</sup> pacisceris cum dijs, ut te si mereberis seruent: cùm scias, an merearis, neminem magis, quàm deos scire. Nónne vobis P. C. hæc diebus ac noctibus agitare secum videtur? Ego quidem in me, si  
omnium

omnium utilitas ita posceret, etiam <sup>793</sup> Præfecti manum armaui: sed ne deorum quidem aut iram, aut negligentiam, deprecor. quæso imò & obtestor, ne vnquam pro me vota resp. <sup>794</sup> inuita suscipiat; aut si susceperit, inuita <sup>795</sup> ne debeat. Capis ergo Cæsar salutis tuæ gloriosissimum fructum, ex consensu deorum. nam cum excipias, vt ita demum te dei seruent, SI BENE REMP. ET EX UTILITATE OMNIUM REXERIS: certus es te bene remp. gerere, cum seruent. Itaque securus tibi, & lætus <sup>796</sup> dies erit, qui Principes alios curâ & metu distinebat: cum suspensi & attoniti, parumque confisi patientiâ nostrâ, <sup>797</sup> hinc atque inde publicæ seruitutis <sup>798</sup> nuncios expectarent; ac si fortè aliquos flumina, niues, venti præpedissent, statim hoc illud esse credebant, quod inerebantur. nec erat discrimen vllum pauoris: propterea quod cum à malo Principe tanquam successor timeatur, quisquis est dignior, cum sit nemo non dignior, omnes timentur. Tuam securitatem non mora nunciorum, non litterarum tarditas differt. scis tibi vbique iurari: cum ipse <sup>799</sup> iuraueris omnibus. Nemo hoc <sup>800</sup> sibi non præstat. amamus quidem te, in quantum mereris: istud tamen non tui facimus amore, sed nostri. nec vnquâ illucescat dies, quo pro te nuncupet vota, <sup>801</sup> non utilitas nostra, sed fides, Cæsar. Turpis tutela Principis, <sup>802</sup> cui potest imputari. Queri libet, quod in <sup>803</sup> secreta nostra non inquirant Principes, nisi <sup>804</sup> quos odimus. Nam si eadem cura bonis & malis esset; quam <sup>805</sup> vbique admirationem tui, quod gaudium exultationemq; deprehenderes? quos omnium cum coniugibus ac liberis, quos etiam cum domesticis <sup>806</sup> aris focusque <sup>807</sup> sermones? scires <sup>808</sup> mollissimis istis auribus parci. & alioquin cum sint odium amorque contraria, hoc perquam simile habent, <sup>809</sup> quod ibi <sup>810</sup> intemperantiùs amamus bonos Principes, vbi liberaliùs malos odimus.

<sup>781</sup> VOTA. ] *Quæ tertio Nonas Ianuarias publicè suscipi moris erat, festâ omnium letitiâ. De ijs scripsi, nec repeto, XVI. Annalium Taciti.* <sup>783</sup> CIVIVM. ] *Aut aliquis ineptam hanc lectionem esse, & fidenter rescribendum Principum. At mihi non probat. & puto Plinium dicere antiqui instituti fuisse, vt vota pro imperio & ciuibus susciperentur; at nunc pro salute Principum. Res sanè ita fuit. & olim Consules Vota nuncupabant. vt Linius XXII. de Varrone: Capitolum, & sollennem votorum nuncupationem, fugisse: quid autem nisi pro rep. & imperio S. P. Q. R.?* <sup>784</sup> PRINCIPVM.]



Corrigit dictum, quia illi priores de suâ salute satagebant, securi publica. Et alioqui verba ipsa erant de Principe. Tacitus IIII. Annalium: Pontifices, eorumque exemplo ceteri sacerdotes, cum pro incolumitate Principis vota susciperent. Paullus Iurisconsultus: Post Kalendas Ianuarias, die tertio, pro salute Principis vota suscipiuntur. Plinius, in epistolâ ad Traianum: Sollennia vota pro incolumitate tuâ, quâ publica salus continetur, & suscepimus Domine, & pariter soluimus: precati Deos, ut velint ea semper solui, semperque signari. <sup>785</sup> SI BENE.] Clausula est, Traiani iussu addita, ut ex Plinio apparet: clausula, ô Deus, egregia, & magno ac salubri illo Principe digna. <sup>786</sup> RESPUBLICA.] Quæ vota illa suscipit. <sup>787</sup> NON PALAM.] Id est, malis noxiisque votis. Nam in tyrannos tacita passim execrationes, mortem & exitium precantium. <sup>788</sup> SUPERSTITES.] Cum perditum eam irent & euersum. <sup>789</sup> IN CONSILIVM.] A iudicibus sumptum. qui in consilium à Pratore mittebantur, causâ cognitâ, sententias laturi. <sup>790</sup> QUALIS ELECTVS.] Bonus, utilisque. <sup>791</sup> INGENTI.] Egregijs consilijs factisque subnixâ. <sup>792</sup> PACISCERIS.] Sub pacto & conditione seruari petis, si merearis. <sup>793</sup> PRÆFECTI.] Factum insigne & immortale tangit: & miror ab Oratore, qui minora diducit, tangi tantum. Dio, Zonaras, Suidas, Victor ita referunt. Cum Præfecto Prætorij gladium traderet, quo accingi eum moris est, strinxit, & nudatum tenens, ait, Cape istum, & si rectè imperaui, pro me; sin aliter, contra me vtere. Hic campus, in quo exsultares Plini, decebâtne tam auream vocem & sensum, tam arido & propero stilo stringi tantum? <sup>794</sup> INVITA.] Si malè me in eam gesserò. <sup>795</sup> NE DEBEAT.] Si vel me mutem, cum iam suscepit. <sup>796</sup> DIES ERIT.] Placet quod in veteri, exit. <sup>797</sup> HINC ATQUE INDE.] Nam in omnibus prouincijs & iurabatur Principi, & vota item fiebant. <sup>798</sup> NVNCIOS.] Quos Præsides aut Proconsules illicò mittebant, significantes iurasse, vouisse. In Plinij epistolis ad Traianum, tales istæ nunciatorie leguntur. Vide. <sup>799</sup> IVRAVERIS.] Vel in Consulatu, vel in istâ deorum obtestatione. <sup>800</sup> SIBI PRÆSTAT.] Suâ causâ facit, non tuâ. <sup>801</sup> NON UTILITAS.] Sensus, nunquam sit ille dies, ut vota nostra nuncupemus, solâ fide inducti, quam Principibus debemus; sed magis utilitate propriâ suasi, quam à te capimus. & ideo diuturnum aeternumque, si possit, esse te velimus. <sup>802</sup> CUI POTEST.] Cui, nempe Principi. hoc argutè dicit: Turpis est defensio, aut nuncupatio pro salute eius Principis, cui hanc possis imputare. id est, quam ei is causâ suscipias, & quam velut beneficium inscribas. At illa tutela pulchra & gloriosa, quam suâ causâ subditi suscipiunt. <sup>803</sup> SECRETA.] Sermones occultos, aut sensus. <sup>804</sup> QVOS ODIMVS.] Nisi mali, nam hi, consciëntiâ suggerente, sciunt malos de se sermones esse. Quid boni? bonos, eâdem teste. <sup>805</sup> VBIQUE ADMIR.] Domi, in foro, circulis, conuiujs. O optabiles fidasque, istas priuatas, super publicas omnes laudationes! Ac Senecam de his affectibus audiamus: Quid pulchrius est, quam viuere optantibus cunctis, & vota non sub custode nuncupantibus? si paullum valetudo titubauit, non spem hominum excitari, sed metum? nihil esse cuiquam tam pretiosum; quod non pro salute prædis

præsidis sui commutatum velit? omne quod illi euenit, sibi quoque euenire deputet? <sup>806</sup> ARIS FOCISQUE.] *Apud Lares siue Deos Penates.*

<sup>807</sup> SERMONES.] *Laudes gratesq; de te dicentiū, vota pro te concipientium.*

<sup>808</sup> MOLLISSIMIS.] *Verecundissimis.* <sup>809</sup> QVOD IBI.] *Domi & in secreto.* <sup>810</sup> INTEMPERANTIVS.] *Vtrumque ibi liberè & effusè, & amor, & odium se prodit atque erumpit.*

C E P I S T I tamen & affectus nostri, & iudicij, experimentum, quantum maximum præfens capere potuisti, illo <sup>811</sup> die, quo <sup>812</sup> sollicitudini <sup>813</sup> pudoriquè candidatorum ita consuluisti, ne vilius gaudium alterius tristitia turbaret. alij cum <sup>814</sup> lætitiâ, alij <sup>815</sup> cum spe recesserunt: multis gratulandum, nemo consolandus fuit. Nec ideo seignius iuuenes nostros exhortatus es, <sup>816</sup> Consulatum circumirent, Senatui supplicarent: atque ita à Principe sperarent honores, si à Senatu <sup>817</sup> petissent. Quo quidem in loco, si quibus opus exemplo, adiecisti, vt te imitarentur. Arduum, Cæsar, exemplum, & quod imitari non magis quisquam candidatorum, quàm Principum possit. Quis enim vel <sup>818</sup> vno die reuerētior Senatus candidatus, quàm tu cum omni vitâ, tum illo ipso tempore, quo <sup>819</sup> iudicas de candidatis? An aliud à te, quàm Senatus reuerentia, obtinuit, vt iuuenibus clarissimæ <sup>820</sup> gentis, debitum generi honorem, sed <sup>821</sup> antequàm deberetur, offerres? Tandem ergo nobilitas non obscuratur, sed illustratur à Principe: tandem illos ingentium virorum nepotes, illos <sup>822</sup> posterios libertatis, nec <sup>823</sup> terret Cæsar nec pauet. quinimò <sup>824</sup> festinatis honoribus amplificat atque auget, & maioribus suis <sup>825</sup> reddit. siquid vsquam stirpis antiquæ, siquid residuæ claritatis: hoc amplexatur & refouet, & in vsum reip. promit. Sunt in <sup>826</sup> honore hominum, & in honore famæ, magna nomina, ex tenebris obliuionis, indulgentiâ <sup>827</sup> Cæsaris: cuius est, vt nobiles & conseruet, & <sup>828</sup> efficiat.

<sup>811</sup> DIE QVO.] *Ambigo leuiter, an non hic defectio aliqua, & perierint quæ de affectus notis. Et si postea tamen aliquid, sed post hæc tardè.* <sup>812</sup> SOLICITVDINI.] *Dum sit designatio, & dum pendent.* <sup>813</sup> PVDORIQUE.] *Potest repulsam.* <sup>814</sup> LÆTITIA.] *Quod designati.* <sup>815</sup> CVM SPE.] *Quod designandi.* <sup>816</sup> CONSVLATVM.] *Ineptè: cum veteri libro, Senatum, lego.* <sup>817</sup> PETISSENT.] *Vt is commendaret.* <sup>818</sup> VNO DIE.] *Quo ambit quisque & humiliter petit.* <sup>819</sup> IUDICAS.] *Designas, & eligis, quia nepe sententijs nostris tuâ aptas.* <sup>820</sup> GENTIS.] *Magis velim cū libris alijs, clarissimè genitis.*



genitis. <sup>821</sup> ANTEQVAM.] *Non ad annales leges aut atatem refero, sed quòd in honorem solum nobilitatis eos crearet. Generi eorum hoc das, inquit, & quia tali stirpe nati, qua meruit, etsi nondum ipsi.* <sup>822</sup> POSTEROS LIBERT.] *Reliquam illam prolem aut liberi, & illorum qui in libertate magni fuerunt: & Cæsij, Iunij, Fabij natos.* <sup>823</sup> TERRET.] *Nam ut ille ait, iam olim monitum est in nobilitate senectus.* <sup>824</sup> FESTINATIS.] *Etiam ante atatem, aut certè maturitatem & merita.* <sup>825</sup> REDDIT.] *Dignos ijs facit, titulis & imaginibus suis æquat.* <sup>826</sup> HONORE.] *Ego velim legere, in ore famæ. Sallustius: In ore agens gentibus, populo, ciuitati. Pluscula ego ad III. Histor. Taciti, verbis: Non in ore vulgi agere.* <sup>827</sup> CÆSARIS.] *Satis fractè hoc dicitur: videatúrque vox deesse, extracta, aut similis.* <sup>828</sup> EFFICIAT.] *Iure annulorum dato, ingenuos facit; cumulat is honoribus, nobiles.*

PRÆFVERAT prouinciæ Quæstor vnus ex <sup>829</sup> candidatis: <sup>830</sup> in quem ea ciuitas amplissima, redditus egregiâ constitutione fundauerat. hoc Senatui allegandum putasti. Cur enim te Principe, qui generis tui claritatem virtute superasti, deterior esset conditio eorum, qui posteros habere nobiles <sup>831</sup> mererentur, quàm eorum qui parentes habuissent? O te dignum, qui de magistratibus nostris semper hæc nuncios: nec pœnis malorum, sed bonorum præmijs, bonos facias! Accensa est iuuentus, erexitque animos ad æmulandum, quod laudari videbat: nec fuit quisquam, quem non hæc cogitatio subiret, cum sciret quidquid à quoque in prouincijs beneficeret, omnia te scire. Vtile est, Cæsar, & salutare Præsidibus prouinciarum, hanc habere fiduciam: paratum esse sanctitati, industriæ suæ, maximum præmium, iudicium Principis, <sup>832</sup> suffragium Principis. Adhuc autem quamlibet sincera rectaque ingenia, & si non detorquebat, hebetabat tamen misera, sed vera reputatio: <sup>833</sup> Vides enim, siquid benè fecero nesciet Cæsar, aut si scierit, testimonium non reddet. Ita eadem illa seu negligentia, seu malignitas Principum, cum malè consultis impunitatem, rectè factis nullum præmium polliceretur: nec illos à crimine, & hos deterrebat à laude. At nunc, si benè aliquis prouinciam rexit, huic quæsitæ virtute dignitas offertur. patet enim omnibus honoris & gloriæ campus. ex hoc quisque, quod cupit, perat; & assecutus, <sup>834</sup> sibi debeat. Prouincijs quoque in posterum, & iniuriarum metum, & accusandi necessitatem, remisisti. Nam si <sup>835</sup> profuerint quibus gratias egerint, de nullo queri cogentur. <sup>836</sup> & alioquin nihil magis prodest candi-

candidato, ad sequentes honores, quàm peractus optimè magistratus. Magistratus magistratu, honore honor petitur. Volo ego qui prouinciam rexerit, non tantùm <sup>837</sup>codicillos amicorum, nec <sup>838</sup>urbanâ coniuratione eblanditas preces: sed decreta coloniarum, decreta ciuitatum alleget. <sup>839</sup>Næ suffragijs <sup>840</sup>consularium virorum, vrbes, populi, gentes inseruntur. efficacissimum pro candidato genus est rogandi, gratias agere.

<sup>839</sup> CANDIDATIS.] *Pratura, an Consulatus.* <sup>830</sup> IN QVEM EA.] *Alius videbit. me hic luscitosum confiteor, aut cecum. Legerem: inque eâ ciuitatis amplissimæ. Præsuerat prouincia, & in eâ reditus ac vectigalia amplissima vnius ciuitatis, pulchrè & prudenter fundauerat.* <sup>831</sup> MERERENTVR.] *Virtute propriâ.* <sup>832</sup> SVFFRAGIVM.] *Ad honores.* <sup>833</sup> VIDES ENIM.] *Ethopæia, quam vocant.* <sup>834</sup> SIBI DEBEAT.] *Sue industria & virtuti, quam Princeps honoribus remuneratur.* <sup>835</sup> PROVERINT.] *Si prouinciarum iudicia bona & honesta, honori vsuique fuerint apud Cæsarem: nulla querela expectanda à prouincialibus. quia quisque placere ijs studebit, & demereri hac eadem bene agendo: vt Cæsarem amicum habeat, & per eum honores.*

<sup>836</sup> ET ALIOQVIN.] *Iterum cecutio, neque hac inter se victa. Lego omnia: & liquebit nihil magis prodesse candidato ad sequentes honores, quàm peractus. Optimè magistratus magistratu, honore honor petitur. Sententiam dedi, fortasse & verba. Scient omnes, inquit, ad futuros honores, priores prodesse: & si ij benè gesti in vrbe aut in prouincijs, gradum ad alios esse.* <sup>837</sup> CODICILLOS.] *Prinatas laudatiunculas. qualis illa Martialis, ad hunc Traianum, lib. XII.*

Palma regit nostros, mitissime Cæsar, Iberos,

Et placido fruitur pax peregrina iugo.

Ergo agimus læti tanto pro munere grates,

Misisti mores in loca nostra tuos.

<sup>838</sup> VRBANA CONIVRATIONE.] *Pancorum aliquot ciuium. Quâ in re peccatum sepe, Thraseas apud Tacitum. xv. Annalium queritur: & censet, vt laus falsa, ac precibus expressa, proinde cohibeatur, quàm malitia, quàm crudelitas. Et decretum mox interpositum: Nequis ad concilium sociorum referret, agendas apud Senatum Proprætoribus Proueconsulibus grates, neu quis eâ legatione fungeretur. Et fraudes vetari, bonum est: re-cta illa iudicia sperni aut supprimi, non bonum.* <sup>839</sup> NÆ SVFFRAG.] *Assentior Liuietio, vt suffragijs: & statim, inserantur. Et si possit etiam legi: Bene suffragijs.* <sup>840</sup> CONSVLARIVM.] *Qui in Senatu nominant, ac commendant candidatos. Tamen dubito, an non è notus error, veriùsque: Clarissimorum virorum, de toto Senatu. Nec enim soli Consulares suffragia dabant.*



I AM quo ad sensu Senatus, quo gaudio exceptum est, cum candidatis, ut quemque <sup>841</sup> nominaueras, <sup>842</sup> osculo occurreres? <sup>843</sup> deuexus quidem in planum, & quasi vnus ex gratulantibus. Te mirer magis, an improbem illos, qui effecerunt, ut istud magnum videretur? cum velut affixi curulibus suis, <sup>844</sup> manum tantum, & hanc cunctanter & pigre, & <sup>845</sup> imputantibus similes, promerent. Contigit ergo oculis nostris insolita facies, Princeps & candidatus <sup>846</sup> æquales & simul stantes: intuerique parem accipientibus honorem, qui dabat. Quod factum tuum à cuncto Senatu, quam verâ acclamatione, celebratum est? <sup>847</sup> TANTO MAIOR, TANTO AVGVSTIOR. Nam cui nihil ad augendum fastigium superest, hic vno modo crescere potest si se ipse submittat, securus magnitudinis suæ. Neque enim ab vlllo periculo fortuna Principum longius abest, quam ab humilitatis. Mihi quidem non tam humanitas tua, quam <sup>848</sup> intentio eius admirabilis videbatur. quippe cum <sup>849</sup> orationi oculos, <sup>850</sup> vocem, manum commodares: ut si <sup>851</sup> alij eadem ista mandasses, omnes comitatus numeros obibas. atque etiam, cum <sup>852</sup> suffragatorum nomina, honore quo solent, exciperentur: tu quoque inter excipientes eras, & ex ore Principis ille senatorius assensus audiebatur. quodque apud Principem perhibere testimonium merentibus gaudebamus, perhibebatur à Principe. Faciebas ergo, cum diceres, <sup>853</sup> OPTIMOS: nec <sup>854</sup> ipsorum modo vita à te, sed <sup>855</sup> iudicium Senatus comprobabatur: <sup>856</sup> ornarique se, non illos magis quos laudabas, lætabatur.

<sup>841</sup> NOMINAVERAS. ] *Designaueras palam.* <sup>842</sup> OSCULO. ] *Ut solet in gratulatione, & faustâ precatatione.* <sup>843</sup> DEVEXVS. ] *Inclinans, & panè descendens è tuo tribunali.* Seneca De Tranquillitate: Tutiores erunt, superbiam detrahendo, & fortunam suam in planum deferendo. <sup>844</sup> MANVM. ] *Superbie, ut ante monui: & vide II. Electorum, cap. proprio.* De osculis. <sup>845</sup> IMPVTANTIBVS. ] *Quasi beneficium darent eo ipso, quod liceret contingere.* <sup>846</sup> AEQVALES. ] *Hoc mihi placeat, & est pro sensu. At libri tamen plerique, equitis, vel equitis simul, habet: ut omnino censeam fuisse, & candidatus eius, simul stantes. Erant enim candidati Cæsaris, & ita in lapidibus nominantur: quos is produceret & commendaret. Nam de candidato equitis, id est, equestris ordinis (quod quidam suggerunt) alienum, & ineptum est.*

<sup>847</sup> TANTO MAIOR. ] *In adhortatione & comprobatione formula. Sic in Senecâ, Multoq; audire mauult Tanto melior, quam, Tanto felicior: & alibi in eodem.* <sup>848</sup> INTENTIO. ] *Expressio, cum veritate & acrimoniâ.*

<sup>849</sup> ORATIONI.] *Quâ gratulabaris honorem candidatis.* <sup>850</sup> VOCEM, MANVM. *Seneca, epist. viii. In Senatu candidato vocem & manum commodare.* <sup>851</sup> ALII EADEM.] *Privato, qui tibi obsequeretur. Sed puto rectius lectum iri, ut si alius eadem ista mandasset. Tu, inquit, omnia ita comiter & benignè faciebas; tanquam si non à te hoc beneficium, sed ab alio acceptum gratulareris. Nemo enim nimis gaudet aut exsultat in eo, quod ipse confert.* <sup>852</sup> SUFFRAGATORVM.] *Hoc intellegi potest ex epistolâ xx. lib. i. i. eiusdem Plinij, ubi rationem hanc comitalem ita explicat: Citato nomine candidati, silentium summum. dicebat ipse pro se, vitam suam explicabat, testes & laudatores dabat. Addebat quosdam ex suffragatoribus. illi grauitè & paucis loquebantur. Plus hoc quàm preces proderat. Itaque Suffragatores prodibant, & loquebantur: apparetq; cum plausu & favore (ut tunc mores ad leuitatem vel adulationem inclinabant) exceptos. Apparet, inquam, ut hæc est lectio. quam mihi immutare tamen suadeat animus, ac scribere: cum suffragatores nomina, honore quo solent, exciperent, tu quoque. Ipsi dico Suffragatores nomina excipiebant: quorum? nempe candidatorum, qui nomine & ordine (ex verbis iam Plinij) citabantur. Princeps igitur ipse, mirâ comitate, quasi inter suffragantes laudantesq; erat.* <sup>853</sup> OPTIMOS.] *Notetur ritus, adhuc inobservatus. Candidati, boni vel optimi acclamabantur, ad nomen. Seneca hinc lux, epist. i. i. i. Itaque verbo illo quasi publico usus es, & sic amicum dixisti, quomodo omnes candidatos viros bonos dicimus.* <sup>854</sup> IPSORVM.] *Candidatorum. Itaque ex his palàm est, superiora, uti dixi, legenda.* <sup>855</sup> IUDICIUM.] *Quia Senatus tales elegerat.* <sup>856</sup> ORNARIQVE SE.] *Ipsum Senatum, cui sic credebis.*

NAM quòd precatus es, ut illa ipsa <sup>857</sup> ordinatio comitiorum BENE AC FELICITER EVENIRET NOBIS, REIP. <sup>858</sup> Nónne tibi tale est, ut nos hunc ordinem votorum conuètere debeamus? deos denique obsecrare, ut omnia quæ facis, quæque facies, prosperè cedant tibi, reip. nobis? vel si brevius sit optandum, ut <sup>859</sup> vni tibi? in quo & resp. & nos sumus. <sup>860</sup> Fuit tempus, ac nimium diu fuit, quo <sup>861</sup> alia aduersa, alia secunda, Principi & nobis. nunc cōmunia tibi nobiscum tam læta, quàm tristia: nec magis sine te nos esse felices, quàm tu sine nobis potes. An si posses, in fine <sup>862</sup> votorū adiecisses, UT ITA PRECIBVS TVIS DII ANNVERENT, SI IUDICIUM NOSTRVM MERERI PERSEVERASSES? Adeò nihil tibi amore ciuiū antiquius; ut antè à nobis, deinde à dijs; atq; ita ab illis amari velis, si à nobis ameris. Et sanè priorū Principum <sup>863</sup> exitus docuit, ne à dijs quidē amari, nisi quos homines ament. arduum erat, has preces tuas laudibus adæquare: adæquauimus tamen. Qui amoris ardor, qui



stimuli, quæ faces illas nobis exclamationes subiecerunt? Non nostri, Cæsar, ingenij, sed tuæ virtutis tuorumque meritorum voces fuerunt: quas nulla vnquam adulatio inuenit, nullus cuiusquam terror expressit. Quem sic timuimus, vt hæc fingere-mus? quem sic amauius, vt hæc fateremur? <sup>864</sup> Nosti necessi-tatem seruitutis. quando simile aliquid audisti, & quando dixi-sti? Multa quidem excogitat <sup>865</sup> metus, sed quæ appareant quæsi-ta ab inuitis. aliud sollicitudinis, aliud securitatis ingenium est; alia tristium inuentio, alia gaudentium: neutrum <sup>866</sup> simulatio-nes expresse-rint. habent sua verba miseri, sua verba felices: vtque iam maximè eadem ab vtrisque dicantur, <sup>867</sup> aliter dicuntur.

<sup>857</sup> ORDINATIO.] *Sollennis & vetus illa precatio, quam usurpabat is qui comitijs præerat & moderabatur. Cicero, pro Murenâ: Quæ precatus sum à dijs immortalibus, more institutoque maiorum, illo die quo L. Murenam consulem repunciaui, vt ea res mihi, magistratuique meo, populo plebi-que Romanæ benè atque feliciter eueniret. Et appellat mox Sollennem comitiorum precationem. Ordinatio hic igitur, dispositio & creatio magistratuum in hunc annum.* <sup>858</sup> NONNE TIBI.] *Planissimè transpositâ voce legendum: tibi, nonne tale. Nam hæc formula erat, Senatui, reip. mihi. Seseipfos in eâ comprecatione semper includebant: vt in Ciceronis illis verbis, & alibi. Occurrit hoc Ennij:*

— ea vt mî,

Reiique & fidei, regno, vobisque Quirites

Se fortunatim, feliciter, ac benè vortant.

<sup>859</sup> VNI TIBI.] *Infra: Simplex, cunctaque ista complexum, vnum omnium votum est, Salus Principis. Adde Messalla verba, in Suetonij Aug. cap. LVIII.* <sup>860</sup> FUIT TEMPVS.] *Sub malis Principibus.* <sup>861</sup> ALIA AD-VERSA.] *Disidebant enim. & Princeps Senatum minui vel perire, ipsi Prin-cipem optabant.* <sup>862</sup> VOTORVM.] *Publicorum, de quibus supra? an quæ ipse Traianus in Senatu nunc concepit?* <sup>863</sup> EXITVS.] *Violentus, aut fædus.* <sup>864</sup> NOSTI.] *Nam & ipse paullo antè inter seruientes.* <sup>865</sup> METVS.] *Dogma pulcherrimum est in Plutarchi Demetrio, Non fidendum honoribus istis, qui decernuntur sic vulgò; Τα δὲ ἀντὰ, inquit, καὶ δειδότες ψροφίλονται, καὶ φιλοῦντες: eadem enim & timentes decernunt, & amantes. At vnum argumentum esse veræ beniuolentiæ, si ij quibus dantur, conscij sibi sint, factis & virtute meruisse.* <sup>866</sup> SIMVLATIONES.] *Tibullus:*

— difficile est imitari gaudia falsa,

Difficile est tristi fingere mente iocum.

*Nazarius:* Fingit quidem timor gaudium, sed ita intimos mentis affectus proditor vultus enunciat, vt in speculo frontiu imago exstet animorum.

<sup>867</sup> ALITER DICVNTVR.] *Aliâ asseneratione, intentione, & vultu.*

TESTIS

TESTIS ipse es, quæ in omnium ore læticia. <sup>868</sup> non amictus cuiquam, non habitus <sup>869</sup> quem modò extulerat. inde resultantia vocibus <sup>870</sup> tecta: nihilque <sup>871</sup> tantis clamoribus satis clausum. Quis tunc non è vestigio suo exiuit? quis exiuisse sensit? Multa fecimus sponte, plura <sup>872</sup> instinctu quodam & imperio. nam gaudio quoque cogendi vis inest. Num ergo modum ei tua saltem modestia imposuit? nam quanto magis à te reprimebatur, exarsimus. non contumaciâ Cæsar: sed ut in <sup>873</sup> tuâ potestate est, an gaudeamus, ita in quantum, <sup>874</sup> nec in nostrâ. Comprobasti & ipse acclamationum nostrarum fidem, lacrymarum tuarum <sup>875</sup> veritate. Vidimus humescentes oculos tuos, <sup>876</sup> demissumque gaudio vultum, tantumque sanguinis in ore, quantum in animo pudoris. Atque hoc magis incensi sumus, ut precaremur, nequando tibi non eadem causa lacrymarum, <sup>877</sup> utque nunquam frontem tuam abstergeres. <sup>878</sup> Hoc ipsum has sedes nos, quasi responsuras, interrogemus, <sup>879</sup> viderintne vnquam Principis lacrymas? at Senatus sæpe viderunt. Onerasti futuros Principes, sed & <sup>880</sup> posteros nostros. nam & hi à Principibus suis exigent, ut eadem audire mereantur: & illi quòd non audiant, indignabuntur. Nihil magis possum propriè dicere, quàm quod dictum est à cuncto Senatu: O TE FELICEM! quod cum diceremus, non opes tuas, sed animum mirabamur. Est enim demum vera felicitas, felicitate <sup>881</sup> dignum videri. Sed cum multa illo die dicta sunt sapienter & grauiter, tum vel in primis, <sup>882</sup> CREDE NOBIS, <sup>883</sup> CREDE TIBI. Magnâ hoc fiducia nostri, maiore tamè tui diximus. alius enim fortasse alium: <sup>884</sup> ipsum se nemo deceperit. Introspeciat modò vitam, seque quid mereatur interroget. Proinde <sup>885</sup> dabat vocibus nostris fidem apud optimum Principem, quod apud malos detrahebat. quamuis enim faceremus, quæ amantes solent: illi tamen non amari se, credebant sibi. Super hæc precati sumus, ut SIC TE AMARENT DII, QVEM ADMODVM TV NOS. quis hoc aut de se, <sup>886</sup> aut Principi diceret mediocriter amanti? Pro nobis ipsis quidem hæc fuit summa votorum: ut nos sic amarent dii, quomodo tu. Est ne verum quod inter ista clamauius, O NOS FELICES! Quid enim felicius nobis, quibus non iam illud optandum est ut nos diligat Princeps: sed



dij, quemadmodum Princeps? Ciuitas religionibus dedita, semperque deorum indulgentiam <sup>887</sup> piè merita, nihil felicitati suæ putat altrui posse, nisi vt dij Cæsarem imitentur.

<sup>868</sup> NON AMICTVS.] *Mamertinus, Iuliani laudatione*: Nimia lætitiæ decoris sunt & grauitatis immemores. Illa iactatio togarum, illa exultatio corporum, nescientibus pænè hominibus excitabatur. <sup>869</sup> QVEM MODØ.] *Fortè, quem domo.* <sup>870</sup> TECTA.] *Curia.* <sup>871</sup> TANTIS CLAMORIBVS.] *Pone sexcentos vnà clamantes: & adde Actuarios, & Laticlauios, quibus ius veniendi in Senatum.* <sup>872</sup> INSTINCTV QVODAM.] *Nam animus in gaudio emicans & subsultans, corpus ignarum & pænè inuitum eò ducit.* <sup>873</sup> TVA POTESTATE.] *Qui materiem dare potes, non potes.*

<sup>874</sup> NEC IN NOSTRA.] *Quia à vi gaudij auferimur, vt à subito torrente.* <sup>875</sup> VERITATE.] *Non enim ficta ille, aut expressa. Quid si tamen, vbertate?* <sup>876</sup> DEMISSVMQVE GAUDIO.] *Si sic legas, ad pudorem mistum gaudio referendus hic gestus. nam ille in laude, quæ titillat & suauiter afficit, vultum tamen submittit. At si de gaudio solo, legerem remissumque. id esset, hilarem & diffusum gaudio vultum. cuius proprium scilicet dilatare, vnde & lætitia: sicut contrahere, & angustare doloris, vnde angor.* <sup>877</sup> VTQVE NVNQVAM.] *Hæc clausula inter mutilas aut corruptas. nam meliores libri illud, abstergeres, mox non habent: nec verò eò facit. Quid enim abstergeat? lacrymas? eæ in genas delabuntur, non in frontem ascendunt. Pudorè, inquires, non solet abstergeri, nec potest: velari in eo frons aut vultus solet, nec aliter.*

<sup>878</sup> HOC IPSVM.] *Pariter corruptum. tentabam, hoc templum. Sed explicet etiam aliquis: Hoc ipsum nos rogemus has sedes: quid hoc ipsum? nempe quod dico de lacrymis.* <sup>879</sup> VIDERINTNE VNQVAM.] *Ita, & quidem Augusti ipsius, in causâ simili, cum Pater patriæ dictus. Vide Suetoniũ, cap. LVIII.*

<sup>880</sup> POSTEROS NOSTROS.] *Senatores, qui post nos erunt.* <sup>881</sup> DIGNVM VIDERI.] *Id est, non est felix, qui in magnâ fortunâ est, sed qui habetur & est (ob virtutes) eâ dignus.* <sup>882</sup> CREDE NOBIS.] *Serò te laudantibus.* <sup>883</sup> CREDE TIBI.] *Cui animus dicit, laude dignum esse.* <sup>884</sup> IPSVM SE NEMO.] *Nam simulata virtus alteri imponit, non autem simulanti.* <sup>885</sup> DABAT VOCIBVS.] *Quid dabat? nempe, conscientia ipsius Principis, meriti & non meriti testis.* <sup>886</sup> AVT PRINCIPI.] *Malim, Principe, & mox, amante.* <sup>887</sup> P I E MERITA.] *Suspicio, an non pietate fuerit: deprauatum compendio scriptura. Cicero: Deorum numine tantum hoc imperium & natum est, & auctum, & retentum. addit, omnes gentes pietate & religione superatas.*

SED quid singula confector & colligo? quasi verò aut oratione complecti, aut memoriâ consequi possim, quæ vos P. C. ne qua interciperet obliuio, & in <sup>888</sup> publica acta mittenda, & incidenda in ære censuistis. <sup>889</sup> Antè, orationes Principum tantum, eiusmodi genere monumentorum mandari æternitati solebant:

lebant: acclamationes quidem nostræ parietibus curiæ clauderantur. Erant enim, quibus nec Senatus gloriari, nec Princeps possent. Has verò, & <sup>890</sup> in vulgus exire, & <sup>891</sup> posteris prodi, cum ex utilitate, tum ex dignitate publicâ fuit. Primum, ut orbis terrarum pietatis nostræ adhiberetur testis & conscius. deinde, ut manifestum esset, audere nos de bonis malisque Principibus, non tantum <sup>892</sup> post ipsos, iudicare. postremò, ut experimento cognosceretur & ante <sup>893</sup> nos gratos, sed miseros fuisse: quibus esse nos gratos, probare antea non licuit. At quâ contentione, quoniam, quibus clamoribus expostulatum est: ne affectus nostros, ne tua merita <sup>894</sup> supprimeres: denique ut in posterum exemplo prouideres? Discant & Principes acclamationes veras falsasque discernere: habeantque muneris tui, quòd iam decipi non poterunt. Non instruendum illis iter ad bonam famam: sed non deferendum. non submo- uenda adulatio: sed non reducenda est. certum est & quæ facere, & quæ debeant audire, si faciant. Quid nunc ego super ea, quæ sum cum toto Senatu precatus, pro Senatu precer? nisi ut hæreat animo tuo gaudium, quod tunc <sup>895</sup> oculis protulisti. Ames illum diem, & tamen <sup>896</sup> vincas. noua merearis, noua audias: eadem enim dici, nisi ob eadem facta, non possunt.

<sup>888</sup> PVBLICA ACTA.] Quid? nonne igitur omnia Senatus decreta, aut se- ria magis dicta, in Acta mittebantur? certè. & erant huic rei Actuarii, & A-  
cta Senatus in Tacito alijsq; crebrò leguntur. Sed nota, quòd ait Publica acta:  
ea autem sunt Populi, quæ alio nomine Urbana. Nempe decretum, ut vul-  
gus quoque ea sciret, & in publicis illis Actis scripta legerentur, præter morem.

\* Vide me  
in v. 1. m.  
Taciti.

<sup>889</sup> ANTE ORATIONES.] Imò ea non in æ tantum, sed aurum argentumq;  
incise, & lectione publicâ repetita. Vide me, si lubet, super hoc more ad XIII.  
Annalem Taciti, haud procul initio. <sup>890</sup> IN VVLGVIS.] Quod factum, in Acta  
publica mittendo. <sup>891</sup> POSTERIS.] Nempe in æ incidendo, & perpetuando.

<sup>892</sup> POST IPSOS.] Cum iam mortui. etsi, o bone Plini, liberas ea tantum  
sub bonis, & de bonis: in malis, iudicia quidem, sed non libera aut publicata.

<sup>893</sup> NOS GRATOS.] Placeat, non ingratos: etsi nec aliter sententiâ valde  
dissidente, sed sic clariore. <sup>894</sup> SUPPRIMERES.] Quia nolebas publicari vel  
incidi. <sup>895</sup> OCVLIS PROTVLISTI.] Lacrymando, supra. <sup>896</sup> VINCAS.]  
Maiora faciendo, maiora audiendo.

. I A M <sup>897</sup> quàm antiquum, quàm consulare, quòd triduum  
totum Senatus, sub exemplo tui, sedit? cum interea nihil, præter  
Consu-



Consulem, ageres. Interrogauit quisque quod placuit; dissentire,<sup>898</sup> discedere, & copiam iudicij sui reip. facere tutum fuit, consulti omnes, atque etiam<sup>899</sup> dinumerati sumus: vicitque sententia<sup>900</sup> non prima, sed melior. At quis antea loqui, quis hiscere audebat, præter miseros illos qui primi interrogabantur? ceteri quidem defixi & attoniti, ipsam illam mutam ac<sup>901</sup> sedentariam assentiendi necessitatem, quo cum dolore animi, quo cum totius corporis horrore, perpetiebantur? Vnus solusque censebat quod sequerentur omnes, & omnes improbarent; in primis ipse, qui censuerat. Adeo nulla magis omnibus displicent, quam quæ sic fiunt, tanquam omnibus placeant.<sup>902</sup> Fortasse Imperator in Senatu ad reuerentiam eius componebatur: ceterum egressus, statim se recipiebat in Principem, omniaque consularia officia abigere, negligere, contemnere solebat. Ille verò ita Consul, ut si tantum Consul foret: nihil infra se putabat, nisi quod infra Consulem esset. Ac primum, ita<sup>903</sup> domo progrediebatur, ut illum nullus apparatus arrogantiae Principalis: nullus<sup>904</sup> præcursorum tumultus detineret. vna erat in limine mora,<sup>905</sup> consultare aues, reuererique numinum monitus. nemo proturbabatur, nemo<sup>906</sup> submouebatur. tanta viatoribus quies, tantus pudor fascibus, ut plerumque<sup>907</sup> aliena turba subsistere & Consulem & Principem cogeret. Ipsius quidem<sup>908</sup> officium tam<sup>909</sup> modicum, tam temperatum, ut antiquus aliquisque magnus Consul, sub bono Principe incedere videretur.

<sup>897</sup> QVAM ANTIQVVM.] *De eadem re, epi. Solà XI. lib. II.* Iam hoc ipsum, quam pulchrum & antiquum, Senatum nocte dimitti, triduo vocari, triduo contineri? Ideo autem antiquum, quia olim assidue Senatus habitus, & res omnes in eo agitata, decreta. at sub Principibus, rariores conuentus; quia illi ad se trahebant præcipua rerum, & Patres in speciem conuocabant interdum. Atque Augustus dies certos habendo Senatui definiuit: de quibus Tranquillus, cap. xxxv. <sup>898</sup> DISCEDERE.] *Non quidem è Curiâ: sed pedibus ire in hanc illamve sententiam. Cui libertati max. opponit sedentariam assentiendi necessitatem.* <sup>899</sup> DINUMERATI.] *Vira pars præpolleret. Neque enim hoc ad infrequentiam Senatus retulerim, cum ad impediendum decretum dicebatur, Numera Senatum: Festus, in ijs vocibus.*

<sup>900</sup> NON PRIMA.] *Vide tyrannos. quibus Senatus pro imagine aut umbrâ erat. vnum dicere ex composito iubeant, & quod ipsi vellent: atque vnum tantum.* <sup>901</sup> SEDENTARIAM.] *Cum nec interrogarentur, nec surgerent ad dicendum: sed nec (ut in pluribus sententijs) discessio fieret. Seden-*

tes igitur assentiebantur. quomodo? manu, aut voce. Nempe illâ subla-  
tâ, & hanc in unum verbum soluentes, Assentio; aut, Idem. <sup>902</sup> FOR-  
TASSE.] Syllabam retraham, At fortasse. <sup>903</sup> DOMO.] Palatis.

<sup>904</sup> PRAECURSORVM.] Apparitorum, & anteambulonum. <sup>905</sup> CON-  
SVLTARE.] Notetur. an de more publico, an Traiani priuato? Nihil sa-  
nè rei maioris, nisi auspiciò Romani aggrediebantur: quòd tamen in domus  
egressu id semper factum, haud subeunt nunc exempla. Nisi istuc facit,  
quòd Victor in regione Palatij, Auguratorium ponit. At potuit priuatum,  
& ex more suae gentis deditus huic superstitioni esse. nam in Alexandro  
Lampridij legas: Ορπεοσκόπος (augur) magnus fuit, vt & Valcones, &  
Hispanorum, & Pannoniorum augures vicerit. <sup>906</sup> SUBMOUEBATVR.]  
A lictoribus, vel ab ipsâ officij turbâ. Lucanus, seu quis alius, ad Pisonem:

— nec enim tibi dura clientum

<sup>907</sup> TURBA rudisq̃ue placet, misero quæ freta labore,  
Nil nisi summoto nouit præcedere vulgo.

<sup>907</sup> ALIENA.] Occurrentis diuitis alicuius, aut magistratus. <sup>908</sup> OFFI-  
CIVM.] Ipsi, qui deducunt, aut comitantur. Ouidius:

Substitit hîc, agmenq̃ue suum, turbæq̃ue sequentis  
Officium, placido visus dimittere vultu.

Suetoniâs, Seneca, alijs. <sup>909</sup> MODICVM.] Non frequens aut magnum: vt  
diuites illi agmina tota solent trahere.

ITER illi sæpius <sup>910</sup> in forum, frequenter tamen & in cam-  
pum. nam comitia Consulum obibat ipse, & tantum ex renun-  
ciatione eorum voluptatis, quantum prius ex <sup>911</sup> destinatione  
capiebat. Stabant candidati ante curulem Principis, vt ipse an-  
te Consulis steterat: adigebanturq̃ue in verba, in quæ paullò  
antè ipse iurauerat Princeps: qui tantum putat esse in iureiu-  
rando, vt illud & ab alijs exigat. Reliqua pars diei tribunali  
dabatur. Ibi verò quanta religio æquitatis? quanta legum re-  
uerentia? Adibat aliquis vt Principem? respondebat, se Con-  
sulem esse. Nullius ab eo magistratus ius, nullius auctoritas  
imminuta est: aucta etiam. siquidem pleraque ad Prætores  
remittebat: atque ita, vt <sup>912</sup> collegas vocaret. non quia po-  
pulare gratumq̃ue audientibus: sed quia ita sentiebat. Tan-  
tum dignationis in ipso honore ponebat: vt <sup>913</sup> non amplius  
esse censeret, quòd aliquis collega appellaretur à Principe, quàm  
quòd Prætor esset. Ad hæc, tam <sup>914</sup> assiduus in tribunali, vt  
labore refici ac reparari videretur. Quis nostrum idem curæ,  
idem sudoris sumit? quis adeò expetitis honoribus, aut <sup>915</sup> de-

Q

seruit,



seruit, aut <sup>216</sup> sufficit? Et sanè æquum est, tantum ceteris præstare Consulibus ipsum, qui Consules facit, quippe etiam fortunæ videbatur indignum, si posset honores dare, qui gerere non posset. Facturus Consules, <sup>217</sup> doceat; accepturisque amplissimum honorem persuadeat, scire se quid sit quod daturus sit. sic fit, ut illi quoque sciant, quid acceperint. Quò iustius Senatus ut susciperes quartum Consulatum, & rogauit, & iussit. Imperij hoc verbum, non adulationis esse, <sup>218</sup> obsequio tuo crede: quod non aliâ in re magis aut Senatus exigere à te, aut tu præstare Senatui debes. Ut enim ceterorum hominum, ita Principum, illorum etiam qui dii sibi videntur, æuum omne & breue & fragile est. Itaque optimum quemque niti & contendere decet, ut post se quoque reipublicæ profuit, moderationis scilicet iustitiæque monumentis, quæ prima statuere Consul <sup>219</sup> potest. Hæc nempe intentio tua, ut libertatem reuoces ac reducas. Quem ergo honorem magis amare? quod nomen usurpare sæpius debes, quàm quod primum inuenit recuperata libertas? Non est minùs <sup>220</sup> ciuile, & Principem esse pariter, & Consulem: quàm tantum Consulem. Habet etiam rationem verecundiæ collegarum tuorum. Collegarum inquam: ita enim & ipse loqueris, & nos loqui vis. Onerosa erit modestiæ illorum tertij Consulatus sui recordatio, donec te <sup>221</sup> Consulem videant. Neque enim potest non nimium esse priuatis, quod Principi satis est. Annuas Cæsar optantibus, quibusque apud deos <sup>222</sup> esse consuesti, quorum potes ipse, votorum compotes facias. Fortasse sufficiat tibi tertius Consulatus, sed nobis tanto minùs sufficit. <sup>223</sup> Ille nos instituit & induxit, ut te iterum iterumque Consulem habere cupiamus. Remissiùs illud contenderemus, si adhuc non sciremus, qualis esses futurus. Tolerabilius fuit, experimentum tui nobis, quàm <sup>224</sup> usum negari. Dabitur ne rursus videre Consulem illum? <sup>225</sup> audiet, reddet, quas proximè voces? præstabitque gaudium, quantum ipse percipiet? præsidebit lætitiæ publicæ, auctor eius & causa? tentabitque affectus nostros, ut solet, cohibere; nec poterit? <sup>226</sup> pietati Senatus, cum modestiâ Principis, felix speciosumque certamen: seu fuerit victa, seu vicerit? Equidem incognitam quandam, proxima-  
que

que maiorem, præsumo lætitiā. Quis enim est tam imbecilli ingenio, qui non tanto meliorem Consulem speret, quanto sæpius fuerit? Alius labores, si non <sup>227</sup> continuos desidiae ac voluptati dedisset, otio tamen & quiete recreasset. hic consularibus curis exolutus, principales resumpsit: tam diligens temperamenti, ut nec Consulis officium, Princeps; nec Principis, Consul appeteret. Videmus ut prouinciarum desiderijs, ut singularum etiam ciuitatum precibus occurrat. nulla in <sup>228</sup> audiendo difficultas, nulla in respondendo mora: adeunt statim, dimittuntur statim: <sup>229</sup> tandemque Principis fores exclusæ legationum turba non obsidet.

<sup>210</sup> IN FORVM.] *Ad ius dicendum.* <sup>211</sup> DESTINATIONE.] *Designatione. nam Princeps faciebat: & nunc Traianus, ut Consul, ipse renunciabat.* <sup>212</sup> COLLEGAS.] *Messallæ verba vide apud Agellium, lib. XIII. cap. XIII. quibus docet, Collegam esse Prætorem Consuli, quod eodem auspicio creantur.* <sup>213</sup> NON AMPLIUS.] *Id est, tanti faciebat honorem Præturae; ut non pluris aestimaret Collegam Principis dici, quàm Prætorem.* <sup>214</sup> ASSIDVVS.] *Prisco more, & Augusti exemplo, de quo Suetonius: Ipse ius dixit assidue, & in noctem nonnunquam: si parum corpore valeret, lecticâ pro Tribunali collocatâ, vel etiam domi cubans. Mos in Principe nunquam satis laudandus.* <sup>215</sup> DESERVIT.] *Vacat, & se impendit.* <sup>216</sup> SVFFICIT.] *Par est.* <sup>217</sup> DOCEAT.] *Exemplo suo, Consules agere.* <sup>218</sup> OBSEQVIO TVO.] *Crede, inquit, nos iubere, non adulari; quomodo? obsequendo. Si facis & suscipis, ostendis te credere serio nos sic velle: & volumus certè.* <sup>219</sup> POTEST.] *Malim, potes.* <sup>220</sup> CIVILE.] *Moderatum, aquabile, & ciue dignum.* <sup>221</sup> CONSVLEM.] *Quartò. & fortasse is numerus excidit.* <sup>222</sup> ESSE CONSVESTI.] *Corrigebam, adesse consuevi: quod & alijs placuit. Sententia est, Tu Caesar, qui adesse nobis apud Deos precantibus soles, & vota nostra tuis iuuare: ecce nunc concede, quod à te, non à Dijs, petimus, & à te pendet.* <sup>223</sup> ILLE NOS.] *Tam laudabiliter gestus.* <sup>224</sup> SVM.] *Vilitatem iam notam.* <sup>225</sup> AVDIET.] *A Senatu acclamationes similes: atque ipse respondebit.* <sup>226</sup> PIETATI.] *Omnino reuocanda vox, è fine prioris: erit pietati: & interrogatione efferenda clausula.* <sup>227</sup> CONTINVS.] *Scribe, continuò se.* <sup>228</sup> AVDIENDO.] *Fortasse ad-eundo: etsi illud quoque similem habere potest sensum.* <sup>229</sup> TANDEMQUE.] *Ut sub Domitiano solet, sese includente.*

QV I D, in omnibus cognitionibus, quàm mitis seueritas, quàm non dissoluta clementia? Non <sup>230</sup> locupletando fisco <sup>231</sup> sedes, nec aliud tibi sententiæ tuæ pretium, quàm benè iudicasse.



dicasse. Stant ante te litigatores, non de fortunis suis, sed de tuâ<sup>932</sup> existimatione solliciti; nec tam verentur, quid de causâ suâ, quàm quid de moribus sentias. O verè Principis, atque etiam Consulis, reconciliare<sup>933</sup> æmulas ciuitates; tumentesque populos non imperio magis, quàm ratione, compescere,<sup>934</sup> intercedere iniquitatibus magistratuum, infectumque reddere, quidquid fieri non oportuerit; postremò, velocissimi<sup>935</sup> fideris more, omnia inuisere, omnia audire, & vndecunque inuocatum statim, veluti numen, adesse & assistere. Talia esse crediderim, quæ ipse mundi parens temperat nutu,<sup>936</sup> si quando oculos demisit in terras, & facta mortalium inter diuina opera numerare dignatus est. quibus nunc per te liber solutusque,<sup>937</sup> cælo tantum vacat: postquam te dedit, qui erga omne hominum genus<sup>938</sup> vice suâ fungereris. Fungeris enim, sufficisque mandanti: cum tibi dies omnis, summâ cum utilitate nostrâ, cum tuâ laude, condatur.

<sup>930</sup> LOCUPLETANDO.] *Non, ut tyranni, idè iudicas ut damnes, & bona ad fiscum tuum trahas. non fructus, sed æquitas sola tibi finis.* <sup>931</sup> SEDDES.] *Pro tribunali.* <sup>932</sup> EXISTIMATIONE.] *Tam te scilicet reuerentur, tuamque virtutem: ut malint opum iacturam, quàm famam apud te facere.* <sup>933</sup> AEMVLAS CIVITATES.] *Qui morbus, etsi in publicâ illâ seruitute, ciuitates tenebat: queriturque de suâ Graciâ Plutarchus. Sed & Tacitus notat, quasdam ad exitium inter se discordes.* <sup>934</sup> INTERCEDERE.] *Irrita iniqua decreta facere, & nulla.* <sup>935</sup> SIDERIS MORE.] *Solem intellige.* <sup>936</sup> SI QUANDO OCULOS.] *Ille verò semper ô Plini; & tu hic cum auunculo tuo Epicurissas, cui irridendum videtur, agere curam rerum humanarum illud, quidquid est, summum. Sed prudentiam, eloquentiam, & omnia alia à vobis haurimus, quàm pictatem.* <sup>937</sup> CAELO TANTVM.] *Vt poëta: Iupiter in cælis, Cæsar regit omnia terris.* <sup>938</sup> VICE SVA.] *Seneca De Clemen. ubi Nero: Ego ex omnibus mortalibus placui electusque sum, qui deorum vice funger in terris.*

QVOD si quando cum<sup>939</sup> influentibus negotijs paria fecisti, instat refectionis existimas mutationem laboris. Quæ enim remissio tibi, nisi<sup>940</sup> lustrare saltus, excutere cubilibus feras, superare immensa montium iuga, & horrentibus scopulis gradum inferre, nullius manu,<sup>941</sup> nullius vestigio adiutum: atque inter hæc, piâ mente<sup>942</sup> adire lucos, & occurfare numinibus?

<sup>943</sup> Olim

<sup>943</sup> Olim hæc experientia iuuentutis, hæc voluptas erat : his artibus futuri duces imbuebantur, certare cum fugacibus feris cursu, cum audacibus robore, cum callidis astu : nec medio-cre pacis decus habebatur, submota campis irruptio ferarum, & <sup>944</sup> obsidione quadam liberatus agrestium labor. Vsurpabant gloriam istam illi quoque Principes, qui obire non poterant : vsurpabant autem, vt domitas fractasque claustris feras, ac deinde in ipsorum quidem ludibrium emissas, <sup>945</sup> mentitâ sagacitate colligerent. Nunc par capiendi quærendique sudor, summusque & idem gratissimus <sup>946</sup> labor, inuenire. Enimvero siquando placuit idem corporis robor in maria proferre, non ille fluitantia vela, aut <sup>947</sup> oculis sequitur, <sup>948</sup> aut manibus : sed nunc gubernaculis assidet, nunc cum valentissimo quoque <sup>949</sup> sodalium certat <sup>950</sup> frangere fluctus, domitare ventos reluctantes, remisque transire obstantia freta. Quantum <sup>951</sup> dissimilis illi, qui non Albani lacus otium, Baiani que torporem & silentium ferre, non pulsum saltem fragoremque remorum perpeti poterat, quin ad singulos ictus turpi formidine horresceret. itaque procul ab omni sono, inconcussus ipse & immotus, religato reuinctoque nauigio, non secus <sup>952</sup> ac piaculum aliquod, trahebatur. Fæda facies, cum populi Romani Imp. alienum cursum, alienumque rectorem, velut <sup>953</sup> captâ naue, sequeretur. Nec deformitate ista saltem flumina carebant, atque amnes. Danubius ac Rhenus tantum illud <sup>954</sup> nostri dedecoris vehere gaudebant, non minore cum pudore imperij, quod hæc Romanæ aquilæ, Romana signa, Romana denique ripa, quam quod hostium prospectarent. hostium, quibus moris est, eadem illa nunc rigentia gelu flumina, aut campis superflua, nunc liquida ac <sup>955</sup> deferentia, lustrare nauigijs, nandoque superare.

<sup>939</sup> INFLVENTIBVS NEGOTIIS PARIA.] *Id est, si exhausti omnia negotia, quæ magnâ copiâ velut inundant. Paria facere, est reliqui nihil habere : à ratiocinijs sumptum.* <sup>940</sup> LVSTRARE SALVS.] *Venationis in eo studium commendat : quidquid mox dicet, rarum tamen, nec in magno, priscis Romanis. At aliæ gentes amarunt, & ab Hispanis suis traxit Traianus. Ab eo Hadrianus, qui vsque ad insaniam & periculum eo detentus scribitur. Sed & M. Antoninus, piscando & verando multum se oblectauit. Quis carpere possit? vsum habet, si modum : & Plato, Xenophon,*



phon, alij laudarunt. <sup>941</sup> NVLLIVS VBSTIGIO.] *Præuntis, opinor, & viam facientis aut monstrantis.* <sup>942</sup> ADIRE LVCOS.] *Veterum opinione sacros.* <sup>943</sup> OLIM HAEC EXPERIENTIA.] *Dubito an non, experientia. Sed quando olim? vix sanè veteres Romanos factitasse legas, qui à primâ adolescentiâ in militiâ, aut eius exercitijs, erant. Sed & Sallustius, agrum colere, & venari, seruilibus officijs adscribit. Licet tamen opinari, haud neglexisse prorsus, etsi in laude aut curâ non habuisse. Postea inualuisse haud nego, adeò ut Maximinus (sed Thrax ille, & barbarus) solis venationibus legiones frequenter exerceret: in eius vitâ.* <sup>944</sup> OBSIDIONE QVADAM.] *Vine ipsi obsederint, & indagine feras cinxerint? an ut liberarint ferarum obsidione agrestes?* <sup>945</sup> MENTITA SAGACITATE.] *Quò hac spectent, quero. Domitianum scio, sagittarum vel præcipuo studio tentum, & centenas varij generis feras sæpe in Albano secessu confecisse: ex Suetonio. An igitur vult Plinius, feras istas claustris caueisq; emissas, & tum quasi sagacitate eius indagatas percussasq; esse? potest: sed magis credam, apros, ceruos, aut id genus emissos: & captos deinde, quasi verâ venatione & sagacitate quæstos.* <sup>946</sup> LABOR, INVENIRE.] *Quasi dicat, Tu querebas reuera feras, & ea ipsâ quæstione delectabaris (ita est in venatoribus: ) finisq; tuus erat præcipuus inuenisse. Quis enim vir magnus ob prædam quarit?* <sup>947</sup> OCVLIS SEQVITVR.] *Quietus & sedens, ac pulchrè à moribus & ingenio nauigantium sumptum: quia reuera oculi eò feruntur.* <sup>948</sup> AVT MANIBVS.] *An demonstrando, huc aut illuc, ecce, fert ventus? an, nauibus, legi verius? Mihi verius: & ignauia tangitur illorum, qui ne remos strepitûsque alios nauticos audirent, naue aliâ religati nauem præducentem sequebantur. Mox palàm dicit.* <sup>949</sup> SODALIVM.] *Qui Socij nauales dicuntur.* <sup>950</sup> FRANGERE.] *Remis.* <sup>951</sup> DISSIMILIS ILLI.] *Domitiano.* <sup>952</sup> AC PIACVLVM.] *Hostia, quâ scelera piabant, siue purgabant. Ea procul, nequis deuotam & malis publicis onustam tangeret, trahebatur, & in mare deuectam mergebant. Græcorum κατὰρμα μόλυσμα.* <sup>953</sup> CAPTA NAUE.] *Is erat ritus, Linio expressus libro XXI. Romani naues omnes (captas) religatas puppibus in altum extrahere.* <sup>954</sup> NOSTRI.] *Liber scriptus, monstri dedecus: quod nescio an edito præferam.* <sup>955</sup> DEFERENTIA.] *Prono & suo cursu euntia. Quidam libri, deferentia: quod esset, in se redeuntia, omnis campis. Possit & deferuentia, legi.*

NEC verò laudauerim per se magnopere duritiâ corporis ac lacertorum: sed si his validior toto corpore animus imperitet, quem non fortunæ indulgentiæ molliant; non copiae Principales ad segnitiei luxumque detorqueant; tunc ego, seu mōtibus, seu mari exerceatur, & lætum opere corpus, & crescentia laboribus membra, mirabor. Video enim iam inde antiquitus, maritos dearum, ac deorum liberos, nec dignitate <sup>956</sup> nuptiarum magis, quàm his artibus inclaruisse. Simul cogito, cum sint ista ludus

dus & auocamentum huius, quæ quantæque sint illæ<sup>957</sup> seriæ & intentæ, & à quibus se in tale otium recipit, voluptates. Sunt enim voluptates quibus optimè de cuiusque grauitate, sanctitate, temperantiâ creditur. Nam quis adeò dissolutus, cuius non occupationibus aliqua species seueritatis insidat? otio<sup>958</sup> prodimur. An non plerique Principes hoc idem tempus in aleam, stupra, luxum conferebant? cùm seriarum laxamenta curarum, vitiorum<sup>959</sup> contentione supplerent. Habet hoc primum<sup>960</sup> magna fortuna, quòd nihil tectum, nihil occultum esse patitur: <sup>961</sup> Principum verò non modò domus, sed cubicula ipsa intimosque secessus recludit, omniaque arcana noscenda famæ proponit, atque explicat.

<sup>956</sup> NVPTIARVM. ] *Pars membri altera deest, & natalium: ac pluscula hic obseruo hiulca, aut fœdata.* • <sup>957</sup> SERIÆ ET INTENTÆ. ] *Sequitur mox voluptates: & nisi litterarias aut illas animi interioris intellegat, quid velit ignoro. Imò placebat legere: quæ quantæque sint illa seriæ & intentæ, & à quibus se in tale otium recipit. Voluptates sunt enim, voluptates, quibus: oratoriâ & efficaci repetitione.* <sup>958</sup> PRODIMVR. ] *Mens retëgitur. quæ neque per remissiones intenta est ad velandum; & ipsas naturæ aptas moribusque appetit.* <sup>959</sup> CONTENTIONE. ] *Laxabant se à curis, vt in vitia animum intenderent. Quo sensu nec male, contentiones.* <sup>960</sup> MAGNA FORTVNA. ] *Iuuenalis: — secretum diuitis vllum Esse putas? homines raceant, iumenta loquentur.* <sup>961</sup> PRINCIPVM. ] *Seneca pulcherrimè, ad Neronem: Tibi non magis, quàm Soli, latère contingit. multa contra te lux est: omnium in istam conuersi sunt oculi. Prodire te putas? oriris. loqui non potes, nisi vt vocem tuam, quæ vbique sunt gentes, excipiant. Claudianus, ad Honorium; patris nomine:*

Hoc te præterea crebro sermone monebo,

Vt te totius medio telluris in orbe

Viuerè cognoscas: cunctis tua gentibus esse

Facta palàm: nec posse dari regalibus vsquam

Secretum vitij. nam lux altissima fati

Occultum nihil esse finit.

S E D tibi, Cæsar, nihil accommodatius fuerit ad gloriam, quàm<sup>962</sup> penitus inspicì. Sunt quidem præclara, quæ in publicum profers; sed non minora ea, quæ<sup>963</sup> limine tenes. est magnificum, quòd te ab omni contagione vitiorum reprimis ac reuocas; sed magnificentius, quòd tuos. Quanto enim magis arduum



arduum est, alios præstare, quàm se; tanto laudabilius, quòd cum ipse sis optimus, omnes <sup>964</sup> circa te <sup>965</sup> similes tui effecisti. Multis illustribus dedecori fuit, aut <sup>966</sup> inconsultius vxor assumpta, aut retenta <sup>967</sup> patientius. ita foris claros domestica destruebat infamia: & ne maximi ciues haberentur, hoc efficiebat, quòd mariti minores erant. Tibi <sup>968</sup> vxor in decus & gloriam cedit. quid enim illâ sanctius? quid antiquius? Nónne si <sup>969</sup> Pontifici maximo deligenda sit coniunx, aut hanc, aut similem (vbi est autem similis?) elegerit? Quàm illa nihil sibi ex fortunâ tuâ, nisi gaudium vindicat? quàm constanter, non potentiam tuam, sed ipsum te reueretur? Idem estis inuicem quod fuistis, probatis ex æquo: nihilque vobis felicitas addidit, nisi quòd scire cœpistis, quàm benè vterque vestrûm felicitatem ferat. Eadem quàm modica cultu? quàm parca comitatu? quàm ciuilis incessu? mariti hoc opus, qui ita imbuat, ita instituit: nam vxori sufficit <sup>970</sup> obsequij gloria. An cum videat, quàm te nullus terror, nullâ comitetur ambitio: non & ipsa cum silentio incedat, ingredientemque pedibus maritum, inquantum patitur <sup>971</sup> sexus, imitetur? Decuerit hoc illam, etiam si diuersa tu facias. Sub hac verò modestiâ viri, quantam debet verecundiam vxor marito, <sup>972</sup> fœmina sibi? <sup>973</sup> Soror autem tua, vt se sororem esse meminit? vt in illâ tua simplicitas, tua veritas, tuus candor agnoscitur? vt si quis eam vxori tuæ conferat, dubitare cogatur, vtrum sit efficacius ad rectè viuendum benè <sup>974</sup> institui, aut feliciter <sup>975</sup> nasci. Nihil est tam proum ad similtates, quàm <sup>976</sup> æmulatio, in fœminis præsertim. ea porrò maximè nascitur ex <sup>977</sup> coniunctione, alitur <sup>978</sup> æqualitate, exardescit inuidiâ, cuius finis est odium. Quo quidem, admirabilius existimandum est, quòd mulieribus duabus in vnâ domo, pari que fortunâ, nullum certamen, nulla contentio est: suspiciunt inuicem, inuicem cedunt; cumque te vtraque effusissimè diligat, nihil suâ putât interesse, vtram tu magis ames. idemque vtrique propositum, idem tenor vitæ, nihilque ex quo sentias duas esse. Te enim imitari, te subsequi student. ideò vtraque mores eosdem, quia vtraque tuos habet. Inde moderatio, inde etiam perpetua securitas. neque enim vnquam periclitabuntur esse priuata, quæ <sup>979</sup> non desierunt. Obtulerat illis Senatus

cogno-

cognomen Augustarum, quod certatim deprecatae sunt, quamdiu appellationem Patris patriae tu <sup>980</sup> recusasses: seu quòd plus esse in eo iudicabant, si vxor & soror tua, quàm si Augustae dicerentur. Sed quaecumque illis ratio tantam modestiam suasit, hoc magis dignae sunt, quae in animis nostris & sint & habeantur Augustae, quia non vocantur. Quid enim laudabilius faminis, quàm si verum honorem non in splendore titulorum, sed in iudicijs hominum reponant; magnisque nominibus pares se faciant, etiam dum recusant?

<sup>962</sup> PENITVS INSPICI.] *Proprium omni vera virtuti, quae vult tractari.* <sup>963</sup> LIMINE.] *Domestica & penetrales tuae virtutes, pares publicis aut publicatis.* <sup>964</sup> CIRCA TE.] *Domesticos & familiares.* Suetonius Iulio: Omnibus circa eum obstrictis. In Domitiano: Omnes circa se largissimè profecutus. <sup>965</sup> SIMILES.] *Martialis:*

Nemo suos (hæc est aulae natura potentis)

Sed domini mores Cæsarianus habet.

<sup>966</sup> INCONSVLTIVS.] *Parum exploratâ pudicitia eius.* <sup>967</sup> PATIENTIVS.] *Iam infamis.* <sup>968</sup> Vxor.] *Plotina, cuius memoria in lapidibus & nummis. Vel vno facto integritas & modestia comprobetur. Nam primò Palatium ingressura, conuertit se ad populum, iam stans in gradibus: καὶ τοιαύτην, inquit, δὲ τοῦ εἰσέρχουσα, διὰ τὴν καὶ ἔξελθεῖν αὐτὴν ἐχοίτου: Talis huc ingredior, qualem & exire me optauerim. Liberos non peperit optimo viro: sed sautrix Hadriano ad imperium fuit, condigno item successor.* Is eam consecrauit, post maritum mortuam, & Basilicam miro opere, Nemausi in memoriam eius struxit. <sup>969</sup> PONTIFICI.] *Qualis ipse Traianus, & omnes Cæsares à Iulio fuerunt. At uxores eorum nec castæ semper, nec inter probas: atque adeo nescio an leges aliqua de Pontificis toro. Scio Tertullianum tale scribere, bis tæque: sed viri docti de Flamine rectè interpretati sunt, quem ille Pontificem maximum appellat. At curiosè hæc nunc non quero: mentem Plinij arbitror, si Pontifici, pro sacrorum reuerentiâ, condigna vxor legenda sit; hanc illam fore.* <sup>970</sup> OBSEQUII.] *Quod proprium femina est, audire maritum & parère.* <sup>971</sup> SEXVS.] *Infirmior, & ideo in Sellam aut Leticam saepe transferendus.* <sup>972</sup> FAEMINA SIBI.] *Quia huic sexui innata verecundia, præcipuum eius ornamentum.* <sup>973</sup> SOROR.] *Marciana. quæ tamen ante Consulatum Traiani sextum obiit, ut ex fornice Anconitano constat, in quo legitur: DIVAE MARCIANAE. AVG. SORORI. AVG. Nam Diux appellatio mortuam notat, & consecratam.* <sup>974</sup> INSTITVI.] *Quod in vxore euenit.* <sup>975</sup> NASCI.] *Quod in sorore.* <sup>976</sup> AEMVLATIO.] *Contentio de dignitate.* <sup>977</sup> CONIVNCTIONE.] *Cùm vnâ agunt, & herent.*

<sup>978</sup> AEQUALITATE.] *Vbi difficile discrimen, vira prior.* <sup>979</sup> NON



DESIERUNT. ] *Servant modestiam, quam privata habuerunt.* <sup>980</sup> RECUSASSES. ] *Atquin ille tamen admisit, ut supra vidimus: nondum tamen ista cognomen Augustarum. Et si postea, & in lapidibus, utraque sic appellatur.*

I AM etiam & in privatorum animis exoleuerat priscum mortalium bonum, Amicitia: cuius in locum migrauerant <sup>981</sup> assentationes, blanditiæ, & <sup>982</sup> peior odio, amoris simulatio. Etenim <sup>983</sup> in Principum domo nomen tantum amicitia, inane scilicet irrisumque manebat. Nam quæ poterat esse inter eos amicitia; quorum sibi alij domini, alij serui videbantur? <sup>984</sup> Tu hanc pulsam & errantem reduxisti: habes amicos, quia amicus ipse es. neque enim ut alia subiectis, ita amor imperatur: neque est ullus affectus tam erectus & liber, & dominationis impatiens, nec qui magis vices exigit. Potest fortasse Princeps iniquè, potest tamen odio esse nonnullis, etiam si ipse non oderit: amari, nisi <sup>985</sup> ipse amet, non potest. Diligis ergo cum diligaris, & in eo quod utrique honestissimum est, tota gloria tua est: qui superior factus, <sup>986</sup> descendis in omnia familiaritatis officia, & in amicum ex Imperatore submitteris. imò tunc maximè Imperator, cum amicum ex Imperatore agis. Etenim cum plurimis amicitijs fortuna Principum indigeat, præcipuum est Principis opus, amicos parare. Placeat tibi semper hæc secta, & cum alias virtutes tuas, tum hanc constantissimè teneas: nec unquam persuadeatur, <sup>987</sup> humile esse Principi, <sup>988</sup> nisi odisse. Iucundissimum est in rebus humanis amari; sed non minùs amare: quorum utroque ita frueris, ut cum ipse ardentissimè diligas, adhuc tamen ardentius diligaris. Primùm, quia facilius est vnum amare, quàm multos; deinde, quia tibi amicos tuos obligandi adest facultas tanta, ut nemo possit te nisi ingratus, non magis amare. Operæpretium est referre, quod tormentum tibi iniunxeris, nequid amico negares. Dimisisti <sup>989</sup> optimum virum, tibi què carissimum, inuitus & tristis, & quasi retinere non posses. quantum amares eum desiderio expertus es: distractus separatusque, dum cedis & vinceris. Ita quod fando inauditum, cum Princeps & Principis amicus diuersa velletis, id potius factum est quod amicus volebat. O rem memoriæ, literisque mandandam! Præfectum prætorij non ex ingentibus,

bus, sed ex subtrahentibus legere; eundemque otio, quod pertinaciter amet, reddere; cumque sis ipse distentus imperij curis, non quietis gloriam cuiquam inuidere.

<sup>981</sup> ASSENTATIONES.] *Cicero*: Sic habendum est, nullam in amicitij pestem esse maiorem, quam adulationem, blanditiam, assentationem.

<sup>982</sup> PEIOR ODIO.] *Quia falsus amor plus nocet, quam professum odium.*

<sup>983</sup> IN PRINCIPVM.] *In Panegyrico, qui Theodosio dictus*: Ecquis Imperatorum vnquam putauit amicitij cultum in regia laude ponendum? Humilis hæc virtus, dubiumque an virtus, iudicabatur, nec palatij digna, sed periculis habebatur. <sup>984</sup> TV HANC.] *Iterum imitatus idem Panegyristes*: Tu amicitiam, nomen antea priuatum, non solum intra aulam vocasti, sed indutam purpurâ, auro gemmisque redimitam, folio recepitisti. <sup>985</sup> IPSE A MET.] *Apud Senecam*, Hecaton ait: Ego tibi monstrabo amatorium, sine medicamento, sine herbâ, sine vllius veneficæ carmine. Si vis amari, ama. <sup>986</sup> DESCENDIS.] *Vsq̃ueò, ut ægrotantes amicos videret: Ausonius in Gratiarū actione, & Eutropius, quem suprâ dedi.* <sup>987</sup> HUMILE ESSE.] *Quod videatur, quia amicitia inter æquales modo est: at ille eminet super omnes. Sed nempe amicitia parem si non accepit, facit.* <sup>988</sup> NISI ODISSE.] *Quia in odio occultus & degener metus. Generosi autem altique animi, vlcisci eligunt quàm odisse.* <sup>989</sup> OPTIMVM VIRVM.] *Licinium Suram fuisse volunt: sed quo auctore? Mihi promptum vel ex eo arguere, quod hic Sura biennio post, secundum Consul fuit: iterumque quadriennio interiecto, tertium. Quomodo autem, si nunc abiuit, otio & quieti redditus? Sanè alius fuit hic Præfectus, cui & gladium tradidit, cum verbis æternis illis, quæ antè posui: etsi ibi quoque Suram nobis supponunt. Quis igitur alius, ex Victore Saburanum retineo: etsi ignotum mihi hominem, nec in Suranum demuto.*

INTELLIGIMVS Cæsar, quantum tibi pro laboriosâ istâ statione & exercitiâ debeamus, cum otium à te, tanquam <sup>990</sup> res optima, & petatur & detur. Quam ego audio <sup>991</sup> confusione tuam fuisse, cum digredientem prosequereris? profectus enim, nec temperasti tibi quo minùs exeunti <sup>992</sup> in litore amplexus osculum ferres. Stetit Cæsar in illâ <sup>993</sup> amicitij speculâ, precatusque maria, celeremque (si tamen ipse voluisset) recursum: nec sustinuit recedentem non etiam atque etiam votis, lacrymis, sequi. Nam de liberalitate taceo. quibus enim muneribus æquari hæc cura Principis, hæc patientia potest? quâ meruisti, ut ille sibi nimium fortis, ac propè durus videretur? Nec dubito, quin agitauerit secum an gubernacula retorqueret: & fecisset, nisi quod pænè ipso contubernio Principis felicius iucun-

R 2

dusque



diusque est,<sup>994</sup> desiderare Principem. Et ille quidem ut<sup>995</sup> maximâ fructus suscepti, ita maiore depositi officij gloriâ fruitur: tu autem facilitate istâ consecutus es, ne quem retinere videaris inuitum. Ciuile hoc erat, & parenti publico conuenientissimum, nihil cogere: semperque meminisse, nullam tantam potestatem cuiquam dari posse, ut non sit gratior potestate libertas. Dignus es Cæsar, qui officia mandes deponere optantibus; qui petentibus vacationem inuitus quidem, sed tamen tribuas; qui ab amicis orantibus requiem non te relinqui putes; qui semper inuenias, & quos ex otio reuoces, & quos otio reddas. <sup>996</sup> Vos quoque, quos parens noster familiariter inspicere dignatur, fouete<sup>997</sup> sanctè iudicium eius, quod de vobis habet. hic vester labor est. Princeps enim, cum in vno probauit amare se scire, vacat culpâ, si alios minùs amat. Ipsum quidem quis mediocriter diligat? cum leges amandi non det, sed accipiat? hic præsens, ille mauult absens amari: vterque ametur, ut mauult. Nemo in tedium præsentiâ, nemo in obliuionem absentiâ veniat. tenet quisque locum<sup>998</sup> quem semper meruit; faciliusque est, ut oculis eius vultus absentis, quàm ut animo caritas excidat.

<sup>990</sup> RES OPTIMA.] *Quidni optima? meo intimo animo, & Socratis dicto, ἡσυχία καὶ λίσσον κτημέτων: Quies, optima rerum. Adi Senecam nostrum De Brevit. cap. v.* <sup>991</sup> CONFUSIONEM.] *Tristitiam, animi turbationem. utiturque plus semel ita Plinius, & eius ani scriptores.* <sup>992</sup> IN LITORE.] *Hic ergo homo trans mare secessum quærebat, aut in aliquâ insularum.* <sup>993</sup> AMICITIÆ SPECVLÆ.] *In litore eminentiore, unde amicum videret & prosequeretur abeuntem.* <sup>994</sup> DESIDERARE PRINCIPEM.] *Tali virtute & benignitate, ut suavi semper cogitatione delectet. Sed plenius tamen argutiùsque, quod in alijs: desiderare Principem desiderantem. Iucundum in amore, etsi cum morsu, desiderare absentem, à quo scias & te desiderari.* <sup>995</sup> MAXIMA.] *Legendum, ut Liuius, maximo fructu. Quo illo? quod ex Præfeturâ illâ susceptâ gestaque, & opes, & tuam amicitiam, rettulit.* <sup>996</sup> VOS QVOQUE.] *Amici & familiares eius.* <sup>997</sup> SANCTE.] *Ego vellem, sancite.* <sup>998</sup> QVEM SEMPER.] *Videbatur aptius, quem semel promeruit.*

<sup>999</sup> PLERIQUE Principes cum essent ciuium domini, libertorum erant serui: horum consilij, horum nutu regebantur, per hos audiebant, per hos loquebantur, per hos præturę etiam, & sacerdotia, & consulatus, imò & ab his petebantur. Tu libertis tuis<sup>1000</sup> summum quidem honorem, sed tanquam libertis habes: abun-

abundeque sufficere his credis, si <sup>1001</sup>probi & frugis existimentur. Scis enim præcipuum esse indicium <sup>1002</sup>non magni Principis, magnos libertos. Ac primum neminem <sup>1003</sup>in usu habes, nisi aut tibi, aut patri tuo, aut optimo cuique Principum dilectum; <sup>1004</sup>statimque hos ipsos quotidie, deinde ita formas, ut se non tuâ fortunâ, sed suâ metiantur. & tanto magis digni, quibus honor omnis præstetur à nobis, quia non est necesse.

<sup>999</sup>PLERIQUE PRINCIPES.] *Ut Claudius, Galba, Vitellius.* <sup>1000</sup>SYM-  
MVM QUIDEM.] *Apaga, si summum, quid abis à Claudio? Rescribe, suum.*

<sup>1001</sup>PROBI ET FRUGI.] *Quæ notæ & laudes boni serui aut liberti.*

<sup>1002</sup>NON MAGNI.] *Quomodo enim ille magnus, aut sibi fidens, qui tam vilibus se subicit?* <sup>1003</sup>IN VSU HABES.] *Rebus tuis, aut procurationibus præficus.* <sup>1004</sup>STATIMQUE HOS.] *Corruptum est. Fortè, dilectum æstimatumque: hos ipsos cottidie deinde ita formas.*

IVSTISNE de causis S. P. Q. R. OPTIMI tibi cognomen adiecit? Paratum id quidem, & in medio positum: nouum tamen. scias neminem antè meruisse, quod non erat excogitandum, si quis meruisset. An satius fuit <sup>1005</sup>Felicem vocare? quod nō moribus, sed fortunæ datum est. satius Magnum? cui plus inuidiæ, quàm pulchritudinis inest. Adoptauit te optimus Princeps in suum, Senatus in Optimi nomen. Hoc tibi tam proprium, quàm paternum: nec magis definitè distincteque designat, qui Traianum, quàm qui Optimum appellat: ut olim frugalitate Pisones, sapientiâ Lælij, pietate Metelli monstrabantur. quæ simul omnia vno isto nomine continentur: nec videri potest optimus, nisi qui est omnibus optimis, in suâ cuiusque laude, præstantior. Merito tibi ergo; post ceteras appellationes, hæc est addita, ut maior. Minus est enim Imperatorem, & Cæsarem, & Augustum, quàm omnibus Imperatoribus, & Cæsaribus, & Augustis, esse meliorem. Ideoque ille parens hominum deorumque OPTIMI prius, deinde MAXIMI nomine colitur: quod præclarior laus tua, quem non minùs constat optimum esse, quàm maximum. Assecutus es nomen, quod ad alium transire non possit, nisi ut appareat in bono Principe <sup>1006</sup>alienum, in malo falsum: quod licet omnes postea usurpent, semper tamen agnoscetur ut tuum. Etenim ut nomine Augusti admonemur eius, cui primum dicatum est: ita hæc Optimi appellatio, nunquam memoriæ hominum sine te



recurrer, quotiesque posteri nostri optimum aliquem vocare cogentur, toties recordabuntur, quis meruerit vocari. Quantonunc diue Nerua gaudio frueris, cum vides & esse optimum, & dici, quem tanquam optimum elegisti? quàm lætū tibi, quòd comparatus filio tuo vinceris? Neque enim alio magis approbatur animi tui magnitudo, quàm quòd optimus ipse, <sup>1007</sup> nō timuisti eligere meliorem. Sed & tu pater Traiane (nam tu quoque, si non sidera, <sup>1008</sup> proximam tamen sideribus obtines sedem) quantam percipis voluptatem, cum illum <sup>1009</sup> Tribunum, illum militem tuum, tantum Imperatorem, tantum Principem cernis: cumque eo qui adoptauit amicissimè contendis, <sup>1010</sup> pulchrius fuisse genuisse talem an elegisse? Maecte vterque ingenti in rempublicam merito, cui hoc tantum boni contulistis! Licet alteri vestrum filij virtus <sup>1011</sup> triumphalia, cælum alteri dederit: nō minor tamen vestra laus, quòd ista per filium, quàm si ipsi meruissetis.

<sup>1005</sup> FELICEM VOCARE.] *Senecam vide, De Clem. i. cap. xiiii.* <sup>1006</sup> A-  
LIENVM.] *Quia à te transsumptum scilicet.* <sup>1007</sup> NON TIMVISTI.] *Quod fecisse Augustus à quibusdam arguitur. qui Tiberium elègit, vt comparatione pessimā gloriam sibi augetet: Tacitus.* <sup>1008</sup> PROXIMAM TAMEN.] *Supremum aërem, vbi heroës. Lucanus:*

Quodque patet terras inter, Lunæque meatus,  
Semidei manes habitant. quos ignea virtus,  
Innocuos vitâ, patientes ætheris imi  
Fecit.

*Stoïcorum opinio est, ἡρώας εἶναι τὰς ἀπολελειμμένας τῆς ἀθανάτων ψυχάς: Heroas esse, animas, relictis corporibus, sapientum. Ad Senecam plura.*

<sup>1009</sup> TRIBVNVM.] *Ergo sub patre Legato Tribunus filius fuit.* <sup>1010</sup> PVL-  
CHRIVS FVISSE.] *Vellem, fueritne.* <sup>1011</sup> TRIVMPHALIA.] *Initiò: Cum puer admodum Parthicâ lauro gloriam patris auxit.*

SCIO Patres Conscripti, cum ceteros ciues, tum præcipuè Consules oportere sic affici, vt se publicè magis quàm priuatim obligatos putent. Vt enim malos Principes rectius pulchriusque est ex communibus iniurijs odisse, quàm proprijs: ita boni speciosius amantur, ob ea quæ generi humano, quàm quæ hominibus præstant. Quia tamen in consuetudinem vertit, vt Consules publicâ gratiarum actione perlatâ, suo quoque nomine quantum debeant Principi, profiteantur: concedite me non  
pro

pro me magis, munere isto, quàm pro <sup>1012</sup> collegâ meo Cornuto Tertullo C. V. fungi. Cur enim non pro illo quoque gratias agam, pro quo non minus debeo? præsertim cùm indulgentissimus Imp. in concordia nostrâ ea præstiterit ambobus, quæ si tantùm in alterum contulisset, ambos tamen æqualiter obligasset. Vtrumque nostrum ille optimi cuiusque spoliator & carnifex, stragibus <sup>1013</sup> amicorum & in proximum <sup>1014</sup> iacto fulmine afflauerat: iisdem enim amicis gloriabamur, eosdem amissos lugebamus: ac sicut nunc spes gaudiumque, ita tunc communis nobis dolor & metus erat. Habuerat hunc honorem periculis nostris diuus Nerua, ut nos <sup>1015</sup> et si minus, ut bonos, tamen promouere vellet: quia mutati sæculi signum & hoc esset, quod florerent, quorum præcipuum votum antè fuerat, ut memoriæ Principis <sup>1016</sup> elaborerentur. <sup>1017</sup> Nondum biennium compleueramus in <sup>1018</sup> officio laboriosissimo & maximo, cùm tu nobis optime Principum, fortissime Imperatorum, Consulatum obtulisti, ut ad summum honorem gloria celeritatis accederet. Tantum inter te & illos Principes interest, qui beneficijs suis commendationem <sup>1019</sup> ex difficultate captabant, gratioresque accipientibus honores arbitrabantur, si prius illos desperatio & tædium, & similis repulsæ mora, <sup>1020</sup> in notam quandam pudoremque vertissent. Obstet verecundia, quò minus percenseamus, quo vtrumque nostrum testimonio ornaris: ut amore recti, amore reipublicæ, priscis illis Consulibus æquaueris: merito necne, neutram in partem decernere audeamus. quia nec fas est affirmationi tuæ derogare; & onerosum, confiteri vera esse, quæ de nobis, præsertim tam magnifica, dixisti. Tu tamen dignus es, qui eos Consules facias, de quibus possis ista prædicare. Tribuas veniam, quòd inter hæc beneficia tua gratissimum est nobis, quòd nos rursus collegas esse voluisti. Ita caritas mutua, ita congruens tenor vitæ, ita vna eademque ratio propositi postulabat: cuius ea vis, ut morum similitudo concordie nostræ gloriam minuat, ac perinde sit mirum, si alter nostrum à collegâ, ac si à se ipso dissentiat. Non ergo temporarium & subitum est, quòd vterque collegæ Consulatu, tanquam <sup>1021</sup> iterum suo gaudet; nisi quòd.



quod tamen qui rursus Consules fiunt, bis quidem, sed temporibus diuersis obligantur: nos duos Consulatus accipimus simul, simul gerimus, alterque in altero Consules, sed iterum & pariter sumus.

<sup>1012</sup> COLLEGA MEŌ. ] *Vide epistolam xv. libri v.* <sup>1013</sup> AMICORVM. ] *Heluidij, Rustici, Senecionis, Maurici, plurium: quos in Epistolis ipse nominat, casos aut pulsos à Domitiano.* <sup>1014</sup> IACTO FVLGINE. ] *Ipse in epistolis pariter: Tot circa me iactis fulminibus quasi ambusus, mihi quoque impendēre idem exitium certis quibusdam notis augurabar.* <sup>1015</sup> ET SI MINVS. ] *Hac in vitio sunt, agrē sine libris tollendo. Nitebar: etsi minūs notos, vt bonos. Pro virtute, non ex amicitia promouit. Quibusdam etiam libris mox illud, tamen, abest.* <sup>1016</sup> ELABERENTVR. ] *Ne noti & cogitati, periclitarentur.* <sup>1017</sup> NONDVM BIENNIVM. ] *Quando igitur, aut à quo, electi ad hoc officium? Vt hac verba palam volunt, à Neruā. Atquin epistolam Plinij video, quæ repugnat, & ad Traianum ipsum refert. Ita enim tertia epistola, lib. x. habet: Vt primum me domine indulgentia vestra promouit ad Præfecturam ærarij Saturni. Satin' hoc clarē ad Traianum? Respondeo, vestram indulgentiam ibi legi, non Tuam: itaque ad vtrumque referendum, & Neruam & Traianum. Sic enim in epist. viii. Postea curis delegati à vobis officij retentus: de ipso hoc officio, & de vtroque illo auctore. Neque enim temere hoc numero ad Traianum solum vti solet. Meo igitur iudicio, electus Plinius cum Tertullo ad hoc munus, adoptato iam Traiano & imperij consorte: atque ita vtrumque (etsi Traianus absens) promotorem agnoscit. Hoc euēnit paucis ante Neruæ obitum septimanis, an mensibus: nec opinor, etsi designatos, munus obijisse ante Ianuarium mensem. Benè ergo hic, nondum biennium in officio expletum: quia Consulatus ei oblatus (ita & hic loquitur) ante Ianuarium mensem. Oblatus inquam à Principe, qui reuera solus faciebat Consules: sed postea tamen in Senatu suffragiorum aliqua species, & in campo comitiorum. vt sequentia declarant; quæ vide ne aliter acceperis, & ne te fallant.* <sup>1018</sup> OFFICIO LABORIOSISSIMO. ] *De quo ipse epist. x. lib. i. Distringor officio, vt maximo, sic molestissimo. Sedeo pro tribunali, subnoto libellos, conficio tabulas, scribo plurimas, sed illiteratissimas, litteras. Post quam epistolam tamen mortem Verginij Rusti memorat: quæ diu anterior. vt appareat, seriem temporum, in disponendis illis, non ubique seruatam.* <sup>1019</sup> EX DIFFICVLTA TE. ] *Ars nec ignota nostris Aulicis, quibus hoc vitium est (cum Senecā dicam) ambitione prauā differendi promissa, ne minor sit rogantium turba. Plura ille de hoc genere, II. De Benef. cap. v.* <sup>1020</sup> IN NOTAM. ] *Ignominiam.* <sup>1021</sup> ITERVM SVO. ] *Non quod alteruter antè Consul: sed acumen est, quod vterque in collegæ Consulatu videatur sibi Consul. Itaque bis, & eodem tempore atque anno.*

I L L V D verò quàm insigne? quod nobis Præfectis ærario Consulatum antè, quàm successorem dedisti. Aucta est dignitas dignita-

dignitate, neque continuatus tantum, sed geminatus est honor: finemque potestatis alterius, tamquam parum esset excipere, <sup>1022</sup>præuenit. Tanta tibi integritatis nostræ fiducia fuit, ut non dubitares te saluâ diligentiæ tuæ ratione esse facturum, si nos post maximum officium <sup>1023</sup>priuatos esse non sineres. Quid, quod <sup>1024</sup>eundem in annum Consulatum nostrum contulisti? Ergo non alia nos <sup>1025</sup>pagina, quàm te Consulê accipiet, & nostra quoque nomina addentur Fastis, quibus ipse <sup>1026</sup>præscriberis. Tu comitijs nostris <sup>1027</sup>præsidere, tu nobis sanctissimum illud <sup>1028</sup>carmen præire dignatus es, <sup>1029</sup>tuo iudicio Consules facti, tuâ voce <sup>1030</sup>renunciati sumus: ut idem honoribus nostris suffragator in curiâ, in campo declarator existeres. <sup>1031</sup>Nam quod eum potissimum mensem attribuisti, quem tuus natalis exornat, quàm pulchrum nobis! quibus <sup>1032</sup>edicto, quibus <sup>1033</sup>spectaculo <sup>1034</sup>celebrare cõtinget diem illum, <sup>1035</sup>triplici gaudio lætum: qui Principem <sup>1036</sup>abstulit pessimum, <sup>1037</sup>dedit optimum, meliorê optimo <sup>1038</sup>genuit. Nos <sup>1039</sup>sub oculis tuis <sup>1040</sup>augustior solito <sup>1041</sup>currus accipiet, nos inter <sup>1042</sup>secunda omina & vota certantia, quæ præsentî tibi cõferentur, vehemur alacres, & incerti <sup>1043</sup>ex utrâ parte maior auribus nostris accidat clamor. Super omnia tamen prædicandum videtur, quod pateris Consules esse quos fecisti. quippe nullum periculum, nullus ex Principe metus, consulares animos debilitat & frangit: nihil inuitis audiendum, nihil coactis decernendum erit. Manet manebitque honori veneratio sua, nec <sup>1044</sup>securitatem auctoritate perdemus. Ac siquid fortè ex Consulatus fastigio fuerit diminutum, nostra hæc erit culpa, non sæculi: licet enim quantum ad Principem, licet tales Consules agere, quales ante Principes erant. Vllâmnè tibi pro beneficijs referre gratiam parem possumus? nisi tamen illam, ut semper nos meminerimus Consules fuisse, & <sup>1045</sup>Consules tuos. Ea sentiamus, ea censeamus, quæ consularibus digna sunt. Ita versemur in repub. ut credamus esse rem publicam. non consiliû nostrum, non operam subtrahamus: nec disiunctos nos, & quasi <sup>1046</sup>dimissos Consulatu, sed quasi astrictos & deuinctos putemus: <sup>1047</sup>eundemque locum laboris & curæ, quem reuerentiæ dignitatisque, teneamus.



<sup>1022</sup> PRÆVENIT.] *Non ipse Consulatus, quem tardiùs gesserunt: sed ipsa designatio.* <sup>1023</sup> PRIVATOS ESSE.] *Non quòd reuera designati magistratus, iam magistratus sint: sed quodammodo, & quia dignitatis suæ iam securi & certi.* <sup>1024</sup> EVNDEM IN ANNUM.] *Nihil deest, nec muto. Eundem in annum, nempe in quem tuum contulisti.* <sup>1025</sup> PAGINA.] *Fastorum.* <sup>1026</sup> PAÆSCRIBERIS.] *Benè. in eius nēpe capite, ut primus anni Consul: & nos suffecti tum, ex ordine.* <sup>1027</sup> PRÆSIDERE.] *Hæc iam post oblatum Consulatum facta, ut tetigi: & dicis causâ, comitia velut habita: præseditq; ijs Consul Traianus.*

<sup>1028</sup> CARMEN.] *De quo suprà: Perpeffus es longum illud comitiorum carmen.* <sup>1029</sup> TVO IVDICIO.] *Commendatione & suffragio, in Senatu.*

<sup>1030</sup> RENVNCIATI.] *Declarati, in campo. Obserua ordinem tunc comitialē.*

<sup>1031</sup> NAM QVOD EVM POTISS.] *Mihi nihil clarius aut verius. vir tamen doctus nuper ex vet. codice legit & emendat, nam quod eos, & mox menfi. Eos, inquit, nempe honores. Quid opus est nebulam suffundere? sentētia liquida: Dediisti nobis eum mensem (nempe Septembrem) in quo celebritas & decus adijci posset nostro Consulatu. Quia ex Kalendis Septembribus designati, in Nouēbres.* <sup>1032</sup> EDICTO.] *Quo festiuitas Natalis tui indicabitur, itemq; in eo ludi.* <sup>1033</sup> SPECTACVLO.] *De more, iam inde ab Augusto. Nam eius natalem annuis Circensibus, idq; decreto in perpetuum, celebratum, Dio tradit lib. LIIII. & LV. Suetonius, Tiberium per modestiam omisisse, & natalem suū, plebeijs Circensibus intercurrentem, vix bigæ vnus adiectione passum honorari. Sed alij deinde fecerunt, & plura exempla.* <sup>1034</sup> CELEBRARE.] *Frequentem reddere. Diuus Maximus, in Natali Dominico: Latitia quanta sit, quantusq; concursus, cū Imperatoris mundi istius natalis celebrandus est, benè nostis: & plura, quæ addit.* <sup>1035</sup> TRIPlici GAUDIO.] *Mirus satis, & à fato concursus.* <sup>1036</sup> ABSTVLIT.] *Domitianum. qui mortuus XIIII. Kal. Octobr.* <sup>1037</sup> DEDIT.] *Neruum, illo ipso die lectum Principem.* <sup>1038</sup> GENVIT.] *Traianum.* <sup>1039</sup> SVB OCVLIS.] *Cū sis in vrbe, te spectante & sedente.* <sup>1040</sup> AVGVSTIOR SOLITO.] *Quia hætenus Tribuni, inquit, aut Prætores: at nunc Consules in sellâ altiore, & curuli. Logi, ut statim dicam: nunc illud, vid. ri rescribendum augustiores. Ipsi, qui sic vehuntur, crescere videntur, & maiestatem ab illo splendore assumere. Quod si de curru tamen, & augustior placet: benè, augustior vulgaribus, quia triumphalis.* <sup>1041</sup> CVRRVS.] *Ipse currus, non sella curulis. Mos verò sic habet. Circenses istos Prætor aut Consul edebat: atque is curru sublimis, & in habitu triumphali. Iuuenalis:*

Quid, si vidisset Prætozem in curribus altis  
Exstantem, & medio sublimem in puluere Circi,  
In tunicâ Iouis, & pictæ Sarrana ferentem  
Ex humeris aulæ togæ?

*En Prætozem tibi in curru, in Circo, in veste triumphali. Symmachus lib. VI. epist. XLI. Illud ante omnia interpretatio tristis horrescit, quòd natali vrbis suffectum Consulem, currus quo vehabatur euoluit, per ferociam bigarum, quæ triumphum vehabant. Tacitus 1. Annal. de Tribuni plebis, qui*

*quæ Augustalia celebraturi: Curru vehi, haud permissum: ne scilicet Consulibus aut Prætoribus æquarentur. Vide me ibi. Possit tamen etiam simpliciter aptari adritum, quo primo die Consules in curru vehébantur sublimes. Cassiodorus lib. 11. epist. 11. Celsos currus (sic legendum) nisi confidentia magna non appetit. Et mox: Respice te supra omnium humeros, atque ora volitare: quæ omnia ad Consulem designatum scribuntur. Ammianus lib. xxv. Adhibito in societatem trabeæ Varroniano filio, admodum paruulo. cuius vagitus pertinaciter reluctantis, ne in curuli sellâ veheretur, ex more; id quod mox accidit, portendebat. Sed fortasse magis nouitijs iste mos.* <sup>1042</sup> SECUNDA OMINA.] *Leta tibi nobisq; precantium.* <sup>1043</sup> EX VTRA PARTE.] *Ex utro latere Circi.* <sup>1044</sup> SECVRITATEM AVCTOR.] *Id est, nec periclitabimur, si auctoritatem loci magistratúsque tenebimus: ut antè sub tyrannis.* <sup>1045</sup> CONSVLES TVOS.] *A te tali creatos, quod est super ipsum Consulatum.* <sup>1046</sup> DIMISSOS.] *Quasi iam ultra non opus vacare reip. ut emeritos, & rude donatos. quia scilicet culmen honorû scandimus.* <sup>1047</sup> EVNDEMQUE LOCVM.] *Primum scilicet. sicut in reuerentiâ & dignitate primi sumus, iam Consulares: ita & in labore curaque simus.*

IN fine orationis præfides custodesque Imperij deos, ego Consul pro rebus humanis, ac te præcipuè Capitoline Iupiter, precor, ut beneficijs tuis faueas, tantisque muneribus addas perpetuitatem. Audisti quæ malo <sup>1048</sup> Principi precabamur, exaudi quæ pro dissimillimo optamus. Non te distringimus votis. non enim pacem, non concordiam, non securitatem, non opes oramus, non honores: simplex cunctaque ista complexum <sup>1049</sup> vnum omnium votum est, SALVS PRINCIPIS. Nec verò noua tibi iniungimus. tu enim iam tunc illum in tutelam recepisti, cum prædonis auidissimi faucibus eripuisti: neque enim sine auxilio tuo, cum altissima quæque quaterentur, hic, qui omnibus excelsior, inconcussus stetit. præteritus est à pessimo Principe, qui præteriri <sup>1050</sup> ab optimo non potuit. Tu clara iudicij tui signa misisti, cum proficiscenti ad exercitum <sup>1051</sup> tuo nomine, tuo honore cecisti. Tu voce IMPERATORIS quid sentires locutus, filium illi, nobis parentem, tibi Pontificem maximum elegisti. Quo maiore fiduciâ, ijsdem illis votis quæ ipse pro se nuncupari iubet, oro & obtestor, si bene remp. si ex vtilitate omnium regit, primum ut illum nepotibus nostris ac pronepotibus serues; deinde ut quandoque successorem ei tribuas quem genuerit, quem formauerit, similemque fecerit <sup>1052</sup> adoptato; aut si hoc Fato negatur, in consilio sis eligenti, monstresque aliquem quem adoptari in Capitolio deceat. Vobis P. C. quantum

S 2      debeam,



debeam, <sup>1053</sup> publicis etiam monumentis continetur. vos mihi in Tribunatu quietis, in Præturâ modestiæ; vos in istis officijs etiam quæ <sup>1054</sup> è studijs nostris circa tuendos socios iniunxeratis, cuncti constantiæ antiquissimum testimoniû perhibuistis. vos proximè destinationem Consulatus mei his acclamationibus approbauistis, vt intelligam etiam atq; etiam enitendû mihi, vt hunc consensum vestrum complectar & teneam, & in dies augeâ. Etenim memini tunc verissimè iudicari, meruerit quis honorem, necne, <sup>1055</sup> cûm adeptus est. Vos modò fauete huic proposito, & credite. si <sup>1056</sup> cursu quodam <sup>1057</sup> prouectus ab illo insidiosissimo Principe, antè quàm profiteretur odium bonorum, postquàm professus est, substiti; cûm viderem quæ ad honores <sup>1058</sup> compendia paterent, longius iter malui; si malis temporibus inter mæstos & pauentes, bonis inter securos gaudentesq; numeror; si denique in-tâtum diligo optimum Principem, inquantû inuisus <sup>1059</sup> pessimo fui. Ego reuerentiæ vestræ sic semper inseruiâ, non vt me <sup>1060</sup> Consulê, & mox Consularê, sed vt <sup>1061</sup> candidatû Consulatus putem.

<sup>1048</sup> PRINCIPI PRECABAMVR.] *Aptius, imprecabamur, litterâ finali geminatâ. Est autem de Domitiano.* <sup>1049</sup> VNVM OMNIVM VOTVM.] *Vide Suetonium in Aug. cap. LVIII. Senecam de Clem. 1. cap. XIX. Martialis illud nec absimile, ad Iouem:*

Nil pro me mihi Iupiter petenti,  
Ne succensueris, velut superbo.  
Te pro Cæsare debeo rogare,  
Pro me debeo Cæsarem rogare.

<sup>1050</sup> AB OPTIMO.] *In eligendo, & adoptando.* <sup>1051</sup> TVO NOMINE.] *Imperatoris, vt explicauit sub initium: Omnis turba, quæ limen infederat, te consalutauit Imperatorê. Et Iupiter communiter sic agnominatus. Plautus: Qui est imperator diuûm atque hominum Iupiter.* <sup>1052</sup> ADOPTATO.] *Sibi.* <sup>1053</sup> PVBLICIS MONVMENTIS.] *Actis Senatus, vbi elogia super Plinio.*

<sup>1054</sup> E STUDIIS.] *Eloquentiæ, & forensium causarum.* <sup>1055</sup> CVM ADEPTVS EST.] *Veteri dicto, ἡ ἀπὸ τοῦ ἀρδεῖ δεικνύει: magistratus virum probat.*

<sup>1056</sup> CVRSV QVODAM.] *Sive, quondam.* <sup>1057</sup> PROVECTVS.] *Ad Tribunatum & Praturam: epist. XI. lib. III.* <sup>1058</sup> COMPENDIA.] *Per malas artes, & delationes.* <sup>1059</sup> PESSIMO FVI.] *Videtur pendere tota hæc periodus: nec tamen pendet. Modus ita rogandi est, Si hoc feci, dixi, &c. fauete & credite.*

<sup>1060</sup> CONSVLEM.] *Qui nunc hæc dico.* <sup>1061</sup> CANDIDATVM.] *Qui obnoxij semper, reuerentes supplices. Finem meum scribendi habeo. vtinam illum alterum, vt legant, capiant, audiantq; hæc Principes, cum aeterno suo & publico bono: Da ô tu Acterae.*

## A P P R O B A T I O.

**D**ISSERTATIVNCVLA I. LIPSII apud PRINCIPES, *quòd erudita sit & Christianæ consentanea pietati, quæ superiores non potestate dominante, sed Charitate seruiente felices verè prædicat, digna est quæ typis excudatur ac diuulgetur. Item, de Plinij Panegyrico eiusque Commentario: luce hanc lucem dignam censeo.*

Gulielmus Fabricius Nouiomagus, Apostolicus  
ac Archiducalis librorum Censor.



## P R I V I L E G I V M C Æ S A R E V M.

**R**VDOLPHVS SECVNDVS diuina fauente clementia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatia, Sclauoniæ Rex, Archidux Austriæ, Dux Burgundiæ, Stiriæ, Carinthiæ, Carniolæ & Wirtembergæ, &c. Comes Tirolis, &c. Nostro & Sacri Imperij fideli dilecto I V S T O L I P S I O gratiam nostram Cæsaream. Postquam inter alia, quæ DEVS immortalis hominibus liberali manu dedit dona, illustria inprimis illa & quasi diuina sunt, quæ in litteris liberalibusque disciplinis consistunt, quibus scilicet homines non tantum ab animalibus ceteris rationis expertibus, sed à rudi etiam & imperito hominum vulgo ita distinguuntur, ut tanquam Dij quidam splendescere in terris videantur: rem sanè præclaram seque dignam illi præstant, qui diligentem iis ipsis in litteris ac disciplinis operam ponunt; præclarissimam verò & Reipub. vtilissimam, qui eas ita excolunt, ut aliorum menti docendo, scribendo lumina præferant, eosque ex ignorantiae tenebris quasi manu educant. Quos excitare, quos amare atque animare ad dignitatis nostræ munus, ad quod Diuino vocati beneficio, concessuque sumus, inprimis pertinere existimamus. Cum itaque ab iis, quorum nobis spectata fides, qui que iudicare de Litteris possint, acceperimus, insignes te animi ingenii que tui dotes tibi à natura insitas à primis temporibus ætatis tuæ ita litterarum ac disciplinarum studiis excoluisse atque exornasse, ut olim iuuenilibus adhuc annis præclara florecentis minimeque vulgaris eruditionis specimina præbueris, dum obscura in antiquis scriptoribus loca, quæ quædam tanquam lustra erant, illustrasti, quæque in iis iniuria temporum deprauata & corrupta fuerunt, restituisisti, dum vetusta Latine antiquitatis rudera in nouam subinde structuram singulari artificio eleganter conuertisti: ad exquisitam adeò & raram doctrinam, quæ magnam de te apud doctos quosque viros opinionem excitauit, peruenisse, eamque variis abs te libris acri & graui cum iudicio scriptis atque in lucem editis ostendisse, ut in eo quod tam feliciter tractes scriptionis genere paucos tibi pares hodie reperire sit: iam verò matura te ætate virum, viro magis magisque digna, & viris doctis grata ac Reipub. vtilia scribere, quæque à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue verseris, flores colligere, concinnare, quibus Lectores mirificè recrees, & eorum pectus ad prudentiam, probitatemque informes: haudquaquam prætermittere voluimus, quin Reipub. ad quam hæc abs te ornamenta conferuntur, causa, Cæsareo te nostro elogio decorandum, & quamuis per te satis ipse animatus sis, animandum magis patrocinioque nostro defendendum pro benigna nostra in te susciperemus voluntate. Quoniam verò lucubrationibus atque operibus tuis in lucem edendis, peculiarem te eligere velle Typographum, accepimus, Diplomate hoc nostro priuilegioque te & Typographum tuum aduersus quorumcumque fraudem, qui lucri causa, quod fieri solet, eadem excudere aut typis imitari tortè velint, munitos cupimus. Quamobrem pro auctoritate nostra Cæsarea decernimus,

imus, statuimus, veramusque, ne quis Typographorum, Bibliopolarum, aut aliorum, qui librariam negotiationem exercent, eos libros, quos tu edituruses, quocunque modo, charactere, aut forma, siue integros, siue aliquam eorum partem typis imitari, edere, excudere, aut venundare intra sacri Romani Imperij, Regnorumq; ac Dominiorum nostrorum hæreditariorum fines triginta annis proximis à primo editionis die computandis, absque tuo tuorumve hæredum consensu audeat: Hac autem lege addita, vti tria vt minimùm cuiusque libri exemplaria, quemadmodum moris est, ad Imperialem nostram Cancellariam mittantur. Si quis verò edictum hoc nostrum transgredi, violare, aut contemnere deprehensus fuerit, eum non solùm eiusmodi libris, tibi, hæredibúsue tuis, auxilio Magistratus, vbicunq. reperti fuerint, vendicandis, priuari, sed triginta etiam Marcharum auri puri mulcta, cuius semissis quidem Fisci nostri Procuratori, fraudis vindici: alter verò semissis, tibi hæredibúsue tuis pendatur, puniri volumus. Mandantes vniuersis & singulis nostris & sacri Romani Imperij subditis & fidelibus dilectis, tam Ecclesiasticis quàm Politicis, cuiuscunque status, gradus aut ordinis extiterint, præsertim verò iis, qui in Magistratu constituti, vel suo vel superiorum suorum loco aut nomine, ius dicunt, iustitiæue exercent, ne quemquam hoc Priuilegium nostrum impunè violare, spernere aut negligere patiantur: Sed, si quos contumaces compererint, constituta à nobis mulcta, eos puniri & quibuscunque modis coërceri curent, ni & ipsimet grauissimam nostram in se conuertere indignationem velint. Id quod hoc Diplomate, manu nostra subscripto, & Cæsarei nostri sigilli impressione munito, confirmamus. Datum in arce nostra Regia Pragæ, die prima mensis Augusti. Anno Domini Millesimo, Quingentesimo, Nonagesimo secundo: Regnorum nostrorum Romani decimo septimo, Hungarici vigesimo, & Bohemici itidem decimo septimo.

*Subsign.*

RVDOLPHVS.

Iacobus Curtius à Senfftenaw.

*Ad mandatum sacra Cæsarea M<sup>ti</sup>s proprium.*

Io. Baruitius.

*Additum sigillum Cæs. M<sup>ti</sup>s in cerâ rubrâ.*



SVMMA PRIVILEGII REGII.

**P**HILIPPVS Dei gratia Hispaniarum, &c. Rex Catholicus, diplomate suo sanxit, nequis, Iusti Lipsij Historiarum in alma Vniuersitate Louaniensi Professoris, & item Historiographi sui libros quoscunque, à Censoribus legitimis approbatos, præter ipsius, heredumve eius, voluntatem, intra triginta annos à prima singulorum librorum editione computandos imprimat, aut alibi terrarum impressos, in has inferioris Germaniæ ditiores importet, venalesve habeat. Qui secus faxit, præter librorum confiscationem triginta marcharum auri puri illatione mulctabitur. Vti latius patet in litteris, datis Bruxellæ XIV. Febr. M. D. XCVII.

Signat.

*Verreycken.*

**T**Ibi JOANNES MORETE, pro amicitia qua mihi cum Plantino (heu, quondam meo) & Plantinianis est ac fuit, tibi, inquam, permitto, uti DISSERTATIONCVLAM meam apud PRINCIPES, una cum COMMENTARIO in PLINI PANEGYRICVM, typis tuis excudas ac diuulges. Nequis alibi alius præter te, cupio siue iubeo, ex lege quam magnus Cæsar & Rex meus dixerunt.


Iustus Lipsius.

A N T V E R P I Æ,  
EX OFFICINA PLANTINIANA,  
APVD IOANNEM MORETVM.

M. DC. IIIL.











17 9 me







SPECIAL  
93-B  
13928



